

51  
c

BIBLIOTECA NAZIONALE

XXVI\*

A

41

NAPOLI

3

3

112

U

112

116

a

• 115



DE  
**LINGVAE LATINAE**  
IN  
**GERMANIA**

PER  
XVII SAECVLA AMPLIVS

**FATIS**

AB IPSO TEMPORE  
ROMANORVM  
ARMA ET COMMERCIVM  
NON NVLLVM EIVS VSVM  
INTVLERVNT,



AD NOSTRAM VSQVE AETATEM,  
**COMMENTARII,**

AVCTORE  
**IACOBO BURCKHARD,**  
SVLZBACO-PALATINO.

*Et pius est patrie facta referre labor.*

---

HANOVERAE,  
**APVD NICOL. FOERSTER,**  
clō 1800 XIII.

RECEIVED

1917

NOV 13 1917

2 3 4 5 6 7 8 9 10 11 12

THE  
OFFICE OF THE  
SHERIFF  
COUNTY OF  
ALABAMA  
TUSCALOOSA

RECEIVED

NOV 13 1917

2 3 4 5 6 7 8 9 10 11 12

THE

OFFICE OF THE

SHERIFF

V I R O

*ILLVSTRI ATQVE EXCELLENTISSIMO*

HENRICO CHRISTOPHORO  
H A T T O R F F,

SERENISSIMI AC POTENTISSIMI  
BRVNSVIC. ET LVNEB.

E L E C T O R I S

AVLAE ATQVE SENATVS  
ECCLESIASTICI

CONSILIARIO GRAVISSIMO

IACOBVS BVRCKHARD.



Vum magni cuius-  
dam & auctoritate  
pollentis viri Patroci-  
nium, cui meos de  
Linguae Latinae in  
Germania Fatis Commentarios v-  
a 2 sita-

## DEDICATIO.

fitato inter eruditos more offerrem,  
 circumspicere coepissem, haud ob-  
 scura statim TVA in me beneuo-  
 lentia tale suggerere mihi videba-  
 tur. TE certe eius, cuius studia quin-  
 quennium amplius insigni fauore  
 complexus sis, opusculum a Patro-  
 cinio TVO haud exclusurum esse,  
 sperabam: praesertim quum gra-  
 uissimas omnino Illustri Nomini  
 TVO illud dedicandi causas ha-  
 bere mihi viderer. Primum enim  
 ipsum opusculum subcisiuis horis  
 domi TVAE maximam partem  
 est elaboratum; in quo conficien-  
 do instructissima atque nitidissima  
 Bibliotheca TVA, quæ dies noctes-  
 que mihi adhuc patuit, vsui fuit  
 singulari. Deinde intelligentem  
 TE Latinitatis existimatorem, ac  
 summum Romani sermonis Pa-  
 tronum, cognoui; cuius cultum  
 præ-

## DEDICATIO.

præter Sæculi nostri morem dilectissimis Filiis TVIS commendare numquam intermittis: & quo sedulo ipsos a me voluisti adhuc institutos. Iustis atque magnis hisce causis plurima alia collata in me beneficia accedunt: quorum re ipsa memorem me cognoscere, quam pluribus verbis ea a me prædicari, TE malle, cognitum satis habeo atque perspectum. Commemoratae hætenus causæ, cur Commentarios meos Tibi potissimum dedicandos putauerim, VIR EXCELLENTISSIME, tam graues mihi videntur, vt vel singulæ hæsitantem me ad conandum adducere valuissent. Quare in minus exiguam spem venio, fore, vt istos tamquam publicum summæ in TE obseruantiaæ meæ testimonium, gratique & beneficiorum

a 3

rum

# DEDICATIO.

rum haud immemoris animi indicium, benigne accipiens, conatum meum æqui bonique consulas. Optime cum prænobili Familia vale, res TVAS Ecclesiæ atque Reipublicæ commodo ex sententia porro gere ; & beneuolentiam TVAM, qua alienigenam me adhuc fouisti, conserua. Scribebam Hanoueræ, in ædibus TVIS, a. d. XVI Kalendas Martias cio io cc xiii.

PRAEFATIO



# P R A E F A T I O

AD

LECTOREM.

**N**ihil tam stabile, tamque firmum  
esse in rerum vniuersitate, quod  
non crebris mutationibus sit  
obnoxium, ab optima illa vitæ nostræ  
magistra, ac vetustatis nuntia, Historia,  
dilucide maxime edocemur. cui quoti-  
dianus vsus accedit; qui humanarum  
rerum naturam ita comparatam esse,  
confirmat, vt, si quid ad summum cun-  
ctanter satis adscenderit fastigium, cita-  
to plerumque gradu ad imum iterum  
reueluatur. *Sermonem Latinum* vna  
cum Romanorum Eloquentia ex tot  
grauissimis testibus, quibus illud com-  
probari potest, solum in præsentia ad-  
ducam: vtpote qui eadem vsus est for-  
tuna, qua Imperium, cuius fidelissimus  
per bene multa sæcula socius fuit, vsum  
esse nouimus. Enimuero *oratorum*

## PRAEFATIO.

*laus ita ducta ab humili venit ad summum, ut Ciceroni iam senescere, breuique in nihilum ventura videretur (a); siquidem naturam in omnibus rebus ferre id, perspectum satis habebat. Accidit certe, ut, quum subito alia cadere cœpissent in ciuitate, ipsa etiam eloquentia obmutesceret (b); Et infusa in urbem peregrinitate, nullum quoque veteris leporis appareret vestigium (c). Quod si Cicero-  
nis etate id iam contigit; circa quam, M. An. Senecæ (d), quicquid Romana facundia habuit umquam, quod insolenti Græciæ aut opponere, aut præferre potuit, effloruisse, visum est: quid, quæso, temporibus, ætatem istam insequentibus, euenisse, arbitremur? Rem nimirum in deterius quotidie datam deinceps esse, ipsi Romani profiteri necesse habuerunt (e): quum non ita multo post Augusti tempora eloquentiam se perdidisse deprehenderant. quandoquidem um-*  
*brati-*

(a) Tusculan. Quæstion. lib. II, c. 2.

(b) Cic. in Bruto, cap. 5.

(c) id. Epist. ad familiar. lib. IX, ep. 15.

(d) Controuers. lib. I, præm.

(e) ibid.



## PRAEFATIO.

*bratici doctores leuibus atque inanibus sonis ludibria quaedam excitando effecerant, ut orationis corpus enervaretur atque caderet (f). Eo denique, quis putaret, res circa Valentiniani ac Valentis tempora in Vrbe deducta est, ut detestantes, velut venena, doctrinas, Iuvenalem & Marium Maximum curatiore studio legerint; nulla volumina prater hac in profundo otio contrectantes (g).*

Quibus fatis *Latinus sermo* sit iactatus; quemadmodum *peregrina verba* ex omnibus prope gentibus, ut homines, ut instituta etiam multa, in Latium, siue Romam venerint (h): & qua ratione *septemtrionales populi* victricia ubique arma circumferentes vniuersum fere Italiae cultum ita demum sustulerint, ut

a 5

ipfa

(f) Petron. Arbitt. Satyr. init.

(g) Ammian. Marcell. lib. XXVIII, c. 4. pag. 576, ed. Lugd. Bat. an. 1693, 4. Quemadmodum *integerrima eloquentiae forma* sensim obsoleuerit, Franc. Vauassor luculenter admodum demonstrauit in oratione, quam *pro vetere genere dicendi contra nouum* habuit, quae inter orationes miscellae tertia est, operum coniunctim nuper Amstelodami editor. pag. 201, seqq.

(h) Quintiliani Institut. orat. lib. I, c. 5.

# PRAEFATIO.

ipsa deuicta demum ab iis atque subacta Roma in *barbariem* delaberetur, pluribus verbis persequi nihil attinet. Actum omnino agerem, si facere id instituerem, postquam clarissimi viri dudum id praestitere: *M. Ant. Sabellicum* (i) puto, *Carolus du Fresne* (k), *Melch. Inchofer* (l), *Olaus* (ll), atque *Andream* (m), *Borrichios*, *Christoph. Cellarium* (n), *Dan. Georg. Morhofium* (o), *Io. Alb. Fabricium* (p), alios, quorum numero etiam, *Dau. Peiferus*, *Gasp. Scioppius*, *Gerb. Io. Vossius*: qui singuli de *Latinae linguae fatis ac diuersis etatibus* vniuerse, & quidem fute fatis atque eruditissime commentati sunt. Illo scilicet tempore, quo *Gotbi* in primis & *Langobardi* crudele,

(i) in Dialogo de Latinae linguae reparatione, Neap. Nemet. an. 1617, 8.

(k) in Praefatione Glossarii Lat.

(l) Historia Sacrae Latinitatis, Monach. an. 1638, 8.

(ll) Cogitationibus de variis linguae Latinae etatibus, Hafn. an. 1675, 4.

(m) Vindiciis Latinitatis purioris, Hafn. 1706, 8.

(n) Dissertatione de Fatis linguae Latinae Hal. 1701, 4. & in Prolegom. Curarum posterior. de Barbarismis.

(o) Polyhistoris Litterarii lib. IV, cap. II, seqq.

(p) Bibliotheca Latina, Hamb. an. 1708, 8.

## PRAEFATIO.

dele atque exitiosum maxime bellum Italiae intulerunt, imperii sede occupata; *imperiosam quoque linguam* conticuisse tandem ubique, & obmutuisse fere penitus, constat; barbaris ad sui idiomatis modulum ac mensuram eam detorquentibus. quæ quum tot populis metum prius incussisset, cur *terribilem* ipsam appellarint, causas habuisse mihi videntur non adeo iniustas.

*Novem* circiter post populorum istorum in Italiam aduentum præterierant *secula*, quum paucis oppido Latini, eiusque puri ac elegantis, sermonis studium, & ex ruinis, quibus opprimebatur, reparandi cura fuerat. Nam licet plerique *Gothorum Reges Romanae linguae fautores* fuisse dicantur (q); quippe qui sine huius cultu imperii, quod occupauerant, maiestatem difficulter se retenturos censuerant: *Langobardos* tamen omnem eiusdem linguae cultum, quantusquantus Gothis dominantibus Italiae relictus videri poterat, sustulisse paullo post, quis ignorat? sub quibus videlicet *aliam linguam*

(q) Melch. Inchofer Histor. S. Latinitatis lib. II, c. 6.

## PRAEFATIO.

*quam* accepit *Italia*, quæ vocabulis quidem Latina videbatur, sed barbarorum depravatione & noua flexione, admistis etiam nouis, peregrinam formam induerat; posteaquam a Gothis corrumpi iam cœperat atque dilacerari (r). Licet vero etiam vrbs Roma, Langobardis his a Carolo M. debellatis, ex diuturno squalore sese refecerit quodammodo: pristinus tamen Latinæ linguæ nitor restitui ei prius non potuit, quam *ineunte sæculo XV*, vel, si mauis, *medio XIV*. Et enim tanto vbique per aliquot continua sæcula flagrauerant antea homines in scholis *disceptandi ardore*, vt omni verborum munditia & structuræ cura abiecta, *subtilitatibus* studerent *Metaphysicis*, *captiosissimoque interrogationum genere* vnice delectarentur.

Oppetiissent sine dubio tum liberales artes, extremum spiritum dudum ducentes, siue, vt verius dicam, densissimis tenebris pridem obrutæ, perpetuo fortasse sepultæ iacuisent, nisi illorum

tempo-

(r) vid. Cellarii dissertat. de Origine linguæ Italicæ ex barbarorum incurfionibus natæ, Hal. 1694.

## PRAEFATIO.

*temporum* exstitisset *felicitas*, quibus a præstantissimis Italiae viris nihil prius ducebatur, quam ut libros situ ac pulvere squalentes, & a tineis, blattis, muribusque arrosos ac consumptos fere, vndique protraherent, & summa cura atque studio emendarent; quo popularibus talia essent monimenta, quæ admirarentur, & quæ, venustate ac pulcritudine eorum capti, imitari studerent. Sic *Franc. Poggius Fab. Quintiliani Institutionibus, Ciceronis, aliorumque bonorum auctorum libris*; alii aliis veterum scriptis ex *monasteriorum ergastulo* liberatis, effecerunt, ut Itali, captiunculis istis, quibus sibi adhuc tantopere placuerant, reiectis, veterum monimenta diurna nocturnaue versarent manu; atque ornato & imitatione istorum composito dicendi genere ad singularem adspirarent laudem. Qualis *Franc. Petrarce* iam debetur, utpote qui compluribus annis ante Poggium, & *omnium primus* Iul. Cæsaris Scaligeri iudicio(s), ex *luta-  
lenta*

(s) Poetic. lib. VI, cap. 4. p. 297, edit. an. 1561, ap. Anton. Vincentium, fol.

## PRAEFATIO.

*lenta barbarie os cælo attollere ausus est; reflorescentis eloquentie princeps* ideo ab Erasmo appellatus (f): ita, vt Leonh. Aretinus non sine Petrarchæ huius deprecatione *Ioanni Grammatico* laudem hanc impertitus videatur Gerh. Io. Vossio (sf): quando ipsum *primum in Italia eloquentie studium, una cum imperii maiestate prorsus fere perditum, reparasse*, adfirmavit. Sunt etiam, qui *Gasparianum omnium primum oculos ad veteris eloquentie umbram retorsisse*, perhibent (t); ea fiducia fretum, quod in *tres M. Tullii ad Quintum Fratrem epistolarum libros* primus inciderit. Alii *Dantbem Aldigerium*, Petrarchæ præceptorem, *sermonem Latinum ex Orci tenebris eduxisse*, statuerunt (tt). Quisquis est ille, cui laus hæc debetur; *Italiae eruditos* exemplo ac imitatione inter se  
exci-

(f) Ciceronian. p. m. 557. ed. Basil. an. 1528, ex offic. Froben. 8.

(sf) de Historicis Latinis lib. III, c. 1. p. 524, edit. Lugd. Bat. an. 1651, 4 conf. eumd. Vossium de Poetis Latinis cap. 7.

(t) M. Ant. Sabellici Dialog. de Latinæ linguæ Reparat. p. 12.

(tt) ibid. p. 59.

## PRAEFATIO.

excitatos animum ad Latinam linguam magis magisque excolendam appulisse ea tempestate, certum est: inter quos celebre cum primis nactus est nomen *Laurentius Valla, rigidissimus*, ut ab eruditis appellatur (u), *Latini sermonis custos*: inter quem & laudatum antea Poggium studiorum non æmulationem solum, sed acriorem obtrectationem intercessisse, nouimus. *Guarinus Veronensis* etiam, quum in *Ciceronis de Oratore libros* incidisset, eorum lectione & diuulgatione, ceu face, doctorum animis subiecta, *eloquentiæ studia præcipue accendisse*; eaque industria sua, non tantum in Italiam, patriam Latinæ linguæ, reuocasse, sed in vniuersas Europæ

- (u) Caselius in prolegom. in Thucydidis interpret. p. 26. *Vallam acrem Latinæ lingue cultorem* vocat; pro qua tam fortiter & tanta animi contentione pugnauerit, ut multorum odia, & inuidiam in sese concitarit: *neque attinet, inquit, dicere, quantum ipse vel in omni genere doctrinæ, vel in arte dicendi atque scribendi, sibi profecerit. certe enim publicæ utilitati mihi profecisse videtur plurimum, qui a barbarie sermonis deterritis adolescentibus eosdem allexit ad illius puritatem exemplo & præceptis suis.* Plura de Valla iudicia vid. in Thom. Pope Blount. Censur. Auctor. p. 462.

## PRAEFATIO.

pæ prouincias disseminauisse , dicitur (v).

Et sic immanis barbaries, quæ bonas litteras per tot sæcula vinctas constrictasque tenuerat, laudatorum virorum, & illorum, qui suppetias iis subinde iuerunt, magno animo propulsata demum, & *Latinus sermo a seruitute feliciter est vindicatus*: cui *litteræ, una fidelis rerum custodia*, firmitatis quicquam dederant; quod sine istis in re instabili maxime sperandum non fuerat (x). Opem, quam *Græcorum eruditissimi*, quibus Turcarum rabiem fugientibus Italia tutissimus portus fuit atque perfugium, Italici in eodem sermone vindicando tulerunt eo tempore, permagni etiam faciendam esse, nemo non existimat. qui *in Latine scribendi facultate omnes Latinos prouocare potuisse* quibusdam videntur (y). Ipsi Itali *incredibilem Latino-*

(v) Cris. Melanchthon. p. 123.

(x) Lipsius Cent. III ad Belgas ep. 44, p. 55, edit. Plantin.

(y) Hetm. Conring. de Scriptorib. XVI post Chr. nat. sæculor. Comment. Sect. XV, c. 2. *Florentia* in primis vrbi multum idcirco deberi, quod perhuma-



## PRAEFATIO.

*tinorum verborum proprietatem* in eorum scriptis admirati, dubitarunt adeo, vtrum hanc Italīs deberent, an hi ipsis Græcis acceptam eam referre necesse

b

habe-

niter liberaliterque exceperit optimos exsules, Melanchthon censuit, qui in oratione in laudem Nouæ Scholæ Norib. habita T. I Declamat. p. 440. scripsit: *Maximum beneficium paullo ante hæc tempora in vniuersum Europam vrbs Florentia contulit, quum primum Græcarum litterarum professores patria pulsos iussit ad se diuertere, & non modo hospitio iuuit, sed etiam reddidit illis sua studia, postquam amplissimis stipendiis ad docendum inuitauit, in reliqua Italia professores artium e Græcia profugos, nemo adpiciebat, & una cum Græcia linguam, & litteras Græcas amisissimus propemodum, ni Florentia doctissimos homines calamitate leuasset, quod absque Florentinis fuisset, futurum fuit, vt prorsus oboleret Latina lingua, sic vitiata barbarie, conspurcaturque; & Græcæ lingue ne quidem vlla iam vestigia exstarent, & occidissent vna monimenta religionis nostræ, nec iam sacrorum librorum titulos, amissa Græca lingua, quisquam intelligeret. Nam Romæ misere esuriebant exsules illi, quum pontificiæ opes, præcipue collocari deberent, vel in calamitosos, vel in eos, qui translatione litterarum religioni operam nauarent. Postquam enarrauit, quam paruum operæ suæ pretium Theod. Gaza ab ipso Pontifice tulerit; addit: Sed postquam Florentinorum beneficio honestæ artes reuiuiscere cœpere, magna utilitas inde ad omnes gentes deriuata est, multorum ubique excitata sunt ingenia, ad optimarum rerum studium. Nam & Latinos homines Græcorum æmulatio ad patriam*

# PRAEFATIO.

haberent (z). *Eman. Chrysoloram, Georg. Trapezuntium, Theod. Gazam*, reliquos, me intelligere, facile quemque coniecturum, arbitror: Hunc Iul. Cæsar Scaliger ita loquentem introduxit (a):

*Barbariem qui expugnaui, me barbarus hostis*

*Expulit. at pulsus, sic quoque victor abii.*

*Auexi patriam ex patria sub pectore sancto:*

*Quæ miseranda cani præda futura fuit.*

*Inuexi Romam in Latium. Cognoscite Romam,*

*Quæ belli nullo turbine capta, viget.*

Quanta de reliquo industria mentisque intentione rem, desperatam fere antea, aggressi tum sint, vel inde patet, quod rem eo perduxerint, ut non Itali solum,

*linguam instaurandam, quæ pene funditus collapsa erat, exstimulauit. - - - Non dubium est igitur, quin præclare Florentia de omnibus gentibus merita sit, quæ litteras velut e naufragio in portum recepit, conseruauitque.*

(z) Sabellicus c. l. p. 24.

(a) inter Heroes suos, pag. 311, Poemat. edit. Commelin. an. 1621.

## PRAEFATIO.

solum, sed *singula* etiam *cultioris Europæ gentes*, Italogum studio concitatae, adeo *exquisitam* in monumentis suis ostenderint non ita multo post *Latinitatem*, ut, ipsam *Romam antiquam elegantius scribere potuisse*, negauerint nonnulli (b): quibus gentes istæ viros adeo ostentasse visæ sunt, qui *cum ipsis Romanis certare valuerint*, *Romam autem declinantem*, multis *parafangis antecesserint*. Maxime enim tum *Romana lingua*, ut eruditissimus Thom. Bartholinus loquitur (c) *inter eruditos adorata est, quam animi sui sensa, ut omnibus innotescerent, exprimerent, quum singulas nationum linguas addiscere, nec vacaret scriptoribus, nec lectoribus sufficeret*. Quod quidem ab ipsa etiam barbarie factum est, sed quam feliciter, inter omnes constat. Pure, perspicue, eleganterque ut Latina lingua exprimerent animi sui sensa certatim, tantoque studio sæculo XV elaborare ubique gentium coeperunt homines, ut fuerint, qui intempe-

b 2

ria-

(b) vid. Morhof. de Patavinitate Liuian. lib. cap. 15.

(c) dissertat. de Libris legendis, p. m. 56.

## PRAEFATIO.

riarum coarguerint eos (d), velut tales, a quibus maiorem haberi cœperit verborum, quam rerum cura: plerique enim, istorum sententia, magis comptam adfectabant tum phrasin, teretem periodum, clausularum rhythmos, troporumque stellularum, quam rerum pondus, rationum nervos, inuentionis acumen, aut iudicii limam. Causis, quæ effecerint, ut tale quid isto sæculo tentarint eruditi, odium & contemptum erga scholasticos adnumerarunt censores isti: quos diuerso admodum dicendi genere vfos adhuc esse, ipsi inficiari non possunt. siquidem noua ac horrida plane verba cudiſſe scholasticos, de orationis ornatu atque elegantia parum sollicitos, palam est. perinde ac si nihil magis curæ habuissent, quam ut circuitionem studio euitarent, sensusque & conceptus suos acute exprimerent. Neque vero temere damnandum putabant iidem isti censores, si qui philosophiæ obscura & aspera, verborum splendore illustrarent, expoli-

(d) Franc. Baco de Verulamio de Augmentis Scientiarum lib. I, p. m. 26.

## PRAEFATIO.

polirentque: quum huius rei magna in Xenophonte, Cicerone, Seneca, Plutarcho, ipsoque Platone existent exempla, neque minor sit utilitas. *Saeculi istius felicitatem* Caselius his verbis neruose admodum descripsit (e): *Ab annis circiter centum & quinquaginta e Graecia in Italiam illatis denuo Graecis litteris, respexere orbis Christiani prouincias principales plerasque Musae, sic ut litterae passim colerentur, non solum pauci sermone quodam Latino de rebus abditis mussarent, siue differerent. Illorum, qui pauci tamen & obscuri erant, sapientiam non reprehenderim, de qua plurimum etiam participare desiderem: aio, ex illo saeculo lucem ortam humanitatis pluribus populis, & fulsisse latius bono generis mortalium.*

Ad ipsam *Italiam*, ubi opus primum aggressi sunt, quod attinet, ingens & mirandus plane hominum *pure maxime emendateque scribentium* XV & XVI saeculo ibi fuit prouentus: quorum nomi-

b 3

na

(e) epist. ad Io. Reccium, reip. Goslariens. Consulem, an. 1605 scr. B. 1, 2.

# PRAEFATIO.

na scriptis ita illustrata sunt, vt mentione eorum supersedere posse mihi videar. Facere tamen non possum, quin paucos præter laudatos antea nominem. Primus horum sit *Nic. Perottus*; qui *Sypon- tinus* episcopus factus, grammaticis quidem adnumerari se, ægre tulisse fertur: mortuum tamen facile id concessurum, puto: præsertim si *Io. Picum*, præclara eruditione, ac minime vulgari orationis genere conspicuum Principem lateri ipsius adiunxero: & quos hic ob insignes ingenii dotes & eximium Latini sermonis cultum singulari prosecutus est beneuolentia, *Hermol. Barbarum*, & *Angel. Politianum*. Mirifico eiusdem sermonis studio clarissimi porro exstiterè in Italia, *Leonb. Aretinus*, *Io. Ant. Campanus*, *Franc. Philelphus*, *Io. Iou. Pontanus*, *M. Ant. Sabellicus*, *Pet. Bembus*, *Iac. Sadoletus*, *Lazar. Bonamicus*, *M. Ant. Flaminius*, *Aon. Palearius*, *Marc. Ant. Maioragius*, *Sebast. Corradus*, *Io. Casa*, *Romul. Amaseus*, *Paul. Manutius*, *Vbert. Folietta*, *Quint. Marius Corradus*, *Petr. Victorius*, *Carol. Sigonius*, *Ant. Riccobanus*,

# PRAEFATIO.

*nus, Io. Petr. Maffei, Horat. Turfelinus, M. Ant. Bonciarius, Io. Mich. Brutus, & complures alii (f). Vt de excellentissimis Poetis nihil dicam, quos Italia inde a Petrarchæ temporibus infinitos fere protulit, & quibus, vt Poesin ad pristinum splendorem deducerent, maximæ curæ fuit. & vt de eruditissimis Feminis fileam, pure eleganterque dicendi maxime studiosis; inter quas primas facile tenuit Olympia Fulvia Morata: insigne Germaniæ nostræ, postquam natale solum ob religionem vertere coacta fuerat, ornamentum: vbi Græcas Latinasque litteras publice docuit, in magnam eos, qui ipsam audiebant, traducens admirationem (\*). Aetate, minime vero*

b 4

eru-

(f) conf. Erasmi Ciceronian. p. 357, seqq.

(\*) vid. Opera eius auctiora Basileæ edita an. 1580, & Cælii Secundi Curionis, aliorumque eruditorum de singulari eius doctrina testimonia, Operibus adiecta. item Elogia ex Thuani Historia excerpta, ab Ant. Teisserio Gallice conuersa notisque illustrata: vbi præter M. Adamum plures nominantur, qui doctissimæ Feminae laudes sunt persecuti: Thuanus postquam multa de ipsa prædicauit, scribit: *Miscellanea eius opera feminae omni laude dignissime mores & raræ eruditionem exprimunt, & quid a tam excellenti ingenio expectari potuisset, nisi præ-*

## PRAEFATIO.

eruditione, ac nominis celebritate antecessit *Cassandra Fidelis*, doctissima licet femina (\*\*). Circa XV sæculi finem illi, qui *Ciceronianorum* nomine appellatos se voluerunt, in Italia prodierunt: in quos, velut in homines, qui veræ Ciceronianæ imitationis vim parum cognitam haberent, Erasmmum in Ciceroniano suo acerrime inuectum, multorum, Scaligeri in primis atque Steph. Doleti, calamos in se concitasse, nouimus.

Equidem alterum istud hominum genus, quo magis perniciosum, eo minus ferendum fuisse, arbitror: quibus exeunte sæculo XVI in Italia magnum Latinum sermonem insectandi studium fuit, quum *Latine scribi nec debere, nec omnino recte posse*, contenderent; popularem sermonem Latino præferentes. Opposuerunt se quidem his viri non-

non-  
*maturus adeo in viuis esse desisset, clare ostendunt.*

De virtutibus, fati atque morte eius pluribus etiam verbis egit M. Crusius Annal. Sueu. P. III, lib. IX, c. I.

(\*\*) Elogium eius conscripsit Iac. Philippus Tomasius. biennio abhinc cum Eruditissimorum quorundam virorum & *Helena Cornaria* Vitis Vratislauiæ recusum.



# PRAEFATIO.

nonnulli perquam eruditi, acriter satis pro Latina lingua propugnantes : ex quibus tres instar omnium nominandos censeo, *Romulum Amasaeum* (ff) *Vbert. Folietam* (g) & *Quintum Marium Corradum* (h), viros disertissimos. Sed tamen quemadmodum Ciceronis ætate eloquentiam, vix ad summum ductam, cecidisse mox iterum, vidimus; sic Latinus etiam sermo altero statim sæculo post, quam honos eius in Italia tanto conatu, tantaque eruditorum æmulatione restitui cœptus fuerat, spretus ibi iterum est, atque reiectus: ita, vt de *Petro Victorio* adfirmet Thuanus (i), eum longa sua ætate id consecutum esse, *vt litteras in Italia renascentes viderit, & pene iterum extinctas.* Nam *sincere* istius &

b s con-  
(ff) scripsit Scholas II de *Latine linguae usu retinendo*: quas inuenies inter eius orationes pag. 101, seqq. edit. Bononiens. an. 1580, 4.

(g) emisit de *Linguae Latine Vsu & Præstantia* libros III, qui cum Operibus eius subcisiuis prodierunt, Romæ an. 1579, separatim antea ibi excusæ.

(h) in Epistolis, quibus *contra falsas opiniones indoctorum hominum Latini sermonis causam tuetur*, XIII de lingua Latina libris adiectis, Bonon. an. 1575, 4.

(i) lib. LXXXII histor. in fin.

## PRAEFATIO.

*constantis eloquentiae munita arx*, qua ingenuum Romani candoris pudorem aduersus externos inexpugnabilem conseruari atque defendi posse ac deberi, statuerant Itali (k), iam tum erat expugnata; postquam in ista statione ad perenne decus non intente satis vigilaerant, nec, Bembo atque Sadoletto signiferis, generose satis arcem istam defenderant. Quare

*Non minor est virtus, quam querere,  
parta tueri;*

*Casus inest illic: hic erit artis opus.*

Latinae autem linguae fastidium tanto pere cepisse tum Italos (l), vt *patriam auitamque possessionem* eripi sibi, vltro passi sint (ll), & P. Manutii iam ætate, in quo vno quasi eloquentiae cupiditas constituisse tum visa fuerat, *Hetrusce gloriari, quam Latine aut Grace sapere* ma-

(k) Paul. Iouius, Elog. doctor. viror. p. m. 279.

(l) Io. Caselius exeunte sæculo XVI scribere non dubitauit: *Italos iam pridem fastidium cepit Graci sermonis & satietas Latini.*

(ll) vid. elegantissimam Petri Io. Perpiniani ad Romanam iuuentutem de *auita dicendi laude recuperanda orationem*, quæ ordine est XI, p. m. 297.

# PRÆFATIO.

maluerint (m); pluribus testimoniis  
me comprobare, opus non est. Tan-  
tum addam, Italos exemplo suo effecisse,  
ut non minus quis de ipsorum ingeniis  
mirari queat, quam Velleius Paterculus  
de Græcorum & Romanorum quon-  
dam miratus est ingeniis (n): *Quod vi-  
delicet eminentissima cuiusque profes-  
sionis ingenia in eandem formam, & in  
idem tam artati temporis congruens spa-  
tium congregari videantur, ut una, ne-  
que multorum annorum spatium diuisa,  
etas artem intra paucissimos annos in-  
uenire, neque imitandam relinquere con-  
sueuerit: omni quidem, quod in eximia  
artis cuiusdam scientia clarum exstitit;  
angustiis temporum adeo artato, ut nemo  
memoria dignus alter ab altero videri  
nequiuerint.*

Italorum exemplo plerasque Europe  
gentes ad Latinæ linguæ studium concit-  
atas esse, supra adfirmaui. Nec irrita  
fuit æmulatio hæc: nam etsi fuerunt  
inter Italos inuidi maxime homines, qui

Ro-

(m) Io. Sturmius de Exercitationib. rhetor. lib. B. 2, b.

(n) lib. I Histor. cap. 16.

## PRAEFATIO.

Romane, id est, pure eleganterque scribendi facultatem nemini, nisi popularibus suis, concessam esse, perhibere haud erubuerunt: & etsi Longolius ideo apud Italos commorari maluit, quam apud ciues suos Gallosue, quod coeli in Italia clementia ad excitanda fouendaque studiorum hominum ingenia plurimum conferre arbitratus est (o): Singulae tamen Europae gentes viros omnino habuerunt, qui cum Italis, immo cum ipsis veteribus, in certamen mitti potuissent. *Natura* enim tam iniusta nouerca gentibus his non exstitit. quae licet se non aequae benignam & clementem omnibus hominibus populisque semper praebat: ipsae tamen gentes almae potius matris beneficia temere saepius repudiasse, siue ingratae interdum neglexisse, videntur. Iudicii certe nihil in plerisque mortaliu non est. sunt scintillae ad virtutem, sed excitandae industria humana, ut eius quodammodo efficiamur compotes (p).

*Lusi-*

(o) vid. vita Longolii Epistolae eius praef. quam etiam in Adami vitis philosophor. inuenies p. 45, seqq.

(p) Caselius in Laudat. Io. Alberti D. Megapol. B.

## PRAEFATIO.

*Lusitania*, ut ab extremis Europæ finibus ordiar, *Emmanuelem Aluarum* aluit, cui & ob cultius dicendi genus, & artis veterum exemplis firmatas regulas primas inter grammaticos deberi, Casp. Scioppius censuit (q). *Hieron. Osorium* porro progeniuit, virum oratione limatum maxime atque eruditum. *Hispania*, postquam non minus ad pristinam ingeniorum gloriam maturè satis efflorescere coeperat, præter *Ludou. Viuem*, multosque doctos & elcquentissimos viros alios (r), quos protulit, celeberrimum suum *Franc. Sanctium* merito ostentat: utpote qui, eiusdem Scioppii iudicio (s), *Minerva* ista sua *communis litteratorum omnium pater & doctor* appellari meruit. Eadem Hispania Italiæ *Petr. Io. Perpinianum* dedit, cuius eloquentiam disertissimi

(q) de veteris ac nouæ grammaticæ Latinæ origine dissert. grammat. philosoph. præm.

(r) conf. Erasmi Ciceronian. p. 381, seqq. vbi ex Lusitanis *Hermicum* quemdam laudat, in epigrammatibus felicem, in oratione soluta promptum ac facilem, ad argutandum dexterrimæ dicacitatis. in primis vero conferas velim Ant. Antonii Bibliothecam Hispanam, opus eximium.

(s) Consultat. de Studior. rat. p. 62.

# PRAEFATIO.

fimi ætatis suæ viri admirati sunt. *Gallia Petr. Bunellum* produxit (f), cui *Paulus Manutius* maximum acceptum retulit beneficium, quod ipsum cum quibusdam misere errantem in recte scribendi viam induxerit (sf). *Steph. Doletum* quoque, infelicem, at eruditissimum, & de Latina lingua optime meritum virum dedit Gallia: cui *Ludou. Strebaum*, stilo plurimum præstantem, debemus præterea: & quæ Romanam cathedram excellenti *Marc. Ant. Mureti*, finibus suis eiectioni, eloquentia illustrari, passa est. *Adr. Turnebum*, *Is. Casaubonum*, atque *Cl. Salmasium*, summos post utrumque *Scaligerum* criticos, quorum industriæ acerrimique ingenii viribus Latini æque, ac Græci scriptores multum debent, tulisse

(f) vid. Henr. Stephani præfat. Bunelli epistolis præm.

(sf) Bunelli ætate superiores atque æquales complures, Latinæ linguæ inter Gallos studiosos, Erasmus in Ciceroniano suo nominat p. 368, seqq inter quos *Iodocus Badius*, *Guil. Budæus*, *Io. Pinus*, *Nic. Beralduus*, *Fr. Deloivus*: in hoc prodigii simile videri potuisse, existimat Erasmus, quod quum sæculo non admodum felici totam pene ætatem Accursiis, Bartholis, ac Baldis contriisset, in politioribus litteris & senex & feliciter repubuerat.

# PRAEFATIO.

tulisse Galliam, nemini latet. cui *Rob. Stephanus*, eiusque filius *Henricus*, ortum etiam debent, quos immensis suis laboribus Latinae & Graecae linguae tantum lucis attulisse, censent eruditi, quantum vix in summis illarum ruinis atque casibus eo tempore sperare quisquam aut optare ausus sit (t). Proximo saeculo ad exitum vergente Gallia Latine doctissimis suis summique ingenii ac doctrinae viris adnumeravit *Franc. Vauasorem*, & *Renatum Rapinum*, ambos ex Societate Iesu.

Quod si *Boubursio*, *Perralto*, & reliquis iustis istis, si Diis placet, ingeniorum aestimatoribus fidem haberem, in Galliae finibus mihi esset subsistendum: Latinae enim linguae cultum me frustra in vltiori Europa inuestigaturum, praedicere mihi videntur, quando reliquos *Europa incolas omnis humanitatis ingeniique expertes magna laborare stupiditate*, adfirmant (tt). At *Anglia*, quae *Thomam Linacrum*

(t) Io. Sturmii in praefat. Lexico Trilingui praem.

(tt) vid. ampliss. I. Fr. Crameri Vindiciae Nominis Germanici.

*crum*(u), *Thomam Morum*, *Rogerum Aschamum*, pluresque Latinissimos viros alios producere potest, Erasmi ætate *Italiam* habuit, & *quiddam Italia præstantius* (v): quandoquidem tempore, quo elegantiores litteræ in Italia prope iacebant, *tantam & tam politam atque excultam doctrinam* ibi reperit Longolius, ut eam admirari satis non potuerit (x). Grauisissimi certe exstiterunt ibi Mæcenates, exteræ etiam Musæ summo profecuti fauore. quorum in numero postremo loco ponendus non est *Io. Coletus*, illustris

(u) hunc ab omnibus, qui elementa Grammatices iam didicerant, sæpe lectum voluit sua ætate excellentissimus Melanchthon, quum post Priscianum vnus in hoc genere non solum diligens, sed etiam iudicii solertia & dexteritate excelluisse, ipsi videretur. Cris. Melanchth. p. 519.

(v) lib. II epistolar. illustr. viror. ad Reuchlin. t. I, a.

(x) in vita Longolii ap. M. Adam. in vitis philosophor. pag. 54. *Anglia* idcirco in Erasmi Ciceroniano *non infelix ingeniorum alatrix* appellatur pag. 370. vbi plures Latinae linguæ studio deditissimi Angli laudantur, quorum numero *Guil. Grocivus*, *Ricard. Paceus*, *Regin. Polus*. Huius laudes cognoueris in Vita ipsius, rarissimo olim libello, priusquam Londini an. 1696, 8, denuo prodierat: quem, a Ludouico Beccatello Italice conscriptum, Andreas Duidithius elegantissime Latine vertit, & an. 1563 Venetiis imprimi curauit.



## PRAEFATIO.

stris nominis, & summæ inter suos auctoritatis vir: cuius merita Erasmus magnifice in scriptis suis collaudat. *Scotia Georg. Buchananum*, & alios eloquentes viros inuidis censoribus istis opponere potest. Quales *Daniae* etiam fuerunt, *Sueciae, Poloniae, Borussiae* atque *Hungariae*. *Dania* sæculo XII *Saxonem Grammaticum* habuit, qui gentis suæ historiam ita splendide magnificeque contexuit, ut Erasmus (y) vehementer sit admiratus, unde illa ætate homini *Dano* tanta eloquendi vis, & tam mira verborum copia ac figurarum varietas. Superiori sæculo *Ol. Borrichii* in primis eloquentiam & singulare Romani sermonis vindicandi studium cunctæ Europæ admirandum præbuit (\*). *Polonia* omnem accuratorem Latini sermonis cultum inde a medio XV sæculo usque *Sueciae* debere videtur: siquidem Rex *Casimirus IV*, *Iagellonis* filius, ut omnibus Latinæ linguæ rudibus Polonis omnem ad honores

c

in

(y) in Ciceronian. p. 374. (\*) vid. Io. Molleri doctissimam præfationem, de *Gentium Borealiū in Litteras Meritis*, quam Bibliothecæ Septentrionis Eruditi præmisit, pag. 49, seq.

## PRAEFATIO.

in patria adscendendi spem ademerit, *Caroli Canuti*, Sueciæ Regis, exemplo Romanique sermonis studio adductus esse, dicitur. Nam quum hic linguæ, quæ Polonis patria est, imperitus Casimirum Regem in conuentu Dantischi habito Latine allocutus esset, neque vero ipse Rex, neque procerum quispiam, Latine respondere valuisset; ita, vt quidam ex monachorum vulgo interpretis munere perfungi deberet: Regem suæ suorumque ignorantia tantopere supponebat, vt subiectis serio imperaret, vt in lingua Latina addiscenda multum operæ deinceps collocarent. Quo edicto factum perhibent, vt singuli ferme amplioris paullo conditionis in *Polonia* homines *Latinae linguae* postmodum *studuerint*: & quidem tam exquisitè, vt eruditi *Polonorum* hac in re *iudicium*, maximi faciendum censuerint semper, plerarumque aliarum gentium anteponendum. Enimuero etsi Gallis & Italis non parum quoque tribuendum videatur: Polonis tamen non minus, nisi plus forte, tribuendum esse existimant; quum

## PRAEFATIO.

quum ad nullum disciplinæ genus, quod a studio dicendi iuventutem longius amovere videatur, sese conferant. nec enim iure ciuili Romano discendo distineri eos, addunt, quum suis legibus uiuant, & ad commentarios iuris ciuilis vix vnumquam respiciant, sed statim a pueris *Latinos scriptores* lectitent, & ad imitandos eos sese comparent; longinquas capropter regiones adeant, domi per multa illo sermone tractanda suscipiant & perficiant: denique *laudem non vulgarem in Latina eloquentia* ponant. quod illas, quamuis totius Europæ cultissimas gentes, non facere, sciamus, in patriis linguis expoliendis ita occupatas, vt Latinam negligant, & aspernari interdum videantur (2). Non multo minorem, vel æque magnam potius, in Latina eloquentia laudem posuerunt superiori tempore Polonis finitimi *Hungari*: quorum popularem, *Andream Duditbium*,

C 2 cun-

(2) Caselius in orat. funebr. Andr. Mylio scr. G. 2, a. de *Polonica nobilitatis in elegantioribus litteris aduiscendis instituto* agit etiam Rein. Reineccius in præfatione, Adnotationib. Io. Glandorpîi in M. T. Ciceron. lib. VI epist. ad familiares præm. p. 181.

## PRAEFATIO.

cuncta Europa XVI sæculo suspexit, ut virum ingenio omni scientiarum genere exculto, iudicio, rara Latine scribendi dicendique facultate (a): siue, ut alii eum vocarunt (b), omnibus animi & naturæ muneribus refertum, omnisque politioris doctrinæ atque elegantiae principem. Enarrata hætenus, Thom. Bartholinum vere scripsisse (c), quodammodo testari possunt: *Patria, seu natale solum, ingenii fecunditatem prodet, si vel externo Phæbi calore incalescant, vel interno pectoris etiam inter frigidus Getas, argentemque perpetua niue Boream calore excitati vim mentis exferant.*

Ad *Belgium* quod attinet, cultissima regio quam plurimos semper non solum fouit,

(a) Thuanus lib. XCVI, histor. fin. & in Gerh. von Stœkken Thuano enucleato, P. II, p. II. it. in Elogiis eruditorum ex Thuani historia collectis, & Gallice cum additionib. ab Ant. Teisserio editis: P. II, p. 125, seqq.

(b) Io. Mich. Brutus in ep. lib. IV, p. 436, edit. Berol. In *Hungaria* Erasmi ætate *Jacobus Piso* vixit, quem is in Ciceroniano suo pag. 381 *studiosum eloquentiæ Tullianæ* candidatum appellauit. Vbi simul ostendit, *Sarmatiam* habuisse, qui in eloquentia contemni non queant.

(c) dissert. de Libris legendis p. 35.

## PRAEFATIO.

fouit, sed etiam ipsa progenuit, eloquentissimos viros, qui, ipso liuore fatente, præclare de Latino sermone meriti sunt (d), inter hos sunt: *Erasmus Roterodamus, Hadrian. Iunius, Ant. Schorus, Daniel & Nicolaus Heinſii, Hugo Grotius, Ianus Gruterus, Mar. Zuerius Boxhornius, Domin. Baudius, Petr. Cunsus.* inter eos, quos fouit, & quos Germaniæ debuit Belgium, principes fuerunt *Gerh. Io. Vosſius, Io. Frider. Gronouius, Io. Georgius Grauius.* Præter quos triumuiros si patria nostra nullos plane Latinitatis tulisset indices, quorum tamen tulit sane quam plurimos: eorum merita tanta omnino esse videntur, vt illam ab iniuriosi maxime in Germanos Steph.

C 3

Dole-

(d) *Hollandiam* quidem suam haud infœcundam bonorum ingeniorum parentem suo tempore fuisse, tradidit Erasmus, at *neque honorem eloquentiæ tum habitum esse, & voluptates indolem non temere mature, cere fuisse*, testatus est in Ciceroniano suo, p. 374. ex *Zelanis* ob Tullianæ dictionis facilitatem laudat *Adr. Barlandum*: postquam *Guil. Gandauum* in epistolis *Atticum*, in carmine bonum, prædicauerat: p. 376 exclamat: *O scelerate luxus, quantum feliciū ingeniorum vel corrupis vel aberrumpis!* Multa tum felicia admodum *Belgii ingenia* collaudat Erasmus, plurima de se ipso proferens.

# PRÆFATIO.

Doleti conuiciis vindicare nunc valeant: utpote qui *neminem, qui puro veraque Latinitatis stilo usus sit, prodiisse ex Germania nostra*, adfirmavit (e): quum tamen ipsius iam ætate ciues huiusmodi ei haud defuerint. quare *inuidia ac obtrectationis suspicione minus liberare se poterit, quam Archintus, Patricius Mediolanensis, qui Germaniam adeo barbaram vocauit horridamque* (f), *ut Latinorum vocabula ignorarit*; & *Io. Ant. Campanus*, qui se non ad mores solum, sed ad ipsum etiam *Germania nomen nauicasse*, scripsit (ff): quum nihil viderit ibi, quod oculos, nihil, quod manus, nihil, quod sensum aliquem humanitatis delectare potuerit. Namque dira adhuc tum barbarie oppressam fuisse patriam nostram vtriusque ætate, inficias ire non possumus. At, ipso doctissimo quodam Italo fatente (g), *occulta* quadam, uti arbitra-

(e) vid. Morhof. de conscrib. epist. p. m. 45.

(f) in præfat. Epistolar. Aeneæ Syluii.

(ff) in epist. lib. VI, ep. I & passim in aliis suis epistolis.

(g) P. Iouius in Elog. p. m. 278.

## PRAEFATIO.

trabatur, *siderum commutatione* tandem  
euenit, vt *Germaniæ cælum* molestis Bo-  
reæ flatibus frigore geluque damnatum,  
horrida dudum torpentiaque *ingenia*,  
*mollierit*, atque *excitarit*. Germanos  
enim non contentos amplius vetere sua  
*militiæ laude*, qua *Martium decus* Roma-  
nis gentium victoribus ereptum stabili  
disciplinæ seueritate tueri perseuerarint;  
ipsa etiam *pacis ornamenta*, *litteras*, *opti-  
masque artes*, decoquenti Græciæ, ac  
Italiæ dormitanti *abstulisse*, aperte profi-  
tetur Italus iste. quos *ad artium omni-  
um tractationem a natura satis quidem*,  
*factos*, sed iis etiam, quæ a natura habe-  
ant non valde magna, diuturno vsu &  
constantī meditatione excolendis & au-  
gendis gnauos præ ceteris atque indu-  
strios, prædicauit eruditissimus Gallus,  
multoque æquior de Germanorum me-  
ritis iudex (h).

Parum tamen bona de meritis his o-  
pinio Italorum quorundam animis  
adeo insita fuit, vt vix *Melanchthonis*  
tempore, quo humaniores litteras ma-

# PRÆFATIO.

gno a Germanis studio cultas iam fuisse, scimus, eripi istis potuerit, mentis aciem sæpius præstringens: id quod tum etiam factum est, quum *fragmentum e Cicero- ne decerptum Germani cuiuspiam titulo addito* deriserant; & quum ii ipsi, qui valde Ciceroniani alias sibi videbantur, *barbarum* inclamauerant fragmentum, veluti *a barbaro Germano profectum* (i). Supra commemorati domesticæ laudis amplificatores, graues e contrario alienæ obtrectatores, per commenta ista elaborandum forsitan decreuerunt, vt mala atque falsa eiusmodi opinio Gallo- rum & Italogum mentibus infixæ perpe- tuo maneret: qui in Germanos cum primis infensum & inimicum animum suum patefecerunt, vbi *non sine miracu- lo fieri posse*, persuasissimum se habere sibi, testificati sunt, vt *Germanus aut Moscouita ingeniosus appareret* (k). Qui- bus

(i) Erasmus in Ciceroniano, p. 260,

(k) cel. I. Fr. Crameri Vindiciæ Nominis Germanici, p. 6, edition. Wetsten. conf. Bailleti Iudicia Gallice confcr. P. I, p. 279, seq. & Burc. Goth. Struuii In- trod. ad Notit. Rei litterar. Cap. V, § 13: atque Sup- plement. ad h. l. p. 44. seqq.



bus maleuolis hominibus etsi vituperando ita suffragari se, negauit *Adr. Bailleus*: in quibusdam tamen ab opinione eorum non alienum prorsus sese ostendit: præsertim vbi *Germaniam* nullos ingenio prudentiaque acutos oratores ac poetas habuisse, adseuerauit (I). Cui album calculum adiecisse videtur *Franciscus Vauassor*, non ita multo ante laudatus, vbi scripsit (II): *In occidente ex populis iis, qui ad septemtriones præcipue vergunt, non diffido aliquot esse domi, qui nonnihil in hoc genere* (Latine dicendi scribendique) *valeant: certe qui ventitant in Galliam ad nos, non plus fere quidquam Latine sciunt, quam quantum Gallice sex aut octo mensibus nobiscum discere potuerunt: quid autem potuerunt?*

*Germani* non modo nonnihil, sed plurimum omnino Latine dicendi scribendique facultate valuerunt. non quidem tantum valuerunt amplius Vauas-

c 5

foris

(I) T. I Iudicior. p. 277.

(II) in oratione contra nouum dicendi genus, pag. 204. Oper.

foris ætate, qua Latinæ linguæ studium æque, ac inter Italos, dudum inter eos frigere cœperat; quantum in *letissima illa eruditorum virorum segete, ab ipsa mirabili Germanici cœli fœcunditate oblata*: quæ dum non vulgares, sed *excellentes oratores*, grauesque protulit *Latini sermonis vindices*, Itali vehementer eam sunt admirati (m). Nam licet Germanorum doctissimi, rem accuratius paulo inspicientes, deprehenderint, & ultro confessi sint (n), populares *laudem Latina eloquentia parandam minus adsequi* videri; quam plerique eorum aliis studiis abducti haud adfectent, siue quod reipubl. vsus ita postulet, quum nihil in imperio moliri fas sit, nisi idem liceat legibus; siue quod rebus iam constitutis & florentibus perpetuam curam fori agant, siue quod vni studio præmia proposita sint maxima, ceteris non item, siue quod ad eloquentiam eique suffragantes disciplinas, e quibus efflorescit oratio, & prudentia scaturit, aditus quodam-

(m) vid. P. Iouii Elogia, p. 278.

(n) Caselius orat. funebr. Andr. Mylio scr. G, 2, b.

## PRAEFATIO.

quodammodo interclusus sit tenuioribus, & ad vitæ necessaria, nolint velint, respicientibus. Hæc, inquam, licet ita sint; *Germanos* tamen, plerisque enumeratis hætenus difficultatibus superatis, plurimisque impedimentis remotis, *Latinae linguae ac eloquentiae studio sese deditisse*, tot celeberrima disertissimorum Germaniæ oratorum, quos Itali, Galli, Angli, Poloni, & reliquæ Europæ gentes suspexerunt, nomina perpetuo testabuntur. tantum enim abfuit, ut quorundam ex iis spes infracta, aut industria languescere visa sit, ut neque illud ipsum, quod optimum, desperandum, neque in præstantibus rebus ea quoque, quæ optimis proxima sint, parua habenda esse, existimauerint. Vtinam plures, qui id sibi persuaderent, haberet hodie Germania nostra. *Ardor Latinum sermonem accuratius addiscendi*, quem eius ciues extremo sæculo XV, ac ineunte & progrediente XVI ostenderunt, *dudum*, ut modo dixi, *refrixit*. Paucos oppido sua iam ætate eloquentiæ studiosos inter Germanos exstitisse, &

vix

## PRAEFATIO.

vix singulas Europæ gentes singulos ostendere potuisse, Io. Sturmius conquestus est (o). Iustiores de penuria hac conquerendi causas haberet sine dubio optimus vir his nostris temporibus: quibus prudentiorum iudicio magis magisque bonæ artes vilescunt; nemine fere eorum, qui auctoritate pollent, Musarum ex Germaniæ academiis fugientium curam amplius habente.

Vtrum apud ceteras Europæ gentes propitiam magis experiatur hodie fortunam Latinus sermo, pluribus inquirere in animo non est. Vauassor de Gallia sua, siue potius de vniuersa Europa pronuntiauit (p): *quum Latine plurimi intelligunt, non pauci loquuntur, nonnulli scribunt; tum, qui norint, quid sit, bene Latine vel loqui, vel scribere, rarissimi sunt; qui bene utrumque præstet, aut etiam de duobus alterum, fere dicam, nemo. Iac. Perizonius, summus, ut omnis humanitatis, ita Romani etiam sermonis, hodie in Batavis vindex: hos a Ma-*  
iorum

(o) de Exercitationibus rhetor. lib. B. 2, 2.

(p) in oratione paullo ante citata.

## PRAEFATIO.

iorum suorum iudiciis & studiis dudum desciscere coepisse, grauiter nuper questus est (q), quum bonas artes pariter cum lingua, quæ illis quasi propria & addicta olim fuerit, vno fastidio neglegant, & contemnant; immane quantum in eo a maioribus diuersi, quod *Latine linguae peritiam*, sine qua hi bonas artes ac disciplinas addisci posse negauerant, *non necessariam aut utilem valde, statuant*. Rem eo iam recidisse, dolet idem vir excellentissimus, vt exigua prorsus, vel potius nulla spes ipsum teneat, sæculum ab infami socordia, ac stolido rerum præstantissimarum fastidio, & peruersissima iudicii iniquitate ad maiorum exemplum ac industriam reuocari, ipsasque scientias ab insolenti contemptu, aut vniuerso saltem interitu vindicari posse. Conquerendi ita causas omnino habuisse virum meliorum litterarum cupidissimum, nemo facile negauerit, si *Scaligeri, Salmasii, Gro-*

(q) in Oratione de *Doctrina Studiis*, nuper post depulsam Barbariem diligentissime denuo cultis & desideratis, nunc vero rursus neglectis fere & contemptis, Lugd. Bat. 1708, 4, p. 9, 41, 43.

Grotii, Heinſiorumque cogitarit ætatem, & fauorem reputarit, quo exceptæ tum ſint in Batauis bonæ artes: ſi porro diligentius paullo conſiderauerit, quantum pretium Latinæ linguæ iſto tempore ſtatutum ſit. Sed tamen maius longe etiamnum apud Batauos pretium, quam apud Germanos, eidem linguæ ſtatui, ego mihi perſuadeo (r). Veterum certe monimenta diligentius apud eos euolui, & bonos auctores in academiis frequentibus ſatis ſcholis hodieque explicari, non auditum, ſed cognitum perſpectumque habeo. ſedulo enim id agere perſeuerant ibi plerique doctores, *ut deiectis de ponte nouitiis libellis ſtili cauſſa nihil niſi antiquum adoleſcentes legant:* id

(r) id quod nec ipſe laudatiſſimus vir diſſitetur; quando ad cl. Cellarium in epiſtola, Diſſertationi de Hiſtoria Belli Troiani, quæ Diſtyos Cretenſis nomen præfert, præm. ſcribit: *Non ea quidem noſtris in fundis atrociter adeo graſſatur calamitas, ſed nibilo tamen minus peſtilenti fidere partim mollis educatio, & ſegnſ luxuria, partim ac. iſ actio, quæ omnia donat ſtudiis partium, at doctrinæ, induſtrie, ingenii meritis, nihil facit reliqui, adſlauit bonas artes, & exſtinguit penitus ingenia iuuenum, qui ad rei publicæ curam & futura ætatis decus ſurgerè ac inſtrui debebant.*

## PRAEFATIO.

id quod summus *Gronovius* curæ sibi semper habuisse se, olim testificatus est.

At qualis *Academiarum in Germania nostra*, quod ad humanitatis ac litterarum studia attinet, facies hodie sit, norunt, qui in iis nuper commorati sunt, vel etiamnum commorantur. Aliam saltem esse, ac qualis *Melanchthonis, Camerarii, Sturmii, Caselii*, temporibus fuit, profiteri necesse habebunt: quibus *grammaticam, rhetoricam, oratores, poetas, historicos, & Græcos & Latinos*, frequentissimis academiarum interpretabantur auditoriis. Lege, sis, si dubitaueris, benevole Lector, *Lectionum publicarum* a celeberrimis istis doctoribus in academiis institutarum *designationes*; siue etiam *Io. Sturmii Epistolas academicas* ubique obuias. Miraberis, spondeo, mutatam rerum conditionem; & id saltem concedes mihi, spero, *Germanorum*, quos vna cum reliquis Europæ gentibus ad Latinæ linguæ studium Italorum exemplo excitatos vidimus, *ardorem* tantopere *consedisse*, ut ipsos æque magnum  
eius-

eiusdem *linguae* ceperit *fastidium*, ac Italos iam pridem cepisse, cognouimus. Qualis fastidii *causas* Velleius Paterculus his verbis prodidisse videtur (s): *Alit emulatio ingenia: Et nunc inuidia, nunc admiratio incitationem accendit: naturaque, quod summo studio petatum est, adscendit in summum: difficilisque inperfecto mora est; naturaliterque, quod procedere non potest, recedit. Et, ut primo ad consequendos, quos priores ducimus, accendimur: ita, ubi aut prateriri, aut equari eos posse desperauimus, studium cum spe senescit; Et quod adsequi non potest, sequi desinit, Et velut occupatam relinquens materiam, querit nouam: prateritoque eo, in quo eminere non possumus, aliquid in quo nitamur, conquirimus: sequiturque, ut frequens ac mobilis transitus maximum perfecti operis impedimentum sit.*

Neque vero mirum adeo videri cuiquam posse, arbitror, studiosam iuuentutem ad *quaestuosiores artes* properare hoc tempore; si reputarit, iis, qui elegantioribus

(s) lib. I Hist. cap. 17, § 6, 7.



PRAEFATIO.

ribus litteris se dicarunt, minutam satis sperandam plerumque esse mercedulam (f). siquidem *hominum ingenia ita comparata esse*, constat, *ut ea, quæ certos honores & obuium lucrum pollicentur, præ aliis in pretio habeant, & potissimum sectentur.* Quare nec illis, qui litteras istas in academiis docent, vitio adeo verti debere, comprobare quis forsitan posset, quum ad sæculi genium quodammodo sese accommodauerint; neque ab omnibus auditoribus destituti, in parietum gratiam scholas suas aperire voluerint. Quamuis Caselius suo tempore valde dubitauit, an iis, qui toti in litteris sint, & se sapientiæ vel cultores, vel etiam professores, profiteantur, tanti erroris, quo quæstuosiora solum in pretio habentur, venia dari debeat. quam Vbertus Folietæ denegatam iis voluisse videtur, scribendo (sf): *Qui præmiis ducun-*

(f) Caselius in epist. ad Eberhardum, Præsulem Lubecensem, p. 24 Rostochienium epistolar. Mantissæ ab Henr. Vagetio edit. & in orat. funebr. Andr. Mylio scr. C. 3, b.

(sf) lib. I de Linguae Latinae Vfu & Præstantia p. 96.

## P R A E F A T I O.

*ducuntur, ii pluris se exiguam mercedem, quam virtutem ipsam facere declarant: neque bonum publicum in scribendo spectare, quod egregiis viris in primis est propositum, sed turpe lucrum degeneri cupiditate consecrari; ingeniumque & eloquentiam tamquam cauponari, quo questu nullus potest esse sordidior.* Prudentioribus hæc diiudicanda relinquens, omnes ac singulos assensuros mihi, spero, sæculi nostri genium eum esse, ut, si fieri posset, ut vnus ex laudatis viris reuiuiscens cathedram adscenderet academicam, Aristotelis Rhetoricam, Demetrii Phalerei de Elocutione librum, Ciceronis libros de Oratore, eiusue Orationem aliquam explicaturus; vehementer dubitem, an tot auditores inuenturus sit, quot ætate sua numerarit. Quid, quod Mart. Crusius suo iam æuo dubitauit, an, si Homerus, aut Demosthenes, aut Euripides tum venissent, magnopere essent curati (t). Quid nostro sæculo, quo ii, qui Latine scribunt, a  
certo

(t) Annal. Sueu. P. III, lib. IX, cap. 8, pag. 508.

## P R A E F A T I O.

certo hominum genere, quibus Latinam linguam asperere satis infectari studium est, exagitari solent, factum iri, credamus? *Omnia* scilicet *secula suum genus*, *sive singularem humanarum voluntatum inclinationem habere videntur, quae incerta studia animos mortalium inflectere soleat* (tt). Sic XVI saeculo Germania complures habuit, qui maximos in *Graecae linguae* cognitione fecerunt progressus, postquam *Ricardus Crocus, Britannus*, (u) ita ibi primus eam docuerat, ut plane perdisci potuerit, & quid momenti ad omnem doctrinae eruditionem atque cultum peritia eius adferri posset, intelligere coeperint in Germania (v): quae praeter quatuor istos celeberrim-

(tt) Thom. Bartholin. Dissert. de Libris legendis, p. 37.

(u) talem ipsum Crocum sese fecisse, Mutianus ad Io. Reuchlinum scripsit; quamquam ob linguae mobilitatem & Graecanicos mores *Graculus* visus sit: nam eum *Theocritum iucundissime legisse, & cum gratia balbutisse*, addit Mutianus, lib. II epist. illustr. viror. ad Reuchlinum 2. 3. a.

(v) Ioach. Camerarius in vita Eob. Hesli. anno 1510 xv Lipsiam venit *Crocus*, in Gallia *Hieron.*

## PRAEFATIO.

berrimos viros, supra a me nominatos, *Micb. Neandrum* habuit, huiusque discipulum *Laur. Rhodomanum*, *Hieron. Wolfium*, *Frid. Sylburgium*, *Dau. Hæschelium*, *Io. Posselium*, *Mart. Crusium*, & quam plurimos linguæ istius peritissimos viros alios (x). Quanti vero hæc ho-

*Aleandro* præceptore vsus. quum Græcarum litterarum doctrinam professus esset, omnium amorem fauoremque maximum consecutus statim dicitur: vtpote qui non primordia linguæ, sed integram ac plenam eius scientiam adferre visus erat. Incredibile prorsus esse, scribit Caspar Cruciger, in *Orat. de Initiis, progressionibus, & incrementis doctrinæ eruditæ in Academia Lipsiensi & Wittebergenfi*, quæ ex Parente suo, Croci discipulo, ea audiuit; quanto fauore Lipsia Crocum exceperit. tamquam *cælitus demissum* omnes venerati erant hominem, & unusquisque felicem se iudicauerat, si in familiaritatem ipsius insinuandi habuerat copiam. docenti vero & mercedem, quæ postularetur, persolvere, & quocunque loco temporeque præsto esse, neminem recusauisse, adfirmat Cruciger; cui, *si concubia nocte se conueniri, quamuis longe extra oppidum, iussisset* Crocus, omnes libenter obsecutos fuisse, narrauerat Parens.

(x) vid. *C. S. Schurzleischii* dissertat. de *Meritis Germanor. in Græcas litteras*: quæ est XCVII inter disputationes histor. & luculentissimas præfationes, quæ *Laur. Rhodmani Palestine* ab ipso auctore &

## PRAEFATIO.

hodie apud nos fiat, neminem fugit: nec dubitandum puto, quin minoris multo fieret, nisi Spiritus S. dignam eam censuisset, qua *Novum Fœdus*, cum humano genere per Servatorem nostrum Iesum Christum initum, consignaretur. Accedit eo, quod, ut primum res, siue ars quæpiam novitatis gratiam exuat, ista non adeo moveri amplius videantur homines: quibus omnium tandem re-

d 3

rum

*Mich. Neandro* præfixæ sunt; & quam hic *Erotematibus* suis Gr. linguæ præmisit: it. *Georg. Henr. Gætzl Principem Græce doctum*, Lips. 1704, 4. cui eruditæ *Io. Cunr. Dieterici & Io. Zwingeri de Græcarum litterarum Restauratione* adiectæ sunt lucubrationes. Quibus utinam adiecta etiam esset eiusdem *Dieterici* non minus erudita & æque inuentu difficilis oratio, quam an. 1640 *Marpurgi*, quum loco *Theod. Vietoris* senio confecti viribusque exhausti *Musas Atticas* suscepisset, habuit, hoc insignitam titulo: *Græcia exsulans, siue de Infelicitate sæculi superioris in Græcarum litterarum ignorantie*, dissertatio. Hac etsi vberior est *Zwingeri* oratio de *Barbarie superiorum aliquot sæculorum orta ex supina Lingua Græca ignorantie*, viginti & vno anno post habita, ac cl. *Gætzl Principi Græce docto* adiecta: *Dieterici* tamen dissertatio huic eruditione non cedit: scienter enim admodum demonstravit doctissimus vir, quicquid anteaactis sæculis Græcæ linguæ contigerit, *insulsis* tribuendum id esse

## P R A E F A T I O.

rum satietas exoriri solet, nouarumque, licet deteriorum sæpius, auiditas : siue qui, vt Velleium Paterculum rem expressisse, paullo ante cognouimus, *occupatam velut materiam relinquentes, querunt nouam. quotidiana enim, vt in prouerbio est, vilescunt.*

Hinc quoque *Latine lingua fata ac vicissitudines*, quas in *Germania* nostra experta est, maximam partem dependere videntur. Nam etsi intellecta renascentium in *Germania* litterarum utilitas multos ad excolendas eas allexerat : plures tamen rei *nouæ ac insuetae* conditio *Germanorum* oculis oblata ardorem in animis eorum excitasse, videtur. Id quod graui duorum *Germaniæ* eruditissimo-

*doctoribus*; vt per aliorum damnum erudiret, & ne in præteritos errores & pristinam barbariem relaberetur *Germania* : cui diuino beneficio contigisse, ostendit, vt sæculo XVI & insequenti puer quinquennis sciret, quod olim quinquagenario litterato latuerat ; quum annosus Magister nesciuerat, *Nonum Testamentum* Græce exstare, & quidam sibi persuaferant, *Græcam linguam nouum plane sermonem esse*, qui antea non exstiterit.

simorum virorum testimonio probare constitui: primus eorum est Ioach. Camerarius, qui *Et maxima seniorum admirationis, Et ardentissime iuniorum cupiditatis, renascentibus in Germania literis declarata, non tam iudicium, quam nouitatem causam fuisse, censuit* (y). In eadem sententia Io. Caselius fuit (z), vbi prudentissime scripsit: *Quae noua sunt, ea vel cum ratione, vel absque ratione auemus cognoscere, Et initio feruent omnia. Id euenit annis abhinc circiter centum quinquaginta, quando Et Graecae lingua in Italiam Et cis Alpes ad nos allata fuit, quum paullo ante nobilissima ars typis exscribendi libros veteres primum nata fuisset in Germania. Tum enim non vnus Et alter Graecam linguam cognoscere gestiebat, sed exercitus subito oriebantur, amore Graecitatisne an Latinitatis? flagrantium. Non minus au-*

d 4

tem

(y) de Vita Melanchthonis p. 7.

(z) in Cohortatione ad Latinum sermonem paullo accuratius addiscendum.

## PRAEFATIO.

*tem sunt homines natura αἰσχροποι quam  
Φιλόκατοι.*

*Ipsa ista Latina lingua in Germania nostra fata commentatus ego, iis, qui in excolenda illa precipue inter Germanos elaborarunt, breuiter simul a me commemoratis; de causis, cur hodie negligatur ea & contemnatur fere, quædam subiicere, constitueram. Quum vero illud argumentum ita sensim creuisset, vt iusto libello sufficere videretur: huius elaborationem certas ob causas in aliud tempus reseruare decreui: ita tamen, vt me vel sic illius summa fermedumtaxat capita proferre, vltro profiterar. Satis quidem coniicio, multos fore, qui consilium hoc meum non admodum probauerint, obiicientes, querimoniis huiusmodi nihil plane proficidum seculi mores facilius notari, quam emendari posse, videantur: præsertim quum querimoniæ a me, eruditione parum instructo, ac vsu, optimo rerum magistro, minus recte edocto homine, instituantur. Quod ad priorem obie-*  
ctio-



# PRAEFATIO.

ctionem attinet, nefas fore, non arbitror, si in altero isto argumento conscribendo tiro ego magnorum virorum exemplum imitandum mihi proposuero; etiamsi rem infeliciter satis tentaro. Quid enim diffitear, me ex veteribus *Quintiliani*, siue quicunque etiam de *Causis corruptæ eloquentiæ Dialogi* auctor fuerit, ex recentioribus *Ludouici Viuis*, qui de *Causis corruptarum artium* egregie scripsit, exemplum quodammodo secuturum esse? Illi, qui & doctrina & usu non satis instructum me existimauerint, idque non iniuria, sciant velim, me pleraque, quæ de utroque argumento proferre me cognouerint, ex virorum summa prudentia, multa doctrina & plurimo rerum usu præditorum monumentis collegisse: quo facilius iis, quæ scripsi, fidem te habiturum, spero, optime Lector: quum ipsa insuper res pro se plerumque loqui videatur. In his ipsis quidem Commentariis *clarorum virorum Epistolis* multum usus sum, quum me haud prætereant, eas & temporum, & doctorum virorum iis viuentium,

d 5

um,

# PRÆFATIO.

um, historiam ita continere, vt, qui vno-  
 quolibet tempore viri boni, docti ac  
 præstantes vixerint, & quid docuerint  
 atque moliti sint, vix aliunde melius  
 possumus cognoscere. Cum primis  
 vero multa ex *Io. Caselii* exquisitis  
 monumentis posterioribus Commenta-  
 riorum horum capitibus inserui. quo  
 enim pauciores diuini huius ingenii mo-  
 nimenta cognita habere, mihi persua-  
 debam, eo gratius Lectoribus me factu-  
 rum, putabam, si plurima ex iis adductu-  
 rus essem: quibus, tamquam grauibus  
 excellentissimi viri, cuius similes Ger-  
 mania paucissimos progenuit, dictis,  
 Commentarios meos exornare, & rebus  
 singularem fidem facere ego posse, mihi  
 videbar. idem de *Melanchthonis, Came-  
 rarii, Sturmiique iudiciis* mihi visum  
 est. Quamobrem te minus peruerse  
 interpretaturum esse, confido, Lector,  
 quod, dilucidis sæpius tot testium verbis  
 insertis, stilus inæqualis maxime reddi-  
 tus sit: quum enim permagni inter-  
 dum referat, *quis dicat*, credebam, fore,  
 vt summorum virorum testimonia, ipsis  
 ple-

## PRAEFATIO.

plerumque verbis, quibus vsi sunt, re-  
tentis, legere malles, quam minus in-  
interruptam, meisque verbis, id est, tenui  
atque exili admodum dicendi genere,  
concinnatam rerum seriem cognosce-  
re. postquam minus ægre ferre consti-  
tui, si fuerint, qui centonem me con-  
scripsisse, obganniuerint: talis enim,  
qui omnibus ac singulis, nostro præser-  
tim sæculo, satisfecerit, natus forsitan  
non est. Quod si vero etiam fuerint,  
qui in iis, quæ a me adiecta sunt, pluri-  
mum, quod ad Latinitatem spectat, de-  
siderauerint, sic habeant rogo, me nihil,  
nisi Latini sermonis amorem, præ me  
ferre, tantumque abesse, ut magnam e-  
ius venditem cognitionem, ut parum  
etiam exercitatum in eo tironem me  
esse, confitear.

De reliquo, quum politioris litteratu-  
ra historiam elegantibus viris ingratam  
esse non posse, quæ iuuentutis iudicia de  
multis rebus formare queat, Caselius &  
Melanchthon, quorum iudicia instar  
plurimorum habere me, modo confir-  
maui,

## PRAEFATIO.

maui, cēſuerint. & quum *exempla*, eorundem ſententia, *non minus in hominum animis efficere queant, quam doctrina atque praecepta*: dum bonæ naturæ cogitatione atque admiratione virtutis in viris præſtantibus maxime exſuscitantur incendunturque: & quum tempora, tum homines, tum etiam actiones & ſtudia conferentes, meliora voluntate recta & ſano conſilio eligunt, & deteriora declinant. Hæc, inquam, quum ita ſint, & quum *ſtudiorum commemoratio, ac rationis, quam in laude per litteras conſequenda inierunt maiores, indicia, ſtudioſis non minus conducere, iudicarit Melanchthon, quam bellatoribus ſtratagemata & conſilia veterum Ducum noſſe*: neque meos hos Commentarios, qualescunque etiam ii fuerint, tibi, beneuole Lector, iniucundos fore, confido. Adductis modo argumentis & hoc accedit; quod ſummi iſti duumviri haud leuiſſimis adnumerarunt: quod, *nifi ſuperioris ætatis illuiniem & fæde adſperſas ſordes adſpexerimus, verendum ſit, ne nos litterarum*

*rum*

## PRAEFATIO.

*rum decora, polita ac venuste renitente facie leuiter nimis adficiamur. Vel* ipsis his prudentissimorum virorum iudiciis me patefecisse, arbitror, quorum gratia Commentarios hos conscripserim. Neque doctis videlicet, neque indoctis, eos contexui. nam doctos, copiosis bibliothecis instructos, istos non curaturos, scio; carere certe istis poterunt: indoctos, velut ignorantes, & optimæ linguæ inimicos, eos contempturos esse, præuideo. Si vnum & alterum litterarum studiosum ad Romanum sermonem amandum, & accuratius addiscendum opera hac mea adduxero, satis habiturum me esse, confirmo; siquidem haud leue eius pretium tulissetum ego mihi videbor.

Priusquam verbosæ satis præfationi finem imponam, non possum, quin te admoneam, Lector, ne fidem habeas iis, qui doctis persuadere adhuc ausi sint, me sub *Iani Gregorii B. tulii* nomine latere: cuius *bina Epistola de August*

*sta*

## PRAEFATIO.

*Ista Bibliotheca Wolfenbuttelenſi, Seren. Ducis Antonii Ulrici Seceſſu in Salinarum Valle, & aliis rebus, ſuperioribus annis prodierunt. Iis potius credas velim, qui Ioannem Georgium Burckhard, fratrem meum minorem natu, ſub nomine iſto latitare, adfirmarunt. Nam, licet læſum me non ſentiam, ſi quis binarum epiſtolarum iſtarum auctorem me habeat; vtpote quas nonnulli haud improbarunt, honorificam earum facientes mentionem: & quas ipſi aduerſarii perquam eruditæ & ſingulari rei litterariæ & antiquitatis notitia reſertas appellare haud dubitarunt; quarum auctor eruditione perquam præſtans videatur. ſuum tamen cuique tribuendum eſſe, exiſtimo. Verendum præterea fuerat, ne minus candide ac ſincere quidam de hiſce Commentariis meis iudicaturi fuiſſent, ſi eorum & commemoratarum Epiſtolarum vnum eundemque auctorem eſſe, ſibi perſuaſiſſent porro: quamquam, ſi quis æqui cenſoris officio perſungi voluerit, non*  
tam

## PRAEFATIO.

tam *quis scribat*, quam *quid scribatur*, considerandum ei esse, putem. Quod quidem ille non fecisse nuper videtur, qui quum meæ *de celeberrimi Cellarii obitu* Epistolæ in scripto quodam mentionem faceret, & persuasum sibi haberet, *Ianum Gregorium Betulium*, cui forsitan non fauet, eius auctorem esse: me rei cuiusdam insinulauit, cuius ipse mihi conscius profecto non sum; & cuius ii, qui antea de eadem Epistola publice iudicarunt, me haud coaruerant. qui ipse alias Epistolam tenuem valde habeo, festinante calamo minusque hilari animo scriptam; qua optimi viri vitam adumbrasse neutiquam mihi visus sum, nedum expressam eam a me esse, cuiquam persuasum voluerim. Quando vero Betulium me esse, negaui, caue existimes, me, libera de Commentariis hisce iudicia quodammodo reformidantem, ea præfamine huiusmodi declinare quasi studuisse: Liberrima cuique iudicandi de istis sit potestas: cogitet modo, quorum gratia

## PRAEFATIO.

tia ego eos composuerim ; id quod paullo ante exposui : & sciat, me nihil fere in ipsis tributum mihi velle, quam industriæ nonnihil in colligendis *eruditissimorum virorum de Linguae Latine amore a Germanis culto iudiciis* ; *temporum serie* in disponendis iis a me observata : si quis contradicere his voluerit, id per me sibi licere, credat. Tu autem, beneuole ac candide Lector, vale, & conatibus meis, si merentur, faue ; qui ad nullam plane rem aliam, quam ad *linguae præstantissimæ studium*, neglectum hodie ac contemptum fere, pro imbecillis viribus meis adiuuandum, spectant.

ELENCHVS



# ELENCHVS

## CAPITVM.

### CAP. I.

**D**E Latine lingua per diuturna bella crebraque commercia in Germaniam translato, & per quatuor amplius secula continuato ibi usu. ab ipso scilicet tempore isto, quo Populo Romano cum Germanis res esse cœpit, ad horum usque in Romanas prouincias, ac ipsam Italiam, Urbemque irruptiones.

### CAP. II

Ostendit, nulla, ut reliquæ doctrina, sic Latine etiam lingua, neque cognitionis neque usus cuiusdam, per quatuor sequentia secula in Germania, præsertim quæ ad septemtriones spectat, exstitisse vestigia: & illos, qui ex Gallia, ubi lingua Rustica viguisse monstratur, in australem Germaniam Christianam religionem propagatum aduenerint, de lingua Latina bonisque litteris excolendis parum cogitasse: Monachorum enim istius ætatis mores fuisse longe corruptissimos.

### CAP. III.

Lux exeunte VIII, & ineunte IX sæcu-

## ELENCHVS

lo, Germania in litterarum Latinique sermonis studio augustissimis Caroli M. auspiciis oborta, paullo post ita denuo obscurata est, ut per quinque amplius insequentia secula summa ubique exstiterit ibi Latinitatis puræ castæque ignorantia: cuius haud obscura adferuntur specimina. in densissimis tamen tenebris ingenia quædam puro atque eleganti dicendi genere conspicua, tamquam lucidissima effulsere sidera. Ipse Fridericus II Imperator de litteris euehendis bene meritus est: cuius Cancellarius Petrus de Vineis ingenio, doctrina, & eloquentia præstantissimus ætate sua habitus est. Breui simul disquiritur, quo tempore Germanica lingua in publicis litteris tabulisve conscribendis usurpari cœperit; & quid industria monachi in describendis libris collocarint. Pauca demum de carminum genere, siue rhythmis, quibus secula ista mirifice delectata sunt, enarrantur, nonnullorum supra sæculi mores elegantium poetarum mentione iniecta.

## CAPITVM.

## CAP. IV.

*Barbaries integro plus seculo post Germania eiici cœpit, quam Italia penitus erat eiecta. quare Germanorum nomen huius ciui Io. Ant. Campano inuisum maxime fuit atque detestabile. Io. Regiomontanus, Georg. Purbachii discipulus, suo demum Germanos inuitauit exemplo ad Latine linguae bonarumque litterarum cultum ex Italia petendum. Petiit hunc inde circa annum c13 CCCCLXXVI Rud. Agricola, vir de cuncta Germania praeclare meritus: qualis laus etiam debetur Rud. Langio, Westphalo, cuius populares fuerunt Alex. Hegius, & Ludou. Dringebergius: quorum ille Germaniam inferiorem, hic superiorem ad Latinam linguam diligentius addiscendam perduxit: ex cuius schola una cum pluribus excellentissimis hominibus prodiit Io. Reuchlinus: cuius incredibilis in litterarum linguarumque studiis inter barbaros etiamnum Germanos stabiliendis, & contra Colonienses sophistas defendendis, suscepta cura atque pericula recensentur; verbosa satis de fidelibus eius*

*in eodem negotio urgendo sociis facta mentione: quorum baud exiguo numero Conr. Peutingerus, Io. Camerarius Dalburgius, Bilib. Pirckheimerus, & complures alii grauisimi linguae Romanae assertores fuerunt. huius utilisimum studium subleuatum commonstratur summo Germania Principum, Electorum, atque ipsius augustissimi Maximiliani I, quo litteratos dignati sunt, fauore. qui in uniuersa Europa communis tum & in Musas singularis plane fuisse, ostenditur: ita, ut Germaniae nobilitas, Principum exemplo incitata, litteratissima exstiterit: doctrinae studio propositis, & cum honore artissimo vinculo coniunctis praemiis magnopere adiuto: gratisima insuper concordia inter litterarum vindices constituta, & tam bene confirmata, ut bona sua inter se habuerint communia. Ratio denique, quam saeculum istud in Latina lingua sordibus purganda iniit, breuiter declaratur. hanc adiuuenta a Germanis libros typis exscribendi ars tam facilem reddidit, ut Romani sermonis in Germania feliciter asserti infantia*

## CAPITVM.

*ac pueritia non ita multorum lustrorum  
spatio circumscribi posse videatur.*

### CAP. V.

*Inter illos, qui procedente saeculo XVI  
incredibili suo studio diligentiaque rem  
eo perduxerunt, ut Latina lingua tam  
cultā in Germania exstiterit, atque or-  
nata, ut a perfectione non procul abesse  
videretur, quorum numerus ingens omni-  
no fuit; primo loco qui ponantur, di-  
gnissimi sunt Io. Murmellius, Herm.  
Buschius, Des. Erasmus, optimi eruditi  
Hegii discipuli. quorum duo priores in-  
signem in Alexandri Doctrinali & reli-  
quis linguae impuritatibus ex scholis eiici-  
endis nauarunt operam; quibus Io. Auen-  
tinus suam etiam adiunxit, eamque per-  
utilem. Erasmi vero merita tanta sunt,  
ut scholae unicum fere litterarum inter  
Germanos venerentur eum instaurato-  
rem. cui in vindicando litterarum Ro-  
manique sermonis studio opportunam  
maxime atque fidelem opem tulerunt Vl-  
ricus Huttenus, qui obscurorum virorum  
ad Ortuinum Gratium Epistolarum au-*

*Et or putatur ; & Hermannus Comes  
 Nuenarius ; fortissimus uterque Reuch-  
 linianæ causse defensor. Atque horum  
 praestantissimorum virorum ætate Latinæ  
 linguæ, de cuius etiam orthographia per-  
 ficienda eruditi solliciti fuisse demon-  
 strantur, adolescentia definienda vide-  
 tur ; ita tamen, ut virilem etiam vigo-  
 rem, siue aureum linguæ in Germania  
 sæculum attigerit : quale ut hoc esset,  
 summa excellentissimi Melanchthonis in  
 singulas disciplinas merita effecerunt.  
 Et hoc ipsum peritissimos ostentauit in  
 Germania scholarum moderatores, do-  
 ctissimos grammaticos, interpretes, at-  
 que rhetores, elegantissimos porro poe-  
 tas, grauisissimosque historicos, ac orato-  
 res, facundissimos senatores, atque iure-  
 consultos, Latinissimos medicos, & bo-  
 narum denique litterarum cupidissimos  
 theologos. Quæ adfirmatio nonnullis  
 singularum artium disciplinarumque  
 studiis eruditissimis viris nominatis com-  
 probatur ; & eorum principem Ioach.  
 Camerarium recte haberi, ostenditur.  
 Quemadmodum vero superiori tempore  
 poterat*

## CAPITVM.

*potentissimorum Principum clementia ac nobilissimorum virorum fauor in Germanis doctrinae eloquentiaeque studia, excolendi ardorem concitarunt: sic eadem clementia ac idem fauor ardorem, hunc aurea ista aetate quam maxime sustentarunt: siquidem Principes atque ciuitates erigendis bonarum litterarum officinis, fouendisque litteratis hominibus adeo inter se certabant, ut quo plures produceret respublica eruditos; eo florentior ista existimaretur atque ornatio. id quod Cisueseranae in primis regiones testari possunt: quo docti ex Westphalia confluxerunt.*

## CAP. VI.

*Latina linguae omnisque elegantioris doctrinae cultura eadem Melanchthonis aetate, qua ad summum in Germania adscenderat, retro sublabi iterum visa est; cuius mutationis culpam an Lutherani sustineant, & utrum b. Lutherus bonarum litterarum vindices inuidia saltem degrauarit, quemadmodum quidam statuerunt, inquiritur: utroque negato, ma-*

ior, æque magna certe, Latini sermonis contemptio in Papatu deprehensa esse, ostenditur: eiusque alia ac diuersa recensentur causse. Optimorum Romanorum scriptorum imitatione neglecta, Apulciani, obsoletaque antiquitatis adfectatores prouenerunt, minus tolerabiles, quam Ciceroniani. Adagiorum abusus sæculi stilo non parum quoque obfuit; quem temeraria Criticorum, Ramistarumque soboles neutiquam adiunxit. Quantopere docendi ratio degenerarit, & a superiorum temporum felicitate omnia sub sæculi XVI exitum in Germania discreparint, luculentius nemo declarasse videtur, Casp. Hoffmano. Irruenti barbariei strenue obuiam inter Germanos iuerunt Io. Sturmius & Io. Caselius singulari Germania fato exorti, & de Romano sermone feliciter vindicando præclare meriti viri. Sturmii collegis, successore, discipulisque nonnullis simul laudatis, pauci quidam eiusdem sermonis assertores, ex aurea ista ætate in Germania exeunte sæculo XVI reliqui, nominantur: horumque de discordia,



## CAPITVM.

dia, eruditorum animos quam maxime dissociante, Mæcenatum paucitate, & aliis incommodis, quæ, Latine lingue uniuersæque humanitatis studio perquam molesta atque noxia, eruditos in contemptionem sensim adduxerunt, adferuntur querimonia.

## CAP. VII.

Quibus fatis Latina lingua in Germania sæculo XVII vsa, & qua ratione, inuentus in scholis ibi instituta sit, singularum artium disciplinis eruditissimorum virorum testimoniis declaratur: & quemadmodum Germanorum linguam istam addiscendi ardor magis magisque deferbuerit, ostenditur: stili formis, siue characteribus aliquot, velut Philippi-  
co, Lipsiano, commonstratis, atque le-  
suitarum Latine lingue studio, non minus sensim diminuto, memorato. Eo-  
rum, qui ipsum hoc studium inter Ger-  
manos conseruatum voluerint, popula-  
ribus laudabili præcuntes exemplo, nu-  
mero, primo loco nominatur Gerh. Io.

## ELENCHVS CAPITVM.

Vossius & Gasp. Scioppius : *quorum*,  
*buius præclara in Romanum sermonem*,  
*merita pluribus prædicantur verbis*, &  
*illorum*, qui apud Germanos operam na-  
 uarunt, ut optimis Latinis auctoribus  
 meliuscule esset, nec non Oratorum, poe-  
 tarum, rhetorum, atque grammatico-  
 rum nonnulli nominantur. Neque Mæ-  
 cenates proximo sæculo penitus defuerunt  
 Germaniæ. Qualia demum per hoc  
 ipsum sæculum, quo viuimus, fata Latine  
 lingue imminere videantur præstan-  
 tissimorum virorum iudiciis ostenditur;  
 & pauca de eius dignitate, a quibusdam  
 acriter satis hodie impugnata, addun-  
 tur.

ADDEN-

## ADDENDA ET CORRIGENDA.

**N**ouum, idque perspicuum maxime vicissitudinis, cui res humanas numquam non obnoxias esse, singulæ propemodum opusculi mei paginae demonstrant, exemplum præbuit nuperrime *S. Galli monasterium*. quo minus enim de hoc adfirmari amplius posse videatur, quod p. 89 de eo adfirmaui, anceps belli fecit postea fortuna, quam illud scripsi.

*Orationibus*, ac reliquis de *Ph. Melanchthonis Morte scriptis*, *Iudiciisque a Greg. Richter* collectis, pag. 366 in notis a me citatis, addantur. *Locorum Communium Collectanea*, a *Io. Manlio ex Phil. Melanchthonis* potissimum *lectionibus* excerpta, *Basilea, Budisina* & alibi sæpius sæculo XVI in 8 excusa. Quæ quamuis *Ioach. Camerario* & aliis parum probata sint: plurima tamen lectu admodum iucunda, ac salutaria maxime consilia iis continentur: præsertim vbi de *Scholis & Studiis linguarum, artium ac facultatum* a pag. 497 vsq. 582, agitur. Enumeratio quoque ista quorundam præstantissimorum virorum quum ex magnatum, tum ex aliis familiis ortorum, qui vel ipsi litterarum cognitione studioque indefesso, vel liberalitate & aliis beneficiis de Ecclesia bene meriti sunt, & adhuc in id incumbunt: capiti IV. & V Commentariorum meorum, vbi ostendi, quantum Germaniæ Musæ summorum Principum munificentia debeant, singularem planè fidem atque robur adferre potest

## ADDENDA ET

potest. Multa enim enumeratione hac, pag. 548, seqq. recensentur de summa liberalitate, qua in litteratos vsi sint, & quantopere litterarum in Germania renascentium causa voluerint Principes; quorum numero: *Maximilianus I*, & *Carolus V*, Imperatores, *Friedericus*, *Ioannes*, *Mauritius*, *Augustus*, Electores & Saxoniae Duces, *Georgius* Marchio Brandenburg. *Albertus*, Senior, Princeps Borussiae, *Ernestus* Dux Luneburgensis, *Philippus* Landgravius Hassiae, *Eberhardus* Dux Wurtemberg. *Georgius* Anhaltinus, *Carolus* Marchio Badensis, *Io. Albertus* Dux Megapol. De *Carolo V* p. 550 narratur, ipsum *Thucydidem plurimum legisse*, & cubiculariorum eius hanc fuisse consuetudinem, vt, precationibus dictis, singuli aliquid legerent, donec Imperator surrexerit; alius *Thucydidem*, alius *Herodotum*, alius *Liuium*, alius *Gallicam historiam*, alius aliud: ipsum autem Imperatorem, postquam surrexerit, precibus recitatis, interrogasse, quid singuli legerint, vt sic ad hilaritatem excitaretur. *Iacobus* Marchio Badensis, Treuirensis Episcopus, p. 556 *excellenter doctus* dicitur, quem *Maximilianus* Imperator Episcopum esse voluerit propter *excellens ingenium, eruditionem, eloquentiam & omnem ingenii & corporis praestantiam*: & qui in conuentu Colonienfi nomine Imperii responderit legatis Gallicis *Gallice*, legatis Pontificiis

Lati-

## CORRIGENDA.

*Latine, legatis Venetis Italice, & Germanicis Germanice. De Friderico Saxoniz p. 560 legitur: Quandocunque legebat in optimis auctoribus sententiam quamdam insignem, eam parieti inscripsit, ut semper eam in conspectu haberet, ne excideret ipsi e mente. sic ambulans in museo, talia dicta tacitus secum consideravit. De Philippo Landgrafio Hasliæ p. 576: Tempore obsidionis urbis Monasteriensis ad me dicebat: Nunc ego incipio magis diligere studia, quia video, si homines negligunt studia, & abiiciunt libros Propheticos & Apostolicos, fieri plurimos phanaticos homines, suos entusiasmos & reuelationes iactantes. & paullo post de Io. Alberto Duce Megapolit: In Italia mos est, ut Principes audiant & inspiciant studia, sicut etiam inter Principes Germanie olim fuit consuetudo. Vix ullum autem hanc consuetudinem imitari video, nisi Ioannem Albertum Principem Megapol. qui quotannis aliqua examina in schola Suerinensi instituit, quibus illustrissimus Princeps ipse interest, & simul pueros examinat: bene quoque respondentibus munera non exigua largitur. Alias etiam extra examina idem Princeps scholas accedit, & studia ac mores iuuenum considerat. de Ernesto Saxoniz Duce pag. 578 legitur: Ernestus, frater Ioannis Friderici Electoris, etsi haberet exiguos redditus ex sua ditione, tamen adeo fuit munificus, & liberalis erga homines doctos & studio-*

## ADDENDA ET

*studiosos, vt plurimos in Academiis aleret, & plurimis beneficiis eos adficeret: idem de Carolo, Marchione Badensi, ead. pag. prædicatur: De reliquis Principibus referuntur, quæ citatis capitibus a me prolata magnopere etiam confirmant. id quod de florentissimis Germaniæ ciuitatibus & generosisimis familiis simul intellectum volo: inter eas omnino excellit Noriberga; inter has Comites de Stolberg, & Dalburgiorum familia. Ad summam, ne de singulis denuo Mæcenatibus agam, Enumeratio ista sic comparata est, vt spondeam, fore, vt neminem legisse eam pœniteat; quo facto, quilibet fatebitur, spero, me seculum, quod tam munificos & bonis litteris perbeneuolos Principes, ac indulgentissimos Patriæ Patres suspexerit, vere aureum in Commentariis meis summo iure nuncupasse.*

*Sanctii Mineruam a Scioppio Romam allatam esse, p. 539 scripsi, fidem hæc in re habens ipsi Scioppio: quippe qui in præfatione Grammaticæ Philosophicæ, beneficio Petri Scauenii plurimis locis e schedis ipsius auctoris, qui omnia paullo ante mortem accuratius recognouisse & emendasse dicitur, insigniter auctæ, & Amstel. an. 1664 editæ, \*\* 2, b, rem ita narrauit: Grammaticam Sanctianam ipse Romam ex clarissima Europæ academia, quæ Salmantica est, attulisse me, gloriôr. At in prioris editionis præfatione idem adfirmasse Scioppium, postea deprehendi, quod celeb. Perezonium præfat, in Sanctii Mineruam adfirmasse, eadem pag. scripsi: Ferdin. Henr. Ducem Alcaicum & Tartesi Comarchum Salmantica Romam secum detulisse Mineruam. Quid permouerit Scioppium, vt soli sibi adscriptum volue-*

## CORRIGENDA.

voluerit, quod alteri iam acceptum retulerat; an gloria Ducis, cuius laudes fusc celebrauerat, hac in re inuiderit forsan, exputare non queo.

\* A. I *singula verba emenlanda* quod attinet, hæc secundum sequentem *Syllabum* vt corrigas, est, quod etiam atque etiam abs te contendo, beneuole Lector. Copiarum minor vt esset, licet exoptaturus essem, voti compotem me tamen fieri non posse, noui: eam igitur tantum deprecaturus, scias velim, correctioni attendere me non potuisse, quum Opusculum longinquioris verbis, eiusque florentissimæ, officinam exercuerit. operarum festinationi paullo maior emendandorum numerus tribuendus videtur: instantes enim nundinæ eas vrgebant; siquidem eiusmodi officina est, cuius operis diu ferriari haud contingit, dum typorum nitor fatiscam commendat.

In ipso contextu corrigenda.

pag. 16 vers. 16 lege *barbarissimum*. p. 25 v. 18 *At*. p. 35 vlt. v. *multo*. p. 38 v. 20 *Latina*. p. 55 v. 23 *debent*. p. 65 v. 1 *Parentis*. p. 69 v. 13 *studuere*. p. 83 v. 8 *Maximus*. p. 103 v. 9 *annum*. p. 109 v. 3 *notiones*. p. 112 v. 3 *non tam non*. p. 148 v. 7 post *compellauit*, l. *scribens*, p. 160 v. 9 post *didicisse* l. *fateri* p. 174 v. 14 *expugnatura*. p. 194 v. 9 *nationem*. p. 199 v. 7 *perpaucos* p. 215 v. 22 *volo*. p. 223 v. 4 *nostra*. p. 247 v. 11 *litteratissimorum*. p. 257 v. 22 *prebeat* p. 259 v. 17 post *detulisse* l. *vi catur*. p. 262 v. 3 *ciuitatem*. p. 269 v. pc vlt. *vindicando*. pag. 273 v. 16 *propagatum*. p. 297 v. 24 *Qua*. p. 347 v. 22 *explosis*. p. 400 v. 23 *cum*. v. 24 *profectus*. p. 402 v. 2 *seculo*. p. 403 v. vlt. *commendata*. p. 406 v. vlt. *fundate*. p. 410 v. 5 *cognouimus*. v. 8 *didicisse*. p. 414 v. 23 *ciuilis*. p. 415 v. 8 *sanctissimas* p. 424 v. 18 *late*. p. 442 v. 21 *Aleandrum*. p. 485 v. 3 *tanti*. p. 492 v. vlt. *languescentem*. p. 514 v. 15 *Latine*. p. 517 v. 16 *venalis*. p. 519 v. 1 pro *que* l. *quidam*. p. 528 v. 11 *vile*. p. 558 v. 10 post *istius* l. *verba*.

In notis.

pag. 60 v. 16 lege *quemque* p. 98 v. 15 *Imperator*. p. 99 v. 11 *cognoscent*. p. 106 v. 25 *iuuantus*. p. 189 v. 16 *adferre*. p. 196 v. 10 *cui*. p. 228 v. 16 *efflorescentes*. p. 229 v. 27 *qui*. p. 266 v. 3, 1541. p. 292 v. 22 *dele banc*. p. 299

## ADDENDA ET CORRIGENDA.

v. 10 post *Henrichmannus* adde --- p. 309 v. 14 *ducentorum*. p. 328 v. 9 *Huttenus*. p. 357 v. 2 *bac*. p. 386 v. 2 *Lippienses*. pag 390 v. 5 *quanto*. p. 400 v. 1 *Cratonis*. p. 413 v. 2, 1576. p. 426 v. 3 *Disciplina*. p. 456 v. 2 *libello*. p. 459 v. 1 *adductam*. v. 21 *effeminari viderentur*. p. 460 v. 3 *ergo*. v. 26 *mature*. p. 461 v. vlt. *delabi*. p. 501 v. 18 *Schofferus*.

Hæc sunt *grauiora errata* sensum quodammodo turbantia, festinanter perlegendo a me adnotata. caue itaque, credas, me iusta ac debita cum attentione Commentarios typis exscriptos perlegisse, & omnia errata adnotasse mihi videri. singula capita diligenter perlegere haud vacabat. Quædam studio prætermisi: quæ scilicet attentum lectorem sine mea admonitione obseruaturum, & beneuole correcturum, putabam: quamuis mihi persuadeam, me talia in ipso etiam *syllabo* indicasse. eiusmodi certe existimo: *pilosophia*, *deblatruerant*, *furientis*, *Iudeastri*, *incomparibili*, *linguam*, *multiuariis*, *tribendum*, *leguleos*, *κατασκευαστον*, *stultitiam*, *formidulosus*, *quatriennium*, *plebei*, *labescantis*. Quibusdam in locis *periodos* etiam, harumque *membra accuratius distincta* atque *incisa* peruellem, præsertim pag. 7 v. 13. p. 15. v. 13. p. 26 v. 3. p. 35 v. 22. p. 111 v. 2. p. 236 v. 3.

Reliqua per se quemlibet emendaturum, & si sphalmata obseruauerit, quæ non tam operarum, quam auctoris festinationi, siue etiam hallucinationi, tribuenda visa fuerint, ea condonaturum esse, confido. Si vero *Nomina propria* diuerso modo interdum scripta animaduertaris, Lector; sic habeto, id non negligentia, sed industria plerumque a me factum esse; quandoquidem *ipsos auctores* in *nominibus* suis scribendis *uariasse*, sæpius obseruauimus: quorum numero sunt *Symlerus*, *Stromerus* *Aurbachius*, *Iulius Pflugius*. Ceterum iterum iterumque te moneo, vt me eum existimes, qui *humani nihil ab se alienum putet*, & qui præter *leuem* satis *Latine lingue cognitionem*, magnum ex aduerso in eam *amorem* atque *studium*, nullam præ se ferat eruditionem.





DE  
LINGVAE LATINAE  
IN GERMANIA FATIS  
COMMENTARIIL.

---

CAP. I.

*De Latina lingua per diuturna bella crebraque commercia in Germaniam translato, & per quatuor amplius saecula continuato ibi usu. ab ipso scilicet tempore isto, quo Populo Romano cum Germanis res esse coepit, ad horum usque in Romanas provincias ac ipsam Italiam urbemque irruptiones.*



DE Latinae linguae in Germania nostra fatis acturus, a *Caroli M.* temporibus, siue etiam ab *Saeculo post Christum natum XV*, Commentarii mei si facerem initium, causas, quibus instituti ratio probari posset, inuenturum me existimo,  
A easque

easque non leues adeo atque infirmas. E-  
 nimuero ad tempora, quibus Populo Roma-  
 no cum Germanis res fuit, quod attinet, satis  
 haberent forsitan lectores, si *Tacitum* lo-  
 quentem adducerem (a): *Litterarum secre-*  
*ta viri pariter ac femina ignorant.* Quum  
 vero, deuicta denique imperiosa orbis Do-  
 mina, Romanum nomen septemtrionalibus  
 gentibus minus horribile amplius esse coepe-  
 rat; & hæ ipsæ in prouincias Romanas effre-  
 natius irrumpentes, vastauerant omnia, vni-  
 uersam fere Italiam ita depopulati, vt ipsa  
 Roma sordes indueret atque squalorem: nul-  
 la fere in ipso Latio Latinæ linguæ exstiteret  
 vestigia; nullus saltem eius cultus atque ele-  
 gantia. Quis igitur, quæso, in *Germania*,  
*terris adhuc informi, aspera cælo, cultu aspe-*  
*ctuque etiamnum tristi maxime ac barbaræ*  
*Italia esset quæsiturus?* Lux autem, quæ huic  
 imperante *Carolo M.* in litterarum studiis  
 oborta est, tantopere obscurata est iterum  
 paullo post, vt densissimæ subsecutæ denuo  
 sint tenebræ; quæ commemorato sæculo di-  
 uina ope discussæ demum sunt atque penitus  
 compressæ. accedit, quod laudatus Impera-  
 tor melius de rerum doctrina, quam de Ro-  
 mana lingua meritis esse videatur. Quare  
 si ab ipso isto sæculo XV telam exordirer, ha-  
 berem

(a) de Moribus Germanor. cap. 19, §. 1.

berem omnino, vti dixi, quibus, cur fecerim ita, declarare possem, rationes; illos quasi imitaturus, qui de *Latinae linguae fatis atque atatibus* vniuerse agentes ab eo tempore, in quod *Liuii Andronici* ætas incidit, inchoant ferme, ac illud, quod præcescit, vix dignum putant, quod leuiter attingant. Verum enimuero, si rem altius, & ab ipso, vt loquuntur, capite, strictim repetiero, operæ pretium me quodammodo facturum esse, confido.

Equidem *Herm. Conringius*, magni nominis vir, *Romani sermonis usum aliquem in Germanicis populis existisse prius*, negat, quam ad *Christianam religionem* fuerint conuersi: atque ea propter, quo citius aut serius ii hac sint imbuti, eo vetusta aut recentia magis sermonis huius putanda esse, dicit, exordia. Sed tamen *neminem Germanorum Romanam linguam calluisse ante tempora ista*. *statuere, absurdum fore*, continuo addit. *tantum in pretio aut magno quodam usu, vt nunc sit, eam linguam ante religionis nostræ primordia liberis Germaniæ gentibus fuisse, inficiari se, profitetur* (b): in qua postrema adfirmatione quemlibet adsentientem sibi habiturum Conringium, arbitror. At frustra plane acturum eum censeo, qui Romanæ linguae

A 2

vel

(b) Præfat. in edition. Taciti de Morib. Germ. quæ emissæ est 1635. p. 42.

vel leuissimum vsum inuestigaturus prius esset apud Germanos, quam cum Romanis commercium quodquam habuerint. Nisi quis Latinam linguam in Germania, siue apud Celtas, exstitisse prius statuerit, quam in ipsa Italia. At mihi non de praestantissimæ linguæ originibus, quas complures apud Celtas Germanosue inuestigandas putarunt (\*), sed de adinuentæ iam, & a diuinis ingeniis, quæ Latium protulit, excultæ vfu, in præsentī sermo est. *Sexcentesium & quadragesimum annum egit vrbs Roma, quum primum Cimbrorum arma audiuit* (c). Tametsi nullam plane Germanorum habuisse antea Romanos notitiam, credendum facile non est: præsertim quum *Cimbros Germanicam gentem esse ex corporum habitu coniecerant* (d). Utut erit, maximo *Teutonum* ac *Ambronum* exercitu a *C. Mario* ad *Aquas Sextias* ad interneccionem redacto, atque *Cimbris* non procul *Vercellis* ab eodem *Mario* eiusque collega *Q. Lutatius Catulo* deletis; Germanos Italiam adeundi libido tantopere non agitaui deinceps; nec Romanos lacesiuerunt, belli-

(\*) vid. Morhof. de Germanorum lingua cap. II p. m. 27 seq. & cap. III p. 52, seq. c. IV. p. 64, & elegantissimam Vossii prætationem, quam de Vitiis Sermonis libris præmisit.

(c) Tacitus de M. G. cap. 37.

(d) Plutarchus in vita Marii.

bellicue cum ipsis fortunam non tentaerunt denuo prius, quam C. Iulii Caesaris tempore: quando inuicti exercitatisimique in armis sibi visi, paullatim Rhenum transire consueuerant, & in Galliam magna eorum multitudo Ariouisto duce venerat. quod Populo Romano periculosum visum erat, quum homines feros ac barbaros non temperaturos sibi existimaret, quin, quum omnem Galliam occupassent, ut ante Cimbri Teutonique fecissent, in provinciam exirent, atque inde in Italiam contenderent (e). Iulius Caesar igitur Ariouisti spiritus, ut ipse loquitur, mature reprimendos statuit: eoque superato, Rhenum ipse primus Romanorum ponte facto semel iterumque transiit, Germanos laceffens; sed mox regressus est, quum non fuerint, qui ab ipso vincerentur: siquidem omnes in silvas ac paludes diffugerant (f).

*Bellum* itaque est, quod, si non magnum multumque, leuem saltem Latinæ linguæ vsum in Germaniam nostram sensim introduxit: qui sub *Augusto* atque *Tiberio* imperatoribus, magis magisque inualuit, & vna cum armis Romanorum latins sese ibi diffudit. Nam quemadmodum *Ariouistus* lingua Gal-

A 3

lica

(e) C. Iul. Cæsar. de Bello Gall. I, cap. 33, 36.

(f) Florus III, c. 10, §. 14, 15.

*lica longinqua consuetudine multa usus est (g);* sic fortissimum ducem *Arminium*, quem *ultra barbarum ingenio promptum fuisse*, ipsi Romani testantur (h), Latine locutum esse constat (i): utpote qui assiduus prioris Romanorum militiae comes, civitatis ius, equestremque consecutus fuerat gradum: dum Romanis in castris ductor popularium meruerat. Fuisse quoque in eiusdem Arminii exercitu milites, qui Romanae linguae scientes fuerint, commemorat, qui res ab summo hoc duce gestas memoriae prodidit (k). Ut de *Barbara* illa muliere, quam *Druso Albim transituro occurrisset*, tradunt, taceam: hanc enim, quaecunque etiam illa fuerit, Latino sermone prohibuisse victorem, perhibent (l).

Fieri enim aliter non potuit, quam ut longa cum Romanis consuetudine lingua horum adfuerent paullatim Germani (\*):

(g) Iul. Caesar. de B. G. I, c. 47, §. 4. hunc Caesaris locum illustratum vide ap. Morhof. de Germanor. lingua c. II, p. 30. seq.

(h) Velleius Paterculus, Histor. II, c. 118, §. 2.

(i) Cornel. Tacitus Annal. II, c. 10, §. 4. (k) ibid. c. 13, §. 3.

(l) Suetonius in Claudio c. I.

(\*) Quemadmodum longa etiam aduersum Romanos militia insueuerint sequi signa, subsidiis firmari, imperatorum dicta excipere; posteaquam vagis olim incurribus, & per disiectas caeteruas bellauerant. vid. B. Rhenan. lib. I. Rer. German.

præsertim posteaquam *Variana clade* complures splendidissime natos, senatorium per militiam auspicantes gradum, fortuna ita depresserat, ut alium ex Romanis pastorem, alium custodem casæ fecerit apud Germanos (ll). Accedit id, quod maximum est, quod iis, qui ad flumina finesque Germaniæ incolebant, colloquia ac liberi cum Romanis congressus sæpius fuerint concessi. Postquam scilicet Romani in prouinciarum suarum tutelam custodias disposuerant vbique per Germaniæ flumina, & in ipso etiam hostico, *Drusi*, ductu validissimis quibusdam nationibus eius superatis, munitissima castella exstruxerant: eam tum in Germania pacem fuisse, adfirmant, ut mutati homines, alia terra, cælum ipsum mitius molliusque solito videretur (m). Quid? quod *Quintilius Varus* mediam ingressum Germaniam, vclut inter viros pacis gaudentes dulcedine, iurisdictionibus, agendoque pro tribunali ordine æstiva traxisse, enarrant; Germanosque in summa feritate versutissimos, fictas litium series simulantes, & prouocantes alter alterum iniuria, gratias egisse *Varo*, quod lites istas Romana iustitia finiuerit: & quod feritas sua nouitate incognitæ discipline mitescere

A 4

cape-

(ll) L. An. Seneca epist. 47.

(m) Florus lib. IV, c. 12, §. 26.

*cæperit, ac armis discerni solita iure sint terminata.* at simulasse modo talia Germanos, addunt, *vt in summam socordiam perducerent Romanorum ducem* (n).

Vt taceam, Germanos *stipendia* subinde in Romanorum castris meruisse: & horum imperatores *corporis custodes* ex Germanis propter singularem eorum fidem, robur atque proceritatem legere maluisse, quam ex alia gente (o). Ipse iam *C. Julius Cæsar* Germanos contra *Gallos* muneribus stipendiisque inuitauit: quorum opera adiutus Galliam perdomitam tandem in provinciæ formam redegit. qui eorundem auxiliis in bello contra *Pompeium* gesto opportune etiam usus est. Vt porro de *Legatis*, quos Germanos Romam interdum misisse legimus, nihil dicam: cuiusmodi populorum legatos nullos audiuisse Romanos in senatu, nisi qui Latine verba fecerint, scimus (p). Memoratu dignum censeo, quod *Suetonius* de talibus Germanorum legatis, *Claudio* imperante Romam misiss, refert (q): His scilicet imperatorem *in orchestra sedere permisisse, simplicitate ac*  
*fidu-*

(n) Velleius Paterculus, lib. II, c. 117.

(o) C. Suetonius Tranquillus in *Neron.* c. 37, in *Galba*, c. 12, *C. Calig.* c. 55.

(p) vid. Ludou. Viues ad Augustinum de *Ciuitate Dei* l. XIX, c. 7, n. 6.

(q) in *Claudio*, c. 25.



*fiducia eorum permotum, quod in popularia ducti, quum animaduertissent, Parthos & Armenios sedentes in senatu, ad eadem loca sponte transferant, nibilo deteriore virtutem aut conditionem suam predicantes. Eundem Claudium Imperatorem Arminii nepotem ex fratre, nomine Italum, Romæ educatum, Cberuseis petentibus regem dedisse, constat.*

*Quod si vero quis C. Velleium Paterculum legeret, nescius, ipsum Tiberio suo aperte maxime tum etiam adsentatum esse, quum scribere haud erubuit (r), totam Germaniam armis sub duce hoc esse perlustratam, sicque perdomitam ab ipso, ut in formam pene stipendiariae redegerit prouincia: fractas enim continua triennii militia Germanie vires, vietasque esse gentes nomine fere incognitas, adeo, ut nihil fuerit tum in Germania, quod vinci potuerit, prater Marcomannorum gentem eundemque ducem post cladem sub Varo Quintilio acceptam ocius prosperrimo rerum euentu, excisa Germania, summi qui adornaret ducis triumphum, dignum fuisse. Si quis porro fidem haberet superbo plane, ut ipsi Romani eum appellant (s), titulo, quem Germanicus post prælium, quo fortuna magis,*

A 5

quam

(r) Histor. lib. II, c. 97, 106, 108, 122.

(s) Tacitus Annal. lib. II, c. 22.

quam virtus deseruerat Germanos, armorum congeriei addidit: *Debellatis inter Rhenum Albimque nationibus, exercitum Tiberii Caesaris ea monimenta Marti & Ioui & Augusto sacrauisse.* Quod si, inquam, hæc legeret quis, sic, ut nimis credulus minus recte consideraret ea, scriptoribus eandem rem enarrantibus inter se non collatis, persuadere sibi initio fortasse posset, Germanos a Romanis ita deuictos tum esse, vt imperio ipsorum subiecti, leges imponere sibi continuo passi sint.

Id enim si euenisset, colligere porro inde liceret, victricis gentis linguam vsurpari tum coepisse, non a paucis quibusdam, sed a cuncta fere Germania. Siquidem ii, qui res a Romanis gestas scriptas nobis reliquerunt, satis nos edocent (f), cum his fuisse morem, vt *leges sermone suo, imperium quasi præ se ferente, conscriptas imposuerint debellatae genti*: quippe qui ad honorem suum quam maxime pertinere arbitrabantur, Romanæ linguæ vsum publicum exsistere: illud ea propter inter cetera grauitatis obtinendæ indicia cum cura custodientes, ne Græcis vmquam, nisi Latine, responsa darent, & vt per interpretem loqui eos cogerent: idque non

(f) Valerius Maximus I. II, c. 2, conf. Methof. de Patauinitate Liuian. c. II.

non in vrbe modo, sed in ipsa Græcia Asia-  
que. quo scilicet Latina vocis bonos per om-  
nes gentes venerabilior diffunderetur. Quæ  
ipsa caussa est, quamobrem Græci Romano-  
rum linguam *terribilem* appellarint atque *su-  
perbam*; & cur ea *barbara* iisdem visa sit ac  
*molesta* (t). Quum præterea sermo arctiori  
vinculo cum moribus plerumque sit coniu-  
ctus; haud intermisisse Romani, scholas  
tum aperire Germanis: siquidem permagni  
omnino ipsorum interesse videbatur, erudiri  
subiectos, ac barbaram gentem Græcis Latini-  
sque litteris cultiorem reddi: quo facilius  
homines dulcedine earum capti, armaque  
tractare obliti paullatim, Romanis obsequi  
perseuerarent, nouis rebus amplius non stu-  
dentes (u). Sic cum *Gallis* etiam egerunt,  
atque *Hispanis*, ac nonnullis *Africæ* populis,  
qui patriam linguam suam sensim fere dedi-  
scerent, ipsam adeo Romanam non temere  
deinceps æmulati sunt eloquentiam. Nec  
vero fortissimus prudentissimusque *Sextorius*  
arcanum illud ignorauit, qui nobilissimo-  
rum Hispanorum filius *Oscam* deductis præ-  
ceptores, qui Græcas atque Latinas discipli-  
nas

(t) H. Casaubon. Exercitat. IX ad Annales Baron.  
p. m. 164.

(u) conf. cel. Cellarii dissertat. de *litteris cultioris*  
*Germaniæ*, §. 18.

nas docerent ipsos, constituit. hac enim ratione obsides sibi simul reddebat filios istos: etsi parentes sibi quam maxime ea propter gratulati, quod prolem scholam istam frequentare ac in litteris multum proficere cernebant, Sertorii hanc curam inter humanitatis signa referebant; quemadmodum *Britannos* etiam posthac fecisse, infra videbimus: quum tamen, si dicendum, quod res est, *pars servitutis* fuerit licet non fœdæ, duræ ac miseræ, sed honorificæ admodum atque futuræ (v).

Iisdem artibus quin Romani in *Germania* quoque vti fuissent, si in *stipendiaria provincia* formam, ut Velleius Paterculus falso prorsus tradidit, ab ipsis esset redacta. At vero factum id non esse, testes habemus longe grauisimos: præterquam quod res pro se ipsa loquitur. Testem primo habemus *Tacitum*, scriptorem quam cordatissimum: qui, tantum abest, ut adfirmet, Germanos Tiberio regnante esse debellatos, ut *altero Traiani consulatu ducentos ferme ac decem annos computatos esse*, ultro profiteatur (x); *ex quo Germania vinci cœperit a Romanis*. Et postquam horum accepta a Germanis damna pluribus verbis commemorauit, & quinque

Confu-

(v) Plutarchus in Sertorii vita.

(x) de Morib. Germanor. c. 37, §. 4.

Consulares exercitus, tresque *Vari* legiones  
 ablatas populo Romano, & *C. Caesaris* minas  
 in ludibrium a Germanis versas esse, conque-  
 stus est: hos a Romanis triumphatos magis,  
 quam victos esse, addere non dubitavit vir ve-  
 ritatis studiosissimus. *L. Annaum Florum*  
 testem porro habemus, quippe qui optavit,  
 vt ne *Augustus* Germaniam vincere tanti pu-  
 tasset: turpiter enim magis amissam eam ite-  
 rum esse, quam adquisitam, fateri necesse ha-  
 buit (y): si modo adquisitam eam a Roma-  
 nis esse, dicere vere potuit *Florus* noster.  
 Quo minus vero retinere eam, ac prouinciam  
 facere licuerit principi, *Romanorum* vitia  
 prohibuisse, censet; hæc enim minus, quam  
 imperia ferre potuisse Germanos, adfirmat:  
 quod æternæ maiorum nostrorum laudi scri-  
 ptum iudico: Hos *Vari* *Quintili* libidinem  
 ac superbiam haud secus, quam sauitiam, o-  
 disse, pergit *Florus*: & sub *Druso* ex aduerso  
 mores Romanorum magis, quam arma, suspe-  
 xisse, Germanos, asserit. Breue igitur admo-  
 dum gaudium fuisse Romanis in Germania,  
 addit tandem, quum huius incolæ victi ma-  
 gis, quam domiti fuerint: Varique clade fa-  
 ctum confitetur, vt Imperium Romanorum,  
 quod in Oceani litore non stetisse putat, in  
*Rbeni* flumine steterit: ultra quod populi Ro-  
 mani

(y) lib. IV, e. 12, §. 21. seqq.

mani magnitudo *reuerentiam* dumtaxat *imperii* protulerat (2): nedum transrhenana Germania in prouinciæ formam a Romanis sit redacta.

Et sic breuiter comprobasse ego mihi videor, bella ancipiti valde fortuna a Romanis gesta, aliquantum Latinæ linguæ vsus Germaniæ nostræ intulisse. Præter bella *commercia* quoque, & reliqua, quæ Germanis pacis tempore cum Romanis intercescit, vitæ consuetudo, eiusdem linguæ vsum promouere potuerunt in Germania, præsertim apud populos, qui ad ripas ac in propinquo incoluerant. *Mercatoribus ad Germanos eo magis aditum fuisse, ut qua bello cepissent hi, quibus venderent, haberent, quam quo ullam rem importari ad se desiderassent, Iulius Cæsar ostendit (a): qui de Vbiis quoque, quorum ciuitatem amplam appellat florentemque, ut captus tum fuerit Germanorum, adfirmat, ipsos humaniores paullo ceteris fuisse, propterea quod Rhenum attigerint, & multi ventitarint ad eos mercatores (b). Catualtam, valida manu Marcomannorum fines ingressum, in Marobodu regis ac castello iuxta sito Romanis e prouinciis lixas repperisse, ac negotiatores, quos ius commercii, dein cupido*

(2) C. Tacitus de M. G. c. 29, §. 3,

(a) de B. G. lib. IV, c. 2. (b) ibid. c. 3.

pido augendi pecuniam, postremum obliuio patriæ suis quemque ab sedibus hostilem in agrum transtulerit, *Tacitus* memoriæ prodidit (c): ex quo itidem constat (d), eosdem *Marcomannos Quadosque* externos iam tum *passos esse reges*: quibus ex Romana auctoritate vis fuerit atque potentia: hasque ipsas gentes *raro armis, sæpius pecunia*, a Romanis esse adiutas. *Hermunduris non in ripa commercium fuisse, sed penitus, atque in splendidissima Rhetie prouinciæ colonia*, idem *Corn. Tacitus* asserit (e): quos *passim & sine custode transisse* narrat ita, vt *Romani arma atque castra sua ostenderent, domosque & villas iis patefacerent non concupiscentibus*. Latina lingua consueuisse tum etiam *Marcomannorum Hermundurorumque* ciuitates, conicere quis facile potest ex tam familiari cum Romanis consuetudine. Quamuis negatum nolim, per interpretes etiam inter Romanos Germanosque crebro actum esse: res sane ipsa per se liquet. Fuisse enim inter Romanos, qui *Germanicam*, siue *Celticam linguam* cognitam habuerint, ex scriptoribus facile probari potest: quemadmodum ab his notatum quoque legimus, fuisse omnino Romanos, qui *Gallicæ linguæ* fuerint admodum periti

(c) *Annal. lib. II, c. 62.* (d) *de Morib. G. c. 42.*

(e) *ibid. cap. 41.*

periti (f). *C. Caligulam coegisse* adeo quosdam, commemorant (ff), *vt Germanum sermonem addiscerent.* *Iulianus* postero tempore in exercitu suo habuisse dicitur, qui *barbarici sermonis*, vt loquuntur eius ætatis historici (g), valde gnari fuerint longoque vsu periti. *Siagrium*, prouincialem quidem inter Gallos hominem, at Consulis pronepotem, ac insignis poetæ semine sæculo V. natum, litterisque egregie excultum, *Germanicum sermonem ita addidicisse*, Sidonius Apollinaris refert (h), *vt immane narratu fuerit, quantum stupuerint* Siagrii populares, *eum sermonis barbari notitiam tanta facilitate rapuisse, & vt barbarus ipso presente barbarissimum lingue sue facere formidaret, & curua Germanorum senectus epistolas interpretanti adstupuerit, negotiis mutuis arbitrum disceptatoremque Siagrium desumens.* quamquam æque corporibus ac sensu rigidi fuerint Germani indolatilesque : in Siagrio tamen *amplexos pariter esse & didicisse sermonem patrium, & cor Latinum*, addit Apollinaris.

In

(f) Iulius Cæsar. de B. G. lib. I. c. 47, §. 4.

(ff) Sueton. in C. Calig. c. 47. (g) Am. Marcellin. lib. XVIII, c. 2.

(h) Epist. 5. lib. V. conf. eruditissimas Io. Sauaronis ad epistolam istam notas p. 310, 311, edit. Paris. 1599. 4. & B. Rhenan. Rer. Germ. lib. II, p. m. 366.



In rebus, coniectu non adeo difficilibus, demonstrandis longior esse nolo, qui sic satis me probasse hætenus, opinor, in Germania primo post natum Seruatorem nostrum sæculo, & paullo ante, Romanum sermonem a quibusdam fuisse vsurpatum; non cultum illum atque elegantem, plebeium saltem ac vulgarem, quotidianumque, a Sidonio *vsualem*, ab aliis *prouincialem*, *Latineque lingue æmulum* (\*), appellatum. Enimuero veterum Romanorum sermonem in vsu quotidiano loquendoue alium longe fuisse, ac qui per ingenii mōnimenta ad nos propagatus est, viri doctissimi dudum declaratum iue-

B runt,

(\*) de *Prouinciali sermone* egregia multa adnotauit D. Erasmus, lib. XXVIII, ep. 9. vbi inter alia ita scribit: *Constat autem apud Hispanos, Afros, Gallos, reliquasque Romanorum prouincias, sic sermonem Romanum fuisse vulgo communem, Et Latine concionantem intelligerent etiam cerdones, si modo, qui dicebat, paullulum sese ad vulgarem dictionem accommodasset.* & paullo post addit: *Ac ne Rome quidem eo tempore, quo maxime florebat ea lingua, omnes loquebantur, quemadmodum loquebatur Cicero.* Hinc euenisse etiam, ostendit, quod in *Arnobii* Commentariis in Psalms Dauidicos tot reperiuntur solæcismi, adeo manifesti, vt vix *Holcos* & *Bricot* solæcisset crasius, quum *Arnobius* ad vulgarem istam dictionem sese accommodaret.

runt, argumentis non infirmis (i). Quod si vero *Cicero* sua iam ætate in ipsa vrbe homines fuisse conquestus est, qui impoliti & consulto rudium ac imperitorum similes videri voluerint: quis, quæso, persuasurus sibi esset, in prouinciis Romano imperio subiectis, Germaniæque finitimis, elegantem illum ac politum sermonem Latinum a vulgo in communi vsu esse adhibitum. Etiam si *extravrbem atque in prouinciis plus sæpe urbanitatis*, quam in ipsa vrbe, fuisse, liquido satis a nonnullis est ostensum (k). At difficulter forsitan declaraturus quis esset, veteres Germanos alium, præter plebeium istum, ac vulgarem, a prouincialibus, militibusque præsidariis percepisse? quin immo immanibus ac barbaris eorum moribus alter iste, venustus scilicet atque urbanus, parum sine dubio conuenisset.

Me de reliquo, si de Germanis sermo mihi hactenus fuit, *Germania Magna*, id est illius, quæ Romanis trans Rhenum fuit atque Danubium, incolas intellexisse, per se quemlibet crediturum spero. Nam quod ad Germaniam attinet, quæ a Romanis *Cisrhenana* appellata, in duas, superiorem ac inferiorem, diuisa

(i) vid. Morhof de Germanor. lingua c. IV, p. 66. seqq. & de Patauinit. Liu. c. 6.

(k) ibid. c. 14, 15.

diuisa fuit partes, in Gallico tum solo eam sitam, & ab Augusto in prouinciæ, siue separatae, siue sub Gallia Belgica comprehensæ formam redactam esse, constat : postquam complures Transrhenanæ Germaniæ populi vel vltro transgressi, vel ab *Agrippa*, aliisque transducti eo fuerant (1). Ex quibus *Vbios* experimento fidei supra ipsam Rheni ripam collocatos esse, *Tacitus* nos docet, ut arcerent, non ut custodirent : quippe qui origina erubuerint sua, ac *Agrippenses*, conditoris sui nomine, vocari se maluerint. quum *Treueri* ex aduerso *Nerviique* circa Germanicæ originis adfectionem vltro ambitiosi fuerint, tamquam per hanc gloriam sanguinis ab similitudine ac inertia Gallorum separarentur (2). Hanc quidem Cisrhenanam Germaniam Romani imperii partem factam veterem ac popularem linguam propter assidua cum transrhenanis commercia retinuisse, putant (m): Romanorum tamen etiam linguam, quin vna admiserit, non dubitant. Nam sermo mores hominum sequi fere solet. Accedit, quod in eam maxime curam incubuerint

B 2

sem-

(1) vid. Cellarii Orbis Antiq. Notit. lib. II, cap. 3, p. 369, seq.

(2) Tacitus de M. G. c. 28.

(m) vid. B. Rhenan. lib. I Rer. Germ. p. m. 91. & 369. Lehmanni Chron. Spirens. lib. II, cap. 45, p. m. 166.

semper Romani, vt supra iam a me adfirmatum est, vt proprius ipsis sermo mature traderetur prouincialibus, non solum vulgaris ille, verum etiam elegans atque vrbani, vt iudiciis ipsi interesse, leges & edicta Romanorum cognoscere possent (n). Eam ob rem in omni Gallia, æque ac in aliis prouinciis, præterquam quod crebras eo deduxerunt *colonias*, quibus cuncti occidentis cultura debetur, ludos passim aperuerunt litterarios; inter quos *municipales apud Vefontium atque Lugdunum scholæ* satis floruerunt, nec non illæ, quæ *Durocortori in Rhemis*, atque *Augustoduni in Aeduis* constitutæ, illustres maxime exstiterunt: quarum illa propter vberimum studiorum prouentum *Nouæ Athenæ* appellata est (o). hanc autem *Constantii Chlorig Cesaris* iussu restauratam a rhetore *Eumenio* laudatam, scimus; quam pulcerri-  
mo opere, & studiorum frequentia celebrem quondam ac illustrem fuisse, perhibet; siquidem *nobilissima Galliarum soboles liberalibus studiis in ea iam tum fuerat operata* (p). Non igitur mirum, quod *Strabo Narbonensis Gallia incolas barbaros dicendos esse negauerit*,

(n) vid. B. Rhenanus c. I. pag. 368. & Lehmannus c. I.

(o) Cellarius in dissert. de Initio cultioris Germaniæ, §. 20.

(p) C. Tacitus Annal. III, c. 43.

rit, *sed plerosque ad Romanorum paulatim se conformasse mores victusque consuetudinem, Latino loquentes sermone, adfirmauerit* : (\*)

Idem de *Rhatia, Vindelicia*, ac *Norico*, quod de *Cisrhenana Germania* statuendum est : nam licet *prouinciæ istæ hodie non minimam Germaniæ nostræ conficiant partem* : Romanos tamen antiquæ Germaniæ fines ab *Rheni læuaque Danubii ripa statuissè*, neminem fugit : scimus quoque, fuisse inter eruditos, qui statuerint, terras istas, quæ *Illyrici* pars deinceps fuerunt, siue continuatio, gentes prius incoluisse, quam a Romanis sint subactæ, quæ proprium habuerint sermonem, a Germanico diuersum (\*\*). His itaque prouinciis, in quarum altera splendidissima ab *Augusto* condita est colonia, Romanorum ditioni adiectis, vt *Latinus sermo propagaretur ibi, barbarique incolarum mores cultiores redderentur*, quin sedulo curauerint victores, dubium non est, ita, vt rem pluribus verbis comprobare necesse me habere,

B 3

non

(\*) conf. Morhof. de German. lingua, Cap. I P. II.

(\*\*) ita B. Rhenanus statuit lib. II. Rer. German. pag. 369. at eadem fortasse ratione statui posset contrarium, quæ nonnulli probatum iuerunt, *Gallorum Germanorumque linguam priscis temporibus unam fuisse eandemque, vel dialectis tantum unam ab altera diuersam existisse.* vid. Morhof. de lingua Germanor. c. II, p. 29 seq.

non putem. Satis videlicet exploratum habebant Romani, *si Germanorum & finitimorum, corporibus animisque delicias, luxum atque opes ignorantibus ratio daretur, ac disciplina, fore, ut Romanos mores repetere inde postmodum necesse haberent* (q).

Vt eo, vnde diuerti, in Magnam Germaniam scilicet, reuertar demum; vltra *Albim* Latinæ linguæ vsum, qualiscunque etiam is fuerit, extendendum facile non puto: flumen enim hoc transiisse Romanos, negat Strabo: fac vero transieciisse eos postero tempore exercitum, ut Tacitus de *L. Domitio* affirmat (r): statim tamen iterum sunt regressi. Quæ quum ita sint, coniiicere inde possumus, vltra ipsum hoc flumen summam existitisse barbariem: quo enim magis à Rheni Danubiique ripis recedebat Germania, eo vastior offendebatur barbaries, eoque horridior squalor occurrebat, fordesque. Nam licet Germaniæ Romanorum provinciis propinquæ magis ac finitimæ cultus exiguus fuerit, si cum illo comparetur, quem Hispania, Gallia, atque Britannia, postquam in Romanorum potestatem redactæ erant, per priora post natum Christum sæcula præ se tulerunt. in ora tamen & ad fluminum ripas

(q) L. An. Seneca lib. I de Ira, cap. II.

(r) Annal. lib. IV, cap. 44.

pas consuetudinem atque commercia, quæ cum provincialibus intercesserunt accolis, meliores his finxisse mores, maioremque cultum attulisse, inficiandum non est. *Hermundurorum*, atque *Marcomannorum* ciuitates, quas in exemplum protuli supra, rem probare, mea quidem sententia, satis possunt. De *Cattis* narrat toties a me citatus Tacitus, multum, ut inter Germanos, *rationis* ipsis fuisse ac *solertia*; & postquam *disciplinam*, qua in bello uti consueuerant, magnopere prædicauit, *alios Germaniæ populos ad prælium ire visos esse, Cattos ad bellum iuisse*, confirmat (s).

Maneat ergo *Cattis* sua laus militari disciplina parta: *Marcomannis* quoque, *Hermunduris* ac reliquis, gloria ab ipsis aduersariis ob minus immanes mores impertita, firma stet ac sempiterna. Omnis tamen ratio eorum, ordo omnis, cultus atque disciplina, si cum Gallorum, Hispanorumque moribus, uti dixi, conferantur, tenues adhuc videri queunt, & exiles admodum. Ad *litterarum vero studia*, & *accuratorem sermonis Latini usum* quod attinet, quæ apud laudatos populos floruerunt maxime, & plurimum omnino ad reliquum vitæ cultum contulerunt: antiquæ Germaniæ nullam prorsus laudem re-

B 4 lictam

(s) de M. G. cap. 30.

lictam esse, fateamur oportet. *Hispania M. An. Senecam dedit, Pomp. Melam, Iun. Moderatum Columellam, M. An. Lucanum : M. Fab. Quintilianum* etiam protulit, quo nemo oratoriam artem, si Ciceronem exceperis, inter Latinos melius tradidit, *M. Valer. Martialem*, alios. Quid? quod Latinae linguae tantopere studuerunt Hispani, praesertim qui ad Baetim incoluerant, ut patrii sermonis obliti, Latini adeo facti esse dicantur (f). *Gallicae* scholas, studiorumque in ea prouentum supra iam commemoravi : *Rhetores* ipsa Romam misit, ad quos Latine docentes magnus discendi cupidorum fiebat concursus, quum studiosissimus quisque exerceri apud eos cuperet (t). *Oratores* etiam in urbem misit Gallia, quos rerum gnari magnopere sunt admirati. nec mirum, quum praeter complures illustres maxime, quas fouit scholas, *Masfiliam* etiam ostentarit, *locum Graeca comitate & prouinciali parsimonia mistum beneque compositum* (u). Sic vero etiam (v)

*Gallia causfidicos docuit facunda Britannos,*  
 ut horum ingenia ipsis Gallorum studi-  
 is anteferenda deinceps putarint Roma-  
 ni

(f) Strabo lib. III.

(t) Sueton. Tranq. de claris Rhetoribus cap. 2.

(u) Tacitus in vita Iul. Agricolae, cap. 4.

(v) Iuuenal. Sartyr. XV, v. III.



ni (x); quum, qui Latinam linguam abnuerant ante, eloquentiam concupiuiſſent denique. In ipſa *Pannonia*, quum Romanis vix dum parere cœpiſſet, non diſciplinam modo, ſed linguæ etiam horum notitiam viguiſſe, ſunt, qui teſtantur (y), plerisque litterarum uſum ac familiarem animorum exercitationem ibi fuiſſe, confirmantes. Hæc fatiſ teſtificari poſſe mihi videntur, *imperioſam ciuitatem*, vt S. Auguſtinus loquitur (z) *in prouinciis nutu ac poteſtate ipſius adminiſtratiſ omnibus contendiffe viribus, vt non iugum modo, verum etiam lingua, imperii quaſi index, domita genti imponeretur.* quum non ignoraret, *verba neminem mouere, niſi eum, qui eiſdem linguæ ſocietate ſit coniunctus:* vt Cicero prudentiſſime monuit.

Ad quidnam teſtimonii maioribus noſtris, quod ad litteras attinet, impertiatur a Romanis, diſſertationis meæ initio protuli: illud ſcilicet, quod inter omnes conſtat, & parum proſecto honorificum eſt: *Litterarum ſecreta viros pariter ac feminas ignoraffe.* Equidem optime ſcio, fuiſſe omnino, qui verba hæc aliter interpretari vo-

B 5

lue-

(x) Tacitus c. l. cap. 21.

(y) Velleius Patere. lib. II, cap. 110.

(z) de Ciuitate Dei, lib. XIX, c. 7. . .

luerint (a), ac plerumque intelliguntur; ut  
 mitiorem videlicet paullo elicerent inde sen-  
 sum, qui, maioribus non omne plane studi-  
 um, nec ingenuas artes omnes abiudicaret.  
 Sed tamen parum abest, quin ab eorum ego  
 stem

- (a) *Matth. Berneggerus* hunc Taciti locum non  
 præcipue de ipsis studiis, sed de litteris earum-  
 que scriptura, h. e. non de nucleo, sed de puta-  
 mine, accipiendum esse censuit, quæstion. mi-  
 scell. ex C. Corn. Tacit. Germania, quæst. 99.  
*Mich. Beutherus* ex aduerso Comment, in Ta-  
 cit. de M. G. cap. 35, Germanos litteras habuisse,  
 rationibus probari posse, sibi persuasit; quum  
 tanta potentissimorum populorum multitudo si-  
 ne litterarum, quibus ipsorum lingua scriberetur,  
 præsidio, neque gubernari, neque in societatis  
 civilis recta norma conservari potuisse videretur.  
*Beuthero Morhofus* cap. 6, P. II. de Ger-  
 manor. lingua & poesi, p. 274 assentitur, & ex  
 hoc *Magn. Dan. Omeis* in Introd. ad German.  
 Poeticam p. 9: ubi clarissimis viris incredibile  
 plane videtur, Germanos Taciti temporibus lit-  
 terarum expertes fuisse atque ignaros; huius-  
 que verba *Heigium* non absurde de secretiore  
 litteratura intellexisse, arbitrantur. Cuilibet  
 iudicium hac de re liberum esto. Tantum addo,  
 gentem sine litterarum usu consistere omnino  
 posse, *Americæ* incolas ab Hispanis subactos suo  
 exemplo satis declarare mihi videri; utpote qui  
 incognitum sibi antea litterarum usum certissi-  
 mum diuinitatis argumentum existimarent,  
 quum chartæ scriptæ occultam vocem inesse  
 animaduertissent: quod *Petrus Cieza* in histor.  
 Peru. tradidit, vid. M. Bernegger. c. I.

stem partibus, qui, Tacitum verbis istis confirmare voluisse, credunt, antiquæ Germaniæ incolas litterarum mysteria nesciuisse; nec ulla disciplinarum aperta apud ipsos schola, nulla eos habuisse litterarum studia; ingenuarumque artium imperitos existisse, rudes atque ignaros. qui *quoties bellum non iniuerunt, multum venatibus, plus per otium transegerunt, somno dediti ciboque: pigrum & iners prorsus existimantes; sudore acquirere, quod sanguine parare possis* (b). quem etiam pro libertate, qua prius nihil habuerunt, effuderunt plurimum; parum curantes, vtrum commode habitare possent, ad finitimarum gentium exemplum, an *subterraneis specubus totos dies iuxta focum agendum sibi esset, somnum in diem extrahentibus* (c): Romanam seruitutem effugere se, vnice triumphabant atque gaudebant. Tam imprudentes scilicet non videbantur veteres nostri Germani, quam *Britanni, qui humanitatem vocauerant id, quod re ipsa seruitutis pars fuit* (d). Nam quæ in reliquis populis, armis in ditionem suam redactis, agere consueuisse Romanos, supra cognouimus, eadem in Britannis quoque moliebantur, contententes, vt *homines dispersos ac rudes,*  
eoque

(b) Tacitus de M. G. c. 14, 15. (c) ibid. c. 17, 22,

(d) idem in vita Iul. Agricolæ, cap. 21.

*eoque bello faciles, quieti & otio per voluptates adsuescerent. priuatim nimirum eos hortabantur, publiceque adiuuabant, ut templa, fora, domus, exstruerent, laudando promptos, castigando segnes; ita, ut discessum paullatim sit apud bonos Britannos ad vitiorum delinimenta, porticus, balnea, conuiuiorumque elegantiam. Quibus singulis perpetuo indigere maluerunt Germani nostri, quam libertatem amittere suam: utpote quam omni cultui, omnique elegantiae ac splendori longe praeferebant censebant; Romanam libidinem ac superbiam, tamquam saeuitiam, summo persecuti odio detestatique. Quo acrius igitur pro libertate hac sua propugnarunt, eo diutius & animi & linguae cultui restitisse videntur Germani, veriti, ne ipso hoc cultu sopiti quasi, libertate demum priuarentur: siue ne committerent, ut remollescerent animi effeminarenturque; & armis rubigo obduceretur denique. Id ne fieret, Suenos in primis, longe maximam, & omnium Germanorum bellicosissimam gentem diligenter cauisse, Caesarem testem habemus longe grauisimum (e): quos eam ipsam ob causam mercatoribus aditum concessisse, negat. Ceterum quam acriter pro libertate sua pugnauerint Germani, Tacitus alique abun-*

(e) lib. IV de B. G. c. I. seq.

abunde declarant, vbi bella eorum cum Romanis gesta enarrant : *Arsacis regno acriorem fuisse Germanorum libertatem, vltro fatentur. Non Samnis, inquit (f), non Pæni, non Hispaniæ, Galliæve, ne Parthi quidem, sapius, quam Germaniæ populi, admonuere.*

Talis fuit tempore, quo Romanum imperium maxime florebat, quo plurimis Europæ, Asiæ atque Africæ regnīs, quæ vniuersa ferme Latina reddiderat, leges ac iura præscribebat, & quo tot parebant ei in terrarum orbe provinciæ, vt ipsa magnitudine sua laboraret : talis, inquam, in Germania nostra tum stātus fuit, talis Latinæ linguæ vsus : qui exiguus licet videri queat, ac tenuis fati; non tamen nullus prorsus existit, nec penitus spernendus. immo in istis, quas commemorauī, provinciis; quæ nempe eo quidem tempore ad veterem Germaniam non pertinebant, nunc autem, & per bene multa iam sæcula ingentem eius constituunt partem, eiusdem linguæ multus sane ac insignis vsus fuit : prout provincie erant, quæ imperio Romano subiectæ vna cum victorum iuribus horum linguam admittere simul necesse habebant. In quibus quum ipsa hæc lingua magis magisque corrupta deinceps sit, & exeunte sæculo quar-

(f) Tacitus de M. G. c. 37.

quarto penitus fere oppressa, quilibet sibi facile persuadebit, credo, in Magna Germania tribus sæculis, primum a nato Christo insequentibus, linguæ vsum frequentiore non fuisse, quam ipso hoc priori sæculo fuisse, ostendi. Tantum enim abest, vt Germania per tria ista sæcula deuicta leges, & cum his alienam linguam imponi sibi a Romanis passa sit, vt eius populi horum prouinciis, ipsique demum Italiæ crudele & exitiosum maxime bellum intulerint, imperii sede ineunte sæculo V ab iis occupata. Quo tempore imperiosam quoque linguam conticuisse vbique prope ac obmutuisse, in præfatione breui iam est commemoratum. Siquidem omnium rerum vicissitudo est, & linguarum maxime natura ita comparata esse solet, vt imperia, quorum fideles sociæ fuerunt, assiduæque comites, ruere non queant, quin earum cultus atque decus concidant simul, eodem motu labefactata.

Grauisissima quidem commemorari a scriptoribus per temporis eius spatium Romanorum in Germania bella, & ingentes clades legi, quas & Romani & Constantinopolitani Imperatores intulerint eius populis, inficias ire non possumus: Germaniam tamen ab his ditioni suæ adiectam vniquam penitus esse, si quis putaret, multum falleretur. Nam  
licet

licet *Traianus* munimenta in ipso Germanico solo a *Druso*, aliisque exstructa olim, reparauerit, nouaque, suo appellata nomine, ibi collocarit (g): & licet successor eius *Hadrianus* Germanis regem constituisse dicatur (h). munimenta tamen ista, quæ Germaniæ non tam subigendæ, quam compescendæ gratia imposita erant, diruta iterum sunt ab incolis; a *Iuliano* postero tempore tumultuaria opera partim reparata (i). An porro regi isti honos suus diuturnus fuerit, & an amplas adeo terras regendas a Romanis acceperit in Germania, est quod valde dubito. Neque vero felicitas, qua *Marcum Antoninum* in bello Germanis inferendo usum esse, scribunt, perpetua fuit: & quamquam ipsius, quod contra *Marcomannos* gessit, bellum tantum fuisse prædicatur (k), quantum usque eo post hominum memoriam fuerit nullum: regionem tamen ipsorum in prouinciæ formam, quemadmodum constituerat, redigere ipsi non licuit; qui Germanorum auxilia contra ipsos Germanos bello petendos emerat (l).

Ex

(g) Eutropius lib. IIX, c. 2, & Ammian. Marcell. XVII, c. 1.

(h) Aelian. Spartian. in Hadriano, c. 12.

(i) Ammian. Marcell. c. 1.

(k) Iul. Capitol. in M. Antonino, c. 17, 21.

(l) Iul. Capitol. ibid.

Ex superbo *Germanici* atque *Alemiannici* titulo, quo *Antonino Caracalla* uti libuit, Germaniam Romano imperio subiectam esse, nemo coniecerit; praesertim qui quam stultus ac demens imperator fuerit Caracalla, meminere: utpote qui *Lucanicum* appellandum se decreuerat, si Lucanos vicisset; & cui suaserant nonnulli, ut *Getici Maximi* quoque nomen adsumeret, quod *Getam* occidisset fratrem (ll). *Alexandro Severo* imperante grauisimum accidebat urbi, quod *Germanorum vastationibus Galliam* diripi audiret, & quod barbara natio reipublicae ceruicibus imminere videretur. Alexander igitur contra Germaniam profectus est: at bellum, quod tanto conatu susceperat, conficere non potuit, *barbarico gladio*, ut loquuntur auctores (m), sine *Germani scurra*, qui cum aliis popularibus in exercitu imperatoris tum fuerat, manu occisus: qui scurra Latinae linguae peritus fatis fuisse videtur, quum imperatorem alloquentem ipsum intellexerit. *Maximinus* bellum illud contra Germanos ab Alexandro paratum conficiendum suscepit: quorum vires ab eo ita fractas esse, scribunt(n), ut *parum absuerit, quin omnem Germani-*

(ll) Ael. Spartian. in Ant. Caracalla c. 5, 10.

(m) Ael. Lamprid. in Alexandro Seu. c. 59, 61, 62.

(n) Iul. Capitol. in Maximin. c. 12.



*maniam in Romanam redeisset ditionem*: sed quo minus id factum sit, in causa fuisse memorant, quod per amnes, paludes atque sylvas aufugerint Germani; quos *persequi paludum altitudinem permisisse sibi negat Maximinus*, in litteris ad Senatum populumque misis (o). *Aurelianum* etiam imperatorem complures Germaniæ populos in speciosissimo isto triumpho suo captivos duxisse legimus (p). Verum populos istos armis ab Aureliano non domitos satis fuisse atque subactos, posteriora tempora, ut opinor, satis sunt testificata: quæ *Probo* imperatori tam vberem clarissimæ in Germania victoriæ præbuere materiam. Enimvero imperatorem hunc non solum *sexaginta*, quas Germani in Galliis occupauerant, *nobilissimas civitates* recepisse, memoriæ prodiderunt (q), *quadringentis* prope *millibus* eorum, qui Romanum solum intrauerant, *castris*, & reliquiis ultra Nicrum albiq; remotis, sed ipsum etiam vrbes Romanas & castra in barbarico solo posuisse, adfirmarunt. Quæ si quis legat, debellatum denique tum fuisse cum Germanis; conclamatumque de libertate eorum, existimare posset: præsertim si simul cognoverit,

C

uerit,

(o) ibid.

(p) Flau. Vopisc. in Aurel. c. 33.

(q) id. Flau. Vopisc. in Probo c. 13. seqq.

uerit, *sedecim millia Germanorum tironum per diuersas prouincias sparsisse* Probum, *no- uemque Germania regulos ad pedes huius sese proiecisse*; quibus Probus imperarit, *ut gla- diis non uterentur in posterum, Romanorum, si opus foret, defensione confisi*. Verum addunt, id fieri non potuisse, quod Romanus limes extensus non esset, nec cuncta Germania Ro- manorum facta fuerit prouincia. Id tamen euenisse tum, *Probi litteræ ad Senatum da- tæ* (r) indicare videntur: quibus nihil fere superbius, arrogantius nihil legere me me- mini: siquidem scribere iis inter alia non e- rubuit, *subactam esse omnem, qua late exten- deretur, Germaniam*: quum tamen dubitan- dum adhuc putem, vtrum exploratum satis habuerit Probus, quam late extensa fuerit tum Germania: Hanc ita quidem armis ab se subactam, scripsit, *ut omnes barbari ara- uerint tum seuerintque Romanis*. quibus ta- men minus conuenire mihi videntur verba, quæ continuo sequuntur: *eosdem scilicet barbaros contra interiores militasse tum quo- que Romanis*. quod si enim omnis Germania in horum potestatem redacta fuisset a Probo, interior etiam sine dubio ita parere debuisset Romanis, ut propugnatoribus haud indigu- issent. Hæc ipsa igitur interior Germania est,

(r) id. c. 15.

est, quæ tam diu & tam vehementer repugnauit postea, populares suos ita in libertatem vindicans, vt ne hi quidem superati vinquam viderentur. *Immanem enim Germanorum nationem, a primis istis initiis casuum varietate imminutam, ita adoleuisse subinde, ipsi hostes fateri necesse habuerunt* (f), vt longis seculis intactam eam existimari licuerit. Quare etiam Probus successoribus suis immensum plane in Germania campum reliquit, quo Romanos exercere possent milites. At vero Romanorum fortuna tantopere deinceps mutata est, vt successores isti Germanos laceßere porro desiissent forsitan, vltro acquiescentes, si a finibus suis prohibere eos valuissent: quod autem, vt ex sequentibus patebit, fieri non potuit.

Nam quamquam *Constantinus M.* cum *Alemannis, Francis* atque *Bructeris* secundis decertauit præliis, metuque per dira, quibus Francorum reges adfecit, supplicia iniecto irruptiones eorum inhibuit postquam Pater eius *Constantinus* deuictas Germaniæ gentes in Romanas nationes transtulerat, vt non solum arma, sed & feritatem ponere cogerentur (ff): non tamen ita multa post se moue-

C 2

runt

(f) Ammian. Marcellin. lib. XXVIII, c. 5.

(ff) Eumenius in Panegyri, Constantino Aug. dict.  
p. m. 193.

runt iterum, Galliam incursionibus suis de-  
 nuo depopulantes. . Quibus *Constantius* op-  
 ponere se tum decreuit. in quo vero non tre-  
 mendus adeo oblatus est Alemannis bellator;  
 dum pacem petentibus minus dura, sed æ-  
 qua maxime ac tolerabili conditione illam  
 impertiuit: quum in externis bellis fortu-  
 nam non admodum fauere sibi, vsu comper-  
 tum satis habuerat. Inde factum est, vt A-  
 lemanni conditionibus istis non diu steterint.  
 Accedebat enim id, quod maximum erat,  
 quod imperii Romani fines non præfidiis so-  
 lum contra Germanos ibi positis, sint denu-  
 dati eo tempore; sed quod ipsi etiam Ger-  
 manicæ populi a Constantio contra *Magnen-  
 tium* in Galliam sint euocati (t): a quibus  
*quadraginta* amplius ciuitates ad Rhenum &  
 in Gallia sitæ, sunt euersæ. Romanas qui-  
 dem prouincias a depopulationibus huius-  
 modi defendere properauit *Iulianus* Cæsar,  
 præliis non ita aduersis cum hostibus conten-  
 dens: quandoquidem *tumentes horum rapi-  
 nisque dudum adfuetos reges Romano iugo  
 collatum subdidisse*, referunt (u): & ipse Iu-  
 lianus de se gloriatus est, *se assiduus Aleman-  
 norum & Francorum irruptionibus populan-  
 dique*

(t) vid. Hadr. Valesii not. in Ammian. Marcellin.  
 lib. XVI, c. 3.

(u) Ammian. Marcellin. lib. XXI, c. 5.

*dique licentia fractis, Rhenum, quotiescunque libuerit, peruium fecisse Romanis agminibus: postquam videlicet propugnacula Germanis olim obiecta, sed diruta ab his, reparatum iuerat, munimentisque exstructis prohibuerat eos a Romanarum prouinciarum finibus. Sed tamen gaudium hoc Gallis Romanisque minus diuturnum fuit: afflictis horum rebus paullo post citato magis gradu ad intortum ruentibus, dum Franci atque Alemanni mox sub *Valentiniano & Gratiano* tritas olim ab se vias calcare iterum coeperunt; *Saxonibus* etiam Romanorum prouincias infestantibus: Donec *Franci* Galliam, *Vandali, Sueui & Visigothi* Hispaniam, *Saxones* Britanniam, *Heruli, Ostrogothi* ac *Langobardi*, & antea *Visigothi*, Italiam, alii alias prouincias occuparunt denique, ipsa Vrbe, cui tot regna adhuc paruerant, expugnata.*

Me bella ab Imperatoribus Romanis contra Germanos gesta iusto verbosius pro instituti mei ratione persecutum haecenus esse, fateor. quod si pronuntiassem, grauissima quidem a Romanis per secula ista illata esse Germaniae bella, eiusque incolas ingentibus subinde cladibus ab iisdem esse adfectos: Romanos tamen Germaniam deuincere ita non valuisse, vt imperium eorum reuereri persecrarit; nec prohibere potuisse, quo

minus transrhenanæ Germaniæ populi in Galliam & reliquas prouincias prædatum creberrime exeuntes, vastarint eas, sibi que demum subiecerint. Hæc, inquam, si ita pronuntiassem, plurima paucis comprehendere potuisset mihi videor. Quod vero latius paullo, sed tamen ne sic quidem fuisse digneque, bella ista enarrauerim, eo spectat, ut facilius coniici possit, Latinæ linguæ vsum tribus sæculis, primum a nato Christo proxime insequentibus, in Germania non fuisse intermissum, sed credendum potius esse, quum non minus graua ac formidolosa, quam superiori tempore, gesta ibi sint a Romanis bella, vsum linguæ in Germaniæ populis Galliæ, Rhetiæ, & ceteris Romanis prouinciis confinibus æque frequentem fuisse, ac priori sæculo cum supra cognouimus; præsertim quum Germaniæ populi continue in prouincias, quarum incolæ Latinæ, tamquam vernacula, lingua utebantur, excursions fecerint atque latrocinia.

Quin vero etiam Germani per eadem ista sæcula in Romanis castris *stipendia* æque meruerint, ac antea ab ipsis factum esse, retuli, nemo dubitauerit. In *Alexandri Seueri* exercitu, quem contra Germaniam ducebat, Germanos fuisse, ex superioribus apparet, ubi Imperatorem hunc Germani huiusmodi,

La-

Latinae linguae non ignari, gladio occisum, dixi, quum modo commemoraueram, *Marcum Antoninum* a Germanis auxilia emisse, quibus in bello contra ipsam Germaniam gerendo vteretur. Vt de XVI. istis tironum millibus, quae a *Probo* Imperatore capta per diuersas Romanorum prouincias sparsa esse adfirmaui, nihil dicam. Non omnibus quidem Imperatoribus militasse temere Germanos, sed vidisse prius, quisnam esset, qui auxilia expeteret, satis tum edocuisse ii videntur, quum a *Proculo* ad auxilium rogati, id detrectarint, & *Probo* deseruire maluerint, quam cum *Bonoso* & *Proculo* esse (x). Germanos praeterea inter *corporum custodes* stipasse porro Romanorum Imperatores, temporum istorum monimenta satis declarant: singularis enim fidei ac virtutis opinio, quam excitauerant gentibus, tum nondum erat diminuta. quamuis eo tempore, quo *Constantius* in Germania bellum administrabat, Germanos quosdam, quibus honorationis militis cura in exercitu eius commissa fuerat, in suspicionem incidisse, narrant scriptores (y), ipsos *populares suos Constantii consilia per occultos edocuisse nuntios*. Ipse hic *Constantius* est, qui *Siluanum*, *Francum* natione,

C 4

sum-

(x) Fl. Vopiscus in *Probo* c. 18.

(y) Ammian. Marcellinus lib. XIV, c. 10.

summam imperii in Gallia adfectantem Colonia Agrippina trucidandum curauit (\*). quem quidem calumniarum metu, quibus iniquorum factione absentem se irretitum fenserat, ut salutem suam tueri posset, ad extrema ista praesidia progressum, scribunt; *baud exillum ceteroquin meritorum cum praedicantes ducem, & ingenio blandissimo hominem, qui quamquam barbaro patre genitus, institutione tamen Romana cultus satis euaserit atque patiens; & cuius pater Bonitus pro Constantini partibus in bello civili contra Licinianos saepius sit versatus (\*\*).*

Tantum de *bellis & re militari*, quæ ut Latinæ linguae usus, superiori tempore in Germania inchoatus, aliquantum continuaretur, efficere potuerunt. Neque *consuetudo & commercia*, quæ Rheni Danubiique ripæ accolis pacis tempore frequentia satis cum provincialibus intercesse supra a me probatum est, intermissa tum erant atque sublata. His effectum puto, ut *domicilia sua Romano ritu curatius paullatim construxerint Germani (z)*: quibus ædificandi scientia exigua, immo nulla

(\*) Ammian. Marcell. lib. XV c. 5.

(\*\*) præter Ammian. Marc. t. I. vid. Sext. Aurel. Victor. de Cæsarib. extr. huiusque Epitom. c. 47.

(z) id. lib. XVII, c. 1.



la potius, fuerat olim, quum *ne camentorum quidem aut tegularum vsus apud eos esset, sed informi ad omnia materia vterentur, citra speciem aut delectationem: & quum subterraneos etiam specus aperirent, fumo oneratos, ut hiemi suffugium essent* (a). Nec vero domicilia modo Romano ritu extruxisse tum Germanos, ego mihi persuadeo, sed reliquo etiam vitæ cultu Romanos quodammodo mores effinxisse eos, coniecto: & quoniam lingua ad mores sese accommodat plerumque, si, Germanos vtrumque fluvium accolentes linguam etiam eodem tempore conformasse aliqua ex parte, Latino sermone in quotidiana ferme cum finitimis consuetudine multum vfos, adfirmiauero, me non grauius admodum erraturum esse, confido.

Quemadmodum autem non cultum, sed leuem duntaxat Latinæ linguæ vsum priori sæculo in Germania nostra deprehensum esse, adfirmaui: ita in sequentibus tribus sæculis diligentiorẽ quãdam eiusdem linguæ culturam me statuere, nemo arbitrabitur: vtpote quæ in ipsa Italia extremo isto tempore quã maxime est desiderata. Equidem quum vnaquæque gens Romanorum facta, & verborum & morum vitia vna cum

C 5

opi.

(a) Tacitus de M. G. cap. 16.

opibus suis Romam transmiserit (b), & quum  
 exteri & semibarbari populi Imperatores de-  
 derint vrbi, mirati sunt nonnulli, qua ratio-  
 ne fieri potuerit, vt vrbs non celerius barbara  
 reddita sit (c): præsertim quum Cicero sua  
 iam conquestus sit ætate, *multos inquinatos,*  
*loquentes in urbem confluisse, & infusam eo*  
*esse peregrinitatem, & quidem Braccatis tum*  
*etiam & Transalpinis nationibus, vt nullum ve-*  
*teris leporis apparuerit vestigium* (d). Quid  
 vero temporibus Ciceronis ætatem sequenti-  
 bus acciderit, & quomodo res in deterius  
 quotidie data sit, in præfatione paucis verbis  
 a me iam est ostensum. Mores videlicet vna  
 cum lingua tantopere demum corrupti e-  
 rant, vt *antiquam Romam in ipsa Vrbe frustra*  
*quis quesuisset*: siquidem viri, antiquitate  
 generis maiorumque gloria celebres alias, in-  
 erti ac luxurioso maxime otio, & turpissimis,  
 quæ proueniunt inde, vitiis dediti doctrinam  
 tamquam venena detestabantur, & plebs o-  
 mne tempus vino dabat atque tesseriis, libidi-  
 ne ad voluptates & spectacula deuocante (e).

Huiusmodi rerum in Vrbe facies erat eo  
 tempore, in quam quo maior exterorum ho-  
 minum

(b) Isidor. Hispal. Origin. lib. I, cap. 31 de Barbarism.

(c) Dion. Halicarnass. lib. I.

(d) Cic. in Bruto, cap. 5, 74. & epist. ad famil. lib.  
 IX, ep. 15.

(e) Amm. Marcell. lib. XXVIII, c. 4.

minum fuit confluxus, eo plus sordium ac vitiorum illatum in eam recte existimatur. Quum igitur mala ex vrbe in Italiam, & inde in prouincias demum manauerint, non mirum mea sententia videri debet, fuisse qui Romanam eloquentiam exteris plus debere censuerint, quam ipsis Romanis, quique statuerint, *sermonis nitorem diutius in prouinciis, quam in ipsa Vrbe, esse conseruatum* (f). Quare etiam *Eumenium* nulli, qui reputauerit ista, insignis adulationis nomine suspectum fore arbitror, quando *Constanti*, *Constantini* patris, auspiciis optimas artes in Gallia celebratas esse, prædicauit, liberalium litterarum sede *Augustoduni* reparata: & quando, nemini veterum principum tantæ curæ, vt doctrinæ atque eloquentiæ studia florere, fuisse negat, quantæ *Constantio* id fuerit, atque *Herculeo*; vtpote quorum incredibilem erga Galliarum iuentutem exstitisse adfirmat sollicitudinem, quum litterarum honorem omni dignationis genere cumularint (g). Hoc eo tempore, quo Romæ doctrinas, tamquam venena, detestatas esse cognouimus, euenisse in Gallia, si quis meminerit, eum neque *Ausonium* falsita-

(f) Morhof. de Patauinit. Liuian. c. 12, 14, 15.

(g) Orat. pro restaurandis scholis, quæ inter XII istos Panegyricos est IV.

fitatis arguet, spero, vbi *Mosellam* sua etiam-  
num ætate his verbis alloqui non est veri-  
tus (h):

*Salve magne parens frugumque virumque  
Mosella:*

*Te clari proceres, te bello exercita pubes,  
Aemula te Latiae decorat facundia linguae.*

& quando idem Aufonius patriam suam *Burdegalam*, tamquam inclitam adhuc litterarum sedem, mirifice laudat, cuius cathedra, vt testatur (i):

*Mille foro dedit hac iuvenes: bis mille senatus*

*adiicit numero, purpureisque togis.*

Vt de *Narbona*, *Tolosa*, & reliquis Musarum sedibus taceam. Nam *Valens* ac *Gratianus* Imperatores constituerant, vt in frequentissimis per omnem Galliam ciuitatibus optimi quique erudiendæ iuuentuti præficerentur, liberalibus admodum ex fisco stipendiis adfecti. clarissimæ in primis *Treuerorum* ciuitati fauisse videntur laudati Imperatores, quum professoribus, quos alebat, vberiora, quam in reliquis ciuitatibus, stipendia deferenda curauissent (k). Sed quantuscunque habitus

(h) *Mosella*. Eidyll. X, v. 380, seqq.

(i) Commemorat. Professor. *Burdigal.* in Tib. VI. flor. Mimeru. Orat. I, v. 9.

(k) vid. *Conring.* de Antiquitatib. Academic. Dissertat. p. 17.

tus tum fuerit in Gallia litterarum studiis honor, cum æque ac in aliis Romanorum provinciis non minutum, sed sublatum paullo post esse, nemo est, qui in dubium vocauerit. Fatalia ista ad bonarum artium interitum tempora sequenti capite strictim attingere decreui.

## CAP. II.

*Ostendit, nulla, ut reliquæ doctrinæ, sic Latine etiam linguae neque cognitionis neque usus cuiusdam, per quatuor sequentia secula in Germania, præsertim qua ad septentriones spectat, existisse vestigia: Et illos, qui ex Gallia, ubi Lingua Rustica viguisse, monstratur, in australem Germanicam Christianam religionem propagatum aduenerint, de lingua Latina bonisque litteris excolendis parum cogitasse: monachorum enim istius ætatis mores fuisse longe corruptissimos.*

**E**Quidem hoc tempus, quo in Germania nihil, nisi incitia, nihil nisi summa in moribus disciplinaque barbaria offendebatur, ita præterire potuisse mihi videor, ut argumentum nihilominus recte persequi licuisset,

isset, & ut rei, quam declarandam suscepti, nihil decessisset forsitan. Superiori tempore litterarum secreta & viros pariter & feminas ignorauisse in Germania, & nullum ferme vitæ morumque cultum existisse ibi, fateri necesse fuit, sed tamen qualemcunque Latinæ linguæ vsum fuisse tum in Germania, per bella ac commercia illatum continuatumque, intelleximus. Rheni & Danubii accolæ reliquis Germaniæ populis humaniores cultioresque paullo per consuetudinem, quæ cum Romanis & prouincialibus ipsis intercescit, redditos esse; eosdemque domicilia Romano ritu curatius exstruxisse paullatim, aduersarii testati fuerant. Iam vero, quum eos, qui linguam atque cultum ipsos nonnihil adhuc docuerant, & qui docere porro debuissent, si discendi fuissent cupidi, subegerant Germani, omnemque eorum cultum ac splendorem sustulerant: a quo quæso Latinam linguam percipere licuisset deinceps? quum victores imperiti, atque omnium ferme litterarum rudes fuerant ignarique. Quare si quatuor ista sæcula prætermitterem, neminem, cur id fecerim, miraturum crederem. At vero ne rerum ab ipsis primordiis breui hætenus enarratarum ordo turbetur, quam luctuosus in Germania status tum fuerit, quam breuissimis potero, demonstrare con-

constitui. Quo enim maior omnium rerum existit incertitia, eo paucioribus rem absoluerem posse, mihi persuadeo: quum paucissima, immo nihil potius, quod ad doctrinam & liberales artes pertinet, dicendum occurrat.

Galliam nimirum diu a Francis infestatam subactam tandem ab iis esse, quis ignorat? Actum tum ibi erat cum urbano isto ac eleganti Latino sermone, quem ad invidiam usque excoluerant antea incolæ: dum non hoc modo, sed omnem etiam studiorum cultum sub iugum mittere contenderunt initio Franci. Qui licet omnes Romanos in Gallia eo tempore habitantes ita exterminarint, ut sub *Hulderico* iam ac *Clodoveo*, Regibus, nullæ ibi inuenirentur amplius istorum reliquæ: Romanus tamen iste Prouincialis sermo deletus ab iis non est. Ad quem retinendum necessitate quadam adacti videntur: quum tantum absit, ut armis belloque vnice adfuetæ gentis lingua in proprias relata iam tum fuerit litteras (1), ut fieri hoc omnino possit,

(1) Ioach. Vadianus de Monaster. Germ. lib. III inter Goldasti Alaman. rer. scriptor. T. III, pag. 33. Francos, si quid patrio sermone consignarunt, sub *Marcomiro* & *Pharamundo* Gallias subigentes, *Græcis*, earumue similibus, & sub istorum successoribus *Latinis* vsos esse litteris, a multis non ita obscure est demonstratum. vid. P.

posse, per plurima subsequētia sæcula diffusi pene sint Germani, vt infra patebit. Nam *Teutonica lingua tam dura tamque barbara, tum videbatur, vt ne ore quidem sine magnis sibilis, hiatibus rictibusque exprimi posset* (m).

Quamobrem mirum adeo non est, si Franci prouincialem in Gallia repertum sermonem, vernaculo, qui litterarum characteribus excipi commodè non poterat, in quotidiano vsu anteposuerunt; ingenua quasi verecundia talem linguæ suæ barbariem confessi, *que ciuilitati & humanitati Prouinciali merito submitteretur* (n). Sed tamen Latinum sermonem magis corruptum esse a Francis Galliam occupantibus, ac ita deprauatum, vt minus sui similis deinceps esset, omni caret dubitatione: adeo, vt non in mores solum, sed in linguam etiam incolarum barbariem induxerint. Enimvero *Italorum, Hispanorum*

Hachenberg. German. Med. dissert. VI, p. m. 192. & dissert. VII, p. 240, 244. illust. Lynckeri dissert. de Idiomatico Imperiali, p. 3 seq. & p. 8, in not. seq. Morhof, P. II, cap. 7. de Germanor. Lingua & Poesi p. 282 seq.

(m) I. Vadianus in epistola ad Henr. Bulingerum de obscuris Alamannicorum verborum significationibus, initio: inter Goldasti Rerum Alamannicar. scriptor. T. II, p. 59.

(n) Idem Vadianus T. III Alamannic. Rer. scriptorum a Goldasto edit. p. 33.



*rum, Gallorumque* linguam, qua vti cœperunt postquam Romanis obsequi desierunt, totam suam sermonis structuram a Germanis populis iugum ipsis imponentibus, accepisse nouimus (o): quum hi voces Latinas vtcunque retinuerant, Romanum cultum sonumque quasi imitaturi. id quod *Francis* inprimis curæ fuisse videtur, quando in Galliam profecti Germanica vocabula Latina norma ac regula creberrime inflexerunt (p): in quibus explicandis *Glossariorum* deinceps scriptores ingenii sui vires exercuerunt.

*Rustica* itaque ista *Romana* lingua, vti appellabatur, perstitit in Gallia, a polito illo Latino sermone admodum diuersa, nec provinciali Romanorum sermoni, quo Galli prius vsi erant, quam a Francis sunt deuicti, plane similis: quippe quæ *Latina quidem nomine, at nec phrasi, nec Grammatica erat emendata* (q), siue, vt alii eam definiuerunt (r), *aliquid Latinitatis redolebat: Latina tamen non erat; quum hæc barbaravocabula non agnoscat, & longe aliis grammaticæ legibus regatur.* Hieron. Bignonius, vir cele-

D

berri-

(o) Morhof. de Patauinit. Liuian. cap. VI. & Valesiana p. 194 seq.

(p) du Fresne Glossar. præf. § 14, init.

(q) Bæcler. Commentar. de Reb. Sæcul. IX & X, p. 46.

(r) du Fresne c. l. § 13.

berrimus, sermonem rusticum graphice a Gregorio Turonensi exprimi censuit (s), ubi scripserit: *Qui nullum argumentum in litteris habes, qui nomina discernere nescis, sapius pro masculinis feminina, pro femininis neutra, & pro neutris masculina commutas, qui ipsas quoque prepositiones, quas nobilium dictatorum observare sanxit auctoritas, loco debito plerumque non locas. Nam pro ablativis accusativa, & rursus pro accusativis ablativa ponis. Romana cur appellata sit, obscurum non est: quod scilicet Romanorum, seu Galliarum incolarum, qui Romanis paruerant, lingua fuerat a Francis magis magisque corrupta: Rustica insuper nuncupata, propterea quod minus urbanis ac venustis vocabulis erat adpersa, & quod plebs ac homines rure viuentes ea locuti sunt. Quæ quum impolita ac rudis maxime fuerat, trivialium barbarismorum rubiginem nonnulli, alii aliis appellauere nominibus. cuius specimina aliquot adfert Carolus du Fresne (f). quorum vnum apponendum decreui, quo ea, quæ hactenus strictim commemoravi, firmentur illustrenturque: Epitaphium hunc intuitis (quod intuitis, pro intueris) lector bone recollectionis agati negotiatoris membra quiescunt,*

*nam*

(s) Præfat. Marculfi Formulæ præm.

(f) in præf. Glossar. §. 28 fin.

*nam fuit iste stacio miseris & portus eginis  
omnèbs arts fuit precipue loca sanctorum ad-  
sedue & eicemosinam & orationem studuit.  
vixit in pace annis LXXXV.*

Qualis fuerit rustica Romana lingua, ex hoc epitaphio quodammodo apparere existi-  
mo (sf); quæ quum deuictæ gentis lingua  
fuerit prius, non mirum, si Francorum Reges  
ac Proceres, veluti victores, *Teutonica* sua,  
tamquam honestiore ac nobilium, lingua in  
occupata ab se Gallia per longum satis tem-  
poris spatium vti perseverarint. Quorum  
secretarii ex monasteriis, (horum enim exi-  
guis satis finibus omnis eruditio, qualiscun-  
que tum erat, definiebatur) in aulas euocati,  
clericorum, siue *Capellanorum*, vti vocabant  
eos, munere simul perfungebantur. Hi ve-  
ro ipsi *semilatino*, vt nonnulli loquuntur (t),  
sermone, nec ita puriori multo ac ornatio-  
ri dicendi genere utebantur in diplomatis, si-  
ue tabulis litterisque publicis, & legibus con-  
scribendis, quam ipsam plebem vsam esse co-

D 2

gno-

(sf) Notabile. *Rustica Romane* linguæ exemplum  
præbet etiam *iuramentum Ludouici R.* Germa-  
niæ, in fœdere Ludouici & Caroli, fratrum, fa-  
ctum, a plurimis ex *Nithardo* adductum illustra-  
tumque. quod Lipsius etiam luculentissimæ  
sue de vetere Germanica lingua epistolæ infe-  
ruit, Cent. III ad Belg, ep. 44.

(t) Vadianus l. c. T. III scriptor. Ret. Alaman. p. 33.

gnouimus : quandoquidem Latinas litteras parum gnauiter excoluerant, non ipsos fontes, sed turbidissimos riuulos secuti. Quamlibet fuere, qui *vulgo & plebi, Latinas litteras utcunque noscenti, tributum quicquam, nec nisi consulto ineptitum ab iis esse*, existimarunt, *vt tot modis barbari & asperi videri voluerint* (tt): non secus, ac *Augustinus, Arnobius*, reliqui; quos ad vulgarem dictionem quam maxime stilum suum accommodasse, nouimus (u). At vero longe plurimos, si non omnes, non temporum modo, sed suo etiam vitio rudes ac indoctos, limatiora monimenta dare non potuisse, licet voluissent, dubitandum non puto. Bignonius certe firmissime pronunciavit, *quam rarissimos tum fuisse, qui de negotiis, quamquam suis, scripta conficere, & quae voluerint, facile litteris mandare potuerint* (v). Monimenta eiusmodi qui videre gestiet, euoluat *Marculfi formulas* (x): deprehendet ibi, me vere scripsisse, vbi adfirmaui, non ita multo puriori ac oratione-

(tt) Vadianus ibid.

(u) vid. elegantissimam Erasmi epistolam. lib. XXVIII, ep. 9, supra citatam.

(v) in praefat. Marculfi formulis praef. conf. cit. ill. Lynckeri dissertat. de Idiom. Imperial. p. 4 seq.

(x) quas Hieron. Bignonius cum commentariis edidit, Capitularibus Regum Francorum, quae St. Baluzius collegit, adiectas, Tom. II. p. 862. seqq.

natori conscripta esse dicendi genere, quam ipsam plebem vulgo usam esse demonstraui. Laudatus modo Bignonius non defuturos arbitratus est, qui *sermonis duritiam & ineptam plane rusticitatem in formulis istis exhorrescerent*. Verum lectores reputare iussit, infelicissimo sæculo vixisse Marculfum, quo omnes disciplinæ ac litteræ penitus obrutæ & sepultæ fuerint, adeo quidem, ut qui melioris doctrinæ quid attigissent, veluti nouæ alicuius & prauæ opinionis auctores aut magi & malefici damnati sint: quod Marculfi sæculum infelicius iudicauit Bignonius, idque summo iure, quam illud, in quod *Gregorii Turonensis* ætas incidit: qui tamen Historici operis sui initio ita sit deprecatus: *Prius veniam legentibus precor, si aut in litteris aut in syllabis grammaticam artem excessero, de qua adplene non sum imbutus. Teutonice* de reliquo linguæ usum a Francorum *Merouingica* atque *Carolingica* familiæ Principibus non dimissum esse in Gallia, multis, si necesse esset, comprobari posset, exemplis: sed ab aliis liquide satis id probatum est (y): qui

D 3 etiam

(y) vid. B. Rhenani Rer. German. lib. II, p. m. 362 & Lehmanni Chron. Spir. lib. II, c. 45. P. Hachenberg. Germ. Med. dissertat. VII, p. 242 seq. ubi præclara ista Lipsii epistola, paullo ante a me laudata, citatur, quæ sane multum lucis argumento adfert. Io. Schilteri Comment. in Epinicion Lu-

etiam ostenderunt, *primæ ac secundæ Germaniæ incolæ*, quos Romanorum lingua vna cum legibus olim admisisse, supra declaravi, *Teutonicam iterum*, Francis in Gallia dominantibus, *ad usum reduxisse*, Latina præter pauca vocabula penitus extirpata.

In *Vindelicia* atque *Norico*, Romanis per aliquot sæcula prouinciis, omnis itidem Romani, & vrbanus venustique, & prouincialis, sermonis vsus cessauit, postquam Boiorum regulus *Theodo*, Francorum sollicitationibus commotus, ineunte sæculo post Christum natum V eas occupauit: partemque earum inter socios suos *Hunnos*, *Auaro*, *Angilos*, *Venedos*que distribuit: veteribus incolis contritis penitus atque eiectis (z). Etiam si vero Boii non ita multo post a sancto *Ruperto*, & iis, qui ex Gallia in Germaniam proficiscentem comitati sunt, ad Christianam religionem instituti perhibentur, & plurima insequenti tempore monasteria apud eos sunt constructa: monachos tamen ac sacerdotes de bonis litteris & Latina lingua excolenda mul-

douico Regi acclamatum p. 26, & Lynckeri differt. de Idiomate Imper. p. 5.

- (z) Io. Auentin. Annal. Boior. lib. III, p. m. 195. conf. elegantiss. orationem Dau. Chytræi in Scholæ Prouincialium Ducatus Stiriaë introd. hab. B. 2, b.

multum cogitasse, quis credet? quum ple-  
 rosque eorum *auaros, impudicos, superbos,*  
*sordidique questus homines, libidinis ac popu-*  
*laris gloria mancipia, & fabularum pracones*  
*fuisse tunc, cogitarit, sub specie & obtentu re-*  
*ligionis in gregem Dei grassatos:* qui opti-  
 mo Bonifacio multum negotii corruptissimis  
 suis moribus facescuerunt, siquidem *vena-*  
*tionibus dediti, & aucupis, canes auesque a-*  
*lebant, arma deferebant, in militiam profici-*  
*scebantur: bella sectabantur: humano cruo-*  
*re, cade, homicidio sese polluebant, & nihilo*  
*secius tamen sacrificare, Euangelium legere*  
*nec erubescabant, nec metuebant* (a). Equidem  
 memoratus modo Bonifacius vir eruditus fu-  
 isse dicitur, veluti Beda, omnium temporibus  
 istis in vniuersa ferme Europa doctissimi viri,  
 discipulus: omnis porro diuini humanique  
 iuris consultissimus, & Germaniae Archimysta  
 a Pontificibus Romanis constitutus; cui di-  
 uersi Episcopatus, & complura monasteria,  
 quorum in numero *Fuldense*, originem suam  
 debet in Germania nostra: & qui omnes  
 ignauos ac rudes homines ab aris arcendos  
 censuit. litterarum tamen & Latinae linguae  
 flori parum consultum ab eo esse, facile quis  
 probauerit: quum monasteriis istis, ad Be-

D 4 nedi-

(a) talem monachorum istorum descriptionem nobis  
 dedit idem Auentinus l. c. p. 213, & 218.

*nedictinam normam* erigendis, ideoque parum ad scholas in ipsis aperiendas aptis, non tam doctrinae, quam religionis propagationem spectasse videatur Bonifacius, singularis ceteroquin sanctimoniae ac probitatis homo (b): qui bonum *Vergilium*, quum paullo ultra vulgi monachorum scientiam progressus esset, nescio quorum atrocium in Deum criminum insinulauit (c): inscitia enim sanctitatis quasi prae se ferebat tum speciem. Quam gnari Bonifacii aetate, quae in medium saeculum VIII cecidit, fuerint monachi sermonis Latini: ad cuius cognitionem aliquam acquirendam sacrorum, ipso isto sermone celebrandorum, necessitas eos adegerat, *Boioaria sacerdotem* exemplo suo testificari posse arbitror, qui infantem sacro lauacro his initiauit verbis: *Baptizo te in nomine patris, & filiae & Spiritus S.* (d). Sacris non initiatos profa-

(b) Herm. Conringius in *Antiquitatib. Academ. disert.* III, & *supplem.* 32. conf. B. Rhenanus *Rer. Germ. lib. II*, p. 304, seq.

(c) Auentin. *Annal. Boier. lib. III*, p. 220. vid. etiam paullo ante citata Chytræi *Oratio*, B. 3.

(d) Auentin. *ibid.* & Conring. *Antiquit. Academ. supplem.* 35. ubi historiam ex ipsa Zachariae Papae ad Bonifacium epistola, *Bonifacian. epistolarum* volumini inserta protulit: quod *solumen non multo Latinius* ista formula appellat Conringius. Si quis plura de *S. Bonifacio* cognoscere voluerit, euoluat velim eius *historiam* a Io. Letz-



profanosue homines, *Laicos* vulgo appellatos, litterarum rudes plane atque analphabetos tum fuisse, vel vnicum *Tasfilonis* eiusdem Boioariæ Ducis exemplum probat: cuius incitia ex his verbis, quibus charta pro *Ar-tone Abbate Saltzburgensi* concluditur, intelligi potest: *Quod manu propria, ut potui, characteres chirographi inchoando depinxi coram iudicibus atque optimaribus meis* ✠ *Signum manus mee propriae Tasfilonis &c.* (e).

Talis in Germania, qua ad orientem occidentemque solem, & meridiem vergit, iis temporibus Latini sermonis fuit usus, cultus enim dici non potest. Qui usus licet levis fatis videri queat: leuiorem tamen multo, vel nullum potius, offenderit quis, si ad septemtriones pergens talem inquisiuerit. Siquidem dira maxime in *Saxonibus* longe lateque dominantibus ad Caroli M. tempora usque fuit barbaries: ita, ut celeberrimus Conringius Lindenbrogium erroris facile arguere potuisse videatur, ubi *antiquarum Saxonum legum & membranas, & manus,*

D §

*vetu-*

*nere* Germanice conscriptam, & Erfordiae 1603, 4, editam: cuius posteriorem partem epistolæ, quas Bonifacius ad Papas aliosque, & hi ad ipsum rescripserunt, conficiunt; quæ sane sæculi istius genium haud obscure adumbrant, lectu propterea dignissimæ.

(e) Mabillon. de Re diplom. lib. II, c. XXII § 2.

*vetustatem Caroli ipsius aetatem antecedere, existimavit (f).*

## CAP. III.

*Lux exeunte VIII, & inunte IX saeculo  
Germania in litterarum Latinique  
sermonis studio augustissimis Caroli  
M. auspiciis oborta, paullo post ita de-  
nuo obscurata est, ut per V amplius in-  
sequentia secula summa ubique exstite-  
rit ibi Latinitatis pure castaeque igno-  
rantia: cuius haud obscura adferun-  
tur specimina. in densissimis tamen  
tenebris ingenia quaedam puro atque  
eleganti dicendi genere conspicua,  
tamquam lucidissima effulsere sidera.  
Ipse Fridericus II Imperator de litteris  
eue-*

- (f) Conring. de Origine Iuris Germ. cap. XIII. Nisi quis Saxonum leges a Carolo M. immutatas dumtaxat, auctasque esse, statuerit fortasse, dum antea latas. Fuerunt enim inter eruditos; qui *Græcos colonias in Saxoniam deduxisse, loquendique & scribendi usum eo intulisse*, crediderunt; quum & Saxonum antiquæ leges cum Platonis institutis convenirent, & lingua eorum maximam cum Græcorum lingua haberet adfinitatem. Iudicium hac de re penes prudentiores esto. vid. Hachenberg. German. Med. dissert. III, p. 70, & VII, p. 241.

*euebendis bene meritus est : cuius Cancellarius Petrus de Vineis ingenio, doctrina, & eloquentia præstantissimus ætate sua habitus est. Breui simul disquiritur, quo tempore Germanica lingua in publicis litteris tabulisue conscribendis usurpari cœperit; & quid industrie monachi in describendis libris collocarint. Pauca de-  
mum de carminum genere, siue rhythmis, quibus sæcula ista mirifice delectata sunt, enarrantur, nonnullorum supra sæculi mores elegantium poetarum mentione iniecta.*

**Q**Uod ad inuictissimi CAROLI M. tempora attinet, inficiari nemo poterit, diuinis ipsius auspiciis, & *Alcuini*, eruditissimi, vt tum erant tempora, *Britanni*, quo præceptore in disciplinis vsus est Carolus, salutaribus consiliis, & in religione & in litteris obortam esse Germaniæ lucem: quandoquidem non tantum de patrio, siue Germanico sermone (ff), bene mereri.

(ff) Quum enim sermo in litteras nondum esset relatus, multum operæ in tam utili atque necessaria re collocauit Imperator. Exstiterunt quidem doctorum numero, qui adduci non potue-

rerī studuit, verum etiam de Latino adiuuando sedulo cogitauit optimus Imperator.

quip-  
runt, vt crederent, Carolum proprios Germanicæ linguæ characteres primum inuenisse: inter quos Morhofius P. II, c. 6, de Germanor. lingua & poesi, p. 274, & c. 7, pag. 282. Plerique tamen fateri necesse habuerunt, Carolo singulari curæ fuisse, *vt sermo Germanicus non solum in litteras paullo fusius referretur, sed & populus vniuersus ad legendi scribendique facultatem deduceretur: & natiuas litteras sero plane apud Germanos cœpisse*; quum ipsa linguæ ruditas, quæ summam spirauerit tum barbariem, non alta aut felicia admodum scribendi arguat initia. vid. Hachenberg. German. Med. dissert. VI, p. 192, & VII, p. 240. Alii Theotiscam linguam integre recteque ante Carolina tempora scribi potuisse, negare non dubitarunt: & quemquam eorundem sententia fateri oportet, illud saltem Caroli M. studio effectum esse, *vt scripturarum initia, quantum fieri posset, complerentur.* vid. ill. Lynckeri dissert. de Idiom. Imperial. p. 6. 7. Equidem nescio profecto, vtrum temere absurdeque quis acturus esset, si statueret, ante Caroli M. ætatem Germanos, si omnino patrio sermone quid consignarunt, Græcis vel his similibus, & Longobardicis Latinisue litteris, vti supra doctorum testimoniis confirmatum est, vfos esse: Quid quod Auentinus lib. I. Annal. Boior. init. *Germaniam post Friderici II fata suum sermonem Latinis litteris depingere didicisse*, statuit. quæ verba quominus in vniuersum intelligi debere, mihi persuadeam, *veterum Germanorum carmina* a Carolo M. collecta, aliaque medii æui monimenta, inter quæ *Ostfridi Euangeliorum versio*, prohibent. quæ omnino faciunt, vt, Auentinum verba ista de moni-

quippe quem, quum monachos *animi sui  
sensa per negligentiam discendi lingua erudi-*

*ta*

mentis, litteris, epistolis (iisque Imperatorum forsitan nomine scriptis) legibus, tabulis, diplomatibus, intellecta voluisse, existiamem: quæ omnia *lingua Romana* scripta prius adseuerarat, quam Germaniam sermonem suum post Friderici demum II fata litteris Latinis depingere cœpisse, confirmavit. Quomodocunque se res habet, omni saltem dubio carere, puto, Carolum M. de commodioribus atque peculiaribus characteribus inueniendis, & de difficultatibus, quæ Germanice scripturis sese offerebant, tollendis sollicitum fuisse. Huc sane Eginharti verba pertinere videntur: *Tentabat* (Carolus) *& scribere, tabulasque & codicillos ad hoc in lettulo sub cervicalibus circumferre solebat, & quum vacuum tempus esset, manum effingendis litteris adsuesaceret. sed parum prospere successit labor preposterus ac sero inchoatus.* Verba hæc de *Germanica* utique *lingua* intelligenda puto; quamquam varias variorum huius loci interpretationes a cl. Schminckio, qui Eginhartum superiore anno cum diuerforum animaduersionibus in Batauis emisit, adferri scio: inter quas istam de Germanica lingua sententiam legere me non memini: quæ tamen plane non incongruens mihi videtur. vid. Lehman: Chron. Spir. lib. II, c. 33, p. m. 105, & c. 45, pag. 169. vbi Trithemium *patrii sermonis Gr. nmatice*, quam Carolum M. inchoasse, Eginhartus cap. 29 scribit, partem, ac miros linguæ Germanicæ characteres vidisse, ostendit Lehmannus conf. Mart. Crusii Annal. Sueu. dod. II, pag. 13, & Hachenberg. Germ. Med. dissert. VII, p. 245. De difficultate Germanorum linguam scribendi *Otfridus* etiam, Monachus Weissenburgensis, quam ma-

*ta exprimere sine reprehensione non valere, cognouisset (g), leges tulisse constat, quibus episcopis serio imperauerit, vt per singula monasteria scholas instituerent in Germania, in quibus psalmi traderentur, nota, cantus, computus, atque grammatica. Sed tamen neminem etiam negaturum puto, id quod Ol. Borrichius adfirmavit (h):* *Conatus harum*

*tem-*

xime ætate sua est conquestus, qui istis Caroli Imperatoris rudimentis vsus est. vid. Bœcleri Commentar. de Reb. Sæc. IX & X p. 123 & ill. Lynckorum c. l. qui ad plures lectorem ablegat, & diuersos sæculi IX viros nominat de lingua Teutonica excolenda meritos. it. Mich. Hertzii Biblioth. German. P. I, sect. 5.

- (g) sunt ipsa Caroli M. verba ex epistola ad omnes episcopos missa, quam integram ex T. II Concilior. Gall. desumptam dedit Conringius in supplem. 35, Antiquit. Academ. pag. 303 seqq. conf. etuditam & supra iam citatam Dau. Chytræi orationem a 1574 in Scholæ Prouincialium Ducatus Stiriae introductione hab. B. 4. & luculentam cel. Henr. Leonh. Schurzfleischii præfationem, quam Noticiæ Bibliothecæ Vinariens. præmisit, p. 6. seq. in primis vero etiam conferas velim Contr. Sam. Schurzfleisch. Disput. XXIX de Alberti III vita, pag. 155. in notis, vbi plures citantur auctores.

- (h) Cogitat. de Variis linguæ Latinæ ætatibus pag. 22. vid. Gerh. Io. Vosii præfat. de Vitiis Sermonis lib. præf. vbi scribit: *Carolus M. Variis in locis scholas erigendo, præclare est meritus de studiis vniuersis; melius tamen de rerum doctrina, quam lingua Romana,*

*temporum infra operis molem fuisse, & cognitioni rerum aliquid, lingua Latina cultui parum esse attributum.* Hoc si quis reputarit, eum haud derisurum puto illos, tamquam ineptos homines, qui in dubium vocarint, an EGINHARTVS, Caroli M. Cancellarius, & deinceps Abbas cœnobii Selgenstradiensis, illius, quem de eiusdem Caroli, Imperatoris, vita habemus, libri verus sit auctor, propterea quod is tanto dictionis conscriptus sit nitore, vt auctor aliquot etiam sæculis ante vixisse videri queat (i). Quum vero posthac dilucide satis ab aliis demonstratum sit, Eginhartum elegantissime pro sæculo suo locutum, haud infelicem C. Suetonii Tranquilli imitorem sese exhibuisse (k): licet *Hermannum Comitem Nuenarium* multa in opere isto, quo floridius passim loquentem induceret auctorem, mutauisse, negare non queant: eo magis in exprimenda veterum dictione industriam eius mirandam censeo, quum primus sine dubio fuerit, qui inter Germanos tale quid tentarit; inter illos saltem, quorum monimenta ad nos peruenerunt. Cuius exemplum & acre in legendis imitandisque bonis auctoribus studium si

po-

(i) Gerh Io. Vossius de Historicis Lat. lib. II, c. 33.

(k) Conring. præf. C. Tacit. de M. G. p. 25. vid. Nic. Hier. Gundling. Otior. P. II, c. 5.

populares postero tempore secuti essent, non haberent forsitan doctissimi viri; quod quereretur (l), *in Chronicis rerumque Germanicarum annalibus condendis operam insumsisse tum homines sine prudentia, sine facundia, qui euentus solos in oculis habuerint, caussas & rationem parum commentati*: quamuis non ignoro, Eginhartum nostrum *praeconem potius, quam historicum* quibusdam videri.

Verum quantuscunque huius in Suetonio, aliisque bonis scriptoribus imitandis exstiterit ardor, & quantuscunque ipsius Caroli M. in linguam Latinam praedicetur fauor: quae *aeque ac patria lingua orare ipsum solitum esse*, tradit Eginhartus (m): successores eius acceptam in prouehendis litteris gloriam haud obtinuerunt; nec de Latini sermonis cultu, cui egregie satis praeluserat Carolus, promouendo ita, uti par erat, cogitarunt. Nam ad Caroli M. filium & successorem LVDOVICVM PIVM quod attinet: ipsum quidem *Latinam linguam, sicut naturalem, aequaliter loqui potuisse*, scribunt (n): sed tamen nimis forsitan superstitiosa in sacris muneribus administrandis sollicitudo eum impediuit, quom-

(l) Bœcler. in praef. de Reb. Sac. IX & X. Commentar.

(m) cap. XXV.

(n) vid. Conring. Antiquit. Academ. supplem. 41 ubi Thegani adducit testimonia.



minus Parenti vestigia persecutus curarit, vt litterarum studia propagarentur. In quibus subleuandis licet CAROLVM CALVVM maiorem deinceps curam in Gallia posuisse adfirmant: incredibilis tamen acturpis plane monachorum inertia effecit, vt paullo post in eadem Gallia pariter, ac in Germania, ipsaque Italia nulla ferme apparuerint amplius eruditionis & Latinitatis puræ vestigia, & *rusticus ille sermo locum denuo obtinuerit, vltro ubique sic instauratus, vt, insequentibus seculis per omnes fere libros, veluti lolium tritico eum adnatum esse*, vere dicere potuerit Bœclerus (o). Quamquam præter plura alia sæculi mala, quæ Germaniam nostram affligerint tum, *Hunnorum* in primis, aliorumque barbarorum irruptiones barbariem magnopere ibi adauxisse credantur: Monachos tamen inertiae atque desidia merito condemnari, arbitror. Nam quum in monasteriorum canonicorumque collegiorum scholis, præter quas nullæ tunc instituebantur, ingenia studiis & exercitationibus acui debuissent, monachi delitiis, otio, languore ac desidia animos suos inficientes, omne tempus corporibus bene curandis dabant; non minus, quam superiori tempore in Boioaria ab iis factum esse, paullo ante cognouimus. Si

E

omni-

(o) de Reb. Sæc. IX & X Commentar. p. 47.

omnino inter eos erant subinde, qui iners istud ac luxuriosum otium detestati in litteras excolendas incumbabant, reliqui apertissimo eos prosequabantur odio, tamquam inutiles nec frugī homines: perinde ac si optimarum rerum cognitio improbitatis flagitiique nomine esset notanda. Accidit illud praestantissimo clarissimique nominis viro, *Rabano Mauro*, qui quum omnes ferme & sua aetate & aliquot saeculis ante ac post viuentes monachos eruditione ac virtute longissime antecelleret, ita, vt merito suo monasterio *Fuldensi*, cui, ipso isto IX saeculo, Abbas praerat, singulari ornamento esse potuisset: perditissimi homines ex contubernio suo eum eiecerunt.

Quae tempora si respicimus, non temere quis idem de Germania nostra adfirmare posset, quod *Guil. Malmesburiensis* de *Britannia* Danorum incursionibus miserrime vastata conquestus est (p): *Litterarum & religionis studia obsoleuerant: clerici litteraturae tumultuaria contenti vix sacramentorum verba balbutiebant: stupori & miraculo erat ceteris, qui grammaticam nosset.* Eo enim, quis putaret, res in Gallia, Italia atque Germania deducta erat, vt saeculo iam tum IX pres-

(p) ap. Conring. in Antiquit. Academ. supplem. 3.  
p. 289.

presbyteri constituendos episcopos interrogare necesse haberent, *utrum Euangelia legere possent* (q). Id quod an multi eorum præstare potuissent, nisi ad sacra Latino sermone peragenda necessitas istos adstrinxisset, est omnino, quod dubito. siquidem scripturæ S. interpretationes, conciliorum decreta, omniumque rituum instituta ac rationes, Latina lingua, ut inter omnes constat, erant conscripta. Exstitisse nihilominus postero tempore *Abbat* atque *Episcopos*, sermonis *Latini ignaros plane*, multis testimoniis confirmari posset (r). Cel. Mabillonius ostendit etiam (s), homines sacris ecclesiæ ordinibus addictos in tam supinam ignorantiam sæculis istis venisse, *ut nomen suum pingere non valuerint*. Quæ quum ita sint, quemlibet fidem mihi habiturum spero, si adfirmauero, barbaram maxime dictionem quantiuis habitam tum esse pretii: & fuerunt ideo IX sæculo, quibus Germani Latinæ linguæ excolendæ nimium dediti patrium sermonem neglexisse visi sunt. Insimulauit ipsos eo nomine supra nominatus *Otfridus*, Rabani Mauri discipulus: qui ipse parum elegantè

E 2

dicen-

(q) *ibid. suppl. 42.*(r) *vid. Scriptor. Brunsvicens. illustrant. ab excell. Leibnitio coll. T. II, pag. 412, m. & T. III, p. 372 f.*(s) *de Re diplom. lib. II, c. 22, § 3.*

dicendi genere vsus, querelam de scriptionis difficultate his non ornatis adeo verbis instituit: *Huius linguae* (Germanicæ) *barbaries, ut est inculta & indisciplinabilis, atque insueta capi regulari freno grammaticæ artis, sic etiam in multis dictis scriptu & propter litterarum aut congeriem aut incongruam sonoritatem difficilis* (f). Nisi forsitan Otfridus de inficetis præsertim concionatoribus, siue *indoctis verbi diuini præconibus*, querimonias istas instituit: quos videlicet Latina verba ita torfisse scribunt, ut nihil minus, quam Germaniam saperent: & quos idcirco homines barbaros, inconcinnos, ineptos, atque insulsos, Latinæ & Germanicæ linguæ deprauatores vocarunt (sf).

Sequenti sæculo X magis de elocutione sollicitos fuisse clericos, penes quos solos erat eruditionis gloria, quam iusta ac merita, hætenus quodammodo cognouimus, neminem ne coniecturum quidem arbitror: quandoquidem, ipso Bellarmino ultro profitente, infelix sæculum fuit, in quo nulli scriptores illustres, nulla concilia: pontifices parum solliciti de ecclesia. Principem Latinis litteris

(f) ap. Bœcler. in Comment. Sæc. IX & X p. 123.

(sf) Ioach. Vadianus, inter Rer. Alamannic. scriptores a Goldasto coll. T. III, p. 33 seq. & Barth. Schöbinger ad Vadiani verba p. 104, 105.

ris doctum, optimisque studiis deditum, non mirabilem modo, sed prodigio fere similem rem fuisse, de Duce *Ernesto*, Ottonis M. priuigno, historia confirmat. quem purpurati, propterea quod linguarum scientiam ex Italia secum in Germaniam attulerat, animumque liberali doctrina præter temporum istorum consuetudinem excoluerat, acerrimo odio persecuti, omnem mouerunt lapidem, ut litteratissimum principem in suspicionem vitrici adducerent, tamquam longe scelestissimum hominem, insidiis ipsum interficere studere (t). Quantopere episcopi monachique eloquentiæ studuerint, *Ioannis XII Papæ* epistola, &, quibus præsules Romæ congregati ad hanc responderunt, litteræ, testari etiam possunt. Pontificis epistola hæc erat: *Nos audiuius dicere, quod vos vultis alium Papam facere: si hac facitis, excommunico vos de Deo omnipotenti, ut non habeatis licentiam ullum ordinare, & missam celebrare.* In episcoporum litteris hæc inter alia leguntur verba: *A vobis, non quales temporis qualitas, sed inconsultorum vanitas exposcit hominum, litteras accepimus. Non veniendi ad synodum rationabilis esse excusatio debuit. Sed & præsentis magnitudinis vestræ debuerunt nuncii interesse, qui aut agri-*

E 3

tudi-

(t) Lehmann. Chron. Spir. lib. V, c. 8.

*tudinis, aut certe difficultatis caussa satisfacerent, sanctam vos synodum declinasse. Est & aliud vestris in litteris scriptum, quod non episcopum, sed puerilem ineptiam scribere deceret. - - - Nunc usque putauimus, immo credimus, duo negatiua unum facere dedicatiuum (tt).*

Quum quatuor amplius continua sæcula densissima etiamnum caligine obruta subsequantur, pluribus verbis argumentum per ista prosequi, atque exemplis & testimoniis illustrare, operæ pretium non duco. Quis enim est, quem fugiat, litterarum studia non in Germania solum, sed in cuncta fere Europa, cum sordibus ac squalore tunc conflictata, & Latini sermonis decus in tenebris ubique gentium iacuisse immersum. adeo, ut Gerh. Io. Vossius scribere veritus non sit (u). *Caroli M. genere extincto, quod decimo a Christo sæculo fuit, prope omnis eruditio ab orbe est profligata. Totisque annis quadringentis delituit crudeli multata exilio. Itaque duos, vel neminem, dixeris, qui quod Romanam quodammodo saperet dictionem, vel auderet, vel posset. Breuitati eam ob rem studens, paucis, at disertis tamen, eruditi cuiusdam*

(tt) Luithprand. Histor. lib. VI, c. 10. in Reuberi collect. p. 157. seq.

(u) in præfat. de Vitiis sermonis lib.

dam viri (v) verbis generatim ac vniuerse  
rem exprimam: quibus scilicet de rerum per  
complura sæcula in Germania gestarum *scri-*  
*ptoribus*, ab *Vrstisio*, *Pistorio*, *Reubero*, (qui-  
bus *Freherum* adde, *Canisium*, *Schardium*,  
*Pithæum*, *Goldastum*, *Meibomium*, *Leibniti-*  
*um*, *Maderum*, *Matthæum*, alios) editis adfir-  
mat: *sua mole eos laborare, stilo vt pluri-*  
*imum rudes, rerum frequenter inanes, ex so-*  
*mnis & nugis cuculatorum confectos*. In  
quales ferreos, seu lutulentos scriptores si  
quis primitus sese abdiderit, crebro euentu-  
rum, Vossius prædixit (x), vt propemodum  
non magis eos intelligat, quam si alium in  
orbem delatus foret. Quæ singula neuti-  
quam ita intellecta volo, ac si ea propter scri-  
ptores istos, & ob verborum squalorem, flo-  
cci pendendos ego existimem. qui a cl. Bœ-  
clero (y), aliisque, & re ipsa, meliora edoctus

E. 4                      sum :

- (v) Sim. Bornmeister, in præf. Hadriani Card. lib. de  
Elegantia Latini sermonis præfix. edit. Norib.  
1681, 12.
- (x) c. l. (y) in præf. Comment. Sæc. IX & X. Præclara  
multa eadem de re monet Phil. Melanchthon. in  
præfatione, qua *Abbas Urspergensis* Chronicon  
adornauit: quæ cum reliquis eius præfationibus  
reperitur etiam T. II, Declam. p. 187. seqq. *Quum*  
*lego, inquit, Germanicorum scriptorum Chronica,*  
*seu historias, non raro deploro hanc infelicitatem*  
*nostræ nationis, quod quum optimos Principes ge-*  
*nuerit, quum res gesserit pulcherrimas, & stiles*

sum: illorum scilicet voluntatem laudare, tempori ignoscere, monimenta colere, ad omnes pertinere: licet auctores nec bonas litteras, nec prudentiam idoneam ad hæc concinnanda attulerint. Id quod excellentissimus Vossius ita elocutus est (z): *Non putandum, prorsum negligendos esse eiusce. ætatis homines, qui siue tamquam æstu torrentis abrepti, siue desperatione quadam meliorum contenti fuere plebeio & idiotico sermone; scripsereque, non ut debuere, sed ut potuerunt. Absque iis enim si esset, hiatus multiplex esset in histo-*

*ria,*  
*Uniuerso Christiano nomini, litterarum lumine res nostrorum hominum carent. Quamquam enim non prorsus ingenia nostris scriptoribus defuerunt, tamen scientia Reip. defuit, & ratio dicendi. Scribebant enim historias monachi plerumque imperiti Reip. qui veteres historicos ne viderant quidem, sine exemplo, sine arte infantes. Quibusdam de Maximiliani I. Imperatoris consilio Germanicam historiam, quantum fieri posset, integram ex fragmentis componendi, interiectis, pergit: Quamquam igitur iure in nostris scriptoribus desiderari multa possunt, tamen faciendum est scilicet, id quod res fert. Non sunt negligenda hæc, quamquam rudia monimenta maiorum nostrorum, quæ multas pulcherrimas virtutes nostrorum Regum & Ducum, si non satis illustrent, viuas, & ita dicam, coloribus adumbrant tamen, & homines prudentes hæc ipsa adumbratio multa monere potest.*

(z) in præfat. de Vitiis sermonis lib.



*ria*, quæ quoquo modo scripta delectat, & licet insulse scriptam, tamen, quoniam notitiam temporum habere desideramus, & nos, quidquam, quod vsquam gestum sit, latere dolemus, ambabus vlnis amplectimur (a). Omnia hæc ultro concedo: de imperita minusque eleganti sæculi istius dictione, a qua plenam subacti iudicii homines mutuuntur prudentiam, mihi in præsentī sermo est.

Quamlibet nec illud inficias eo, vixisse omnino tum in Germania vnum & alterum, qui in monumentis posteritati traditis emendatius multo dicendī genus vsurparint, quam ab homine barbaro maxime sæculo viuente iure quis exspectare potuerit. Verissimum enim est, quod idem magnus Vossius docuit (b): etsi sæculi vitio vel ipsa facundia pene facta esset elinguis, Latine loqui nihilominus dari, non cum illis in Romana dictione infantibus, sed cum iis temporibus, quibus viguit vis & gratia Latini sermonis. cuius rei exempla capere licere censet ex iis, qui, licet viuerent non deflorescente lingua Romana, sed emortua, tamen grandius quid, puriusque sonuerint ceteris suæ ætatis hominibus. Talibus LAMBERTVS SCHAFF-NABVRGENSIS, XI sæculi historicus, qui

E 5

in

(a) Rol. Mares. epist. philol. 2 lib. II p. m. 233.

(b) l. c.

in primis adnumeretur, dignus est. cuius *puram & ornatam orationem*, ac *miram* plane tam barbaro sæculo *eloquentiam* summi inter eruditos viri suspexerunt: prudentiæ non minus, quam eloquentiæ palmam, non suæ tantum ætatis omnibus, sed disertioris etiam æui pluribus scriptoribus præripuisse eum, censentes (c). Ut autem dictionis Lamberti nostri formam, qui hæc legis, cognoscere quodammodo queas, clausulam, quam operi suo addidit, adscribam. *Nos more inertis Poeta extremo iam in opere languescentes, ingentisque materie mole superati, in longum satis, ut videtur, protracto volumini hic tandem finem imponimus, ut si cui forte post nos ad describendam reliquam partem huius historiae manum mittere libuerit, ab electione Rudolphi Regis congruum scribendi exordium faciat* (d).

Verumenimvero si ipsum hunc *Hirsfeldensem* monachum & supra pluribus a me laudatum verbis *Eginhartum* excepero, per quin-

(c) vid. Vossius de Histor. Latin. lib. I, c. 47.

(d) Pistorium atque Schardium adiecisse Lambertum collectis ab se rerum Germanicarum scriptoribus, constat, postquam Phil. Melanchthon primus eum edi curauerat, & Io. Iac. Grynæus quadraginta annis post cum aliis nonnullis libris Basileensi typographo recudendum dederat: conf. Hertzii Biblioth. Germ. P. II, S. 1. n. 484.

quinque amplius sæcula, a Caroli M. scilicet tempore, vsque ad Caroli IV ætatem, vix in Germania exstiterit, cui ob purum ac copiosum sermonem laudis quicquam debeatur. Nam etsi mundum satis semen vberi solo creditum ibi fuerat, id succedentium agricolarum incuria paullatim spinis atque sentibus peracutis pungentibusque vndeque inhorruit. & licet candidiores subinde per aliquot sæcula aduentarent, semen istud a vepribus liberaturi, quo cumulatus copiosiusque emergere posset; pigris istis & negligentissimis cultoribus hæc proborum colorum diligentia erat quam molestissima: qui, vt desidiæ suam, veluti aras & focos, tutarentur, cristas erigebant, omnia euertentes armamentaria, & nihil non exquirentes, ne paruum acres vecordiæ suæ viderentur patroni (e). Tam paucos vero, quibus ob purum dicendi genus laus impertiri queat, tanto temporis spatio in Germania nostra inuentos esse, in gentis nostræ contemptionem adduci posse, negat Herm. Conringius (f): quum quemlibet fateri oporteat, non ingenii crimine tantum sribliginis situm contractum

(e) rem plane admodum hac ratione expressit Nic. Gerbelius ep. ad Io. Reuchlin, lib. II ep. illustr. viror. ad Reuchlin, C. 2, b.

(f) in præfat. C. Tacit. de M. G. p. m, 25,

ctum esse, sed temporis. Quo nempe *piaculum purgatoriis flammis expiandum fuit, elegantiori ac puro loquendi genere uti, maxime & ea propter, quod infelicitate plane, (uti somniarant) Hieronymus hanc tentavit aleam, qui, nescio a quo irato genio, in somnio egregie sit dedolatus, quod Ciceronem legerit (ff).* Quali figmento ad socordiam ac inscitiam suam infucandam vfos tum esse monachos, arbitror, continue insequentibus sæculis obgannientes: *quanto melior grammaticus, tanto peior theologus.* Quod ipsum barbarici suæ caussati, singularis forsitan sanctimonix præ se ferre potuissent, opinor, speciem, nisi commisissent, ut atrocium magis criminum merito ac iure coargui potuerint: quorum nomine ab supremo iudice magis quondam damnabuntur, quam si Latinitati ingenuisque artibus studuissent.

Quorum sæculorum sordes, & inueteratam barbariem pluribus verbis prosequi nihil attinet: præsertim quum dubitare me iam adfirmarim, an temporibus his immorari operæ pretium facturus forem. quorum ipsius cogitationis, ut vere dicam, me pertæsum est: nedum verbosa eorum commemoratione, & inscitix speciminum enarratione quemquam delectatum iri, mihi persuadeam. Sunt vide-

(ff) Sim, Bornmeistet supra cit, l.

videlicet hæc ipsa ista sæcula, in quorum scriptoribus horridam barbariem nihilo magis mirari nos oportere, Henr. Stephanus iudicavit (g),

*quam tumidum guttur miremur in Alpibus, aut quam*

*in Meroe crasso maiorem infante mamillam.*

Sunt porro illa sæcula, quibus Græcæ linguæ rudes penitus ignarique monachi ridiculas maxime comminifcebantur *etymologias*: qualis erat illa, qua vocem *Presbyter* interpretabantur, quasi eiusmodi esset homo, qui *præberet suis iter*. vel si Græcismi omnino quicquam subodorabantur in voce quapiam, mirifice sibi gratulabantur, quum post multi velut sudoris laborem exantlatum vocis originem elicuisse sibi viderentur: quo illa in primis *etymologia* referenda est, criticis istius ætatis non indigna, qua vocem *diabolus* ex *dia*, quasi duo, & *bolus*, deducebant; perinde ac si *diabolus duos* ex homine deuorando faceret *bolos*, vnum de corpore, de anima alterum (h). Stupendam monachorum fcordiam vel inde coniicere licet, quod *episcopus* quidam *Traiectensis trecentos diæceseos*  
*sua*

(g) in præfatione, quam de Abusu linguæ Græcæ in quibusdam vocibus, quas Latina vsurpat, admonitioni præfixit.

(h) Henr. Stephanus in citato modo loco.

*sua sacerdotes*, tamquam indoctos asinos, adeoque sacro munere indignos plane, tribus dumtaxat exceptis, *exauctoraverit* (i). quos eius farinae homines fuisse credo, cuius ille monachus fuit, qui ab episcopo quodam ad ecclesiastici muneris cuiusdam functionem obeundam praelato cuiusdam commendatus esse dicitur hac epistola: *Otto Dei gratia. rogat vestram clementiam, ut velitis istum clericum conducere ad vestrum diaconum.* quæ verba quum compendioso scribendi genere essent excepta, commendatus sic legisse fertur: *Otto Dei gram, rogat vestram clam, ut velit istum clincum clancum conuertere in viuum diabolum.*

Quam incredibilem fere ignorantiam non adeo mirabitur, spero, qui reputarit, omnia meliorum litterarum exercitia in monachorum canonicorumque scholis superiori tempore in Germania & alibi Caroli M. auspiciis apertis prorsus sensim cessasse, pigriore semper pigro succedente: idque non in

- (i) Refert id Io. Lomeier ex Erasmo, lib. I Ecclesiast. in sui de Bibliothecis libri cap. 8, ubi istam etiam de Ottonis litteris commendatitiis historiam narrat: quippe quod caput huiusmodi exemplis est refertissimum. præterquam quod complures scriptores nominat, ex quibus plura depromere poterunt, qui eorum lectione delectantur.

in Germania solum, sed in cuncta pene Europa: quandoquidem solus immensæ gulæ atque impudici corporis quæstus vigeat inter monachos. *Mendicantium* cum primis monachorum *ordini*, qui *seculo XIII* florere cœpit, nihil minus, quam ingenuarum artium, & Latini sermonis cultus curæ fuit cordique. vtpote qui ordo in Philosophiam Aristotelicam excolendam, vel obscurandam potius, omni ferebatur cogitatione: dum Aristotelis aliorumque Græcorum monumenta FRIDERICI II Imperatoris beneficio ex Arabica lingua in Latinam translata sunt; scabra quidem, vt Conringius eam appellat (k), interpretatione: quam scholæ Bononiensi examinandam transmisit Imperator

(k) Antiquit. Academ. dissert. III, p. 95 seqq. & suppl. XLIII, p. 337, 349. & Dau. Chytræi Orat. de Scholæ Prouincialium Ducatus Stiriæ Introd. B. 5, b. vbi illustria hæc, & id, quod volo, declarantia leguntur verba: *Circa annum Christi 1200. Monachi mendicantes ruinam studiorum ecclesiæ cellabentium, fulcire suis docendi, disputandi & scribendi laboribus strenue corati sunt. Sed neglectis Græcis litteris, contemptis veteribus etiam Latinis auctoribus, amissa linguae puritate, desertis mathematicis, & veteri ac vera docendi ratione extincta & inani- bus argutiis & cauillationibus in omnes artes ac disciplinas receptis: tetra barbaries & Theologia Monachorum, conflata ex inerudita philosophia & superstitionibus enata est.*

rator (l). Quo quum per aliquot sæcula nullus imperantium præclarius de litteris meritus sit: quippe qui fundatam etiam ab se Neapolitanam academiam pluribus ornavit priuilegiis, & quem Italice, Latine, Germanice, Gallice, Græce atque Sarracenice locutum esse, adfirmant (m). quin pauca de temporis huius Latinitate proferam, temperare mihi non queo.

Omniū ferme, quos ætas ista tulit, eruditorum eloquentissimus PETRVS DE VINEIS putabatur, Iureconsultus celeberrimus, & laudati *Friderici II Cancellarius*: quem, postquam in grauissimis negotiis opera eius vsus erat Imperator, longe funestissimum ac tragicum prorsus vitæ exitum habuisse, nouimus. Vtrum vero *Germanus*, an *Italus* fuerit, disceptant eruditi: Tritheimius Germanum natione fuisse tradidit: alii *Capuanum* habent; quibus *Sim. Schardius* adsentitur (n): qui ipse est, qui eiusdem Petri de Vineis *Epistolarum*, Imperatoris nomine scriptarum, *libros VI* iuris publici faciens (o). veritatis historicæ cultores perpetuo sibi

(l) Pandulf. Collenutius in vita Friderici II: quam Latine conuersam Epistolis Petri de Vineis præmisit S. Schardius, p. m. 55.

(m) P. Collenutius c. l. p. 54.

(n) in vita Petri de Vineis, ipsius epistolis præfixa.

(o) Basileæ 1566, 8. ex officina Io. Oporini.



sibi deuinxit. quas epistolas *non tam eleganti sermonis Latini, quam Pontificum Romanorum in seclatione insignes* appellat. Enimvero tam inculta atque aspera in iis conscribendis vsus est præstantissimus vir dictione, vt Italogum magis ac barbarorum, quam Latinorum vocabulorum indicem, quo ista explicentur, subiiciendum iis putauerit Schar dius: qui tamen locupletior multo dari facile potuisset. Vt breue aliquod Cancellarii nostri elocutionis habeas specimen, lector, *epistolam XIII lib. III* apponam: idque eo magis, quod de *grammatica docenda* agit: illum scilicet, qui in *Terra Laboris* ius dicebat, a tradendis Grammaticæ artis rudimentis quemquam prohibere vetat. Ipsa Epistola hæc est: *Et si ad perfectionem studii generalis, quod nuper in ciuitate Neapoli prouidimus reformandum, particularia studia ubique per regnum mandauerimus interdici, nostræ tamen intentionis non fuit, sic loca quælibet depauperare doctoribus, vt artis Grammaticæ rudimenta nouiciis velut lactantis vestris ubera famelicis infantibus præciantur: sed ad illos tantum extendi volumus vestræ serenitatis edictum, qui auditoribus suis ruditate deposita, in facultatibus aliis ingenia potiora petentibus, cibos iam possint scientiæ solidos ministrare. Propter quod si*

delitati

*delitati tuæ præcipiendo mandamus, quatenus magistris quibuslibet, qui per terras iurisdictionis tuæ pueros in artis grammaticæ primitiis edocent, nullam occasione prædicta molestiam inferas: sed particularia eorum studia regere, sine impedimento quolibet patiaris.* Haëtanus ipsa Petri de Vineis Epistola: cuius verborum structura licet parum ornata sit: incomptior tamen in aliis eiusdem sæculi monimentis offenditur. Nam si Petrus de Vineis inter ætatis suæ eruditos doctrina, ingenio, ac eloquentia merito suo præstantissimus habitus est: quam doctos, quam eloquentes illos, quæso, faciamus scriptores, quos is non mediocri post se reliquit intervallo? *Gregorii certe IX Pontificis Epistola ad eundem Fridericum Imperatorem tum, quum eius etiamnum amicus esset, scripta, si non incultior, æque tamen, ac Petri de Vineis Epistolæ, salebrofa mihi videtur: cuius hoc est initium (p): Gregorius episcopus servus servorum Dei, charissimo in Christo filio nostro Friderico, Romano Imperatori, & Sicilia regi, semper Augusto: salutem & Apostolicam benedictionem. Ad ostendendum viam ligni vitæ errantibus, in inuio mundi huius, posuit te Dominus quasi Cherubim, & versatilem gladium.*

(p) Petri de Vineis Epistolis vna cum *Depositionis Friderici Formula* præmissa est a Schardio, p. 77.

*dium. Cum enim diligenti meditatione pensatur ratio in te illuminata dono intelligentiæ naturalis, & imaginatio discreta in rei comprehensione sensibilis: quæ quasi versatilis, vna facie respicit rationem, alia naturam sensibilibus intuetur. & quæ sequuntur.*

Quod si vero monachorum & vniuersæ Christianæ ecclesiæ caput Pontifex maximo tam exiguum liberalium artium præ se tulit studium, fauoremue: & si is gregis Seruatori nostro Iesu Christo in hisce terris colligendi *lupus rapax, doli Parens, sanguinum vir, schismatum amiator, lapis offensionum, ipse denique Antichristus* aperte in Petri de Vineis Epistolis nominatur (q): qualem quæso monachorum tum gregem fuisse, putas? *seculo deditos ac ebriatos, delitiis Deum postposuisse eos, ipsi, qui a Pontificiorum partibus steterè, fateri necesse habuerunt: ex quorum diuitiarum affluentia religio sit suffocata* (r) nec

F 2

minus

(q) vid. Schardii epistolam, qua easdem Epistolas Wolff. Hallero dedicauit.

(r) P. Collenutius in vita Friderici II, pag. 59. Huc pertinent lectissima Dau. Chytræi verba ex Oratione sæpius a me allegata, quam in Scholæ Prouincialium Ducatus Stiriæ introductione habuit, B. 5, b. *Quum opes collegiorum & veterum D. Benedicti, monasteriorum posterioribus sæculis studiorum causa potissimum ex Regum ac Principum donationibus auctæ, in immensum creuissent: accidit, quod Bernardus inquit: Religio peperit diuitias & filia*

minus omnis ingenuarum artium amor atque studium.

Vt demum crassissimas, quibus in Germania nostra omnis humanitas circumfusa latuit, tenebras elucter, Musisque inimicissimo saeculo relicto, ad laetiora paullatim tempora progredi mihi liceat: paucis, at luculentissimis magni Erasmi verbis, plurima generatim iterum iterumque, corollarii quasi loco, exponam: quibus prudentissimus vir temporis, cui haecenus immoratus sum, faciem praclare expressit (s): *Neglecta bona littera, fastidita Graecanici sermonis peritia, multoque magis Hebraici, spreto eloquentiae studium, quin & ipsa Latina lingua sic conspurcata est subinde noua barbarie, ut iam nihil minus esset, quam Latina, nec Historiae nec Geographiae nec antiquitatis vlla cura.*

Prius vero quam ad tempora, quibus bonis litteris clarior sensim exoriri coepit lux, pergam: non ab re futurum arbitror, si breui commemorauero, hoc ipsum XIII saeculum esse, quo Germaniam suum sermonem Latinis litteris depingere didicisse, Auentinus adfir-

*deuorauit matrem. Nam canonici & monachi opulenti, regie dominationi, luxui & otio dediti, studia doctrinarum & alios labores ecclesiae necessarios prorsus abiecerunt.*

(s) in praefat. in Hieronymum: ap. Conring. Antiquit. Acad. suppl. 43, p. 338.

adfirmavit (f). Nam quum is horridus maxime, & ad animi sensa litteris, siue certis characteribus, exprimenda parum accommodatus esse videretur; omnes saltem litteras tabulasque publicas Romana, siue semi-Latina potius, vti nuncupari eam a quibusdam supra vidimus, lingua ad illa vsque tempora scriptas esse, plurimi demonstrarunt (sf). Nam tametsi *Otfridus* & complures alii, postquam Carolum M. opus, quod ad expoliendam Germanorum linguam huiusque characteres pertinebat, non confecisse cognouerant, eiusdem denuo rei periculum non infelicititer fecerunt, laudatissimi Imperatoris vestigia secuti (t): opus tamen perfici prius non potuisse videtur, quam Friderici II temporibus. Quum enim clerus, qui eo, quod solus Latini sermonis gnarus, publicis tabulariis præerat, occasionem ditescendi, & principum secreta cognoscendi facultatem dimittere nollet; is, ne Latinum idioma in aulis horum aboleretur, Germanicæ linguæ

F 3                      litte-

(f) qua ratione Auentini verba intelligi debere ego existinem, initio capitis in notis declaravi.

(sf) vid. Conting. de Origine Iuris Germ. cap 27, pag. 161, edit. 1665. conf. Lehmann. Chron. Spir. lib. II, c. 45, p. m. 169.

(t) vid. Bessellii notas ad Eginharti cap. 29 verba: Inchoauit & grammaticam patrii sermonis. cui Schminckii animaduersiones adde.

litteris exprimendæ difficultatem, eiusque horrorem alendo obstitisse adhuc iudicatur. Quod in caussa etiam fortasse fuit, cur profanis hominibus, siue laïcis, omnis aditus ad linguarum artiumque scientiam ab eodem clero sit præclusus; vt videlicet monachi, reliquis, vel nobilissimis hominibus, inde detrusis, ipsi soli in aulis principum cancellariisque quasi dominarentur, & præmia atque honores eruditionis nomine reportarent. Inde euenisse concludunt eruditi, vt Latini sermonis vsus in conficiendis publicis legum tabulis, in publicis priuatisque rationibus, in omnibus monumentis, ita obtinuerit, vt principes hac lingua fœdera sancirent, vt sacerdotes religiones interpretarentur ea, vt iudices testamenta, contractus, caussas forenses eadem explicarent (tt). Equidem *FridERICI II* auspiciis *primam Germanico sermone confectam constitutionem* publicatam esse, plerique cum Conringio existimant (u): quam eodem XIII sæculo plures deinceps subsecutæ sunt. Immo *Rudolphus I Austriacus* statuit, vt *posthac ob inscitiam nobilitatis, Principum & Pontificum edicta, priuilegia in Tentorum lingua ederentur*, quæ hæcenus Romano sermo-

(tt) vid. Hachenberg. Germ. Med. dissert. VII, p. 246.  
& ill. Lynckeri dissert. de Idiomat. Imperial. p. 9.

(u) Conring. de Orig. Iur. Germ. cap. 27.

fermone data erant (v): quam quidem constitutionem non prohibuisse nouimus, quo minus plurimæ Romana lingua conscriptæ tabulæ postmodum sint publicatæ, ita, vt, clero perpetuo repugnante, Germanicum idioma ante sæculum XV præualere non potuerit (x).

Neque ab instituto alienum porro cenſeo, pauca quoque de *monachorum* per ſuperiora ſæcula *ſcribendi ratione* ſubiicere: etſi per ſe conii cere quilibet poterit, non multum curæ ad recte ſcribendum allatum ab iis eſſe, quum grammaticæ artis rudes pene fuerint atque ignari. Qui quum ex librorum deſcriptione victum ſibi quærerent, nec intelligerent ſæpe, quæ ſcribebant, verborum monſtra, vel litteris, vel ſyllabis, vel vocibus traiectis perturbatisque, non potuerunt non ab iis procudi: quæ criticos probe deinceps verſa-

F 4

runt

(v) Auentinus Annal. Boior. lib. VII, p. m. 567. ſeq. & Conring. c. l. conf. Mart. Cruſii Annal. Sucu. P. II, lib. I, c. 8, p. 13 & P. III, lib. III, c. 1, pag. 134. *Rudolphum I Latine lingue* ignarum fuiſſe, & quum Legatum Bohemicum, Latine ipſum alloquentem, non intellexiſſet, voluiſſe, ne quis legatus aliter deinceps, ac Germanice peroraret, ill. Lynckerus ex Huld. Mutio & Gerh. de Rhoo oſtendit, in diſſert. de Idiomat. Imperial. p. 10.

(x) Lyncker. diſſert. modo cit. p. 11.

runt (y). quod quum ita sit, rectissime iudicauerunt nonnulli, *in orthographiam peccata barbariem in Latinam linguam inuexisse* (z). Fuerunt adeo inter exteros, qui, quod scriptores non modo truncos ac laceros, verum etiam ita deprauatos habeamus, ut, si reuiuiscerent, ipsi nec agnoscerent sua scripta, nec restituere possent, *Teutonibus* potissimum imputarunt; librariorum ac semidoctorum inter hos audacia, incuria, atque inscitia veterum scripta corrupta adfirmantes (a). Quamuis autem ab audacibus nonnullis, ac sciolis Italis non minus mendorum inuectum esse putauerunt quidam: inficiandum tamen non est, ineptos plerumque in Germaniæ monasteriis ad scribendum adhibitos esse homines: id quod Ekkehartus Iunior cum multis aliis edocere nos potest, quando de Monasterii S. Galli Decano *Ekkehartho minore* adfirmat (b): *Doct̃or prosper fuit & asper, nam quum apud suum Gallum ambas scholas suas teneret, nemo prater exiles pusiones quicquam alteri, nisi Latine, ausus est prolo-*  
qui.

(y) vid. Contr. Rittershusium de causis variantium in auctorib. lection. in Casp. Scioppii de Arte Critica Commentar. p. 87.

(z) du Fresne Præfat. Glossar. præm. §. 7, init.

(a) vid. D. Erasmus in Ciceroniano p. m. 259.

(b) de Casibus Monasterii S. Galli cap. 10. inter Goldasti scriptores Rer. Alamannicar. p. 42, T. I.



qui. Et quos ad litterarum studia tardiores vidisset, ad scribendum occupauerat & lineandum: quorum amborum ipse erat potentissimus, maxime in capitularibus litteris & auro, ut apparet in versibus fornicis Galli, quos fecit:

*Templum quod Gallo Gotzbertus struxerat almo,*

*Hoc Abbas Immo picturis compsit & auro.,*

has ille litteras cultello concisas illic liniuerat (c). Quibus cognitis, facilius fidem habebimus adseuerantibus, & in ipso isto S. Galli & aliis Germaniæ monasteriis adeo vitiosum exaratos hodieque custodiri codices, ut, si quis hos in lucem esset editurus, temeritatis potius, quam diligentiae id foret (d). Vnum enim dumtaxat *Sintrammm* barbara sæcula ostentasse videntur; de quo, ceu artificiosissimo homine, Ekkehartus iste sequentia me-

F 5

moriam

(c) de *Salomone*, Constantiensi Episcopo, idem Ekkehartus l. c. cap. I pag. 21 sequentia refert: *Erat scribendi lingua manuque artifex; lineandi & capitulares litteras rite creandi præ omnibus gnarus, ut in apicibus L & C longi euangelii primis videre est: quas Episcopus, ut aiunt, probans, quid in talibus adhuc posset, lineans auificabat.* Cuiusmodi scribendi & pingendi litteras studium *περίεργον* sæculi sapuisse, ad grauiora parum adspirantis, Boetclerus iudicat, de Reb. sæc. IX & X Comment, p. 241.

(d) Vossius de Histor. Lat. lib. II, p. m. 303.

moriæ prodidit (e): *Omnis orbis Cisalpinos  
 Sintrammi digitos miratur, in hoc vno, ut ce-  
 lebre est, triumphat. Mirari autem est, ho-  
 minem vnum tanta scripsisse, quia in nomina-  
 tissimis locis plerisque harum regni partium  
 Sintrammi characterum libri S. Galli obfides  
 habentur. Sed & hoc in homine mirabile erat,  
 & singulare, quia quum delicata eius scriptura  
 iucunde sit directâ, raro in pagina vel vnius  
 verbi mendacium inuenias rasum.* Quum  
 vero magna plerumque monachorum in sa-  
 cris libris describendis deprehenderetur ne-  
 gligentia, non defuerunt, qui serio eos ad-  
 hortarentur, vt perfectæ ætatis homines cum  
 diligentia libros eiusmodi scriberent (f).  
 quid, quod seueris quasi imprecationibus  
 describentium incuriæ obuiam ire nonnulli  
 decreuerunt. qualem in *Chronici Eusebiani*  
 codice membranaceo, quem bibliotheca Au-  
 gusta Wolfenbuttelenensis adseruat, legere me  
 memini, quæ ita sese habet: *Adiuuro te, qui-  
 cunque hos descripseris libros, per Dominum  
 nostrum Iesum Christum & gloriosum eius ad-  
 uentum, in quo veniet iudicare viuos & mor-  
 tuos,*

(e) l. c. pag. 19. T. I. Scriptor. Rer. Alemann. a Golda-  
 sto edit.

(f) C. du Fresne præfat. Glossar. Lat. præmi. l. § 6. vbi  
 plurimis exemplis atque testimoniis commonstrat,  
 quid mali ex scriptorum seu antiquariorum incuria  
 atque imperitia sit enatum.

*tuos, ut conferas, quod scripseris & emendes ad exemplaria ea, de quibus scripseris diligenter. Et hoc adiurationis genus similiter transcribas & transferas in eum codicem, quem descripseris.* Quæ quidem verba primo statim adspectu cultioris paullo sæculi præ se ferunt indicia: quippe quæ paullo ante artis typographicæ inuentionem, siue non ita multo post Fr. Petrarchæ ætatem, scripta esse, hæc testatur clausula: *Hos de temporibus libros ab exemplari scripto per manum celebris memoriæ Francisci Petrarchæ transcripsi fideliter ego Iob Mediolani Non. Quintilibus A. ab exordio eius, qui circa principium operis primus in Hebræorum ordine numeratur 1430.*

Facere denique non possum, quin *Poeticæ* etiam artis specimina quædam proferam: quam maiores nostri tanto amplexi sunt studio, ut vix alia disciplina maiore animorum contentione ab iis tractata, aut in potiore habita apud eos sit honore (ff): & quæ ipsis incultis maxime sæculis mirifice arrisisse videtur. Enimuero *Caroli M.* iam ætate in Germania nostra certatim studiis his operati sunt (g): quæ ipse etiam Imperator attigerat, vt

(ff) P. Hachenberg. *Germ. Med. dissert.* VI p. 203.

(g) de *Poesi Latina* mihi sermonem esse, per se quilibet intelliget, spero: quum neminem fugiat, veteres Germanos fortissimorum suorum heroum lau-

vt ne vel huius suauitatis expers esset. quod quum multi non ignorarent, carmina nonnulla, quæ etiamnum supersunt, ei tribuerunt, tamquam auctori; licet, vtrum talis sit, magnopere dubitent eruditi (h). Cuius filius *Ludonicus Pius poetica carmina gentilia*, quæ in iuuentute didicerat, ita deinceps *respuit*, vt nec legere, nec audire, nec docere ea voverit: vtpote qui sacris litteris, earumque mystico inprimis sensui vnice intentum se videri cupiebat (i). Quemadmodum vero multis ingenium tum haud defuisse, negari non potest: ita genio sæculi in minora fere elapsos esse, iudicant (k) eruditi. Id quod *Walafridus Strabo*, variorum carminum auctor, & Augiæ sæculo IX abbas, quem docti, sapientis, & litterarum scientia ante alios illustris viri præconio condecorauit Sangallensis monachus (l), ingenue professus est, quando, *si in pedum mensura fesellerit, contra nullum luctamen initurum se*, scripsit, *quippe cui nec ætas ad talia competierit, nec*

*scien-*

des carminibus sua lingua conceptis multo ante celebrasse. vid. præ reliquis omnibus Morhof. de lingua & Poesi Germanor.

(h) Bœcler. Commentar. de Reb. Sæc. IX & X p. 47.

(i) Theganus ap. Bœclerum in Comment. de Reb. Sæc. IX & X, p. 91.

(k) vid. Bœclerum c. l. p. 47.

(l) Vossius de Historicis Lat. lib. II, c. 33, p. 303.

*scientia suppetierit* (ll). *Adelmi Scoti Car-*  
*men*, cuius litteræ versibus initium & finem  
 dantes hunc primum eius effecerunt versum:

*Metrica tirones nunc promant carmina*  
*castos:*

maghi operis rem existimatum esse eo tem-  
 pore cl. Bœclerus ostendit (m): quod inuen-  
 tum *Rabano Mauro*, cuius supra mentio a  
 me facta est, a nonnullis postea attributum  
 esse, addit. Quum enim veræ Poeseos, uti  
 omnis elegantioris litteraturæ, satietas ce-  
 pisset ignavos monachos, eamque haud in-  
 telligerent, ridiculis & ineptis maxime  
 rhythmis mirum in modum delectati sunt:  
 donec sæculo XIV adeo miserabilis Poeseos  
 Latinæ exstiterit facies, ut de exsequiis eius  
 sollicitæ iam essent Musæ: siquidem dudum  
 ab antiqua sua maiestate desciverat, adeo, ut  
 hic foedis barbarissimis squalida, illic leonino-  
 rum versuum crepitaculis horrida, istic di-  
 mensionum vocum colorisque poetici im-  
 memor esset (n). Id quod quam plurimis  
 exemplis planum facere possem. inter quæ  
 illud de *Ottone III* Imperatore in Sangallensi  
 monasterio confectum carmen: cuius ini-  
 tium est.

*Otto*

(ll) C. du Fresne præf. Glossar. § VIII.

(m) Comment. de Reb. Sæc. IX & X. p. 47.

(n) Ol. Borrich. Dissert. II de Poetis §. 82. & III, § 83.

*Otto Rex, tua lex, quia semper venditur  
auro,*

*hic gentes frustra querunt iudicia iusta* (o).  
De eiusdem Sangallensis, & complurium aliorum, Constantiensis denique cœnobii Præsule *Salomone* Ekkehartus hæc etiam inter alia in laudem eius profert (p): *Erat metro primus, & coram regibus plerumque pro ludicro cum aliis creator. Dicendi, præter quod naturalis ei commoditas inerat, artifex erat. Quem studiis suis multa in honorem S. Mariæ, nec non Galli sui patrauisse dicit Ekkehartus* (q); *id est libros, vasa, vestes varias, in aliquibus scribere iubentem:*

*Tertius hæc hagiæ Salomon dat dona Mariæ*

*Tertius hæc almo Salomon dat munera Gallo.*  
quem aliquando scholam intrantem, & per iocum pœnam minitantem *paruulos pronosse, medios rythmice, ceteros vero metricæ, quasi pro rostris rhetorice etiam affatos esse,* idem Ekkehartus commemorat (r): *vnum perorantium dixisse:*

*Quid tibi fecimus tale, ut nobis facias  
male,*

*Appellamus regem, quia nostram fecimus  
legem.*

versi-

(o) vid. Io. Lomeir. de Bibliothecis lib. c. VIII: ubi plurima eiusmodi reperies specimina.

(p) de Casibus Monasterii S. Galli in *Rer. Alamannic. Script. T. I, p. 21.* (q) p. 20. (r) p. 21.

versificatorem sic locutum, ait,

*Non nobis pia spes fuerat, cum sis novus  
hospes,*

*Vt vetus in peius transvertere tute velis ius.*

Quibus versibus ineptiores mihi illi videntur, quos Italia circa tempora ista protulit, marmori cuidam in honoratiore Lateranensis templi loco insculptos (s):

*Illa stupenda dies mortis, que perdere talem*

*Ausa fuit, natura sciuit perficere qualem.*

*Sedis Apostolice fuit iste notarius horis*

*Omniis, intus habens speculum celestis amoris.*

*Nomine Riccardus, sapiens, discretus, habundans*

*Dotibus immensis, fuit area messe redundans.*

*Lictera cui quevis simul utraque nota*

*Iura fuere sibi, probitas ubi nunc sua tota.*

*Hunc Anibal genuit magnus prolem quoque totam*

*Roma tenet mundo famoso nomine notam.*

*obiit sub Papa Nicolao IV. Anno 1289.*

& illi, quos eiusdem Italiae monachi antiquae cuidam Servatoris nostri statuae, cui novum Mariae simulacrum e regione erat, inscripserunt (f):

O Iesu

(s) Ol. Borrichius de Variis linguae Lat. Aetatib. p. m. 23.

(f) Io. Lomeier de Bibliothecis c. VIII.

*O Iesu vete, doleo nunc plurima de te,  
Iam Maria noua tollit tibi flaxis & oua.*

Is etiam circa sæculum XIV mos inualuit inter Germanos, vt non modo singula patrii sermonis vocabula in Latinam terminationem detorta immiscerent versibus suis, vt in postremo isto factum cognoscimus, sed vt Germanicos quoque & Latinos rhythmos alternarent: quemadmodum in hoc epitaphio cernimus.

*Hier Peter Wiese tumba requiescit in ista.  
God geef em Spise calestem, quique legis  
sta &c.*

& in illo, quod Landgrauio Thuringiæ, Friderico strenuo confecerunt, cuius initium est:

*Hye lyt ein Fürste löbelich  
Quem vulgus flebile plangit  
Von Misne Margrau Friderich  
Cuius insignia pangit  
Clerus, claustralis, laicus &c. (t).*

Paulus Hachenbergius itaque verissime scripsit (u): *Post Carolum M. quum Romanas Musas infelicitè primum tentarent Germani, quod linguæ ignorantia, & sæculorum barbarie impedirentur: multi patriæ linguæ vocibus*  
versus

(t) vid. Morhof. de Germanor. lingua & Poesi P. II, a. VII, p. 327.

(u) Germ. Med. diss. VII, p. 204, seq.



*versus includere cæperunt, rhythmorum anxia  
cura illepidos, & rudi dictione infictos; de  
quibus illud dicendum est, quod de Saliaribus  
Romanorum hymnis ferebatur, ceterisque  
versibus*

*qualis olim Vates Faunique canebant.*

Vt vero inter profæ orationis scriptores v-  
num & alterum in Germania barbaris istis  
sæculis offendimus, quem puræ nec inele-  
gantis dictioris laude dignum diiudicaue-  
runt eruditi: ita inter illos non minus, qui  
ligata oratione iisdem temporibus scripse-  
runt, reperiuntur, quibus non exigua laus de-  
beri videtur. quorum numero est supra lau-  
datus *Strabo*, & *Villeramus* Abbas Mersbur-  
gensis sæculi XI poeta, qui non pie tantum,  
sed & feliciter ac supra sæculi sui mores scri-  
psisse censetur (x): nec non *Guntherus*, Bel-  
ga natione: quem poemate, quod *Ligurinus*  
ab ipso inscriptum est, *Friderici I Barbarosse*,  
etiamnum superstitis tum, res gestas ita cele-  
brasse nouimus, vt *magni ingenii & spiritus  
atque etiam elegantis pro sæculo illo poetæ no-*  
*men simul meruerit* (y). Germaniæ mona-  
chis, qui eruditionis gloriam solis sibi tum  
vindicabant in patria sua, ruborem elicere

G

potuit

(x) Ol. Borrich. de Poetis dissert. II, § 76.

(y) Vosius de Historicis Latinis lib. II, c. 53, p. 431 &  
Olaus Borrich. de Poetis Dissert. II, § 76.

potuit *Roswitha* siue *Hroswitha*, & genere, & pietate insignis sæculi X Monialis: quando industria, quam in excolendis melioribus litteris collocavit, non *Latino* modo *carmine* *pollentis*, sed etiam *Græce doctæ virginis* gloriam consecuta est (2): qua pauci oppido ætatis eius monachi merito suo ornari potuerunt.

Equi-

(2) Vossius c. l, c. 51, p. 351. *Roswitham* præter alia scripta, quæ cel. H. L. Schurzstreich non ita pridem denovo edidit, *Historiam* siue *Panegyricum de rebus gestis Ottonis I* heroico carmine confecisse, nouimus. Ipse hic *Otto* non modo rebus gestis, sed eruditione etiam *Magnus* ab historicis prædicatur, qui tanta vi ingenii, ac contentione in discendis litteris elaborarit, ut, numquam ante cognitis elementorum figuris, cum priorem amisset uxorem suam *Editham*, paucis mensibus bonam Latinæ linguæ artiumque liberalium & sacrarum litterarum adsecutus sit cognitionem, & hac omnes ætatis suæ Principes atque Episcoporum vulgus non solum æquarit, sed facile etiam superarit. Quod si fuerit, Imperatorem singulari priuigni sui *Ernesti* eruditione, de qua supra mentio facta est, ad amandas litteras permotus videri fortitan posset. At *Ottomem* in collegio *Hildesensi* educatum ac eruditum iam esse, alibi legere me memini. Mos enim Principum filios in Germaniæ Galliæque Belgicæ collegiis erudiendi nondum penitus tum erat sublatus, qui *Caroli Magni* tempore ita passim viguerat, ut huius ipsius ætate in *Leodiensi* collegio viginti quatuor Principum ac Regum liberi in studiis pietatis & litterarum vixisse dicantur.

Equidem plura de linguæ Latinæ in Germania per inculta maxime sæcula fatis dicenda superesse, vltro fateor. quum verò argumentum summam exponendum me decreuisse memineris, Lector, te concisam hanc meam breuitatem in bonam partem accepturum esse, confido (\*). Erat etiam, quod

G 2

vere-

(\*) Quod si infelicium istorum temporum barbariem accuratius inspicere volueris, euoluas velim *Io. Zwingeri de Barbarie superiorum aliquot seculorum orta ex supina Lingua Græcæ ignoratione* longam eamque egregiam orationem, quam an. 1661 Basil. æ habuit. quæ quum in plurimorum sit manibus, postquam cl. Georg. Henr. Gœtzius eam denuo an. 1704 emisit, *Principi Græcæ docto* subiectam; multa transcribere nolui, diligentissime potius elegantioris litteraturæ studiosis eam commendaturus. Perquam lepidas cognoscenti inde narrationes, quibus barbarorum hominum indoles, & Germanorum & exterorum, planius est expressa, quo historia pertinet, quam de *Theoderico, Abbate Hildeshemiensi* pag. 106 profert, nullarum penitus litterarum, rudi, insulso atque adeo ad docendum alios minime accommodato homine. qui quum Concilio an. 1431 Basileæ celebrato cum Capellano suo interfuisset, ab aliis Prælati ad Missam de Spiritu S. cantandam electus est. quo facto, gratiosa hominis vox Cardinalem fefellit, vt Doctorem crediderit, inter colloquia mutua Latine cum compellans: quando Abbati ne verbum quidem Latinum, multo minus Græcum, in omnium linguarum ignoratione, succurrebat. Capellanus, prout ingeniosus nequam fuisse dicitur, reuerendum Patrem suum priscas aliquot sedes circa Hildeshemium, minime vero

vererer, ne vberiores de inerti Monachorum  
segnitia ac impolito dicendi genere sermones  
legendi fastidium nonnullis mouerent:

quod

ipsum Hildeshemium, quippe. quæ vrbs nota esset,  
e vestigio recitare iussit: quod quum fecisset Theo-  
doricus, nonnullos Hildeshemientis territorii pa-  
gos intrepida verborum conceptione enumerans:  
*Stüruvold, Hassë, Gisen, Vorjche, Kavenstede, Du-  
speestede, Itzem.* quas voces quum Cardinalis haud  
intelligeret, ex circumstantibus sciscitatus est, *an  
Græcus esset homo?* Enimvero bonas litteras ex  
Theologorum scholis ita exulasse, inquit Zwinger-  
us, vt *omnes Hebræorum deliciae* ipsis fuerint *titiui-  
litio*, omnes *Græcorum χάριτες ἀχάριτες*, & *ingratae*  
*omnes Latinorum gratiae*: id quod plurimis præter-  
ea perspicuis admodum exemplis, grauisimisque  
testimoniis declarat; liquide maxime demonstrans,  
*linguarum contemptui comitem sese addidisse incre-  
dibilem omnium rerum inscitiam, ac plus quam Bæo-  
ticam stupiditatem*, quæ vniuersam Europam per  
aliquot tenuerit sæcula; *falsamque ex vitiosa gram-  
matica ortam esse theologiam*: quod cl. Maresius  
peculiari demonstrauiit dissertatione: ad quam iux-  
ta atque alia monimenta Zwingerus lectores suos  
ablegat, sæculi infelicitatem ac stribliginem cogni-  
turos: quamlibet ipse ingentes monstrorum vo-  
cabulorum terminorumque ex spelæis ac barbaris  
gurgustiiis emendicatorum, quæ nonnisi duplicato  
spiritu pronuntiari possunt, oratione sua conges-  
sit acervos. multum in primis industriæ contulit in  
absurdis & lutulentis prorsus *etymologiis*, quibus  
omnes disciplinas conspurcarunt scholastici, per-  
censendis: qualibus *Iacobi Epi. copi Genuensis San-  
ctorum Historiam, quam Lombardicam & Legendam*

quod meliora, & Musis amica magis, quæ insequuntur, tempora forsitan, si non penitus tollere, leuare saltem posse, mihi persuadeo.

G 3

*auream* vocant, refertissimam esse, ostendit. Non autem bonas litteras ex I heologorum solum scholis exulasse, monstrat Zwingerus, verum Iureconsultos etiam, Medicos atque Philosophos cum eadem barbarie conflictatos esse, perspicue docet: & quidem *Iureconsultorum* stilum si considerauerimus, *inepte*, vel si mitius loqui malis, *scholastice* eos *scriptitasse*, deprehensuros nos, confirmat. quorum etsi multas, quibus vsi fuerunt, phrascologias, monstrosas & ultra modum barbaras voces, ineptissimasque etymologias collegit quam plurimas. in *Medicam* tamen *artem horribiliter scutum esse*, probat; barbarorum ac Græcæ linguæ imperitorum scabie ita eam corrumpente, vt squalida maxime reddita sit atque strigosa, tot distinctionibus, tot terminis, tot nominibus, tot verbis, ac participiis ad stuporem vsque vitiatis. *Summam* tandem etiam *verborum in philo ophia grassatam esse crassitiem*, & *tam barbarorum verborum fartiginem*, declaratum iuit, vt verbosa non egeat demonstratione: qualem tamen instituit lectu haud iniucundam; dilucide ostendens, eos, qui philosophiam professi sunt, *ne nomen quidem artis recte scribere*, multo minus *intelligere potuisse*, sicut nec terminos, vtpote ex Græca lingua desumptos. In horum numero refert *I. annem Ianuensem*; ex cuius *Catholico*, quod vix dignum iudicat, quod alicui semidocto ludimagistro & semirustico adscribatur, diuersa adducit summæ ignorantie specimina, & *Etymologiarum monstra*, fœdiora multo iis, quæ supra a me sunt prolata. Extrema oratione colligit denique

deo. Ad quod Germaniæ nostræ optatissimum ac felix sæculum, his ita præmissis, progredior.

## CAP. IV.

Zwingerus: *Melius fuisset, nullis, quam eiusmodi doctoribus uti. doctoribus enim nihil erat indoctius, litteratis nihil illiteratius, eruditis nihil ineruditius, & arudi didascalo nisi rudior discipulus non poterat expectari. & quamquam dolendum fuerit, tantis sæcula illa circumfusa fuisse tenebris, ut inter mille, immo quatuor millia vocabulorum vix unum fuerit repertum, cui non aliquid barbarici existerit admixtum; magis tamen dolendum censuit, tot barbarissimos, tot solæcismos suos nactus fuisse patronos, suos tutores, suos defensores, qui eos probarent ratosque habuerint. Si qui fuerint, quibus neque copiosa ac elegans Zwingeri oratio sitim expleuerit, duas porro consulant velim orationes, Theod. Ryckii alteram de Palingenesia litterarum, industria cl. Ge. Nic. Kriegk. an. 1703 Ienæ recusam: alteram de Palingenesia Studii Philologici a Christ. Henr. Ritmeiero Helmeſtadii habitam an. 1698. quarum utraque durissima litteris tempora attinguntur. quæ etiam perstrinxit Sixtinus Anania in oratione perquam erudita de Barbarie Franeckæ habita anno 1626, Helmeſtadii anno 1711 iterum typis exscripta. Consulant porro Iac. Thomasi dissertationem de Doctoribus Scholasticis Latinis, quæ prodiit an. 1676, & integra Nouæ librorum rariorum Collectionis fasciculo III inserta est pag. 507. seqq.*

## CAP. IV.

*Barbaries integro plus sæculo post Germania eiici cæpit, quam Italia penitus erat eiecta: quare Germanorum nomen huius ciui Io. Ant. Campano inimicum maxime fuit atque detestabile. Io. Regiomontanus, Georgii Burbachii discipulus suo demum Germanos inuitauit exemplo ad Latinæ linguæ bonarumque litterarum cultum ex Italia petendum. Petiit hunc inde circa anno cId CCCC LXXVI Rud. Agricola, vir de cuncta Germania præclare meritus: qualis laus etiam debetur Rud. Langio, Westphalo, cuius populares fuerunt Alex. Hegius, & Ludou Dringebergius: quorum ille Germaniam inferiorem; hic superiorem ad Latinam linguam diligentius addiscendam perduxit: ex cuius schola vna cum pluribus excellentissimis hominibus prodiit Io. Reuchlinus; cuius incredibilis in litterarum linguarumque studiis inter barbaros etiamnum Germanos stabiliendis & contra Colonienses sophistas defendendis suscepta cura atque pericula enarrantur; verbosa satis de fidelibus eius in eodem negotio vrgendo sociis facta mentione: quorum haud exiguo numero Contr. Peutingerus, Io. Camerarius Dalburgius, Bilib. Pirckheimerus, & complures alii gra-*

*uisfimi linguae Romanae assertores fuerunt. huius utilissimum studium subleuatum, commonstratur summo Germaniae Principum, Electorum, atque ipsius augustissimi Maximiliani I, quo litteratos dignati sunt, fauore. qui in uniuersa Europa communis tum & in Musas singularis plane fuisse, ostenditur: ita, ut Germaniae nobilitas, Principum exemplo incitata, litteratissima exstiterit: doctrinae studio propositis, & cum honore artissimo vinculo coniunctis præmiis magnopere adiuto; gratisfima insuper concordia inter litterarum vindices constituta & tam bene confirmata, ut bona sua inter se habuerint communia. Ratio denique, quam saeculum istud in Latina lingua sordibus purganda iniit, breuiter declaratur. hanc adinuenta a Germanis libros typis exscribendi ars tam facilem reddidit, ut Romani sermonis in Germania feliciter asserti infantia ac pueritia non ita multorum lustrorum spatio circumscribi posse videatur.*

**V**Ltima Ludouici Bauari Imperatoris ætas, siue medium XIV sæculi erat, quo humaniora studia, quæ integra nouem secula, & eo amplius cum sordibus & squalore ab Alarici tempore conflata fuerant, respi-  
rare



*rare cœperunt, & e tenebris suis iterum emergere*: quæ Ol. Borrichii verba (a), tantum abest, vt de Germania etiam nostra intelligi queant, vt vix integro plus sæculo post eiici inde cœperit barbaries. tam altas ibi egerat raíces. Monasteria enim & scholæ ieiunarium concertationum, minutarumque subtilitatum plenissimis personabant adhuc disputationibus, quæ hominibus nihil, nisi dubitationes mouebant: quum Aristotelis philosophiam in theologiam inferrent, & *Thomæ Aquinatis* & *Magistri Scoti* castra sequi gregatim pergerent monachi: pro quorum doctrinis, tamquam pro aris ac focus, dimicabant, mirabilia vocabulorum in theologiam & reliquas disciplinas simul producentes monstra; quibus muniti omnes aduersarios suos facile profligare posse sibi videbantur, *Angelicorum* & *Seraphicorum* doctorum titulis insignes; qui tamen ii erant, quorum ope temporumque infelicitate recta studia proculcata iacebant, diuina theologia ad inutilem loquacitatem, merasque nugas ac aniles ineptias relegata (b). quamquam in contro- uersias suas boni & veri plerumque inanissi-

G 5 mas,

(a) de Variis linguæ Latinæ Aetatib. Cogit. p. m. 23.

(b) Eleutherius Byzenus in Triumpho Reuchlini præfat. quam eum ipso Triumpho reu. Io. Henr. Maius Reuchlini vitæ inseruit p. 479 seq.

mas, ac distinctiones plane mirificas, anxia fedulitate vim & acumen ingenii omnino maximum necessario effudisse iudicantur (c).

Accu-

(c) celeb. Perizonius in orat. de Doctrinæ studiis contemptis, pag. 13, 14 elogiorum recenset honores, quibus istius temporis theologos ornauerunt. confer perelegantem Ph. Melanchthonis orationem, quam 1518 de *Corrigendis Adolescentiæ studiis* habuit: qua litterarum fata capitulatiim exponit, præclara multa proferens, T. I Declam. p. 481: p. 486 ad barbara maxime sæcula progressus, ita rem explicauit: *Deinde vsu res acta est, incideruntque homines quidam, siue libidine ingeniorum, siue amore litium: cuncti in Aristotelem, eumque nancum & lacerum, & Latine sic redditum, et etiam Sibyllæ furentis coniecturas exercebat: Huc tamen incauti homines impegerunt. Sensim neglectæ meliores disciplinæ, eruditione Græca excidimus, omnino pro bonis non bona doceri cæpta. Hinc prodire Thomæ, Scoti, Durandi, Seraphici, Cherubici, & reliqui, proles numerosior Cadmea sobole. Accedit inuper, quod non solum contempti veteres studio nouorum, sed omnino si qui in eam supererant etatem, ceu in Lethen ablegati perierunt, ut dubites, num alia re argutiarum auctores plus nocuerint, quam quod vecordes tot millia veterum scriptorum ad internecionem usque aboleri passi sunt. Talibus deinde semel iuris diuini ac humani potestas facta est, ex horum decretis inuentus erudiebatur. nonnullis interiectis, addit: Hæc ratio studiorum annos circiter trecentos in Anglia, in Galliis, in Germania regnauit, ut ne quid interea dicam immodestius. Plurima huc spectantia idem Melanchthon in non minus eleganti oratione de *Studio Artium dicendi* pronuntiauit eod. Declam.*

Accuratam sæculi eius, occupationumque, quibus tempus, rem carissimam, perdiderunt monachi, descriptionem dedit vir plurimum reuerendus Io. Fechtius (d): quam, licet lon-

Tom. p. 389: p. 415 ita loquitur: *quam aliam ob causam Sophistæ acris libris ablegatis, nouum Theologie genus reperere quam quod illorum (Patrum bonorumque scriptorum) sermonem, & differendi rationem non assiduebantur? Quorum exemplum si quem a barbarie non deterret, is fustuario, non oratione castigandus est. Fallitur enim quisquis verbis tantum, non etiam mente barbaros fuisse Theologastros istos censet.*

- (d) in dissert. Io. Reuchlini vitæ a cl. Io. Henr. Maïo conscriptæ præm. A. 5. 6. Eadem & multo plura eius generis leguntur in Io. Zwingeri paullo ante commendata, & iterum iterumque diligenter commendanda *oratione de Barbarie* superiorum aliquot sæculorum orta ex supina linguæ Græcæ ignoratione, pag. 91, seq. vbi multæ aliæ eiusmodi Quæstiones, ab otiosis barbarorum sæculorum sophistis formatae, percensentur. quas non solum superuacaneas, sed impias etiam nuncupat Zwingerus, in quibus nihil præter arrogantiam, nihil præter nugarum ineptias, & amphitheatralem, ac velut histrionicam verborum ampullatorum congeriem reperire liceat. Nam quum nemo fere Christum nosset, & chartæ iam obsoleuissent, quibus sacra continebantur, Articulos condebant, quos mundus tamquam diuinas leges adoraret: ita, vt nihil pium esset, nisi quod illi somniaissent. vid. Ph. Melanchth. Declam. T. I. pag. 412. Quæ quum ita sint, quæstionum & articulorum eiusmodi fabricatores simplicitatem fidei in curiositatem disputandi conuertisse, & si quid

longiorem paullo, si adscripsero, non ingratum me facturum puto lectori. *Erat barbaries ista seculo XV ad fastigium quoddam deducta, regnabat linguarum omnium incredibilis contemptus, contemptus comes ibat supina rerum inscitia, nec quicquam amplius scholæ crepabant præter aptitudinalitates, componibilitates, passionabilitates, susceptibilitates; differebant de dabilibus, verificabilibus, meliorabilibus, de singularizationibus, effectuationibus, infinitationibus, conceptibilitatibus, attingibilitatibus, dogmatibilitatibus; inquirebant subtilissime in homineitates, femineitates, menseitates, lapideitates, & id genus nominum rerumque portenta, quæ Democrito lacrimas, Heraclito risum, Prisciano lamenta cicerent. Quærebatur in scholis: quantum fuerit dolium Diogenis? Quanti consti-*

adhuc superfuerit creperæ lucis, illud densiori nocte sepeliuisse, verissime *Sixtinus Amama* in oratione *de Barbarie* adfirmavit: addens, quæstionarios istos quotidie excogitauisse quæstiones novas, inutiles, profanas, Prophetis & Apostolis adeo ignoratas, ut si illis lucis vfuram denuo indulgisset Deus, nihil minus futuri fuissent, quam Theologi. Illas vero quæstiones a Magistris in utramque partem disputatas, ostendit, verbis & terminis tam obscuris & barbaris. ut *Erasmus* testatus sit, se magni nominis Theologum nouisse, qui negarit, IX annos iis duntaxat intelligendis sufficere, quæ *Subtilis Doctor* in Præfationem Magistri commentatus est.

*constiterit claua Herculis? Quem pedem Aeneas prius posuerit in Italiam? Num chimæa bombilans in mari comedere possit nationes secundas? Si aliqua stola sit quintupedalis, & ponatur, quod vna eius pedalitas vetustate consumpta indigeat resarciri, & resarciatur, ita, ut sit quidem tota stola benedieta, sed si alio tempore alia pedalitas remoueatur, & resarciatur, & sic successiue vsque ad quintam pedalitatem inclusiue, an illa stola etiam tota sit consecrata? An homo ob id non habeat caudam, ne impediatur sessio? An Lazarus testamentum suum soluerit resurgens? An mus arrodens hostiam sit excommunicandus? an a sacrificulo deuorandus? an adorandus? Græcum aliquid nosse, erat suspectum, hebraice autem prope hæreticum. Latina exponebantur ridiculum in modum, & nouis fordibus, quarum partem cl. Fechtius enumerauit, vndique contractis, fœdissime iacebant conspurcata (e). Sermonis scilicet Latini elegant-*

(e) cel. Perizonius c. l. Enimuero quum belli homines nullas tenerent litteras, vnde sapere discerent, fatuam illam sophisticen pepererunt, cœperuntque rixari de commentitiis verborum compositionibus, ne non rhetoricarentur, quid intersit inter hæc *Papam viui, & viui Papam* verba sunt Ph. Melancthonis Declam. T. I, pag. 412. vbi simul confirmat, *Parisiensem* suo etiamnum tempore existisse articulum: *Ego currit, male Latine dici, hæreticum esse, quisquis dissenserit.*

gantiam tanti non fecisse videntur *irrefragabiles*, *admirabiles subtilissimique* doctores, veriti, ne *Realium* nomine, quod tantopere adfectabant, indignos se præberent, si id facturi essent: quam maxime a Cicerone dissentientes, qui illum, *qui veræ eloquentiæ det operam, prudentiæ dare*, existimavit (f). Reputare debuissent boni viri, de rebus constare non posse, si voces, quibus res significantur, non percipiantur; neque scriptorum sententiam diuinare posse lectores, si verba, quibus ea constet, non intelligantur.

Neque vero tum, quum *Fridericus III* regnaret, *XV sæculo* iam procedente, de bonis litteris euehendis diligentius multo cogitare cœpisse Germaniæ ciues, *Io. Ant. Campanus, Episcopus Aprutinus*, pluribus verbis declaratum iuit. Quem Pauli II Pontificis M. iussu cum legato Piccolomineo ad comitia Ratisponensia ab ipso isto Friderico III habita profectum, Germanorum mores ita abiecte tulisse, constat (ff), vt iniuriose admodum eos tractasse videatur: id quod his etiam verbis fecisse eum, arbitror (g): *Nil tam fœtidum, quam Germania, adspectu omnia iniucunda,*

(f) in Bruto, cap. 6. (ff) vid. cl. Io. Burc. Menckeni de Io. Ant. Campani odio in Germanos declamat. quam Campani epistolis an. 1707, 8, ab se editis, subiunxit.

(g) lib. VI, ep. 46.

*cunda, tactu refuga, olfactu grauiora* : & ubi, inter saxa, montes feras profectum se, hominem vsquam offendisse, negat (h), totam *Germaniam vnum latrocinium* nuncupans, in qua ille inter nobiles gloriosior, quorapacior. Verum quando scripsit (i), *se incredibilem ingeniorum barbariem in Germania reperisse*, quum rarissimi litteras nouerint, nulli elegantiam : ita, vt metuendum sibi fuerit, ne tam Latinus homo, quam ipse exstiterit, inter barbaros consenesceret, humanitatisue sensum amitteret : plurima monumenta grauisimorum testimoniorum loco adducere eum potuisse, ego inficias non eo : quibus etiam confirmasse simul, videri sibi potuisset, Latinas eleganterque scriptas orationes, quales Italia tunc legerit, Germaniam non cepisse (\*). qua in re præter complures alios, quos inter ipsi Germanorum plerique, adsentientem sibi habuit in præfatione eo nomine citatum *Archintum, Patricium Mediolanensem*, quem Germaniam adeo barbaram vocare non dubitasse, cognouimus, horridamque, vt *Latinorum vocabula ignoraret* (\*\*). At vero, ubi *Germanos perfacile*  
libel-

(h) ep. 54, eiusd. lib. (i) lib. VI, ep. 2.

(\*) lib. VI, ep. 18. 44. & ep. 2. eiusd. lib.

(\*\*) præfat. Epist. Aen. Syluii præm. Ipse Aeneas Syluius non ita multo ante, quam Campanus Germaniam adiit, in epistola quadam de *Viennensi*

*libellos comparare, naturam bonis artibus imbuere nequaquam posse; & humanitatis studia eos tam attingere, quam capere non valere, adseuerare haud erubuit Campanus (k): an præter Steph. Doletum, Boubursium, Peraltum & paucissimos alios, qui conspirata veluti ambitione in Germanici nominis inuidia ita consentiunt, vt clam, palam laudes Germanorum imminutum eant (l), adstipulan-*

*gymnasio scripsit: Maximum huius vitium est, quod nimis diutinam operam in Dialectica, nimiumque temporis in re non magni fructus terunt. Qui Magisterii artium titulo decorantur, hac una in parte maxime examinantur. Ceterum neque Musica neque Rhetorica, neque Arithmetica curam gerunt, quamuis metra quædam & Epistolas ab aliis editas, imperite exhibentem Magistrandum compellant. Oratoria & Poetica apud eos penitus incognita, quibus omne studium in elenchis est, vanisque cauillationibus, solidi haud quaquam multum. Qui libros Aristotelis & aliorum Philosophorum habent, raros inuenies: Commentariis plerumque vtuntur. Ceterum studentes ipsi voluptati operam dant, vini cibique auarici. Pauci emergunt docti, neque sub censure tenentur, die noctuque vagantur, magnasque ciuibus molestias inferunt. Adbec mulierum procacitas mentes eorum alienat. An honestius in reliquis Germaniæ gymnasiis vitam eo tempore egerint scholastici, est, quod valde dubito.*

(k) lib. IX, ep. 45.

(l) Bœcler. de Fato publico dissert. in notis ad Vellei. Paterc. R 17, 6.



pulantem sibi quemquam inuenturus sit, est, quod vehementer dubito.

Equidem mirari satis non queo, Campanum tam malam de Germanis habuisse opinionem; quum tamen ipsius iam ætate optime de se sperandi dederint copiam: & *Bessarion*, de quo nihil tam amplum dici potuisse, adfirmavit Campanus (II), quod non longe diuinis ipsius meritis superatum sit, quum in omnibus rebus, quas capere humanum ingenium possit, longe maximus fuerit; æquiorum multo ingeniorum a Germania nostra iam tum prolatorum se præstiterit existimatorem: utpote qui Viennæ, quo a Papa missus erat, excellentissimum GEORGII PURBACHII in *mathematicis artibus ingenium* cognoscens, ut secum in Italiam demigraret, persuadere ei non destitit, quo IO. REGIOMONTANVM secum deinceps abduxit, postquam Purbachius, fidelissimus Regiomontani huius per decem circiter annos magister, in Italiam cogitans diem suum obiecit. Ambos hos viros corruptum & acerbum plane iudicium, quod Campanus de Germanis ferre veritus non est, rescindere ac irritum facere iam potuisse, arbitror. siquidem Purbachii nomen non Germani solum celebrabant, verum etiam Galli ac Itali vehe-

H

men-

(II) lib. VI, ep. 19, 32.

menter fuspiciebant. cuius eximiam doctrinam Imperatores, Reges, Principes, Cardinales, Episcopi, & qui Campano instar omnium fuit, & quem superis æquauit, Bessarion, admirabantur. Talem virum Europæ dedit *Bauaria*, cuius cœlum ac incolæ delicato Campano tantopere sordebant, vt ad ipsum nomen eius subnauseasse se, iuravit. Dederat quoque iam Germania cultissimæ Italiæ NICOL. CVSANVM, *virum vita clarissimum, eruditione vndeunque maximum*, vt Auentinus eum nominat (m): quem ipsi Itali *profundæ scientiæ, subtilissimæque exercitatione limatæ, virum* nuncupare non dubitarunt; tanti doctrinam meritaque eius facientes, vt *Cardinalis* nomine atque honoribus dignum eum diiudicarint (n).

Ad Io. Regiomontanum quod porro attinet, quum is in Italiam abiisset cum Bessarione studioseque operam ibi dedisset, vt *Latinas litteras in studiis præsertim Mathematicis locupletiores redderet*: & tantos anni spatio in *Græca lingua* addiscenda fecisset progressus, vt versus Græce scriberet, & expedite in Græcis philosophis versari posset, illi, quorum

(m) lib. VII Annal. Boior. p. m. 663.

(n) Henr. Wharton Append. ad Guil. Caue Scriptor. eccles. histor. litterar. p. m. 88. conf. B. Rhenani ad Io. Reuchlin. epist. clar. vir. ad hunc epist. pag. 52. b. seqq.

rum orationes Germanos capere posse negavit Campanus, Germano vñ sunt *præceptore*: cuius ingenii vim & eruditionem quum coram cognoscerent, stupebant. quandoquidem ipsum *Trapezuntium*, at quantum, cum Bauaro ex Campani sententia collatum, virum, errorum arguere potuit. Quum in Germaniam redux factus Regiomontanus libros, ex quibus Itali ingenium & eruditionem hominis magis magisque perspiciebant, emisisset, Pontificem *Sixtum IV* Romam eum arcessivisse, memoriæ proditum legimus. Inuidebant scilicet Itali tanta decora Germaniæ: quæ vt perpetuo barbara, sola ex aduerso Italia omnium litterarum genere florentissima existeret, optare videbantur: dum Bessarionem patriam nostram indignam plane censuisse, nouimus, quæ tantum virum, quantus *Purbachius* fuit, ex se natum foueret (o).

Solam igitur *inuidiam* iniquum istud iudicium Campano extorsisse, puto: præsertim quum Regiomontanus in Italia diu versatus, & insigni Bessarionis beneuolentia vsus prius sit, quam Campanus in horridam Ger-

H 2 ma-

(o) quæ de Purbachio & Regiomontano protuli, inuenies in Ph. Melanchthonis Declamat. T. III, pag. 252, seqq. & 281, seqq. vnde M. Adamus narrationes suas de vtriusque vita mutuatus est.

maniam abierat: ita vt *Purbachianum*, *Regiomontanum*, & *Cusanum* in primis nomen obscurum ei esse haud potuerit. Quid quaeris? Campani ætate, ipso Italo in Germaniæ laudem id scribente (p), præter celeberrimos istos mathematicos architecti, pictores, statuarii, sculptores, & perargutæ manus artifices, aquileges porro, septempedarii que mentores ex media petebantur Germania. Quod si Campanus æquum se præbere voluisset iudicem, communi sensu Germanos haud priuasset, spero, si diuinum tantummodo, vel *inustatum & portentosum*, vt modo laudatus Italus id appellat, *typographiæ inuentum* cogitasset: quo Germania paullo ante beauerat Europam, quam Campanus eam adiuerat. Circa quod ipsum tempus *Huldericus Gallus*, siue, vti rectius quidam appellari eum putant (q) *Vldeicus Han*, *Argentorato* oriundus, mirandam istam, nec vnquam visam Italis artem Romam attulisse dicitur: quem ipse Campanus noster eleganti hoc carmine ornauit (r):

*Anser*

(p) P. Iouius, Elog. p. m. 279.

(q) Melch. Adamus vitar. Germ. Philosoph. p. 2. conf. Auentin. Annal. Boior. lib. VII, pag. 667. & Mart. Crusius Annal. Sueu. lib. VII, P. 114, cap. 2. P. 374.

(r) quod cl Io. Burc. Menckenius Campani carminibus inseruit, lib. VIII, n. 43. quum Ciceronis Phi-

*Anser Tarpeii custos Iouis, unde quod alis  
Obstreperes, Gallus cecidit, ultor adest.  
Huldericus Gallus, ne quem poscantur in  
vsum,*

*Edocuit pennis nil opus esse tuis.  
Imprimit ille die, quantum vix scribitur  
anno,*

*Ingenio haud noceas, omnia vincit homo.*

Quum igitur omnia ista reputare noluisse videatur Campanus, ne dignum quidem se gessit, eruditissimus ceteroquin vir, qui pluribus refutetur verbis, quod scripserit: *Germani comparare libellos perfacile (\*)*, naturam bonis artibus imbuere nequaquam potuerunt. Gens victu aspera, inculta moribus, studio venandi, & militie barbarice dedita, quae ad rapinam, quam ad iustum congressum multo etiam paratior, hac studii humanitatis non tam non attingit, quam non potest capere. Ita mihi visum est, ut quum ceteris artibus magnos haberi & videri cupiant sese, barbari appellari non inficientur (s). Huma-

H 3

nita-

lippicis ab eodem Hulderico Han impresfis subiunctum id inuenisset.

(\*) Benedictinorum in primis ordini singularem laudem deberi, quod inistorum temporum barbarie vetustos codices diligentissime custodiuerit, ostendit excellent. C. S. Schurzfleisch. disp. de vita Alberti III p. 155 in not. disp. est XXIX.

(s) lib. IX, ep. 45.

nitatis studia Germanos capere omnino posse, Eginhartus, Lambertus Schafnaburgensis, item Walafridus Strabo, Guntherus, Poetae, & alii, dudum industria sua ostenderant: ipsa Rosvita Campanum id edocere potuit. qui tali tempore ingenium acuere tentabant, quo Italia iustiore barbariei laborabat nota, quam Germania Campano ætate sua laborasse visa est.

Neque vero huius iudicium tanti ego fecissem, ut quicquam opponendum ei hactenus duxissem, nisi patriæ nostræ, ut in omni elegantiore litteratura, sic in Latini etiam sermonis decore exsuscitando, obortæ clarioris lucis initia duci inde oportere credidissem. Hoc enim felix illud tempus est, quo omnis liberalis doctrina in Germaniam transire cœpit, cuius nonnisi aliquam umbram maiorum nostrorum paucissimi viderant. quorum ætate qualis litterarum in Germania conditio fuerit, Io. Caselius his declaravit verbis (f): *Incognitæ erant politiores litteræ, Latinus sermo æque ac Græcus ignorabatur: illius erat quædam falsa umbra in pretio, usurpata & ab adumbratis eruditis, & a sapientie studiosis, quod ne verior quidem umbra usquam appareret.* namque id, quod Imperato-

(f) Prolegom. in Ethicorum Aristotel. Interpretat. conf. Laudat. Io. Alberti Ducis Megap.

ratores cum Marte in Germaniam antea intulerint, adeo pauxillum censendum existimauit excellentissimus vir (sf); vt Musæ isto tandem sæculo inuisere Germanos dignatæ, Alpibus transitis ad vltiores gentes commigrauerint. quo facto, ipsum Musarum sermonem Germanis non minus familiarem, quam ulli alteri genti, redditum deinceps esse, lætatus est. Equidem laudatus *Regiomontanus* is fuisse videtur, qui popularibus suis digito quasi monstrauit, quam viam ingredi deberent, si meliores litteras coniunctis viribus in Germaniam deducere vellent. Florentissimam videlicet *Italiam*, quasi ludum quemdam, atque dicendi officinam, ipsis patere, exemplo suo docuit: quam adire eos oporteret, si proficere, & meliora addiscere cuperent.

Optimis auspiciis eam paullo post *Thomæ de Kempis*, præceptoris sui, persuasum adiit RVDOLPHVS AGRICOLA: qui promeruit, vt omnium *primus* existimetur, qui *Latini sermonis genus in Germania emendare cæperit, & rectam discendi Latineque scribendi rationem ciuibus monstrarit suis* (t). Summo certe eius studio factum est, quod ipse fu-

H 4

tu-

(sf) *διαγεαφ.* Magisterii Philosoph.

(t) D. Chytræus in Saxonia lib. V, pag. 80, &amp; 131.

turum denique, speravit (tt), *ut Germani insolenti Italiae priscam & occupatam propemodum bene dicendi gloriam extorquere tandem, & vindicare se cœperint; ab ignominia, qua ipsos barbaros, indoctos atque elingues, & si quid his incultius, esse, adhuc iactarant, exsoluentes.* Campanum etiam iudicii sui tum poenituisse, credo, quum *Agricola Ferrariae magna cum laude disputavit, utriusque linguae auctores enarravit, & orationes summa cum approbatione peroravit; cum Guarino soluta oratione certans, versu cum Stroziiis.* Præsertim vero tum, quum morose ac fastidiosè iudicanti Italiae non eruditione solum, & sermonis genere, sed actionis etiam venustate abunde satisfacere Agricolam cognoverit Campanus, honestius de Germanis statuere eum cœpisse, credo: cunctæ sane Italiae ora ac oculos tum in se conuertisse Agricolam, legimus (u): & per ætatem amplissimam-

(tt) in Epistola ad Rud. Langium, quæ reperitur inter Lucubrationes eius, quæ coniunctim prodierunt Colon. 1539, 4. pag. 178. & quam Herm. Hamelmann. orationi suæ de Doctis Westphaliæ Viris integram præfixit.

(u) Melanchthon. *Declamat.* T. II, p. 450, seq. ubi R. *Agricolæ vitam* descriptam inuenies: quam Georg. Pflugerus Nic. Frischlini Orationibus subiunxit, quæ prod. 1618 Argent. 8. excerptam eam dedit Melch. Adamus inter vitas Philosophor. p. 13 seqq. conf. etiam H. Hamelmann. *Op. Hist.* p. 106, seqq.



marum Agricolæ laudum spectator adesse omnino potuit Campanus. quem, quum Latinae gloriæ in Germaniam penitus mox transitura Italorum quosdam inuidisse, alios doluisse eam ac defleuisse, sciamus (v), priorum numero fuisse, puto. Non autem frustra talia suspicabantur Itali: nemo enim ignorat, accidisse deinceps, quod Agricola haud temere sperauerat (x), ut *Germania nostra tam docta, tam litterata euaserit, ut ne vel ipsum quidem Latium Latinus exstitisse videatur.* Quid, quod ipsi Itali confiteri necesse habuerunt (y), hanc laudem Germaniæ ipsius iam Agricolæ nomine deberi, siquidem *Hermol. Barbarum* hoc epitaphium optimo Germaniæ ciui conscripsisse nouimus:

H 5

Inui-

(v) M. Adam. c. l. pag. 15. Ex inuidia laborasse Italos, tum etiam vel maxime prodiderunt, quum criminis loco esse putarent, quo *Christoph. Longolium* accusare possent, quod a Germanis subornatus, ac in Italiam delegatus ab iisdem visus sit, ut optimos quosque libros deportaret ad *barbaros*, quo possent *cum Italis de principatu eruditionis contendere.* vid. Eratmi Ciceronianus p. m. 389.

(x) in epist. ad R. Langium inter Lucubrat. Agricolæ pag. 178.

(y) Des. Erasmi Adagior. Chil. I, Centur. III, p. m. 116, in Adag. *Quid Cani & balneo?* Idem. istud *Hermol. Barbari* epitaphium Agricolæ scriptum cum multis aliis præfixum legimus ipsius Lucubrationibus.

*Inuida clausurunt hoc marmore fata Ro-  
dolphum.*

*Agricolam, Phrisi spemque decusque soli.  
Scilicet hoc viuo, meruit Germania laudis,  
Quicquid habet Latium, Gracia quic-  
quid habet.*

Neque, si quis viri merita considerauerit, A-  
gricolam ab *Alardo Amstelredamo* verissime  
laudatum, non fatebitur, ubi *grauissimum*  
eum appellauit auctorem (2), qui summam  
philosophiae scientiam cum historicorum elo-  
quentia coniunxerit, ut in eo non solum histo-  
riae fidem, verum etiam auctoritatem & iudi-  
cium sanctissimi doctissimique philosophi spe-  
ctare valeamus, qui elegantium verborum de-  
lectum cum praestantis argumenti exacta si-  
mul & dilucida enarratione coniunxerit. Nec  
porro magno *Erasmo* fidem quis detrahet,  
opinor, ubi scripsit (a), *Agricolam* virum su-  
isse diuini pectoris, eruditionis recondita, stilo  
nisiime vulgari, solidum, nervosum, elabora-  
tum, compositum, sed qui nonnihil resipiat &  
*Quintilianum* in eloquendo, & *Isocratem* in  
orationis structura, utroque tamen sublimior,  
*Quintiliano* etiam fusior, ac dilucidior. qui  
id, quod voluerit, praestiterit, & qui *Ciceronis*,  
si huc animi vertisset studium, figuram effin-  
gera

(2) in praefat. *Agricolae* de Inuentione dialect. lib. fin.

(a) in *Ciceronian.* p. 377.

*gere potuisset: & ubi prædicauit (b), Cisalpinum orbem Agricola nihil umquam omnibus litterariis dotibus produxisse absolutius, quum inter Græcos Græcissimus fuerit, inter Latinos Latinissimus, & quum in carmine alterum Maronem dicere eum quis potuerit: cuius etiam vel extemporales oratio adeo pura exstiterit, ut non Frisium quempiam, sed urbis Romana vernaculum locutum quis contenderet.*

Idque eo magis mirum cuilibet videri posse, & eo plus Germaniam Italiæ debere, existimo, quo minorem ante Agricolæ ætatem Latinæ linguæ cultum inter Germanos fuisse, hactenus cognouimus. Cuius ipsius etiamnum tempore tam corrupto sermonis genere vsa est Germania, tantaque litterarum fuit ibi adhuc inscitia, ut quid esset recte loqui, ne suspicari quidem possent Germani, immo, ut insulsa etiam admirationem haberet (c); & ut ipse Agricola in oratione, qua *Innocentio VIII*, Pontifici Maximo, pro *Io. Cameraario Dalburgio*, Vormacien. Episcopo, ac oratore *Philippi Comitæ Palat. Rh.* gratulatus est, ingenue maxime, qua fuit modestia, profiteretur (d), *orationis gratiam & quemuis elo-*

(b) in Adag. Chil. I, Cent. III, p. m. 115.

(c) in vita Agricolæ Declamat. Melanchthon. T. II, p. 447.

(d) Lucubration. p. 164. ubi integra reperitur Agricolæ oratio.

*eloquendi cultum atque splendorem ex homine Germano exspectari magnopere neque posse, neque debere.* Qui illa etiam oratione, quam *Ferrariæ* anno dō CCCC LXXVI coram *Hercule Estensi*, *Ferrariensi* duce, in *Philosophiæ* & reliquarum artium laudem habuit, non minorem præ se tulit modestiam, sic de se locutus (e): *Ego autem ad Oceanum, & prope, ad ultimos rerum naturæ terminos natus, quid est, quod ab isto Germanico horrore ingenii sperem hac in re vel nouum, vel his limatissimis auribus dignum posse proferri?* Protulit autem, vti paullo ante demonstratum est, & noua, & *Italorum* auribus dignissima; *Germanorum* vero inaudita plane: qui ipse de his popularibus suis ad *Ad. Occonem* scripsit (f): *Qui eruditi sunt, vel videri volunt, quotusquisque vlla artis præcepta attingit? aut si attingat, nonne tibi videris ad primum protinus (operis de Inuentione dialectica) conspectum audire, unde nobis ex ultima barbarie Anacharsis iste, qui post Aristoteles, Cicerones, Quintilianos aliquid inuenturum se credat? nam balbos præter balba nihil tum intellexisse, addit.*

Quæ quum ita sint, neminem ne suspicaturum quidem, puto, eiusmodi continuo in  
Ger-

(e) *ibid.* p. 145.

(f) in epistola lib. de Inuentione dial. præf.

Germania post Regiomontani atque Agricola ex Italia reditum factam esse rerum commutationem, ut omnes ubique eruditi exemplum eorum secuti, sermonis Latini vitia, quæ Agricola & auribus & animo sentire prius cœperat, quam Italiam petiit (ff), detestati, melioremque statim consecrati sint orationis formam. Nam licet optimus Agricola noster fortissime cum temporum suorum iniuria decertarit, & ingenuas humanitatis artes toto nisu conatus sit amplecti, relinquens post se, quæ non modo non spreuissent priores, sed quæ posteri etiam quam maxime probauerunt. ei tamen ad summam laudem obstiterunt quædam (g) *regionis ac temporum*, quibus politioribus litteris vix honoris quicquam ibi habebatur, *infelicitas*, & nationis parum frugalis vita. Tantam enim barbarorum impuritatem atque horrorem ita occupasse tum Germaniam conquestus est Agricola, ut clamarent ac insaniuerint eius eruditi, si modo eruditi vere appellari queunt, contumeliæ ducentes loco, quod ausus sit Agricola *scita illorum conuellere, & conatus docere, pueros ipsos supervacua ac deprauata, senibusque dediscenda rursus, didicisse*

(ff) vita Agricolæ in Decl. Mel. II, p. 447.

(g) Erasmi Ciceronian, p. 377.

*dicisse* (h). Frequens nihilominus Wormatiae auditorium habuisse se, ipse confessus est Agricola: verum eiusmodi homines operam sibi dedisse, addit, *qui propensius meliora studia cupuerint, quam quâ commode operari eis potuerint.* nam maximam auditorum suorum partem *magistros* aut *scholasticos*, ut appellabantur tum, fuisse adfirmat, quibus necesse fuerit, omne tempus *cauillationibus* suis impendere, & quibus angustissimum ac subcisiuum dumtaxat diei fragmentum quoddam in humaniora studia patuerit (i). Quum enim plerique loquaces & inani strepitu crepitantes artes sibi vendicare perseuerarent, & perplexis disputationum ambagibus, vel ænigmatibus potius, quæ tot sæculis, nullum, qui soluisset ea, inuenerant Oedipodem, diem tererent: miseras adolescentum eiusmodi rebus onerabant aures; & dum eas perpetuo ingerebant inculcabantque, meliorem in plerisque ingenii spem atque frugem, tamquam in herba, enecabant (k). Nimia scholasticorum istorum pertinacia offusum, timidius paullo opus aggressum esse Agricolam, fuerunt, qui opinati sunt (l). Ipse  
certe,

(h) Agricola in ep. ad Ant. Liberum Sufatensem: Lucubrat. p. 175, & ep. ad Al. Hegium p. 186.

(i) ep. ad eund. Hegium. (k) Lucubrat. p. 194.

(l) vid. Hamelmanni Oper. hist. p. 97.

certe, ea re, præsertim quum molliori fronte fuerit, factum esse perhibuit, vt *auditores minus potuerint, & magister segnius sit conatus*: quamquam se inarsisse nonnumquam, & bilem feruentioris stomachi quandoque acerbius effudisse, simul profiteatur. ita, vt haud Agricolaë culpa, sed sæculi vitium potius fuerit, si is inter Germanos suos tantum non profecit, quantum pro exquisitissima sua potuerat omnino eruditione, & pro præclara sua, omnique laude dignissima voluntate vehementer exoptauerat: & si Reuchlino & reliquis bonarum litterarum in Germania restauratoribus tantum sordium expurgandum reliquit. Qui postquam ex *Italia, ubi summus*, Erasmi testimonio, *esse potuisset, nisi patriam prætulisset* (ll), in Germaniam rediit, magnum litterarum damnum se fecisse doluit (m), quum ex eo tempore auctorum memoria labi, historia excidere sibi videretur, verborumque proprietas, copia, atque decor adeo defluere cœperit optimo viro, vt metuentum putarit, ne oratio sua horrida, disiecta, & incomposita denuo redderetur, propterea quod studiorum stimulus ipsi decrat in Germania, eorumque exactor atque socius. Omnia sua, & se ipsum ante omnia adeo sibi  
displi-

(ll) Erasmi. Ciceronian. p. 377.

(m) Lucubrat. p. 187.

displicuisse tum, questus est, vt studiorum, si non amorem, vsum certe, & ob id ipsum amorem etiam paullatim in animo suo perire fenserit. Non tamen Germaniæ fortunæ vel suo nomine gratulari non potuit Agricola: quem summi & illustres viri, qui plurimum apud *Maximilianum* Imperatorem gratia valebant, tanta profecuti sunt beneuolentia, vt ipse ad fratrem suum *Ioannem* scribens, adfirmarit, eos summopere conatos esse, *Imperatoris familia ipsum inferere*: qui crebram idcirco apud eum fecerunt de Agricola mentionem, cum tanta rerum eius prædicatione, vt *se ipsum laudum suarum puduisse*, scribat (n). Neque male de Germania sua sperare licuit optimo, & de litteris optime merito ciui, quum præclaros quosdam viros tam laudabili exemplo excitatos, vestigia sua sequi, & ex diuersis patriæ prouinciis suppetias venire cognouerit.

Inter hos in primis fuit RVDOLPHVS LANGIVS, *Westphalus natione*, in templi Monasteriensis Collegio Præpositus. qui quum ingenio primum atque iudicio, multa deinde eruditione, & exacta Latinitatis cognitione eloquentiaque excelleret, & auctoritate simul polleret, Agricola ingentem istam, cuius in superioribus mentionem  
iniec,



iniecì, fiduciam de eo concepit, fore aliquando, vt Germania insolenti Italiæ occupatam bene dicendi gloriam extorqueret : quam ipsi *Itali* vltro concesserunt Langio : siquidem tum, quum Episcopi sui causam graui-ter aliquando ornatèque coram Pontifice Romano perorasset, mira Germani hominis facundia non minus, quam Agricolaè lepore, obstupuisse eos, legimus. Quum igitur is æque, ac idem hic Agricola, eodem magistro *Thoma de Kempis* suasore in Italiam profectus sit, ibique meliorum litterarum studiis animum formarit suum, & in subleuandis deinceps per Germaniam litteris consors Agricolaè exstiterit : amplissimæ quoque ea re comparatæ laudis socius merito suo existimatur : qui *vna cum Agricola profligatis barbararum vocum tenebris, absurdorumque sophistarum libris scholis paullatim eiectis re-ctiorem discendi & Latine scribendi rationem Germanos docere cæperit.* Cui hæc insuper laus manet, quod ipsius Agricolaè & Alex. Hegii iudicio *primus Germaniæ Poeta* fuerit (o), ad veterum imitationem versus com-

## I

ponens,

- (o) In hac laude, quæ *Conrado Celti* alias impertitur, R. Agricolaè & R. Langio vindicanda H. Hamelmannus multus est in oratione sua de doctis Westphaliæ viris a pag. 109 - 111 Oper. histor. qui demum ita finit : *Stat firmum, & studia litterarum & simul poetices omnium primo a duobus Westphalis*

ponens, vulgari illo, ac rhythmico carminum genere, quod solum per tot sæcula viguerat inter Germanos, explosio: Vbi notandum id, quod Ph. Melanchthon diligenter obseruare iussit Germanos (\*): quemadmodum Romanis temporibus poetices contemptum incredibilis inscitia rerum omnium, infantiaque secuta sit: ita tum, *quum* eruditissimi isti Germanorum *versiculos facere coepissent*, hos *cum melioribus litteris in gratiam rediisse*. Langius hoc nomine ab Hegio ita laudatus est:

*iam ferre poetas*

*Barbarie in media Westphalis ora potest.*

*Langius hanc decorat, maiorum sanguine  
clarus,*

*Monz-*

(Langio atque Hegio.) & uno, qui est in vicinia Westphaliæ natus, & cum istis duobus familiaritatem habuit, excusitata esse. Hæc omnia firma stare posse, arbitror, ita, vt Celti quoque laus sua facta simul atque recta conseruetur; si nempe statuerimus, eruditissimis istis Westphalis laudi ducendum esse quam maximæ, quod poetices studia suscitauerint; *Conrado Celti* vero nomen *primi* in Germania *poetæ Imperatoris manibus coronati* deberi; qui ita de se scribit:

*Primus ego titulum gessi nomenque poetæ;*

*Cæsareis manibus laurea nexa mihi.*

vid. M. Adami Vitæ Philotophor. p. m. 29. seqq.

(\*) Declam. T. I. p. 409.

*Monasteriaci Lausque decusque soli.  
Primus Melpomenem qui rura in Westphala  
duxit.*

Eiusdem huius Langii consilio bonarum literarum, ac Latinæ cum primis linguæ, purius nitidiusque ad veterum imitationem elaborandæ, *scholam* exeunte *seculo XV Monasterii* apertam esse, scimus (p); Colonien-  
bus & reliquis insitæ barbariei patronis contra frementibus, tot sæculis vsitatam instituendæ iuuentutis rationem, libellosque adhuc in scholis tritos retineri, nouas ex aduerso mutationes, & studiis & disciplinæ periculosas cauere oportere. Quam sententiam ineptam plane, consilium vero suum sanum esse prudensque, & re ipsa & grauissimo Italo-  
rum testimonio confirmauit Langius, & ita denique vicit, vt paullo ante obitum suum, quum quædam Lutheri scripta legerat, tamquam verissimus vates prædixerit: *Iam tempus instat, vt tenebræ ex ecclesiis & scholis extirpentur, & redeat puritas in ecclesias, & mundities Latini sermonis in scholas.* Quum ædes eruditissimi prudentissimique Præpositi doctorum hominum per bene multos annos ex-

I 2

stitis-

(p) Dau. Chytræus, Saxoniz lib. III ad an. 1497 seq. p. m; 80. edit. Lips. 1611. conf. H. Hamelman. Op. histor. p. 97 seqq. p. 257 seqq. inuenitur *Oratio*, quam idem Hamelm. in laudem R. Langii conscripsit, eaque perelegans.

stitissent receptaculum, complures periti admodum euocati subinde ex iis sunt ludorum, pasim in cuncta Saxonia instituendorum, moderatores. quales Monasteriensi etiam Langii consiliis fundatæ ordinatæque scholæ præerant; quorum fama bonarum litterarum cultores permoti, ex longinquis maxime locis eo confluerunt.

Ipsa tamen hac schola politiorum litterarum ac linguarum seminarium, quod *Dauentrie* constitutum erat, antiquius fuit. Hoc non ita multo ante citatus ALEXANDER HEGIUS triginta circiter annos optime administravit: quem Langius cuius popularis, & in eadem Dauentriensi schola condiscipulus is antea fuerat, præstantissimis libris missis vrgeri non destitit, vt exstirpata barbarie discipulos suos humanioribus litteris erudire perseveraret. Quum igitur genuinus Agricolæ fuerit discipulus, nec minus segniter, vt barbaries profligaretur tentarit Hegius, in laudum, quas vtrique isti Rudolpho deberi vidimus, societatem iure venit, dum magnam omnino eorum meritorum partem est adsecutus, & nihil plane in eo, Erasmo testante (q), reprehendi potuit, nisi quod famæ plus

(q) Chiliad. I, Cent. IV Adagior. p. 116. Adag. *Quid Cani & balneo?* & in Cicetonian. p. 377. conf. Hamelmann. op. hist. p. 94 seqq.

plus æquo negligens nullam posteritatis habuerit rationem : eruditus ceteroquin vir, sanctus atque facundus. Quantopere Agricola Hegium hunc suum dilexerit, quantamque de ipso conceperit spem, & quam fidelis etiam præceptoris munere & in Hegio & in aliis per litteras docendis perfunctus sit, plurimæ eius declarant epistolæ : quarum vna confirmavit (r), *se, Hegium quotidie politior-  
rem limatioremque fieri, intelligere, & in sum-  
mam capropter adduci spem, litteras cultiores  
aut ipsius Hegii ductu, monitis ac institutione,  
aut nullius præterea viribus, in Germaniam  
peruenturas, & arcem aliquando occupaturas.* Qua in re optimum vatem sese præbuit Agricola, quandoquidem longe excellentissimos viros, optime de litterarum studiis suscitandis promeritos, ex Hegii schola prodiisse, infra patebit. præterquam quod *Westphali* Hegii maxime atque Langii, optimorum ac eruditissimorum ciuium, exemplo certatim inducti videntur, vt barbariem ex Germania penitus profligatum irent.

Quod quum ita sit, *Herm. Hamelmanno* materia deesse non potuit, quum *de quibusdam Westphaliæ viris scientia claris, qui, explosa barbarie, puritatem Romanæ linguæ toti Germaniæ attulerunt, orationem conscripsit*

I 3

suam

(r) Lucubrat. pag. 185, conf. 187 seqq. & p. 193.

suam (s): cui etiam alia præterea oratione ostendere facile licuit; *quomodo hominibus Westphalis potissimum debeatur & adscribendum sit, quod Latina lingua & politiores artes per Germaniam sint restitutæ* (f). Quam Westphalorum laudem ab obliuione atque silentio hominum quam maxime vindicatam voluit *Dau. Chytraeus* (sf); & *Erasmus*, etiam si Westphalus populus rudior vulgo haberetur, multos tamen summis ingeniis minimeque vulgari doctrina præditos viros eum dedisse, fassus est; quum nullum mortalium genus aliud laborum patientius, quodque fide & morum sinceritate, simplici prudentia & prudenti simplicitate magis commendandum putarit. Multa porro, quæ ad Westphalorum laudem, litterarum studiis, & singulari Latinæ linguæ cultu partam pertinent, idem *Hamelmannus* sex istis libris protulit, quos *de Viris scientia, virtute, pietate & scriptis illustribus; qui vel Westphali fuerunt, vel in Westphalia vixerunt*, conscripsit (t). Qui in *Apologia* etiam pro *Westphalis contra Iusti Lipsii calumnias* idem istud argu-

(s) Lemgou. 1563. inter Opera eius genealogico-historica, quæ nuperrime, ab Ern. Casim. Wasserbach collecta, prodire, ibid. 4. pag. 85, seqq.

(f) Lemgouiæ a. 1580. p. 315 seqq. Oper. histor.

(sf) Saxoniae suæ lib. III, p. 75, & 81.

(t) 1564. p. 131 seqq. Oper.

argumentum attigit (tt). Huc denique spectant binæ eius *orationes*, una de *Rodolpho Langio* (u), de *Herm. Buschbio* altera (v): vtroque Westphalo. Eiusdem nationis viros etiam aliquot, qui non vulgari doctrina præditi, de bonis litteris & pueritia in *Cisue-feranis* provinciis circa medium *saeculi XVI* cum primis bene meriti existimantur, *Io. Caselium* Epistola quadam ad *Io. Reccium* data (x) laudasse neminem fugit: quum ea semel atque iterum recusa in omnium sit manibus (y). quorum nonnullos ut in sequentibus nominem, rerum temporumque postulabit series.

Integro enim fere saeculo ante, eodem scilicet tempore, quo Hegius Dauentriæ docebat, ex eadem Westphalia *Selestadium*, superioris Germaniæ oppidum, emigravit **LVDOVICVS DRINGEBERGIVS**: ex cuius schola, quam R. Agricolæ consilio ibi aperuit, longe excellentissimi & celeberrimi

I 4

pro-

(tt) 1591. p. 1382. (u) 1580, p. 257.

(v) pag. 279. Eandem H. Buschii vitam ab Hamelmanno conscriptam *Io. Goes* Opusculis de Westphalia, Helmst. 1668. 4. editis, inseruit p. 29.

(x) Helmst, 1600. 4.

(y) Eam enim *Io. Goes* modo citatis opusculis inseruit p. 165. & nuper admodum eandem denuo emisit *Reinh. Henr. Rollius* in *Memor. Philosophor.* Dec. I, p. 437 seqq.

progresſi ſunt viri , qui optimarum artium ſcientiam & elegantioris præcipue Latinitat-  
tis ſtudium per ſingulas ſuperioris Germaniæ  
prouincias diſſeminarunt (1). Quid enim,  
quæſo, Germania noſtra celebrius habuit *Io.  
Reuchlini*, ſiue *Capnionis*, *Io. Camerarii Dal-*  
*burgii*, *Conr. Celtis*, *Henr. Rebelii*, *Beati Rhe-*  
*nani*, *Io. Sapid*, *Iac. Wimphelingi*, *Bilibaldi*  
*Pirckheimeri*, nominibus. Optimi enim hi  
Germaniæ ciues, Rud. Agricolæ in primis,  
cui ſuperſtites erant, & quem communem  
ſuum venerabantur præceptorem, conſilio &  
exemplo inflammati, melioris litteraturæ  
hoſtes magno animo coniunctisque viribus  
in ſuperiori Germania aggreſſi ſunt, quibus-  
cum *Vlr. Huttenum*, *Hermannum Comitem*,  
*Nuenarium*, alios, conſilia ac arma ſua deinceps  
conſociasse, audiemus.

De quorum ſingulorum præclaris in Lati-  
nam linguam aſſerendam meritis quum ſtri-  
ctim agendum decreuerim : primus locus  
IO. REUCHLINO, *Phorcenſi*, deberi vide-  
tur : cui ipſius gloriæ neminem ſociorum  
iſtorum, reliquorumque amicorum, inui-  
diſſe, præconia, quibus certatim ornatum  
eum

(2) H. Hamelmann. in vita H. Buſchii Op. hiſt. p. 285.  
& in Goes. Opuſc. p. 32. conf. Eraſmi epiſt. 10 lib.  
XXIII, p. 1260, edit. Lond. & D. Chytræi Saxoni-  
am, lib. III, p. 76, 81.



eum iuerunt, abunde declarant, qualia qui cognoscere cupiuerit, ei quam plurima subministrabunt *clarorum virorum ad ipsum Reuchlinum Latine, Græce atque Hebraice scriptæ*, & a Io. Hillebrando, cui istas tradiderat Reuchlinus, emissæ *Epistolæ*: qualium deinde nouus liber secutus est. istarum vna Henr. Bebelius confirmauit Capnioni (a) eam de ipso famam tum fuisse apud omnes Germaniæ bonarum artium studiosos, vt ipsum coluerint, amauerint, & venerati sint, quasi aliquod *numen a superis in hanc terrarum calamitatem elapsum*: nihil enim rarius ista tempestate esse potuisse, addit Bebelius, quam virum adesse in nostra Germania, qui *Græcam linguam calluerit, & cui Latinus sermo tamquam nativus famulatus sit*. Conr. Leontorius, postquam *quinglinguem Sueuum* eum nuncupauerat, Romano Tullio ipsum non modo æquauit, sed prætulit: qui ex tanta barbarie in tantam eruditionem emergere valuerit (b): & qui felicissimo auspicio in lucem editus videri potuerit, quique Germanum nomen barbarum adhuc existimatum immortali illustrarit gloria: & in quo denique tantum optimarum artium, tantum eloquentiæ, & tanta non Latinarum solum, sed

I 5

Graia-

(a) pag. 32, b. edit. Tigur. Froschouer.

(b) p. 44.

Graiarum etiam Musarum familiaritas fuerit, ut nec ipsi barbari venerari ac observare eum non potuerint. Alii *litterarum decus & asylum*, Germaniaeque dexterum oculum appellarunt nostrum Reuchlinum (c): *litteratorum caput & colamen* alii (d); qui perinde ceteros superarit, ut stellas restinguere soleat *exortus aerius sol*. Huc illa elogia pertinent, quae Erasmus ei impertiiuit, & quando *totius Germaniae unicum decus, & ornamentum incomparabile* eum vocavit, testatusque est (e), omnem Germaniam Reuchlinum ceu *Phœnicem* & unicum suum decus suspexisse, quum trium linguarum, *Graecae, Latinae, & Hebraicae* pene *ex aequo* peritus, ad haec, in nullo non doctrinae genere versatus fuerit, ita, ut cum primis certare potuerit. Erasmus in insigni hac laude Reuchlino suo tribuenda nihil amoris dedisse, *Henr. Stromer Aurbacchius* eruditissimus æui sui medicus, testatur quasi, ubi doctum eruditorum exercitum non minus recte, quam vere iudicasse, censet (f), Reuchlinum vniuersam *Germaniam* atque etiam *Latium*, Græco, Latino, & Hebraico sermone, *tribus summis eloquiis, illustrasse*. quippe qui bonas litteras marcescentes in pristinum nitorem sustulerit; quique

(c) p. 46, b. (d) p. 52. (e) ep. 1, lib. 2, p. m. 94.

(f) lib. II illustr. viror. ad Reuchlin. 2, 4, a.

que solus omnibus Germanis ingenii decus & gloriam prætulit, & patriam litteris ubique gentium ornauerit : atque ita a Melanchthone *Germanorum studiorum antesignanus* vere nominari potuit; cuius singulari studio, in Germano homine inusitato, ipse *Fridericus III* Imperator valde delectatus esse dicitur (ff).

Nec vero quicquam Reuchlini laudibus Camerarius detractum voluit, ubi cum *elegantioribus litteris penitus excultum fuisse* negavit (g) : nam præterquam quod statim addidit summus vir, *ipsum tamen doctissimum hominem fuisse, liberaliumque disciplinarum*  
cupi-

(ff) Melanchthon in præfat. quam claror. viror. ad Io. Reuchlin. epistolis præmisit : ubi de his ita loquitur : *Germania nostræ clarius contingere nihil potest, quam si auctore Io. Reuchlino exterarum gentium monimentis laudetur splendide. hoc namque epistole istæ fere omnes notantur argumento. vid. eiusd. Melanchthonis Declamat. T. III, p. m. 295. vide M. Adamus omnia, quæ de Capnione in Vitis Philosoph. p. 37 seqq. profert, desumpsit. Integram Reuchlini vitam ex eisd. declamationib. desumptam vna cum R. Agricolæ & D. Erasmi vitis Nic. Frischlini orationibus subiunxit Georg Pflügerus : quarum vitarum ipsum Pflügerum auctorem esse Teisserius in Catalogo auctor. & bibliothecar. tradidit, idque cl. Morhofio persuasit, Polyh. litterar. I, c. 19, § 37 ubi Reuchlini vitam, quam a Pflügero scriptam dixerit Teisserius, se vidisse negat.*

(g) in vita Ph. Melanchthonis p. m. 19.

*cupidisimum* : res ipsa pro Reuchlino loquitur, Melanchthonis, de quo sermo est Camerario, vbi id scripsit, ætatem in feliciora multo, quod ad litteras attinet, incidisse tempora, quibus & ipsi Melanchthoni & Camerario ad maiorem in elegantioribus litteris peruenire licuit scientiæ gradum, postquam tot eruditi viri viam ipsis communiuerant, falebris remotis : absque quorum opera si fuisset vterque, valde dubito, an eo adscendissent. quemadmodum ipsi Melanchthoni verisimile visum non est (\*), pingendi arti tantum ab Apelle venustatis gratiæque adiici potuisse, nisi fingendorum lineamentorum rationem multo ante ostendissent ii, qui primum *μονοχρώματα* deinde & *κατ'άγραφα* pinxerunt. Idem reputauerit is, qui illud Erasmi de Reuchlino iudicium legerit (h): *Germanorum eruditorum princeps est Capnion: Vir magnus, sed oratio redolebat suum sæculum adhuc horridius impolitiusque.* Ad talia iudicia ipse Reuchlinus in antecessum quasi respondisse videtur his verbis (i): *Scripta mea erunt aliis forsitan melle & lacte nutritis, propter incultum dicendi genus,*  
*ama-*

(\*) Decl. T. I, p. 399.

(h) Ciceronian. p. 379.

(i) quæ leguntur in præfat. lib. III Rudimentor. Hebr. Phorce in ædib. Tho. Anselmi an. 1506. in fol. impr.

*amara. qui secum cogitent omnem auditoribus orationem esse commodandam, non mihi vitio dabunt, quod vernis vernacule loquer. Nam qui fieri potest? ut per insuetum loquendi morem & domi paratam, adque lucernas elaboratam dictionem rudes facile doceantur, quibus tum esset opus ad præceptoris eloquentiam plus animum aduertere quasi ad sphingis anigmata, quam ad eius illa ipsa præcepta. Longe rectius me iudice sensit Aristoteles, in disciplinis doctorem oportere per usitatissimam sermonis consuetudinem & nobis notiora quæque procedere. Dedita igitur opera solæco sæpe & barbaro sum usus ad quorundam vocabulorum proprietatem explicandam. Huc accedit tamen, quod & senectæ, & barbarorum quotidiana conuersatio non solum linguam hebetat, sed et stilum obrundit. quibusdam interiectis ita pergit: & hæc erat vna ex causis non parui momenti, ut putarem mea singula viris politioribus literis præditis explosa fore, quod cernerent in eis nullum florem, nullam comitatem. sed omnia triuialia & inurbana quæque.*

Vt appareat quodammodo, vnde euenerit, ut Reuchlinus primis annis sub laudato Dringebergio, & Ioanne Hildebrando patriæ scholæ moderatore, atque Georg. Symlero in bonis litte-

litteris educatus, doctrina, linguarum notitia  
 eloquentiaque tantum postea valuerit, ipsius  
 iterum verba apponam (k): *Posteaquam*  
 anno

(k) ex præfatione lib. I eorund. Rudimentor. ad Dionysium fratrem: cui singulos tres Rudimentorum istorum libros peculiaribus cisque verbosis fatis dedicauit præfationibus: quæ singularem in istum ostendunt amorem: in epistola fini III libri subiecta ita ad eundem fratrem scribit: *tandem motus ego, Dionysi amatisime, postquam ad percipiendam Græcorum linguam annis superioribus te puerum adiuncto pedagogo Florentiam, tunc optimarum litterarum altricem, non sine meo magno impendio trans Alpes & Suevia misi, quatenus biennium penes egregia sanctitate virum illum Georgium Vespucium assequens mensæ suæ ac hospitii socius, Angelum Politianum, Marsilium Ficinum, & Demetrium Chalcondylum, ceterosque phisimos homines quotidie audires, nolui etiam huic decori tuo deesse, quin Hebraica nunc sacerdos addiceres: præsertim quon nostrates Iudæi vel inuidia vel imperitia ducti Christianum neminem in eorum lingua erudire velint.* Præclaram vero etiam exquisitissimamque, vt omnia diuini ingenii monimenta, produnt eruditionem, & multa de excellentissimi viri studiis fatisque nos edocent; ita vt idem de his præfationibus dici posse mihi videatur, quod Cicero olim de Euripidis versibus dixit: *singulos eius versus singula eius testimonia puto* immo ego singula præfationum istarum verba non tantum singula puto testimonia, sed *pondera*. in primis inuidis istis hominibus, quos *Dictionary* suum Hebraicum taxaturos præiudit, quod multorum interpretationes censere atque perstringere in eo ausus sit, quam prudentissime re-

*anno ætatis meæ duodeuigesimo Prisciani Cæsariensis litteraria studia in schola Parisiorum aggressus sum. biennio post apud Rauracos dictionarium collegi. quem appellavi Breuiloquum. eo tempore atque eodem Basileæ cis Rhenum in loco sub Andronico Contoblacæ natione Græco linguam Græcæ didici. quam elapsis inde quatuor annis inter Gallos primo apud*

*spondisse mihi videtur: Quanquam Hieronymum sanctum veneror ut angelum, & Lyram colo ut magistrum: tamen adoro veritatem ut deum. Valde etiam memorabilis est Georgii Symleri ad Thomam Anselmum epistola calci operis adiecta: cuius finis hic est: Propter librariorum quorundam temeritatem in iuratisimos quosque auctores perditissime libidinantem; qui spe lucri ab archetypis diuersiss. tumultuantur opera. ne sycophante illi, chartariæ simia, operi nostro supparasitantes identidem molirentur. iussit (Reuchlinus) in calce libri suppingi ex munificentia imperatoriæ maiestatis, quibus donatus est, arma sublustria (insignia), qua in re certiores reddantur amœnitatis Hebraicæ studiosi, a codicibus uti abstineant, qui non illis muniti fuerint insigniis (insignibus) perinde ac spuris atque ex mera danistarum libidine opera furtiua & subsecundaria perditiss. quoque litterarum iactura abortatis Opus hoc, quum nuper admodum saltamentario discindendum quis tradere vellet, ab interitu vindicaui, non vbiuis obuium. quod Reuchlinus, quum, ut G. Symlerus in citata epistola confirmat, Phorcen reuiciens, in manus hilariter ingenti cum illecebra, ceu vigilias suas, recepisset, velut parvulo auctus filiolo, salutariter est exoculatus.*

apud Genabum, quas nunc Aurelianas vocant, seminavi. ubi tempore protracto & Iuri Ciuili dedi operam, & fui a doctōribus honore Papi-  
nianistarum decoratus. An. MCCCC LXXIX. Vide, mi frater, quanta circumspēctione vi-  
tam duxi. Nam vniuersam stipem quam di-  
scendo impendi: docendo acquisiui. simul e-  
nim & didici Latinorum iura & docui Græco-  
rum præcepta. de quibus tunc artem gramma-  
ticam Græce conscripsi: cui titulus extabat  
Micropædia. eam anno post Piſtonibus Gallie  
Aquitanis publice legi atque illic in Iure Ciuili  
Cathedram merui. Regressus inde in Sueuiam  
uxore mihi ducta sumpsit Doctōris insignia.  
populares causas apud tribunalia & indices  
exercens. Quamque me ad serenissimum  
Imperatorem Fridericum tertium (legasset) in-  
clytus princeps Eberhardus Probus, is qui  
postea in splendidissimis Vangionum Comitibus  
a Max. Aemiliano Romanorum rege vno im-  
perii consensu Dux primus Wirtenbergensium  
auctoratus est. de cuius patriciis ego quoque  
Consul eram. Tum reperi ea in legatione Iu-  
deum doctum simul atque litteratum nomine  
Iacobum Ichiel Loans imperiali munificentia &  
doctorem Medicinæ & Equitem auratum. Is  
me, supra quam dici queat, fideliter litteras  
Hebraicas primus edocuit. Post vero lega-  
tus Rhomam ad Alexandrum sextum, qui re-  
liqui



liqui fuerant ea in lingua canones. eos a Cesi-  
natenſi Iudæo ſcilicet Abdia filio Iacobi Sphur-  
no petiui, qui me quotidie toto legationis tem-  
pore perquam humaniter in Hebraicis erudiuit  
non ſine inſignis mercedis impendio. Quod  
idcirco, germane frater, ad te ſcribo, ut a-  
nimaduertas, & ſæpius cum tua mente reuol-  
uas, quantis laboribus, temporibus, & impen-  
ſis Hebraicæ linguæ ſola initia ſortitus ſim.  
Alibi ad eundem fratrem ſuum ſic ſcrip-  
ſit (1): De præceptoribus meis hanc ratio-  
nem affero. non me piguiſſe, vlllo tempore abs  
quolibet Iudæo ſemper aliquantula corradere,  
quæ ad doctrinam aliquam librorum Hebrai-  
corum conducerent. Sicut enim non apud Io-  
nas neque vlla in Græcia, ſed Baſilææ primum  
ab Andronico Contoblaca. deinde Pariſi a  
Georgio Hermonymo Spartiate, poſt Romæ ab  
Argyropylo Byzantio publice in Vaticano Thu-  
cydidem legente Xyſto IV Pontif: ad extremum  
Florentiæ Mediolanique a Demetrio Chalcon-  
dyle, Græcorum linguam fruſtillatim & quaſi  
micas de menſa domini cadentes accepi. con-  
numerarem illis Hermolaum Barbarum Inno-  
centio VIII inſignem & mei amantiſſimum.  
niſi plus ex eo Romæ Latinitatis, quam Græci-  
tatis, hauſiſſem. ita Hebraicam ego quoque ac  
ſanctam linguam non Hieroſolymis, neque in

K

publi-

(1) præfat. lib. III Rudiment. pag. 547 ſeq.

*publicis synagogis : sed a litteratissimis Hebræis penes Cecios quidem Iacobo Iehiel Ioans. in Latio autem Abdia Cefinate atque alias a singulis singula expiscatus sum.*

Haftenus Reuchlinus : cuius verba quod attulerim, tibi non ingratum fore, confido, lector ; quum inde breuiter cognoscere queas, ex quorum schola tantus Germanorum doctor prodierit. comprobatur simul iis, tamquam grauisimo testimonio, id quod supra adfirmaui, Germaniam Latinæ in primis linguæ cultum Italiæ debere. Neque immerito huius palæstræ optimarum artium nutrices habebantur tum, non Germanicis modo, verum totius orbis palæstris anteponendæ (ll) quas qui non frequentauerat, nec Italorum disciplina emendatus fuerat, eruditus recteque institutus haud existimabatur (m). quali opinione per integrum XVI sæculum fuerunt Germaniæ eruditi, *Italos* eam iudicantes nationem, a qua humanitatem acceperint Germani, & quæ *antiquæ sapientiæ custos* semper fuerit atque *procuratrix*.

(ll) cl. viror. ad Reuchlin. epist. p. 13. (m) vid. præf. Contr. Peutingeri Sermonib. Conuiu. præm. & Io. Caselii *Διάκρυψιν*, quas gentes potissimum adire debeant, qui doctrinæ virtutisque gratia peregrinari animum induxerunt, lucubrationi eius, quæ *Κεκοιᾶδες* inscripta est, adiuncta Helmst, 1609, 4. & separat. 1618, 8.

*trix.* Regiomontanum certe, Agricolam, Langium atque Reuchlinum multum Italiae acceptum retulisse, humaniora studia inde in Germaniam deducentes, hactenus cognouimus.

Pluribus de reliquo verbis referre nihil attinet, quantopere Reuchlinus Germaniam sibi deuinxerit, quod omnium primus *Hebraicam linguam* grammaticorum more Christianos docuerit, siue *legibus*, ut ipse loquitur, *manciparit Latinis*; sic, ut primus post Hieronymum, vndecim ferme saeculorum spatio interiecto, Hebraicas litteras tanto restituerit studio, ut, qui alter *Hieronymus* appellaretur, dignus sit diiudicatus (n). Neque referre porro attinet, quanta cum laude in *Graecis litteris*, sine quibus neminem politum satis censerì posse, arbitratus est, resuscitandis, & in saniori harum ope producenda *philosophia*, sit versatus. quanta etiam cum nominis sui celebritate doctoris in *iurisprudentia* sustinuerit titulum. Neque denique instituti ratio pluribus verbis declarare patitur, Reuchlinum tam egregiis linguarum subsidiis instructum, eum ipsum esse, qui in *reli-*

K 2

*gione,*

(n) quum opus in se susceperat, quod ante ipsum tentauerat nemo inter Latinos, sperare omnino poterat, *se inde gratiam baud mediocrem & apud posteros laudem absque inuidia non inter morituram consecuturum fore.* praefat. lib. I Rudiment. Hebr. praem.

gione, a superstitionibus, Monastici regni, vt Melanchthon eas nominare consuevit, neruis, falsisque traditionibus purganda, facem beato *Luthero* prætulisse, merito suo existimetur. siquidem ipse *Lutherus* ad *Reuchlinum*, quem *præceptoris sibi venerabilis* nomine compellauit, vltro professus est (o), *in huius ipsius firmitate non parum taurorum istorum cornua fracta esse: idque Dominum egisse in Reuchlino, vt tyrannus sophistarum & tardius & mitius veris Theologiae studiis resistere, & Germaniam respirare cæperit.* Erasmus etiam postquam in epistola quadam ad *Wolfg. Fabricium Capitonem* (p) declarauerat,

(o) lib. II epist. illustr. viror. ad Reuchl. c. 3, b. & M. Cruf. Annal. Suev. P. III, lib. X, c. 7. p. 569.

(p) Ep. 4, lib. I, p. 13. Temporum istorum *theologiam* egregie plane adumbravit Bilib. Pirckheimerus in epistola apologetica *Luciani Piscatori* præfixa, cuius verba hæc sunt: *Absque deprauata illa (dialectica s. sophistica) concertatione, ac argutiarum fuligine sanctissimam Theologiam consistere minime posse, existimant. hinc est, quod vetus testamentum negligitur, nouum quasi idiotis scriptum vilipenditur. Apostolorum doctrina vix lectione digna putatur. Hinc diuus Hieronymus tamquam grammaticus contemnitur, beatus Augustinus etiam ignorantie damnatur, quem dicaculi illi nec argumenta sua, si in vitam reuerteret, intellegendum somniant, non propter rudem illam & insignem barbariem, sed quia instantiarum, relationum, ampliacionum, restrictio-*

uerat, quid fuerit, cur in re Theologica emendanda tantum negotii oblatum sit: quod hanc scilicet ad suam vsque ætatem homines professi sint, qui a melioribus litteris pertinacissime abhorruerint, quique istam suam inscitiam eo felicius tueri consueuerint, quod id fecerint pietatis prætextu. rem tamen successuram denique, confidere se, ostendit, *si trium linguarum cognitio publicitatis in scholas recipi pergeret.* Vt vero in Germaniæ scholas recipi cœpta sit huiusmodi cognitio, Agricolaë cum primis atque Reuchlino deberi, nemo inficias inerit. Reuerendus certe Io. Henr. Maius luculentissime id commonstrauit (q), certis confirmans testimoniis

K 3

hunc

*num, formalitatum, hæceitatum, quidditatum, & reliqua id genus portentosa vocabula ignoraret. quicquid enim syllogismorum spinositate non interquetur, id penitus a Theologica eruditione alienum putant.*

(q) in *Vita Io. Reuchlini* magna cum cura multaque industria conscripta, ed. Durlaci an. 1687, 8. cui adde eruditum Io. Cunr. Dieterici Programma de *Restauracione Græcarum litterarum per Germaniam auspiciis Io. Reuchlini Ingolstadii & Tubingæ cœpta*, Gieslæ propof. 1661, & a cl. Georg. Henr. Gœrtzio Principi Græce docto, quem an. 1704, 4. edidit, adiectum, p. 61 seqq. Ph. Melanchthon linguarum donum Apostolis collatum magis nouum sibi videri negauit, quam quod hæc a tanto squalore receptæ ex tenebris plusquam tartareis in lucem reuocatæ sint, Declam.

T. I, p. 413.

hunc longe dignissimum fuisse, qui præclarus haberetur *philosophus*, *iuris* & *eloquentiæ* laudaretur *consultus* & disertus denique coleretur *theologus* (r) siue qui Petri Galatini, Apulii, iudicio (s), prædicaretur *vir Christianæ religionis integerrimus*, *diuinæ humaneque philosophiæ indagator solertissimus*, Pontificii Cæsareiue *iuris peritissimus*, *omnium bonarum artium eruditissimus*, *Romanæ eloquentiæ facundissimus*, *trium linguarum*, quibus Deus *arcana sua mortalibus reservauit*, *interpres disertissimus* (f), qui tot præclara edidit opera, ut eius nomen sæculis cunctis immortale permaneat, cuique parem numquam tota produxerit Germania: Quæ omnia doctissimus Henr. Lor. Glareanus paucis quidem comprehendit verbis, sed nervosis admodum, quando Reuchlinum *omnis doctrinæ parentem*

(r) iudicium hoc de Reuchlino tulit summus vir Contr. Peutinger. lib. II, epist. illustr. viror. ad Reuchlin. A. 2, b.

(s) ibid. C. 4, b.

(f) In epistola, qua *Athanasii* de variis quæstionibus librum Alberto Archiepiscopo Moguntino dedicauit, ita de se scripsit Reuchlinus: *Theologistæ variis picturis nomen meum pro rostris ac ubilibet locorum suffixerunt, quibus me bilinguem delineabant, quum sim quinque linguarum peritus, Germanicæ, Gallicæ, Latine, Græcæ ac Hebræicæ, nec non & Chaldaicæ scriptæ mediocriter calleam. Quinquilinguem igitur me depingi oportuit, non bilinguem tantum.*

*rem* nuncupavit (sf), *Germanique eruditorum decus.*

Breui tantum, eodem cl. Maio præeunte, in præfenti ostendam, Reuchlinum adhuc tum adolescentem, quum asperam & rudem sæculi philosophiam Basileæ meditaretur, ad *cultum* atque *equabile Latine* & solutæ & ligatæ *orationis genus* animum adieccisse; idem enim sentiebat, quod Rud. Agricola statuisse infra videbimus, *ornate dicendi posteriorem esse debere curam*: neque a Germanis suis quicquam amplius, quam ut *grammatici magis haberentur, quam elegantes*, requiri initio posse, existimabat; postquam per tot sæcula nihil aliud moliti erant, quam ut barbari essent, et in sordibus persisterent suis. has igitur ut tandem aliquando eluerent populares, instigare cos perseverabat, præclaro Agricolæ, Langii Hegique exemplo sine dubio impulsus. Qua ipsa opera sua, ut purius & scripserit & dixerit Germaniæ iuventus, effectum esse, seque arduæ rei manum non frustra admolitur, mirifice lætatus est. In cuius etiam iuventutis vsus ut Lexicon siue *Onomasticon* istud *Latinum, Breuiloqui* titulo insignitum, cuius in superioribus ad fratrem mentionem fecit, conscriberet, ab *Amerbachii* fratribus, eruditissimis typographis, ad-

K 4

duci

(sf) lib. II epist. illustr. viror. ad Reuchlin. X, 3, b.

duci se passus est (t), vir, qui omnem suam ætatem iuuandis litteris dicauerat (tt). Quo Lexico tum, quum nulli adhuc eiusmodi exstarent libri, nulli saltem meliores (\*), non tantum linguæ consuluit cultoribus, sed eos quoque, qui talem molestiarum plenissimum laborem postea in se susceperunt, quodammodo adiuuit, exemplo certe inuitauit: quin opera, quam in conscribendo isto collocauit, præclaram plane promeruit laudem; qualis omnibus, qui rei, antea a nemine adhuc tentatæ,

(t) Orat. de Io. Capnione in Declamat. Ph. Melanchth. T. III p. m. 300.

(tt) qui de se ipse in præfat. R. Iosephi Hyssopæi Parpinianensis Lanci argenteæ ex Hebraico in Latinum ab se translatae præm. Tub. 1512 ita scripsit: *Ego vero ea conditione natus, ut optimarum artium, quas & summo labore & grauisimis impensis, multo quoque tempore acquisui, non sim inuidus distributor, instar Apolloniane volucris effusum triticum ceteris auibus renunciantis, quo lautius paceantur, ut est apud Philostratum libro quarto, mirifice gaudeo lectiones, quas vel ferula magistra, vel meopte ingenio didici, aliis communicare. Nullum est enim bonum, inquit Manlius Seuerinus, quod non pulcrius elucescat, si plurimorum notitia comprobetur.*

(\*) Nam in illo Lexico, quod antea Salomon Episcopus Constantiensis ediderat, vel quartum vocabulum barbarum & vitiose scriptum fuisse, Io. Zwingerus in oratione de Barbarie superiorum sæculorum ostendit.



tatæ, periculum primi faciunt, denegari non potest. Singulari etiam laudi Reuchlino nostro & hoc ducitur, quod eius in primis cura factum sit, ut *Tubingensis academia*, cuius eximium per complures annos ornamentum existit, & quæ eos semper deinceps humaniorum litterarum habuit doctores, quorum eruditione vniuersa Germania exulta est, priscam *Latine lingue* barbariem & *asperam* plane eiusdem *pronunciationem* tollere cœperit: quæ in Suevis tam horrida, tamque inculta prius fuisse dicitur, ut ii Italii & aliis exteris gentibus pronunciationem istorum audientibus ludibrio fuerint; interrogantibus: *Putantne hi homines, sese linguam loqui Latinam?* Summi itaque inter gentes istas viri Capnionis orationem libentius multo audiebant, quam reliquorum, qui patrium retinuerant sonum. quo etiam nomine is a Principe suo dilectus est, quum Latine dicendi vsum, & pronunciationis minus horridum haberet sonum (u).

Tam præclara Reuchlini, cuius nomine in Gallia nihil celebrius tum erat, merita reputans supra citatus Conr. Leontorius, Germanis perpetuum fore putauit pudorem, tantum ciuem non omnibus opponere

K §

Italii

(u) Declamat. Melanchth. T. III, p. 301 & cl. Maii Vit. Reuchlin. p. 171.

Italīs (v). qui ipsi insignem eius doctrinam tantopere stupuerunt, ut quum coram ostendisset, quam accuratam Græcæ linguæ sibi comparasset cognitionem, *Argyropylus*, Græcus natione, in Italia degens, exclamauerit: *Eheu Græcia nostro exilio transuolauit Alpes* (x)! Quam fortunam *Demetrius Chalcondyles*, eruditissimus Græcus, Germaniæ nostræ minus inuidisse videtur: siquidem Reuchlinum græcissare, & pulcræ admodum epistolam Græce conscribere cognoscens, non parum ea re lætatus, & ipsi Reuchlino & patriæ eius congratulatus est, quod talem virum produxerit, qui decus ei existeret (y). Quid, quod anno cl. CCCCXCVIII a *Philippo* Electore Palatino Romam missus, ut coram Pontifice causam ipsius ageret, tam luculenta ac eleganti id perfecit oratione *Latina* (z), ut summi Italiæ viri magnopere eam sint admirati, & quidam eorum ipsum Reuchlinum flagitare prius non desierint, quam publici istam fecerit iuris: quum dignam

(v) ibid. p. 430.

(x) Melanchthon. Declamat. T. III, p. 305.

(y) cl. viror. ad Reuchl. ep. pag. 71, b.

(z) ab Aldo Manutio editam olim cel. Maius Reuchlini vitæ integram inseruit pag. 195, seqq. præmissa etiam est lib. II epistolar. illustr. viror. ad Reuchlin. conf. Petri Iacobi Arlunensis epistolam inter clar. viror. ad eumd. Reuchlin. epist. p. 18.

gnam eam existimarent, quæ propter summam elegantiam, dignitatemque verborum, & sententiarum gravitatem vbique terrarum legeretur; adeo diserte, prudenter, apposite omnia oratione hac explicuisse Reuchlinum, iudicarent (a). Non minus docte eleganterque scriptam diiudicavit quamdam Reuchlini Apologiam *Hadrianus Cardinalis*: cuius quum nasum nossent Germani, non parum mirati sunt, quum intellexissent, non sine summæ eruditionis admiratione eam a Cardinale lectam esse (b). Reuchlinum ut de facie nosceret, inter eximia desideria penitus insedisse sibi, testatus est *Io. Franciscus Picus*, *Mirandulæ Dominus* (c), princeps ob ingenii quamdam diuinitatem & eruditionis profunditatem pro naturæ miraculo habitus (d): posteaquam pridem in litterariis operibus suspexerat virum, & dudum de eo iudicauerat, quod fuerit

*Latine donatus lumine lingue:*

quanti cum in Hebraicarum etiam litterarum cognitione fecerit Picus, illa epistola docere  
nos

(a) cl. vir. ep. ad R. p. 58.

(b) Christoph. Welfer. ad C. Peutinger. epist. lib. II ep. ad Reuchlin. B. 3.

(c) cl. viror. ad Reuchlin. ep. 7.

(d) Rittershus. in Comment. de Vita Bilib. Picckheimer. p. 23.

nos potest, cuius extrema verba sunt (e): *qua de re consulere te accuratiorem omnibus in literis hominem, & in Hebraeis longe lateque versatum, opera pretium duxi.* Decreuerat etiam aliquando *Roffensis Episcopus*, posito cultu episcopali, hoc est, linea veste, qua semper utebantur tum in Anglia episcopi, nisi quum venarentur, traicere; hac praecipue causa impulsus, ut cum Reuchlino colloquendi facultas sibi daretur. tanta habebat episcopum discendi Germanorumque eruditissimi cognoscendi sitis (f). Hanc Reuchlini celebritatem atque eruditionem cogitans *Marsilius Ficinus* ad ipsum Reuchlinum nostrum & Ludouicum Naclerum, Iohannis fratrem, scripsit (ff), se mirari, Germaniae Principes Florentiam adolescentes erudiendos, tamquam ad Academiam, mittere: quum tamen Reuchlinus, eiusque similes ea scriberent elegantia, ut Germani non ad academiam, sed ex academia filios suos mittere viderentur, atque apud exteras nationes perquirere sibi iam *domesticam disciplinam*: ita exclamans: *Quae rerum vicissitudo est!* Qua ipsa in re Germani Romanos imitari videbantur *Demetr. Chalcondylae*: ut-

pote

(e) lib. II epist. illustr. virox. ad Reuchlin. t. 2, b.

(f) ibid. f. 4, b. (ff) cl. virox. ad Reuchlin. epist. p. 5 seq.

pote qui, tametsi terra marique domini fuerant, suos tamen filios Athenas & ad aliam Græciam miserunt, disciplinæ Græcæ & sermonum rhetoricorum philosophicorumque dogmatum participes (g). Venetorum etiam legati, quum aliquando Reuchlinum nostrum *Nouum Testamentum* expedite admodum interpretantem coram cognoscerent, alter alterum sic allocutus esse dicitur: *Ecce! quam, qui has litteras norunt, grati acceptique in Germania sint; apud nos vero non adeo magni æstimantur, immo spernuntur.*

Verum non putandum est, vniuersæ Germaniæ gratos acceptosque fuisse tum honestissimos excellentis Capnionis conatus. illi dumtaxat, qui bonis ingeniis præditi, nec corrupta ista & perturbata disciplina infecti erant, conatus viri approbabant; eodem aspirantes, quo Reuchlinum peruenisse animaduertebant. His sic carum adamatumque eum fuisse, confirmat Erasmus (h), ut si pater fuisset, omnibus intimius carus esse haud potuisset. At quemadmodum Rud. Agricolaë plurima impedimenta obiecta esse vidimus: dum optimis litteris infensi, & doctissimum quemque perosi monachi clamauc-

(g) ep. clar. viror. ad Reuchlin. ep. pag. 71. b.

(h) lib. II epist. illustr. viror. ad Reuchl. t. 1, b.

mauerant, ac infaniuerant; contumeliæ ducentes loco, quod is seita ipsorum conuellere ausus sit: ita Reuchlino per totam vitam accerrime decertandum fuit cum quadam *inhumanissimorum hominum specie*, qui *Theologos se vocabant*, & *neminem extra se doctum putabant*, ecclesiæque sibi videbantur *columnæ*; *grauissimos iureconsultos omnesque poetas taxantes*: cuiusmodi characterem ipse Reuchlinus posteritati scriptum reliquit (i); contagionem in *Agrippina Colonia* coepisse commonstrans. Quam planissime etiam ætatis eius mores expresit doctissimus, clarissimique inter Germaniæ eruditos nominis vir, Nic. Gerbelius: id quod fecit verbosa plenaque eruditionis ac suauitatis ad ciuem suum Reuchlinum epistola (k) cuius initium est: *Quem vero non pudeat scelera- ti huius sæculi? Quem ferre non pigeat mo- res atatis huius, plus quam ferreæ? qua- rum sementem facere voluissent omnes bonæ litteræ, astris etiam ipsis feliciter aspirantibus, repertæ sunt fœdisissimæ Harpyiæ, quæ florem commodum emergentium frugum pestilentis- simo*

(i) *ibid.* v. 2, ubi elegantissima ad Iacob. Fabrum epistola molestias, quibus a Colonienſibus adfectus est, multis verbis explicat: unde non pauca ego sum mutuatus.

(k) *lib.* II *epist.* illustr. viror. ad Reuchl. C. 2, b.

*simo attactu adurere sunt commolita.* Verba, quæ sequuntur, egregia plane sunt, & lectu quam dignissima, sed plura, quam quæ excerpta adferri a me posse videantur. Plurimis interiectis, sic pergit Gerbelius. *Quod si quis alius extra ipsorum septa positus, vlcera verrucasque eorum vel summa acie tetigerit, prob Deum fidem, quam os illud impudentissimum in arcum distorquent, quam rugis suspendent nasum? in omnia conuicia parati, occisuri etiam ob unum aut alterum verbum, si quis timidior eorum obsequatur tyrannidi.* Hæc licet formidolosa satis videri posset: animose tamen aggredi eam ausus est Reuchlinus, quum non tolerandum porro putasset, vt in scholis non impura tantum, sed perniciofa etiam docerentur a Theologis. Horum gregi bonus Reuchlinus cum sociis suis ob id ipsum nihil fuit, quod bonus esse studuit; ac nihil scire iis visus est, propterea quod aliquid recte sciuit (1), vel quod

He-

- (1) Vlr. Huttenus in præfat. quam *Nemini* suo præfixit, B. 3, a. -- Vbi festiuissimum hoc scriptum ex eo ipso natum sibi, confirmat, quod ætas sua in ea inciderit tempora, quibus illi, *qui optima studia studiosissime sectati erant, nihil didicisse, & ipsi homines nihil dicebantur palam.* Sibi ipsi accidisse in eadem præfatione conqueritur Huttenus, vt, quando inter suos versatus sit equites, haud sit numeratus; ex iactatoribus vero leguleis & superciliosis Theolo-

Hebraicarum litterarum semina in Germania primus iecit, & Græca elementa populares docere perseveravit. Quare pusilli & ipsa malevolentia ieiuni atque inanes eorum animi invidia contra Reuchlinum exarserunt, quum paria cum ipso facere se posse desperarent; optimarumque litterarum studiosos, se Græca & Hebraica primario Reuchlino auctore didicisse animaduverterent: nec non Latinæ ciuitatis senatum eidem triumphum contra humanitatis hostes decreuisse cernerent (ll). Cuiusmodi Reuchlinianæ famæ præconia aduersariorum barbarorum superbia ferre non poterat, quum satis coniciere iis liceret, ornatioribus doctrinis imbutam posteritatem puerilia ipsorum

stugistis, siue indoctis doctis, nemo ipsum agnouerit: quo factum dicit, ut nesciuerit, an ipse alicuius eorum umbra esset, & ut se ipsum haud senserit, quoties isti studia sua prædicare, eruditionemque suam ac ingenia ostentare cœperint. quicquid enim in Reuchlini similibus erat, omni contemptu contemptius iudicabant. Sapere scilicet istis temporibus extrema videbatur dementia, & de his dici recte poterat:

*Summa rudes asini rerum fastigia scandunt:*

*Maximus hoc illis tempore venit honos:*

*Et nisi sis asinus, nullum tibi nomen habebis,  
ac omni spretus destitueris ope.*

(ll) Eob. Hessus lib. II epist. illustr. viror. ad Reuchlin. y. 2, b.



studia, & aniles, quæ per tot sæcula viguerant, disciplinas contempturam fore. quando non vilius quid melioribus studiis tractare se putarant, quoties pro concione fordida aliquam fabulam, aut anile deliramentum, vulgi credulitate abusi, deblatrauerant (m). Inde quum omne id, quod extra farinam suam videbatur, contemnerent ac aspernarentur, factum est, vt detestandus liquor homines istos adegerit, vt conatibus Reuchlini coniunctis sese opponerent viribus, laudique eius omni ratione, ac nefando & abominabili calumniarum facinore detractum irent, eiusdem *euerfionem nascentis eruditæ doctrinæ oppressioni præcendentes*; quum ægerrime & iniquissimis ferrent animis, estimationisque suæ magnopere simul timerent, quando eiusmodi doctrinam exoriri & conualescere iam conspiciebant, quam ipsi penitus ignorarent (n). Satis verborum re-

L

perire

(m) Huttenus in iam citata præfatione Nemini suo præmissa B. 2, a. licet auctor hunc *Neminem* suum in subiecta ad Iulium Pflugk epistola *nugamentum* adpellet, scriptum tamen & eruditum & lepidissimum simul deprehendet, qui illud cognoverit. Albert. Molnar inter Lusus poeticos excellentium aliquot ingeniorum Hanov. 1614, 8. recudendum curauit, at eruditissima præfatio & elegans ista epistola ibi non apparent.

(n) Camerar. in Vita Ph. Melanchthonis p. 17.

perire haud potuit Buschius, quibus Reuch-  
 lino Theologistarum furorem exprimeret,  
 quem iureconsultum falcem in Theologo-  
 rum messem misisse fremebant (\*). *O si,*  
*Colonia ad Reuchlinum scribit Buschius (o),*  
*videres ora & vultus Theologistarum, talis est*  
*furientis inuidiae species, talis est insanie deli-*  
*rantis viua effigies, inflatis buccis contrahunt*  
*supercilia, caperant frontem, lumina tragica*  
*quadam toruitate horrificant, pallent, rubent,*  
*stupent, gemunt, striduntque dentibus. Quid,*  
*quod tanta bile tantaque perturbatione con-*  
*citantur, ut etiam impiis quandoque vocibus*  
*non abstineant.*

Nam quum in humanas & politiores lit-  
 teras ita male animati essent homines, ut phi-  
 losophiam humani atque diuini iuris sapien-  
 tiam, vel alias etiam scientias, nec Latine dici  
 nec explicari posse, statuerent; non ob lin-  
 guæ egestatem (licet barbara & non Latina  
 indies fingerent vocabula) quum alias Latia-  
 lia ad promptum habuissent, si modo perspi-  
 cere & cognoscere ea voluissent, vel etiam  
 potuissent: sed quod *humanas litteras*, ut  
 ha-

(\*) *Molestie ferebant*, scribit excell. Pirekheimerus ad  
 Wenzeslaum Lincum Dedicator. epist. lib. p. 231  
*quum laicos sancta manibus versare, cernebant,*  
*tamquam committerent piaculum, si Christianus*  
*Christiana tractare auderet.*

(o) lib. II epist. illustr. viror. ad Reuchlin. x. 4. b.

harum ignari, *doctrinas maiores impedire* putauerant (p). mirum ideo plane litterarum genus a Romana pietate alienum tractari a Reuchlino, palam vociferabantur veterinosi sophistæ: *Græcum* porro *schismaticum* eum declarantes, quo magistro interdictæ disciplinæ contra ecclesiæ decreta proderentur. Et hæc ipsa per tot barbara sæcula *furoris atque invidiæ iacula, turbidorumque affectuum fulmina & tonitrua* exstitisse, quæ non in eos, in quos necesse fuerat, sed quos sibi molestos esse senserant, eiaculari sint, & quibus bonis auersis & perterrefactis soli rerum potiri voverint vaferrimi hominum, eruditi verissime adfirmarunt (q). Quare ut primum Reuchlini & sociorum ipsius scriptum conspiciebant, accurate id legebant, inuestigantes, num hæresin saperet, & statim, si quid minus placebat, enotabant. inde errata in articulos digerebant; ut erant pensiculandis hominum sermonibus acutissimi iudicii. si quid vero offendeat, frontem contrahebant, labra exporrigebant, nasum suspendebant, nonnunquam *ad ignem, ad ignem* ingeminabant (r). Atque ita quum priscis temporibus

L 2

bus

(p) Contr. Peutinger. elegantissima ad Mutianum epistola, lib. II illustr. viror. ad Reuchlin, A, 2, b. & Hutten. præf. Nemini præm.

(q) ibid.

(r) Hutten. in præf. Nemini præm. B, 1.

bus *hereticus* haberetur, qui dissenserat ab *euangelis*, ab *articulis fidei*, aut his, quæ cum iis parem obtinent auctoritatem: tum, simul ac quis a *Thoma* dissentiebat, *hereticus* vocabatur. Quicquid non placebat, quicquid non intelligebant Theologistæ, *heresis* erat, Græce scire hæresis erat: quicquid isti non faciebant, hæresis erat (s). At prudentissime ab seueris huiusmodi inquisitoribus, rigidissimisque exactoribus quæsiuit suo tempore Peutingerus (sf). *Vbi ergo illa Hieronymiana, Ambrosiana, atque Aureliana eruditio? Quis existis* (Pseudotheologis) *Hila-*  
*rium*

(s) *Erasmi*. ep. 10, lib. XII, p. m. 588. *Ipsius Erasmi scripta Thomistis ita inuisa fuisse, Huttenus tradidit, in præfat. Nemin. A. 2, b. vt, licet summi viri laboribus nihil magis Christianum ætas ista habuerit, atque viderit, susurrarint tamen homines isti contra ea, fremuerint, strinxerintque supercilia, & nasos suspenderint: adeo, vt illis rumpi iis credere quis potuisset, quoties Erasmi sociorumque eius scriptum viderint; ignauiae suæ conscientia excruciat: qui hac sua arrogantia Herim. Nuenarium eo perduxerunt, vt hanc instituerit querimoniam in epist. ad Io. Reuchlin. cum huius, & Buschii Huttenique epistolis nonnullis exc. O calamitosam fidei sortem! o deplorandum ecclesie statum! si hæc illi eueniant, si non alios propugnatores, non alia præsidia consequi possit, quam eiusce conditionis, male sanos quosdam & pbreneticos sycophantas, sophistica non catholica imbutos doctrina!*

(sf) lib. II epist. illustr. viror. ad Reuchlin. A. 2, seq.

*rium Pictauorum episcopum imitandum sibi proponit? quis Leonem Pontificem Maximum, Cyprianum Martyrem, Lactantium Firmianum, Florentem Tertullianum, Aurelium Prudentium, Prosperum Aquitanicum, Ioannem Damascenum, Calium Sedulium, Iuuenicum Hispanum, Aratorem Subdiaconum, Seruium Sulpitium, Gregorios utrosque Nazianzenum & Nyssenum, Basilium, Athanasium, Origenem Adamantinum? Quærendo pergit Peutingerus ad suæ ætatis eruditos progressus, nominatim ad Mirandulanos comites: quis Ioannes duos, Picum & Franciscum eius ex fratre nepotem, quis Marsilium Ficinum, vel alium quemuis politioris litteraturæ Theologum imitari inter Germanos cogitat? Hi videlicet omnes ac singuli pii eruditissimique viri hæreseos crimine insimulandi fuissent, si sophistarum nostrorum de bono Reuchlino iudicium verum exstitisset atque incorruptum: qui diuini ingenii sui monumentis abunde declarauerat, se sanctissimorum istorum hominum virtutem atque eruditionem ante oculos sibi proposuisse. Damnauerunt itaque Theologistæ, vt vere de iis Erasmus pronuntiavit, in recentium libris, quod in Augustino aut Gersone non damnabant: quasi veritas cum auctore mutaretur: illos, quibus fauebant, si legerunt, nihil non excusarunt, omnia*

torquentes : eos econtrario , quibus infensi erant, sic legerunt, vt nihil non calumniarentur. Quid quæris? grauisimus doctissimusque sæculi sui Iureconsultus refert (t), eundem Reuchlinum summo ingenio & singulari doctrina virum, præclarum philosophum, Iuris & eloquentiæ consultum, de bonis literis optime meritum a Colonienfibus sophistis *diuinæ læsæ Maiestatis esse postulatum*. præter enim quam quod grauisimam in sedem Romanam instruxerit calumniam, cum *in biblia blasphemias effutire* ausum esse coarguebant (tt).

Plurimi igitur omnino euehendorum studiorum ratio constitit tam præclare merenti viro : donec per maxima fortunarum vitæque suæ discrimina effecerit, vt Germania resipiscere, & pueriles scholarum nugas deserre inciperet. Enimuero quum par esset, tempusque id postularet demum , magno Erasmo iudice (u), vt Reuchlinus, venerandæ senectutis homo, pulcerrimis suis studiis frueretur, & ex honestissima iuuenilium semente laborum suauissimam caperet messem : quum conuenisset, vt vir tot linguis,

tot

(t) Coar. Mutianus lib. II epist. illustr. viror. ad Reuchlin. A. i, b.

(tt) H. Buschius in epistola quadam ad H. Nuenar.

(u) ep. 2, lib. II, p. m. 98.



mum ingenium, quo posteritati recte confu-  
 lere posset, dignissimum. Quamobrem  
 causam habuisse videtur Huttenus, cur  
 ipsum in Italia *Germanorum puduerit*, quo-  
 ties, de Capnionis afflictione orto cum Italis  
 sermone, hi percontarentur: *tantumne li-  
 cet in Germania fratribus* (y)? Nam licet  
 vir fuerit Reuchlinus, cunctis virtutibus o-  
 mniumque disciplinarum genere non solum  
 excellens, verum extra fortunæ quoque ale-  
 am ita positus, ut nemo Therſites seu Zoilus  
 candidam eius famam dignitatemque viola-  
 re posse initio visus esset: accidit tamen, ut  
 omnes boni timerent deinceps, ne in extre-  
 mam denique calamitatem coniiceretur opti-  
 mus vir; quum a tyranni faucibus neminem,  
 nisi Deum, eripere eum valere, cernerent (z):  
 quem omnino in partibus fuisse crediderunt;  
 mirificas postremo ei agentes gratias, quod  
 innocentem virum ex ore leonum & draco-  
 num liberauerit, vindictam sibi reseruans,  
 quam opportuno tempore grauius fulmina-  
 ret (a). Et vere quidam prædixerunt (b),  
 fore, ut posteritas Capnionem ab animi ma-  
 gnitu-

(y) Hutten. in epist. ad H. Nuenar.

(z) clar. viror. ad Reuchlin. ep. p. 59 b.

(a) B. Pirckheimer in epist. ad Huttenum in Ritters-  
 huf. Commentar. de Pirckheimeri vita p. 25.

(b) Hutten. in præfat. Nemini præm. B1, b. & Eob.,  
 Hessus lib. II ep. illustr. viror. ad Reuchlin. y, 2 b.



gnitudine admiraretur, qui descendere cum audacissimis hostibus in aciem, ac pugnam capessere ausus sit. idque mira plane præter omnium opinionem felicitate: & fore propterea, vt omnibus deinceps commemoraretur sæculis, quod Capnio contra tantam veræ sapientiæ ac meliorum studiorum hostium multitudinem in aciem progressus, tam fortiter tamque animose decertarit, vt semel atque iterum superior discesserit. Euenit enim id, quod ipse Reuchlinus futurum sperauerat, postquam viuis ea iam de se senserat testimonia, quæ paucis prius mortuis contingerant, & ipse posteritati suæ interfuerat (c); vt post *validam manum* magna ætatis suæ *poetarum atque historicorum* accederet *copia*. qui dum Reuchlinum ita, vt par fuit, præceptorum suum venerati sunt, insignem aduersariorum eius iniquitatem perpetuæ tradiderunt memoriæ, optimum virum innocenter passum demonstrantes, cum æterna *Coloniensium* ignominia (d). Superiorem autem fu-

L 5

isse

(c) Hutten. lib. II epist. illustr. viror. ad Reuchlin. A. 1, S. 1.

(d) id fore, Eob. Hessus Reuchlinum confidere iussit, lib. II ep. illustr. viror. y, 3, ita scribens: *Coëgi nuper iambos quosdam satis feruentes in istos Colonienses diabolos, & cogam multo plures & omnis generis, tibi que transmittam, tunc quum tempus erit; magnum enim animum mihi facit, quod neque solus*

isse Reuchlinum, plurimi eo magis mirandum putarunt, quod ei cum *inexpugnabili hominum genere* res fuerit, qui omnia habebant,

*neque alter futurus sum. spero enim & Huttenum, & Buschium, & Crotum, & Spalatinum, & tuos conterraneos Philomusum & Melanchthonem, & p. cetera multos mecum futuros huius victoria buccinatores. Et ego quosdam hic Herfurthineres excito, qui mecum istuc tamquam crabrones conuolantes, ista teruicula, & mostrosissima monstra ita exagitant, ut requies illis nulla prorsus nec terra nec mari relinquatur. Tum Gallos, Francos, Persas, & si quid amplius vispiam est malorum nominum, licet inuocent. Agite igitur o vos,*

*Teutones emensi Latialia regna poete,  
vestrum decus viriliter defendite.*

*Impia molitur certamina Capnionastix,*

*Tam nobilem ferens inique gloriam.*

*Heu quibus ille ovis, heu quanta exestuat ira  
vir barbarus, vir omnium stultissimus.*

*Quod tibi cum doctis bardo signate cucullo*

*Hosstrate nate pessimis auguriis.*

*At vos Capnionem vates defendite vestrum;  
vobis comœdiam ille primus obtulit.*

Ad defendendum Reuchlinum excitasse Eobanum Thuringos præter multos alios grauissimos testes Crotuni Rubianum adducendum censui: qui verbosa & disertissima ad Reuchlinum epistola abunde id confirmavit lib. II illustr. vir. ad Reuchlin. epist. 2, a. Ex qua ut excerpta quædam tecum communicanda decreuerim, Lector, summa effecit eius elegantia, non indignæ profecto, quæ ab omnibus hodieque legatur: quum sæculi istius genius viuus quasi in ea depictus videatur coloribus. Postea-

bant, quum nihil habebant. eam ob rem ipse  
*Alexander VI* Pontifex dixisse aliquando fertur,  
*se cum potentissimo quodam rege, aut*  
*princi-*

quam Reuchlini generosum & alacrem ad pugnan-  
 dum animum ex ipsius ad Mutianum ~~data~~ epistola  
 cognouisse se scripsit Crotus, pluribusque declara-  
 uit verbis, se, licet sanguisuga Theosophiste terribi-  
 lia maxime per Vulcani Neptunique minas minati  
 fuerint, Reuchlinianarum tamen partium socium;  
 ipso Reuchlino nesciente, se addidisse; commemo-  
 rat, se eandem istam ad Mutianum a Reuchiino  
 exaratam epistolam interpretando multis Theologi-  
 stis, Arnobaraitis, Thomistis, Scitistis, Occanistis,  
 Canonistis stomachum mouisse, quod eo libentius  
 fecisse se, ait, quo citius ad vomitum cum satellite  
 suo Pepericorno perducipotuerint. Multis verbis  
 interiectis, ita pergit: *Scribant, si Diis placet,*  
*(homines isti) commententur, inuehantur, propo-*  
*sitionibus propositiones suas accumulent, dummodo*  
*sciant tarde & languide pecudes doctis se praebe-*  
*re materiam ridendi. Tu quoque si volueris, tibi non*  
*deerunt in respondendo auxiliares. Habes do-*  
*ctissimum virum Mutianum, habes totum Mutiani*  
*ordinem. Sunt in eo philosophi, poetae, oratores,*  
*theologi, omnes tibi dediti, omnes pro te certare pa-*  
*rati. Eobanum Hessum caeleste ingenium beat, scri-*  
*bit carmen summa felicitate. Vidisti credo eius*  
*ludicrum Bucolicum, in quo ostendit ille, quid possit,*  
*si velit. In Hutteno meo exultat ardor & subtili-*  
*tas, vno impetu conficiet aridum Ortuinum. Non*  
*attinet, plura promittere. Manda & iube, quando*  
*voles, praesto erimus. Haftenus Crotus Rubianus;*  
 quem Petreius Aprobacchus in epistola ad Reuchli-  
 num lib. II ep. y, 4 *antistitis aulicum* vocat, & qui

*principe, malle sibi bellum esse, quam cum uno ex mendicantium ordinibus (e). Eo certe Colonienſium iſtorum Theologiſtarum contra Reuchlinum furor proceſſerat, vt quidam eorum aperte iactare auderent, ſe, niſi contra Capnionem in vrbe ſecundum ſe pronuntiatum fuerit, ab eccleſia & ſummo eius pontifice deſecturos, nouumque ſuſcitatu- ros fore ſibi ſua (f). Alii dicebant, quicquid contra ipſos*

is ipſe eſt, cui Vlr. Huttenus *Neminem* ſuum longo eruditiffima iſta præſatione inſcripſit. Quid de *Mutiani* in Reuchlinum amore ſperandum eſſet, ipſe Mutianus coniunctiſſimo huic amico ſuo ſpon- dit, quando lib. II ep. iſt. illuſtr. vir. A 1, b. ſcripſit: *Non ſeram, quantum in me eſt, non ſeram, tametſi probe noui, quam ſit mihi curta ſupellex, tantum Germanie lumen indiſta cauſſa extingui: quaſi ve- ro Ioannes non habeat ſententie ſue ſubſcriptores bis mille.* Et Mutianum & Eoſanum, vt Reuchli- ni fauorem ſibi conciliarent, ſtudioſe operam ded- iſſe, *Erycius Cordus* ſuauiſſima ad ipſum Reuchlinum epiſtola profeſſus eſt, lib. II ep. ad Reuchl. A. 4, b. quæ eum blandiſſime alloquitur: *Salue, Salue igitur, Salue, inquam, omnium optime & doctiſſime Capnion, integerrime integritatis homo. Immo aduerſus, aduerſus tot deterrima monſtra ex olida barbarie palude emergentia inuiſiſſime Hercules. Iterum ſalue, maxime litteratorum patrone & aſſer- tor, dulciſſimum Muſarum delictum.*

(e) Hutten. in præſat. Nemini præm. B. 2, b. & in cl. Maii vita Reuchlin. p. 464. it. in epiſtola Eraſmi ad Pirckheimer. lib. miſc. ep. 25.

(f) lib. II ep. illuſtr. vir. ad Reuchlin. y. 1,

*ipſos ſtatuerit Papa, id nullius ſe exiſtimatu-  
ros momenti ; neque illum pro Papa habendi-  
dum eſſe, qui ab ipſis ipſorumque ſententia  
diſſenſerit. Adeo cæca atque præceps per-  
uerſiſſimorum hominum erat arrogantia, vt  
non ſecus, aut honorificentius de ſummo ſuo  
Pontifice loquerentur, quam de puero ſub fe-  
rula adhuc viunte, cui nihil, niſi ad pædago-  
gi ſui nutum, integrum aut liberum loqui : &  
vt auguſtiſſimum Imperatorem Maximilia-  
num I, & complures Germaniæ Principes car-  
pere auferent, temeraria uſi ratione (ff). Au-  
dacisſimus temerariorum hominum anteſi-  
gnanus Io. Hochſtraten in Pontificis, & Impe-  
ratoris Romani, cunctæque Romanæ eccleſiæ  
contemptum adfirmare non dubitauit (g) ;  
ſe arcem molitum, quam vniuerſus mundus in-  
fringere non poſſet. Naſtum ſcilicet erat  
ignarum & atrocisſimum hominum genus a-  
liquot Pfeffercorni cuiusdam, Chriſtianiſtæ,  
ſiue Iudeaſtri, ineptiſſimos libellos : quo-  
rum auctorem, crudelem Reuchlini calu-  
mniatorem non ſolum fouebat, ſed ſubſidia  
etiã ei miniſtrabat, quibus innocentisſimi  
homi-*

(ff) lib. II epiſt. illuſtr. viror. ad Reuchlin. c. I. & F, 2.  
vbi ipſam Imperatoris epiſtolam ad Leonem X P.  
ſcriptam, qua homines iſtos accuſat, inuenies.

(g) H. Nuenarius in epiſt. ad Reuchlin. cum diuerſis  
opuſc. huic ſpectantibus excuſ.

hominis virtutem oppugnaret (h). *Tanti erat*, exclamat Conr. Mutianus (i) *vilis Iudaici sanguinis transfuga, ut Theologorum examen indocto, fallaci atque insidioso faueret*. Ipsi nimirum virtutis ac eruditionis aduersarii pessimis *Pseudochristomystæ* istius, ut idem Mutianus eum appellauit, libellis, tamquam firmissimo fundamento innixi, egregia illa calumniarum suarum castra, cum perpetua sui infamia superstruxerant: & atra Pseudotheologorum acies, *crummosaque Fraterculorum conuentio*, ut Stromerus loquitur (k), *dementulato isto signifero*, tamquam alteram *Troiam* expugnaturi, *decennale* contra Capnionem bellum gesserat: quo omnis illorum doctrina, robur, vires, honor, & fama simul occiderunt (l).

*Tantæ molis erat, Germanis condere templum*

Palladis.

tantique Reuchlino subeundi idcirco fuerunt labores, ut Conr. Rittershusio dignus visus sit (ll) qui *Hercules Germanicus Alexi-*  
*barba-*

(h) H. Stromer Auerbachius lib. II epist. illustr. vir. ad Reuchl. z. 4, b.

(i) ibid. A. 1, b. (k) eod. libro II, z. 4, b.

(l) Corn. Henr. Agrippa in epistola ad vrbis Colon. Senatam: quam inuenies in Reuchlini vita a cl. Maio conscr. p. 251.

(ll) in Commentar. de Vita Pirckheimeri.

*barbarus* vocaretur, & *innumerabilium monstrorum domitor*, quæ barbarorum & obscurorum quorundam hominum ignorantia atque malitia ei obiecerint. Nam quemadmodum vespertilioes, noctuæ, & bubones, aliæque infaustæ aues lumen solis ac lucida diei tela ferre non queant, sic inertes atque ignavos istos homines, barbarici tenebris diutissime adfuetos, renascentium litterarum, linguarum, bonarumque artium lucem, quam rectis oculis intueri non potuerint, auersatos; ideoque in illarum studiosos & instauratores infestis animis, minis, & armis insurrexisse, & clausis quasi incurfasse oculis, idem Rittershusius pluribus verbis probat. Et hoc ipsum hominum genus fuit, in quod magnus Erasmus summo iure his verbis inuectus est (m): *Quid non moliuntur hostes deuoti bonorum studiorum? quas non technas, quas non sycophantias, quas non insidias comminiscuntur? quibus non cuniculis conantur obrepere? quas non admouent lacrimas? que non tela in nos torquent, mortali veneno tincta? que conspiratio, quodque artum inter istos fœdus ad profligandas litteras, quas, qui pueri non didicerunt, pudet senes discere? quod*  
*mino-*

(m) in epistola ad Fridericum Saxon. D. infra nominatim citanda.

*minori pene opera discere poterant, quam impugnant. quam hic concordēs sunt, qui nusquam consentiunt, nisi ad lādendum? quam hic habent ingenium, ad meliora stupidi? quam hic vigilant, ad bene merendum oscitabundi?*

In grauisimo hoc Erasmi effato eruditissimorum hominum testimoniis comprobando iusto longiorem me fuisse, fateor, qui breuitati studere constitueram. Verum tam egregie de Germania meritus omnino est Reuchlinus, ut laudari satis non queat, nec ulli ætati de eximiis eius dotibus & incredibili plane bene merendi voluntate conticendum umquam videatur. Singularem viri doctrinam, generosam facundiam, & infatigabile studium *Mutianus Rufus* cum primis admiratus, sperauit, breui fore, ut Reuchlinus id, quod omnes boni polliciti tum erant, *eximusim perficeret* (n): utpote quo duce nobilis veterum doctrina resurrexerit: siue in quo, ut aliis videbatur (o), vetustus ille *Pythagoras* reuixerit, *Plato* reuiguerit, diuusque *Hieronimus* refluoruerit: Germanis tanto veterum istam doctrinam amplexantibus studio, ut Mutianus ad Reuchlinum scripserit (p), bonos quotidie ad se confluisse adolescen-

(n) clar. viror. ad Reuchlin. epist. p. 65, b.

(o) lib. II epist. z. 3, a. b.

(p) ibid.



lescentes, quibus Capnio in ore fuerit & in pectore : hunc Græcum se probasse, illum Hebraicas & vere arcanas litteras ita admiratum esse, vt, quantum ab insulsis præceptoribus ad nugas vel emendas, vel discendas trahi se senserint, tantum utroque pede ad Reuchlini vestigia profiluerint. Atque ita *litterarum meliorum hostes reluctando nihil aliud, quam quod Reuchlini sociorumque illustrarint victoriam, suam ex aduerso denobilitarint stultitiam, adsecutos esse*, Erasmus rectissime adfirmare potuit (q). Eius vicem Rud. Agricola etiam valde ideo gauisus est (r), quum animi ac naturæ Reuchlini felicitati, tum vero in primis Germaniæ nostræ fortunis gratulatus : *quam si vmquam, tunc aliquando expergesceri oportere putauit, & a barbarie ista, qua tot sæculis, velut stupido sopore, vel potius ληθάργω, oppressa fuerat, excitari*. Ea re Erycius Cordus Reuchlini verborum, quibus amicos compellare consuevit : *Vincam, & vos triumphabitis* : fidem (licet patrocicante contra pecunia) certam, immo certissimam pronuntiauit (s) : & *Eleutherius Byzenus Triumphum* suum adaucter decantare potuit

M

(q) ep. 36, lib. V. (r) clar. viror. ad Reuchlin. epist. p. 65, b. & in Agricolæ Lucubrat. p. 179.

(s) lib. II epist. illustr. viror. ad Reuchlin. A. 4, b.

tuit (f). Neque vero etiam sperare, sed certissime confidere eidem Cordo licuit: *Præsto iam Reuchlino aliquem esse Iolaum, qui iam dudum incisam excetra cervicem insequenti face, ne repullulet, inurat.* Nam non vnus & alter præsto paullo post fuit, sed tota agmina: quandoquidem hominum cervicem istam inurendi studium ita in Germania excitatum est, vt exeunte XV, & ineunte XVI sæculo, Maximiliano, Pio, Felici, Augusto, imperante, plures numerauerit Latine doctos ciues; quam integro insequenti XVII sæculo.

Qui temere id a me adfirmatum putauerit, euoluat modo elegantissimam *Pirckheimeri apologeticam epistolam Luciani Piscatori præfixam*; quippe cui longum satis exquisitæ sapientiæ doctrinæque ætate ista viuentium virorum indicem insertum inueniet: quem mirabitur, credo. Inspiciat porro, qui in adfirmando temerarium me putauerit, *Clarorum virorum ad Reuchlinum scriptas & toties citatas a me Epistolas.* me vere dicere, deprehendet, spero. Nam etiamsi Reuchlinus eruditos Romæ ætate sua versantes felices

(f) qui sine anno & loco in forma quarta impressus initio, integer a cl. Maio vitæ Reuchlini insertus est, P. 479. seqq.

ces prædicauit (sf), qui inter doctissimos tam Hebræos, quam Latinos atque Græcos, multorum auctorum volumina versare potuerint, quibus in omnium gentium atque nationum ritu euaserint eruditiores : *Germanos* ex aduerso *fucum* & *ignauum genus*, inter *Hamadryadas* iaculatricemque *Dianam*, *Faunos*, & *Pana* sola *bucolica* meditato, questus est; seque medium inter *Bacenas* & *iugum Harcynium* absque Musis & sine Apollinis clementia vitam degentem, solaque Sueuorum conuersatione contentum, inter barbaros *Βαρβαρῖζες* coactum fuisse, doluit, quum circa se nemo fuerit, qui vel Græca exquisitim dilexerit, vel Hebræa studiose amauerit (t): in Latinis tamen litteris excolen-

M 2

dis

(sf) in epistola ad P. Galatinum, lib. II epist. illustr. viror. ad Reuchlin. D. 2;

(t) in præfat. lib. III Rudiment. Hebr. circa an. 1506 script. parum etiam honorifice de popularibus suis sentit, ubi scribit pag 546. *Solus ergo quum in hoc Diogenis dolio totos dies deliteſcam: nec mecum uiuat ullus hominum, cui verborum elegantia & eloquentiæ studium sit in pretio. sed agricolæ tantum & sacrificuli, aut ſi qui accedant, [ut ſit quotidie], qui me non de muri legulis nec auro coronario: ſed de cloacis, paludibus, tigno, itinere aliisve popularibus iurgiis tam prætoriis, quam ciuilibus conſultunt. quibus de iure pro mea professione reſpondere debeam, non Latinorum, ſed Sueuorum obſeruato dicendi uſu. nihil ultra mireris, mi frater, me poſt uidentia præta iam ſcabros calles ambulare.*

dis populares suos ignauia coarguisse ibi non videtur Reuchlinus, quum Græca & Hebræa propter *fanaticos & deliros philosophastros* Germanis exulasse dicat: hosque litterarum auidos alioquin fuisse tum, testetur; ita, vt in sola *Alberti* Archiepiscopi Moguntini aula complures repertos esse adfirmauerit (tt), qui *suauiter, erudite, integre, ample, ornate, copiose, cum admirabili facultate valuerint rem amplexari*. Accidit etiam paullo post, vt, magnam & Hebraicæ & Græcæ linguæ discipulorum in *Anglopolitana* academia copiam sibi fuisse, lætandi habuerit copiam (u). De Germanorum certe singulari tres istas linguas perdiscendi studio scriptæ ad Reuchlinum epistolæ tam luculenter mea sententia testari queunt, vt nulla plane relinquatur dubitatio. Quas si quis euoluerit, præter multas eruditissimorum *Italorum, Gallorum, Græcorumque*, & clarissimorum istorum *Dringeburgi* discipulorum, mox denuo laudandorum, *Camerarii Dalburgii*, puta, *Pirckheimeri, Bebelii*, reliquorum, epistolas, inueniet

ADOL-

(tt) in epistola nuncupatoria Augustini de variis Quaestionibus libro Latine ab se verso præf.

(u) epistola ad Io. Forsterum in vita Reuchlini a cl. Maio conscr. p. 542. & in epistola ad B. Pirckheimerum, libro huius familiar. epist. miscell. ep. 13. de Reuchlini in Anglopolitana academiâ migratione dicendi infra erit mihi occasio.

ADOLPHI OCCONIS, *Frisii*, Rud. Agricolaë, assidui eorumdem studiorum collega (v), medicorumque ætate sua eruditissimi, & *Sigismundi* Archiducis Austriae archiatři, litteras. cuius viri doctrina eo pluris æstima-  
 manda videtur, quo maior reliquorum eiusdem ætatis medicorum fuit imperitia (x). de eo Celtes cecinit:

*Clarus per oram nostram Alemanicam:*

*Doctus Pelasgis disciplinis,*

*Et Latius pariter Camænis.*

IO. NAVCLERI, *Suevi*, porro epistolas ibi inueniet. qui quum *Eberhardo*, *Ludouici* comitis Wurtembergici filio, ephorus datus esset, vt & mores & litteras eius formaret: purpurati tutoresque Latinam linguam adolescentem comitem doceri interdixerunt, ne diu in litterarum studiis retineretur: cuius etiam vsu eorum iudicio princeps facile carere poterat (y), quid, quod praua atque peruerfa inualuerat ea tempestate opinio, *litteras hominibus militaribus & aulicis dedecori atque ignominie esse* (z). Licet vero optimus

M 3

co-

(v) vid. Alardi Amstelred. præf. Rud. Agricolaë Lucubrat. præm.

(x) cl. viror. ad Reuchlin. epist. p. II, b.

(y) Mart. Crusius in Annal. Sueu. P. III, lib. VII, c. 9. p. 395. & Declamat. Melanchth. T. III, p. 160. add. M. Adami Vit. philosoph. p. 28.

(z) C. Rittershus. in vita Pirckheimer. p. 4.

comes adultior factus, & imperii Romani principum, siue Ducum, numero deinceps adscriptus; qua tamen dignitate paucos admodum menses per mortem frui ipsi licuit; male sibi ab hominibus istis consultum esse conquestus sit, deceptumque se ab iis valde doluerit: Ipsius tamen successori *Vlrico* non melius a ministris eadem in re consilium datum legimus (a): nam neque tunc nobilibus, ut Princeps aliquis Germanus Latinis litteris admodum operam daret, placuit (b): quum has indignas plane iudicarent, quibus Princeps studeret; quippe quem *palestricis* tantummodo ac *venationibus* vacare deceret, ut vires ad belli labores suscipiendos augeret, corporisque tueretur colorem. Animum litterarum scientia exercitare, non solum non necesse habere principem, existimabant consiliatores ii, sed litterarum studia noxia etiam esse persuadere conabantur domino, quæ animos effeminarent. Idem hac in re censes, quod *Gothorum* principes olim, ad *Amalasuntham*, prudentissimam *Theuderichi* viduam, optimam *Athalarici* matrem, venientes

(a) Io. Pedius Tehtinger. in Commentar. de reb. Wurtemberg. Hulderico Principe gestis in Schardji Collect. T. II, p. 57.

(b) M. Cruf. Annal. Sueu. Part. III, lib. IX, cap. 10, p. 516.

tes, expostulabant (c) *non recte puerum Athalaricum, neque, ut regem deceret, educari, multum abesse a virtute litteras: & institutione deiici plerumque, & ad metum incuruari indolem. Qui magna ausurus, qui bello decora sit quisiturus, debere liberum a magistrorum metu, armis tractandis erudiri. Cuiusmodi iniquis & minus intelligentibus existimatoribus dudum ipsi principes atque reges responderunt: ipse etiam iste Eberhardus adseuerasse fertur (d), doctrinae linguarumque cognitione nemini magis opus esse, quam Principi.*

Vt eo, vnde diuerti, ad clarorum videlicet virorum ad Reuchlinum epistolas, redeam. Inter has sunt etiam, quas SEBASTIANVS MVRRO, Colmariensis, ad eum scripsit, quem primum iis sese opposuisse nouimus, qui de Germaniæ limitibus, Francorumque origine ac sede peruersam fouerunt opinionem (e). Io. Cuspiniani præterea, Ioach. Vadiani, Georg. Spalatini, eruditissimorum eloquentissimorumque offendimus ibi epistolas: nec non tales, quas MVTIANVS RVFVS, sæpius in superioribus a me citatus

M 4

testis,

(c) Procop. Histor. Goth. lib. I, p. 143, edit. Elzeuir. 1655, 8.

(d) Declamat. Melanchth. p. 160.

(e) præfat. Peutingeri Sermonib. præm. p. 7. cuius auctor cel. Georg. Schubartus traditur.

testis, ad Capnionem scripsit (f). cuius e-  
mendatum dicendi genus complures magno-  
pere prædicauerunt; sententioso & inciso  
orationis genere eum vsum esse, quibusdam  
consentibus (ff): quale Politiani fuerit; ad  
quod in Italia adfuefactum eum arbitrantur,  
tam excellenti deinceps eruditione virum, vt  
Germanorum doctissimum, sæculi sui *Var-*  
*ronem* atque *Ciceronem*, ac totius Germaniæ  
ornamentum eum vocarint (g). ipse Mutia-  
nus de se ita scripsit: *id scio, nos omni doctrinæ*  
*genere, nedum in sacris litteris & iure, tantum*  
*profecisse, quantum ab homine barbaræ natio-*  
*nis fieri potest* (h). Neque vero CONR.

PEV-

(f) Ex nobili Hassiæ familia ortus fuit *Mutianus*, in  
vrbe Gothana haud vulgaris pietatis deinde *Can-*  
*onicus*.

(ff) Ioach. Camerarius in vita Eob. Hessi.

(g) vid. Vdalr. Zaslî, & citat. præfat. Peutingeri Sermo-  
nib. præm. *Bibliotheca constituenda rationem* quum  
petierit Mutianus a Reuchlino, lib. II epist. illustr.  
vir. ad Reuchl. z. 3. Satis inde apparet, librorum,  
quos collegerit, numerum haud fuisse exiguum, eo  
magis tum mirandum, quo pauciores artis typogra-  
phicæ inuentioni & Mutiani ætati intercesserunt  
anni, & quo tenuiores constitisse ei dicuntur ex Ca-  
nonicatu suo reditus; in vita, quam M. Adamus  
dedit vit. lctor. p. 27. vbi is *omnium studio, orum*  
*unicus patronus & hospes in re quidem tenui admo-*  
*dum fuisse*, ostenditur.

(h) in epistola ad Henr. Vrbanum, quam M. Adamus  
vitæ Mutiani addidit vna cum Aldi Manutii ad



PEUTINGERVS, vir nominis celebritate, *Patricia Augusta* stirpis origine, meritorumque magnitudine conspicuus, nullas ad Reuchlinum scripsit epistolas: quem ob summam vitæ morumque integritatem, & maximam eruditionem amasse, obseruasse, ac veneratum se esse, ipse testificatus est (i). Nihil de incomparabili viro, a plurimis merito suo laudato, proferam in præsentis, nisi, quod eum *Italia* disciplina egregie formatum, inter postremos, qui meliora studia ope & consilio in Germania iuuerunt, censendum negent eruditi: cuius exemplo multi humanitati atque litterarum studiis sese dederint (k): siquidem ea magnificentia in litteris versatus dicitur, ut non ciues solum, sed exteri etiam magno in pretio eum haberent, & ipsæ *Muse Gratiæque communem* quasi patronum sibi delegisse tum viderentur (l). *Filiam Peutingeri Iulianam*, quum adhuc quadrien- nis puellula esset, *Maximilianum* Cæsarem Augustam venientem *Latina* acclamatione,

M 5

quasi

eumd. Urbanum epistola, qua Mutiani doctrinam & humanitatem magnopere laudat Manutius.

(i) lib. II epist. illustr. vir. ad Reuchlin. A. 2, b.

(k) præfat. Peutingeri Sermonib. præm.

(l) Nic. Basselius ap. G. I. Voss. lib. III de Histor. Lat. c. X, p. 652. conf. Rittershus. Commentar. de Vita Pirckheimeri p. 25.

quasi rei publicæ nomine salutauisse, scriptum reliquerunt (ll).

Tantum de priore *clarorum virorum ad Reuchlinum Epistolarum* libro. Ad alterum librum, quod attinet (m); quo cultiori sæculo

(ll) Mart. Crusius Annal. Sueu. P, III, lib. IX, cap. 13, p. 526: qui p. 561 *Isabellam, Georgii Fuggeri filiam, Villingerano Baroni deinceps nuptam, nominat, que lingua Latina exactissime loqui potuerit.*

(m) Prodiit *Hagenœ* ex officina *Anselmi* an. 1519, 4. priore etiam isto libro præmisso; quo extremo hæc leguntur verba: *Mox, lector amice, selectarum adest Capn. epistolarum liber secundus, hactenus typis ac formulis minime aratus. Tertius liber, quem typographus & in præfatione & in calce lib. II promissit, an emissus sit, confirmare non queo: nusquam certe citatum cum me legere memini; neque a cl. Maio cum editum esse, docemur: qui duorum dumtaxat librorum mentionem facit, quantum ego quidem recorder. Thom. Anselmi ad lectores præfatio hæc est: Annis superioribus epistolas non inelegantes illustrium quorundam virorum vobis diuulgauimus, quas illi ad Io. Reuchlinum virum doctrine singularis scripserunt, quibus vos mirifice delectatos esse accepimus, non solum ob earum elegantiam, sed rerum quoque, quas traclant, miram concinnamque varietatem. Qua re cognita, secundum librum ex Chartophylacio Capnionis nostri adiecimus. Quem si una cum prioribus placuisse vobis, cognouero, non pigebit me reliquas etiam in communem studiosorum omnium utilitatem publicare. Præfationi acerrimorum Capnionis defensorum, virorum totius Germaniæ litteratissimorum splen-*

culo pleræque epistolæ, quæ ipso continen-  
tur, scriptæ sunt, eo elegantiores doctiores-  
que eas esse, per se quilibet coniecerit. E-  
nimvero præter complures celeberrimorum

Italo-

*didisimorumque* subiungitur *catalogus*, qui in  
ipso statim libri titulo promittitur; [qui hic est:  
*Illustrium virorum Epistola, Hebraica, Græce &  
Latine, ad Ioannem Reuchlin Phorcentem, virum  
nostra ætate doctissimum, diuersis temporibus missæ,  
quibus iam pridem additus est liber secundus num-  
quam antea editus. Reuchlinistarum exercitum  
pagina inuenies mox sequenti.* Horum agmen ducit  
*D. Erasmus Roterodamus*: plerosque eorum in  
Commentatione hac mea hætenus iam nominaui,  
quidam nominandi restant. In calce II libri se-  
quentia verba leguntur: *Finis additionum ad Epi-  
stolas clarorum virorum ex Chartophylacio secundo.*  
*viri nostræ ætatis celeberrimi doctissimique Io.*  
*Reuchlini Phorcentis. Sequetur tandem liber ter-  
tius, qui erit rerum Romanarum ex Chartophylacio*  
*tertio.* qui an emissus sit, me plane dubitare, modo  
professus sum. neque vero etiam exputare queo,  
quid causâ sit, quamobrem *Christoph. Froschouerus*,  
quum Tiguri lib. I an. 1558. typis suis exscripsit, lib.  
II non addiderit; quum tamen hoc non minus ele-  
gantes disertæque comprehendantur epistolæ, a vi-  
ris longe celeberrimis conscriptæ, quam priore. v-  
trum posterior liber Froschoueri notitiam fugerit,  
equidem ignoro: dummodo Froschoueriana lib. II  
editio notitiam non fugerit meam. si illud fuerit,  
haud leue singularis libri raritatis signum videri po-  
terit. Ego certe in quam plurimis, & publicis &  
priuatis, bibliothecis librum frustra inuestigauî. nec  
in copiosissimarum celeberrimarumque bibliote-

Italorum atque Græcorum quorundam doctissimas epistolas non paucae ibi occurrunt, quas *Desid. Erasmus, Herm. Buschius, Herm. Comes Nuenarius, Vlr. Huttenus, Io. Casarius, Henr.*

carum catalogis eum reperi. Quid, quod clarissimus Morhofius, quem diligentissime de Epistolographis commentatum nouimus, neque prioris neque posterioris libri mentionem fecit: id quod sane miror; quum vterque dignissimus mihi videatur, qui inter recentiores epistolographos, si non primo loco, inter primos saltem ponatur; praesertim a Germanis, quum temporum, quibus litterae in Germania renatae sunt, historiam quam maxime illustrent: controuersia in primis, quae Reuchlino cum Colonienfibus fuit, optime ex iis cognosci potest. Quod *Erasmi Epistolas* ad Reuchlinum scriptas, quarum quinque libro II reperiuntur, eaque elegantissimae, *Londinensi editioni* haud inferuerint; cui tamen praefationes Erasmi adiectas esse nouimus, est etiam, quod mirer: testari id simul posse arbitror, librum inuentu satis esse difficilem. Vtrum quinque istae epistolae augmento, quo *Batavi* Erasmi Epistolarum editionem nuper locupletarunt, accesserint, confirmare non possum; quum nitidissimam istam & pretiosissimam Erasmi Operum editionem in terris his inuenire non potuerim. Vtunque res habeat: clarorum virorum ad Reuchlinum epistolas, praesertim posteriorem harum librum in paucissimorum manibus esse, scio. Quod quum cogitarem, me non ingratum amicis lectoribus facturum, arbitratus sum, si plurima inde excerpta darem, quae ad argumentum, quod tracto, pertinere quodammodo videbantur: vt vel ex his ipsis excerptis de Epistolarum elegantia statuere illis liceret, quibus euol-

*Henr. Glareanus, Eob. Hessius, Er. Cordus, Nic. Gerbelius, M. Lutherus, Ph. Melancthon*, alii, ad Reuchlinum scripserunt: quorum grauisissima de eiusdem meritis iudicia atque testimonia hactenus a me sunt adducta: & de quibus singulis plenior paullo post iniicienda erit mentio: quoniam mirifica eorum in purioris Latinæ linguæ studio inter Germanos concitando exstitit opera, plurimi a posteris perpetuo facienda.

### Quum

uere eas haud contingit. Rectissime de istis statui posse, ego mihi persuadeo, quod olim magnus Iureconsultus, *Matth. Wesenbecius*, de non ita multis *Victor. Strigelii*, & aliorum clarorum virorum, epistolis, quas *Papiniano* suo *Witteb.* an. 1569, 8. edit. subiunxit, statuit: *Magna pars eruditionis, multaque sermonis festiuitas, in eiusmodi piorum hominum schedas est recondita: eademque latere mores cuiusque non sinunt, & velut in speculo virtutes adimitandum, vitia ad cauendum representant: multa pietatis, crucis, inuocationum, liberationum exempla proponunt: seruiunt historiæ temporum, memoriamque rerum cognitione dignarum conseruant: in dubium ut venire nemini debeat, quin eiusmodi institutum (edendi claror. virorum epistolas) & moribus & studiis dicentium plurimum adiumenti adferri possit.* Quare de reliquo prioris epistolarum libri editionem, quam *Froschouer*us dedit, citandam potius putauerim, quam illam, quæ *Anshelmo* debetur, causa hæc est, quod, quum huius editioni paginæ additæ non sint, difficilius ideo citanda mihi visa sit.

Quum de reliquis etiam Dringebergii discipulis, fidisque Reuchlini amicis, & vindicandæ in Germania Latinæ linguæ adiutoribus, quædam proferenda putem; vtpote quorum non minus, quam reliquorum, quos hætenus nominaui, epistolæ ad Reuchlinum, velut communem Præceptorem, in binis istis epistolarum libris exstant: IO. CAMERA-RIVS DALBVRGIVS, *Wormatiensis Episcopus*, primus inter eos nominandus videtur: cui *Rud. Agricola* & *Io. Reuchlinus* tanta beneficia accepta retulerunt, vt longe munificentissimum eum venerati sint Patronum; immo quem omnes boni renascentium in Germania humanitatis studiorum summum coluerunt fautorem atque Mæcenatem (n). dum singulos eruditos illis caritatis benevolentiaque officiis tam cumulate profecutus est, vt ædes eius tutissimum ipsis præbuerint asylum. Primus & solus habebatur, qui trium linguarum peritissimus elegantiora studia in *Heidelbergense* lyceum intulerit, & qui ea ab indoctis, incultisque veteratoribus defenderit; adeo, vt nullæ tum fuerint litterarum deliciae, nulla Germaniæ Musa, quæ non in eius laudes adspirarit, ab exteris etiam magnifice laudati (o). *Iacobus Sadoletus*, quum

(n) M. Crusius Annal. Sueu. P. III lib. IX, c. 8, p. 508.

(o) in vita Io. Reuchlini a cel. Maio conscr. p. 189.

quum matrem eius decessisse inaudiuerat, *Philosophicam istam Consolationem* (p) ad eum misit: quæ præconiis, quibus optimum Præfulem ornandum putauit, est refertissima. quo hæc etiam verba spectant (q): *Quum sis utriusque lingue doctissimus, ac scientiæ ciuilis pontificalisque consultus, & in omni genere disciplinarum vel vnicus ætate nostra, longe consummatissimus, adeo, ut pro exquisita illa, & certe rarissima diuinarum humanarumque rerum cognitione, qua polles, in vniuersum, & quasi ex toto, nihil in te desiderari possit:*

(p) quam Ioach. Camerarius, Ioach. Fil. cum quibusdam optimi Parentis sui & Io. Sambuci eiusdem argumenti lucubrationibus primus in lucem edidit, Erf: 1577, 8. ap. Andr. Wechel. postquam Camerarius Pater eam ab Sambuco illo tempore, quo coniuge sua orbatus erat, acceperat manu scriptam, cum similibus argumentis publicandam. quod quum Pater perficere non potuerat, (qui in litteris ad Sambucum, se de epistolis & aliis quibusdam non inutilibus scriptis proferendis aliquot annos frustra laborasse conquestus est, quod typographicæ officinæ scriptis, quibus vulgus tum maxime delectabatur, fuerint occupatæ) filius demum peregit, elegantissimam Parentis *Meditatione in aduersis*, cum aliis eius & Sambuci scriptis, adiecta. De Sadoleti Consolatione Sambucus in epistola ad Camerarium pag. 124 iudicauit, eam ab auctore admodum iuueni conscriptam esse, in qua primæ Ciceronianæ exercitationis apparerent indicia.

(q) pag. 10. seq.

possit: quod ad summum virum, praestantissimum sapientiae doctorem, optimum praesulem, pertinere videatur. Extrema consolatione cum ita alloquitur, posteaquam optimarum artium amplificatoris laudem ei quoque attribuerat. *Vbique magnus occurras, ut omnes omnium gentium oratores, omnes nationes te suspiciant, obseruent & admirentur, quod admodum paucis evenit, vnicuique diligant, singulariter & vehementissime ament, mirificis laudibus ad caelum efferant* (r). Hic ipse Dalburgius est, in cuius honorem inusitato plane in Germania exemplo, magnoque simul cum plausu, *Comedia Latina* ab adolescentibus quibusdam studiosis acta est, idque optimis *Reuchlini auspiciis* (s). Is ipse porro est, pro quo *Rud. Agricola* supra citatam orationem coram Pontifice habuit; & cuius summa humanitas ac munificentia eundem *Agricolam Heidelbergam* pellexit; seu ut eius consuetudine seipse ad recte scribendum adsuesset, seu ut iuventus haberet stili formatorem (\*). postquam *Episcopus Wormatiensis* factus erat, per *Theod. Plinium*, infra pluribus lau-

(r) p. 98.

(s) cl. Maii *Vita Reuchlini* p. 188. conf. M. Crasius, *Annal. Suev.* P. III, lib. IX, c. 8, p. 508. & D. Chytræus in *Saxonia*, ad an. 1497. lib. III. pag. 81.

(\*) *Phil. Melanchth. de Vita R. Agricolae* T. II *Declam.* p. 451 seq.



laudandum verbis, confirmauerat ei, se tanto propensiore in ipsum futurum esse munificentia, quanto paratior tunc, quam antea, quum *Electoris Palatini Cancellarius* fuisset, foret sibi facultas: curaturum, omnique operaenixurum se pollicitus est, vt appareret, Dalburgium *non sibi magis honore rebusque auctum esse, quam Agricola*, longa consuetudine coniunctissimo suo amico; cum quo cuncta diuisurus, & communia omnia habiturus esset. Quæ singula liberalissime præstitisse bonarum litterarum cupidissimum Præfulem, ipse Agricola grauisimus testis est (f): cuius caussa domi suæ Iudæum, ad Christianam religionem paullo ante conuersum, aluit, vt Hebraicas ex eo addisceret litteras.

Eiusdem etiam huius Dalburgii atque Agricolæ fama permotus CONRADVS CELTES, *Protucius*, Dringebergii itidem discipulus, Heidelbergam abiit, vbi oratoriæ atque poeticæ tanta cum laude operam nauauit, vt, posteaquam egregiis in Italia vsus fuerat magistris, primus omnium Germanorum poeticam lauream a *Friderici III* Imperatoris manibus acceperit. de Latinæ linguæ studio subleuando tam præclare deinceps meritus, vt *eloquentiam Romanam*, quantum Germano

N

fal-

(f) Lucubration, pag. 200, 205, 215.

saltem homini concessum tum fuerit, *primus in Germaniam perduxisse* nonnullis videatur (sf).

Ad HENRICVM BEBELIVM, *Instingensem*, qui ex toties laudati Dringebergii schola cum tot eximiis viris aliis prodiit, & a *Maximiliano I* laurea donatus est, quod attinet; ipsa viri ætas illis eum adnumeravit, qui Germanicam rationem Romanæ linguæ splendore ornare ac illustrare cœperint. Multum profecto ad rem litterariam amplificandam contulit: siquidem in *Tubingensem* academiam omnium primus mansuetiores Musas, tersamque Latinitatem sanis persuationibus inuexisse putatur; frequentique auditorio poetas, oratores, ac historicos explicando fœdam barbariem inde pepulit (t): ita, vt ad Reuchlinum scribens *Politioribus litteris præfetti* titulum iure vsurpare potuerit (tt). Quæ ratione litteræ, quæ per tot sæcula delituerant, ex tenebris sese sensim emerferint, ex Bebelii huius epistola quadam ad Reuchlinum scripta cognosce realiqua ex parte licet: qua ex eo sciscitatus est, quomodo voces *Kyrie eleison, Euangelium, Metamorphosis, Sophia* essent

(sf) Adami Vit. Philos. p. 29. seqq.

(t) Mich. Coccinius ap. M. Crusium, *Annal. Sueu.* P. III, lib. IX, cap. 10. pag. 516. & in Adami Vit. Philosoph. p. 26.

(tt) clar. viror. ad Reuchlin. epist. p. 35.

essent pronuntiandæ(u)? quarum rectam pronuntiationem priusquam illa epistola, qua respondit Reuchlinus, ostendit, iocose oppido Bebelium compellauit (v): *Sed heus tu, mi Bebeli, cur a me veterano, & ludi litterarii emerito milite, grammaticum opificium quaeris? cuius & dux & imperator ipse in Musarum castris quotidianum exercitum agis. Redigere me vis ad incunabula & vagitus puerorum.* Pari modo Iodocus Gallus Rubeaquefensis, litterarum Græcarum rudis, per litteras ex Reuchlino quaesivit, num in illo Matthæi: *Vidimus Stellam eius, & venimus adorare*: *τὸ venimus*, sit *presentis*, an *præteriti temporis* (x)? Quanti de reliquo Bebelius fecerit Reuchlinum, quem *Præceptorem* suum appellare consuevit, supra a me declaratum est,

BEATVS RHENANVS, *Selestadiensis*, in illorum etiam refertur numero, qui ab ineunte ætate magistros audire maluerunt, qui aut vtramque linguam Græcam & Latinam tenebant, aut sermonem Latinum ad elegantiam artium potius, quam ad earum depravationem fœditatemque tradebant. id quod vel sua sponte, vel familiarium hortatu, vel

N 2

exem-

(u) *ibid.*(v) *ibid.* p. 35, b. (x) M. Crusius in *Annal. Sueu. P.* III, lib. IX, c. 10, p. 516.

exemplo aliorum fecisse Rhenanum, *Io. Sturmius* dilucide demonstravit, utpote qui vitam eius elegantissime scriptam reliquit (y); præclarisque eius in litterarum studia meritis explicatis, ostendit, optimum virum Græcæ & Latinæ linguæ scientiam, litterarumque iuvandarum studium *Io. Cononi, Norico*, qui sub eruditissimorum Italiæ hominum disciplina profecerat, vltro debuisse. *Ios. Scaliger* tanti æstimavit Rhenani merita, ut eum doctissimis Germanorum adnumerarit, cui non Germania solum, sed omnes quoque eruditi in *antiquitatis & veterum auctorum restitutione* plurimum debeant (z). Idem *Mart.*

*Dorpius*

(y) eam *M. Adamus* integram fere dedit in *Vit. Philosoph.* pag. 132 seqq. verum illa in primis, quæ *Sturmius* de religione retulerat, omisisse *Adamum*, est, quod miror. quo hæc verba pertinent: *quamvis constat, sincerioris Theologiæ ipsum fuisse studiosum. De Erasmo fertur, quod vicerè solebat, Lutheranos bonam comædiam male agere. eius ipse principio opinionis fuit, sed ætate accessit propius, ut idem sentiret, tametsi idem non tueretur dignus sane vir cuius religionis causâ committi debuerit, si iudicibus fuisset opus: propter probitatem, veritatem, doctrinam, iudicii acumen, id quod in scriptis perspectè exstat. eodem hæc etiam verba pertinent: Veniamus ad religionem, in qua aliqui fortem eum non fuisse culpant: quod quum probaret nostram, partes eius non suscepit.*

(z) *Scaligeran.* I, p. m. 129, II, p. 204.

Dorpius in epistola ad Erasmum censuit (a): *Rhenani scilicet sedula in castigandis optimis auctoribus vigilantia omnes doctos adiutos sese profiteri, viri, qui re fuerit beatissimus, & cuius solo nomine exsiluerit: cuius quotidiana pene consuetudine, doctissima pariter & mellitissima, ipse Erasmus sic se delectatum, passus est, ut hac re se plane putarit esse, quod ille dicebatur, & ut ipso hoc amico nihil sibi fuerit amicus; cui diuini ingenii sui monumenta dedicare non dubitauit* (b).

*Rhenani* popularis, eiusque ætati suppar fuit IOANNES SAPIDVS, qui eodem isto *Dringebergio* præceptore adolescentulus vsus, tantum laudis deinceps consecutus est, ut vnus ex felicioribus sæculi istius ludimagistris haberetur; qui, barbaris scriptoribus iuuentutis aures personantibus explosis, classici auctores eorum in locum, puriusque dicendi genus introduxerat: ab summis eo nomine ætatis suæ viris, quorum numero Erasmus, collaudatus. Idem dicendum est de altero *Rhenani* populari IAC. WIMPHELINGO: quem maiore in obseruantia propter ætatem & æstimationem, quam in amicitia propter iuuentutis studia inter familiares, & modo laudatos ciues fuisse, Sturmius te-

N 3                    statur

(a) Erasmi epist. lib. VII, ep. 1. (b) Pirckheimer, Epist. lib. miscel, ep. 23, & 29.

statum (\*). Inter plurima eaque insignia præconia, quibus Erasmus Wimpelingum condecoravit, haud postremum est, quo confirmavit, *tantum eloquentiæ, tum in carmine, tum in oratione soluta, cum prestitisse, quantum vel a theologo, vel ab illorum temporum homine potuerit requiri* (c).

Quo longius plerosque hætenus commemoratorum a me virorum, optimorum boni Dringebergii discipulorum, & in rem publicam & litteras instaurandas meritorum magnitudine superavit BILIBALDVS PIRCKHEIMERVS, *Patricius Norimbergensis*, eo maiore iure, si dignitatis gradu atque ordine singulos collocaturus fuisset, primus a me poni debuisset. quandoquidem præter amplissimos honores, quibus patria & pacis & belli temporibus eum subinde exornavit, potentissimorum Imperatorum, *Maximiliani I.*, huiusque nepotis *Caroli V* a consiliis fuit. Quod de *Catone Censorio* proditum est, quod simul & bonus *imperator* fuerit, & *senator*,

(\*) in vita B. Rhenani.

(c) epist. 10, lib. XXIII, quæ ad eundem Io. Vlattenum scripta est, cui Erasmus Ciceronianum suum dedicavit, in cuius ipsius defensionem multa epistola ista profert. qua postquam de *Wimpelingi* morte egit, addit demum: *Annum attigit peno octogesium, diutius etiam victurus, si corpusculi deficientis rationem ullam habere voluisset.* conf. M. Adam.

nator, & orator & paterfamilias, idem de Pirckheimero vere adfirmari posse, *Conr. Rittershusius*, cui luculentissimum de Vita eius Commentarium debemus (d), censet: & quum ipsum hunc Catonem superauerit in nonnullis rebus Pirckheimerus, ab omni sæculorum memoria per paucos repertos esse existimat Rittershusius, qui tot tantisque virtutibus fuerint præditi, quantis eum prædictum fuisse, ostendit: præsertim quum litterarum harumque cultorum tantus exstiterit vna patronus, ut *ades eius*, æque ac Ioannis Dalburgii, *eruditorum hospitium*, seu *diuersorium* habitæ sint (e). Hinc Io. Casarius, doctissimis ætatis suæ viris adnumerandus, adulationis nomine suspectus esse non potest, quando ad Reuchlinum scribens (f), Pirckheimerum *rarum inter Germanos miraculum* adpellauit: namque Erasmus satis etiam comprobauit (ff), *tantum viro in terris his obtigisse felicitatis, quantum paucissimis mortalium obuenire soleat*; alibi commonstrans (g), *rarisssimam* prorsus *sæculi istius a-*

N 4

uem

(d) Operibus Pirckheimeri a M. Goldasto Trf. 1610, fol. editis præmissum. Comparatio ista reperitur p. 21 seq.

(e) Commentar. pag. 23. (f) lib. II epist. illustr. viror. ad Reuchl. x. 4, b.

(ff) lib. XXVI, ep. 33. (g) epist. Pirckheimer. lib. miscell, ep. 22.

uem fuisse virum, qui tam eximiam eruditionem cum tanto fortunæ splendore, rursum cum hoc tantum comitatis & humanitatis copularit, & qui cum ipso & compluribus Germaniæ eruditis amicitiam conciliare haud sit grauatus. Ipsi adeo Itali, inuidi satis alioquin Germanorum laudis fautores, præter gentis & animi nobilitatem, excellens vtriusque litteraturæ studium in Pirckheimero admirati, eum vnum & multis popularibus & Germanis prætulerunt, qui in magnis semper negotiis versatus, principibusque acceptissimus animum ad elegantiores Musas primus applicarit; & veram rectamque studiorum ingressus viam, *eloquentiæ vim atque ornatum ad sacram rem iuuandam contulerit* (h). Pater etiam eius *Ioannes Pirckheimer* Germaniæ Musas admodum iam sibi deuinxerat, quod Senatui Norico auctor existerat constituendi publici professoris, qui oratoria & poetica facultate pollens salario publi-

- (h) *I. Bapt. Egnatius* epist. Pirckheimer. lib. misc. ep. 70. qui epist. 71 audacter sic professus est Pirckheimero; *inuideo plane tantæ virtuti tuæ, inuideo huic laudi, inuideo non solum patriæ, quæ te genuit, verum etiam uniuersæ Germaniæ iam tuæ, quæ nostræ Italiæ hoc alumno præferre se, & ostentare nobis suo iam iure potest. Neque enim ille iam superest, quem tibi non modo præponere, sed nec quem tecum conferre habeat.*



publicitus præbito ad Italicarum quarumdam urbium morem doceret (i). Quanto favore filius profecutus sit litteratos, præcipuorum eius *amicorum Nomenclatura*, Rittershusii Commentario adiecta, maxime declarat : qua plerorumque Latinæ linguæ vindicum a me laudatorum leguntur nomina. Quanti Reuchlinum fecerit, vel ex pluribus supra a me prolatis testimoniis cognosci potest. enimvero hunc arctiori vinculo adstrictum ipsi fuisse, complures perhumanæ utriusque epistolæ, quæ supersunt, nos edocent : cui etiam in exilio rei familiaris inopia nonnumquam laboranti, & amici opem imploranti prompte liberaliterque succurrit (k) : pulecrrimam præterea pro ipso

N 5

emit-

(i) Rittershus. Commentar. p. 23, & Contr. Celtes in Urbis Notibergæ descript. cap. 12, fin. quæ Franc. Irenici Exegesi Germaniæ subiecta est.

(k) Eo Reuchlini res erant redactæ, ut ad Pirckheimerum scribere necesse habuerit (Pirckheimer. epist. famil. lib. miscell. ep. 9.) *Fugi pestem, fugi gladium, utinam effugerim famem! Ferme namque hoc Marte decoxi, dum a nobis tyrannus nostra vi abstulit, & bis victores, bis nocuerunt Semisus autem homo sum, quia dimidium animæ meæ Bibliothecam plusquam dimidiatam domi reliqui, & ego cum minutis libellis, ut in tanta velocitate perfugii fieri potuit, Angolopolin, quam Ingolstadium appellant, me corripui, multis de causis. Quam benigne ac munifice opitulatus sit Pirckheimerus Reuchlino in his*

emittens *Apologiam* (1). Magnus autem Erasmus Pirckheimero id, quod Ciceroni *Atticus* quondam fuit, exstitisse, Rittershufio

angustiis, ex epist. 10 cognoscere possumus, qua ad Mæcenatem hunc suum, quem epist. 13 *tempestatum suarum anchoram* vocavit, & *mirificam spem suam*, scripsit: *Omnia magnifica Bilibaldi mei, omnia heroica, animus quoque. Id adco nuper, atque non tum primum, experiebar. Ac præter formam tuam cetera oculis ipse meis vidi & manu tetigi. Superabas omnia vota mea quam munificentissime. Argentum petii, aurum misisti, neque id solum, quod erat, sed plura pollicitus, si pluribus egere cœpero. Et qui hætenus fueram bibula vñs papyro, quæ atramentum sorbebat, volebam chartas vel Fannianas: tu non vniusmodi generis, sed & augustam fortassis & Perotham addidisti. Desideravi pavonum pennas, ut quandoque lecta describerem: tu me olorinis donasti plus quam egregiis, ac ne deesses officiosa amicitia, calamos etiam Niloticos, vel quæd potius reor, Cnidios ad scribendum aptiores misisti: & gladiolos incisioni commodissimos. Vix credere possis, quam ex hilararis ultro neum exilium meum. Quo facilius sæculi istius mores adpareant, quin ex eadem Reuchlini epistola nonnulla adiiciam, temperare mihi non queo. quibusdam interiectis ita pergit: *Iam nihil est, quod amoris erga me tuo non persolueris, quamquam intemperans ego, rerum puerilium æquo cupidior esse videor, quo futurum est, quod te posthac pluribus impetere haud cessauero. Nunc enim venit in mentem, ex iis crepundiis forsiculam esse oblitum me, ad pilos narium adimendos: & triplicis magnitudinis chordas ad exornandam citbaram, qua sæpe mecum solus commodata vtor, si quan-**

sio visus est (ll). qui Bilibaldum hunc suum  
 Duumuiris istis, Reuchlino atque Erasmo,  
 fidelem

*do post immoderatum & crudelem patrie casum a-*  
*nimo consternato sedare cholera molior. Et mi-*  
*rum tibi videri potest, in tanta ciuitate, quoru habi-*  
*to, nihil horum esse venale, nisi vetus, id est, quod le-*  
*gistis: Deserta Boiorum regio. Male vero mihi sit,*  
*Bilibalde, si cupiam, te cum opera etiam peruidisse*  
*impensam. quapropter in apocha, quam his inelusam*  
*litteris tibi securitatis causa mitto vnum adieci au-*  
*reum ad ea, quæ meo nomine in reculas erogasti.*

- (1) Continetur *Apologia* hæc præfatione, quæ *Luciani*  
*dialogo, Pifcator* inscripto, & a Pirckheimero in  
 Latinum sermonem conuerso, præmissa est, a Rit-  
 tershusio p. 24 *Comment. insignis* dicta. Erasmo  
 quoque Pirckheimerus solito facundior in ea visus  
 est; quod fortasse pectus quoque ipsum reddiderit  
 eloquentem, non tantum ingenium aut eruditio.  
 at *catalogus Reuchlino fauentium* ipsi isti doctissi-  
 mo alioquin libello, siue præfationi, adiectus non  
 admodum placuit Erasmo. *quis enim, quærit,*  
*usquam illi non fauet, eruditus aut pius? quis non*  
*istam execratur belluam, nisi qui aut causam non in-*  
*telligit, aut publico malo suis consulit commodis?*  
*epist. Pirckheimer. lib. misc. ep. 25, Prodiit Dialo-*  
*gus Noriberg. 1517, 4: Laur. Bebeym, Babenbergensi*  
*Canonico, cuius doctrina mirifice laudatur, qui*  
*Græca & Latina facundia ita excelluerit, vt nemo*  
*ipsi ætate sua præferri potuerit, dedicatus. Non ita*  
*procul ab initio præfationis scribit Pirckheimerus:*  
*Sunt, qui contra Christianam institutionem ac bono-*  
*rum morum honestatem, in optimum & accuratissime*  
*doctum virum Ioannem Reuchleyn plaustra conuiciis*  
*plena exonerare, tam petulanterque facundiam ca-*  
*ninam exercere non erubuerunt. Extrema præ-*

fidelem in expugnanda barbarie παρασάτην ac socium se praeuisse, meritissimo prædica-  
uit. Nam quum præter reliqua litterarum genera humanitatis in primis studia, Italo-  
rum, apud quos iuuenis studiorum caussa commoratus erat, exemplo adductus, dili-  
genter excoluerat, ita, vt, Græce Latineque doctissimus, Reipublicæ suæ caussam facun-  
disime, non sine summa audientium admi-  
ratione, perorare semper consueuerit: &  
quum facili quoque ac eleganti versus scri-  
bendi præditus fuerat vena. bonas litteras  
quam maxime volebat adiutas; sedulo cu-  
rans, vt vetustis auctoribus suis restitueretur  
nitor

fatione hunc ita compellauit: *Nibil deerat, quod  
virtutum tuarum cumulo accedere posset: maximis  
honoribus functus eras, eam vitam exegeras, quam  
optimus quisque etiam votis expetere deberet, in te  
natura omnes vires suas contulerat, eruditione vber-  
tim excellueras, litteris Latinis ornamento fueras,  
Græcas ferme primus Germania intuleras, Hebræas  
non absque singulari industria & ingenti admiratio-  
ne didiceras, felicissimi ingenii tui quam plurima,  
sed non vulgaria monimenta reliqueras: tam nu-  
merosis igitur artibus, ac supra captum cogitationis  
arctis, cursum compleueras, ac solum hoc deerat, vt  
a lueritate aliqua insigni animi tui magnitudo pro-  
baretur, ac tamquam aurum igni examinaretur. en  
ocasio tibi oblata est egregia, qua fortitudinis, con-  
stantiæ, ac probitatis tuæ specimen singulare prebe-  
re posses.*

(ll) in Commentar. de Vita Pirckheimer. p. 4, 15, 24.

nitor atque dignitas. Quarum litterarum dulcedine *Sorores* adeo eius, *Charitas*, & *Clara*, captæ, tam doctæ euaserunt, vt ad eruditissimos æui istius viros *epistolas Latinas* de arduis sæpissime rebus miserint (m): & *Charitatis*, quæ Ordinis *Sanctæ Clare* in Cœnobio Norimbergensi *Abbatissa* fuit, *Epistolarum liber* etiamnum existet (n). Neque *filia*

(m) ibid. pag. 3.

(n) inter Pirckheimeri opera p. 339 seqq. Ea ipsa est, cui *Conr. Celtes Rosuite Carmina* nuncupauit: de qua ea epist. II Celti rescribit: *Verificatum est in illa prudentissima virgine illud Apostoli: Infirma mundi eligit Deus, vt fortia quæque confundat, laudanda est pro certo gratia almi pneumatis, quæ istud ingenium virginicum tantis splendoribus scientiæ & industriæ decorauit illustrauitque. Extollenda atque laudanda vestra humilis diligentia, qua studuistis scripta & carmina muliercule in lucem producere, atque arti impressoriæ tradere, non spernendo fragilem sexum, humilemque statum sanctimonialis paupercule.* Chr. Scheurl. ep. I eandem Charitatem his alloquitur verbis: *Super ingenii muliebris captum ad tantum litterarum fastigium peruenisti, vt epistolas scribas, & orationes componas, subtiles, elegantes, Latinas, eruditas & quamquam virginali quadam gratia dulcissimas: tamen etiam mira sententiarum grauitate refertas.* In præfatione, quam *Plutarchi* libello de *Sera Numinis vindicta* ab se *Latine* facto, præfixit Pirckheimerus, natu hanc maiorem sororem sic compellat: *Non eo solum mihi chara es, mea charissima Charitas, quoniam oror germana, eisdem orta parentibus, arctissimo nature*

*lia Pirckheimeri Catharina* Latinarum litterarum

ac sanguinis vinculo mihi astricta es, sed quæ & præter vitæ institutum laudabile tibi cum eruditione commercium est, bonarumque disciplinarum præcipuo teneris desiderio. Sortita est familia nostra ultra honores, aut, ac opes [quibus iam diu floruit] præclaram hanc, bonitate diuina, gloriam, ut longa serie, non solum viris ornaata fuerit eruditissimis, Christianæque pietati arctius addictis, sed & feminis decorata religiosis, ac impenitē doctis. De ambabus suis sororibus ad Erasmum ep. 26 lib. misc. scribit: Salutant te gemine meæ sorores, Abbatissa S. Clara una, altera eiusdem regule seclatrix, quæ assidue tuæ scripta manibus retinent: maxime vero iam nouo oblectantur testamento: quo mire adficiuntur mulieres, multis viris, qui sibi scioli videntur, doctiores. Scriberent ad te Latine, nisi indignas suas existimarent litteras. Singularem certe Charitatis epistolæ spirant pietatem. quarum III C. Celtem ira hortatur: Recogitate peto, insignissime Doctor, qui sapientissimus hominum post inuestigationem omnium sub sole fatetur: Vanitas, inquit, vanitatum, & omnia vanitas, & afflictio spiritus, plenitudo autem sapientie timere Deum: si ergo omnia vana sunt, præter Deum timere, colere & amare, cui seruire regnare est, utique vanitati non est adherendum, sed omni celeritate ad certissimam veritatem, quæ in sacra Scriptura recondita est, recurrendum. Mixticum eadem epistolæ præ se ferunt in optimum fratrem amorem: quem dulcissimum suum præceptorem nuncupate consuevit Charitas: in ep. VII cum ita compellat: Dabis veniam meis incultis atque incongruis litteris, quas ideo ad te exaravi, ut habeas occasionem corrigendi meam ruditatem, ceterasque incongruitates in lingua Latina, cuius mini-

rarum studiosa non fuit (o). Ipse vero singulari in Musas fauore id meritus est, quod doctissimus Italus prædixit fore (p); ut nulla ætas tacitura videatur, qualis in doctos & bonos viros exstiterit Pirckheimerus, & ut post fata etiam singulare patriæ & totius Germaniæ colatur ornamentum: velut is, *quo duce primum efflorescere cœperit apud Germanos eloquentia*; quam & morum pietate & fortunæ splendore illustrarit, & qua tantum in legationibus, quas subiit creberrimas, valuerit (q): longe dignissimis, qui Germanis in exemplum adsumatur, ut & ipsi acriori studio litteras adiuuent (r); stupentes ferme, tan-

*me sum perita, quum nullum unquam habuerim præceptorem, præter te, germanum meum amantissimum, quem non solum amplector fraterna charitate, ut meum fratrem unicum, sed etiam veneror, ut patrem fidelissimum, præceptoremque colendissimum, cuius correctioni per omnia me humillime subiicio; desideroque cordatissime, ut aliquando nacta opportunitate non dedigneris venire ad nos, causâ informationis, quia etsi quid moaicum mediante Dei gratia ex diuina scriptura intelligo, tamen nescio intellecta mentibus iuencularum meæ eruditioni commissarum satis imprimere*

(o) M. Crusii Annal. Sueu. P. III, lib. III, c. 4, p. 147.

(p) Egnatius ep. 70 Pirckheimer. lib. miscell.

(q) Erasmi Ciceronian. p. m. 380.

(r) Franc. Irenici Exeg. German. lib. III, c. 3, & in Rittershus Commentar. p. 39.

tantum litterarum vni viro superesse potuisse, inter tot curas distracto, & qui plurimam temporis sui partem inter iuris ciuilis pugilares transmiserit. Quamquam enim fuerunt inter iurisconsultos ætati ipsius supbares, qui reprehenderunt, quod, veneranda & fructifera legum maiestate neglecta, ad *sterilia* ista, & vt ipsi contendebant, *inania* diuerterit studia; quum neque amici boni consulerent, quod tot publicas priuatasque curas litterarum etiam degrauarit incommodo. Quamquam porro exstiterunt, quibus, quum sacras quoque litteras tractare ipsum cognouerant, leuiora, quam existimatio, aut legalis doctrina admitteret, versare visus est. quem milites non minus quondam deriserant, quum eum *in castris nonnumquam libellos manibus tenere, ac inter bellicum furorem lecti-  
oni operam impendere*, viderant (s). Quemlibet tamen in hac tam ambitionis, quam lucri contemptione irridere facile passus est prudentissimus vir: vtpote qui, nullum plane studium, dummodo honestum, bonoque viro haud culpandum fuerit, vile sibi exstitisse, confirmavit: quum nec *gloriam*, cuius satisfactio

(s) Pirckheim. epistol. dedicat. lib. ep. 2 & 6. Germanos enim adhuc tum persuasum sibi habuisse addit, *litteris animum effeminari virilem, nec quemquam  
mam strenuum pariter & eruditione clarum esse  
posse.*



tietas ipsum tum tenuerit, venari, nec *diuitias* quærere decreuisset? Speraueat simul, pas-  
suros vicissim fore suaues istos viros, rigidos-  
que censores, Pirckheimerum aliquantulum  
animo suo morem gerere, suisque non peni-  
tus aspernandis perfrui deliciis : præsertim  
quum nec ipse multiuariis eorum inuidisset  
voluptatibus, & fata ita tulisse credidisset, vt,  
quum alius aliis indulgeret oblectamentis,  
ipse interim, tamquam plane a negotiis fe-  
riatus, in *pistrino litterario sese torqueret*, non  
*sine bonæ valetudinis dispendio, amicorumque*  
*obiurgatione, vulgi denique risu ac subsanna-*  
*tionē.* Si qui vero conuiciis publice priua-  
timque ipsum sunt infectati, velut *Reuchlini-*  
*stam* : tantum abfuisse, scripsit (f), vt insa-  
nas hominum contumelias , confarcinata  
mendacia, & egregiorum Theologorum ob-  
trectiones ægre tulerit (sf), vt periculum

O

immi-

(f) *ibid.* ep. 8. b. quæ scripta est ad illustr. Comitem  
Hermannum de Nuenar. cui Luciani dialogum  
quemdam dedicauit.

(sf) in *Append.* epist. 14. p. 401. scribit : *tantum abest,*  
*vt ære feram, si Reuchlinista appeller, vt etiam ma-*  
*xime ob illius amicitiam glorier, viri, quem nec im-*  
*probi laudare digni existunt, possem & ego contra in-*  
*sanientes insanire, ac non solum crimina, sed & ful-*  
*mina iacu ari, utpote rhetoricis attritus exercitiis,*  
*nec alibi latior pateret campus, seu uberius daretur*  
*materia, siue in veteratorum istorum vitam scelera-*  
*tam, moresque peruersos inuehi, seu crassam. ac supi-*

imminere sibi timuerit, ne eius rei gratia se aliquem esse putaret, & plus æquo sese efferret: & ut eorum tam dicta, quam facta sempiterna potius obliuione delenda, quam vllis litterarum monumentis committenda existimarit. Eo enim res deuenerat, ut optimus quisque Reuchlini litterarumque hostium conuiciis magis delectaretur, quam eorum præconiis. Enimuero quum optimum, doctissimum & innocentissimum Capnionem laudibus extulisset Pirckheimerus, & a calumniatorum obrectationibus vindicasset, ab omni plane scelere innocentem eum ostendens: Germaniæque nobilitatis decus, & litterarum columnen, Huttenum, plus æquo præconiis decorasset: illas obortas adfirmat lacrimas, & has ipsas causas existitisse, ob quas non solum *degener, impudens, contumeliosus, indoctus*, sed etiam *blasphemus, impius, & hereticus* sit appellatus (t). Qualia inepta conuicia prohibere haud potuisse adseuerat; quo minus ipse, quemadmodum olim in bellicis rebus *Martialium copiarum dux* fuerit,

*nam eorum ignorantiam carpere luberet, verum absit, ut imitator eorum sim, qui ob virulentam lingue rabiem merito reprehenduntur, & quæ sequuntur. Epist. 19 Hutteno fatetur: Nec mihi tam Lutheri quam Capnionis amicitia nocuit, cuius inimici præcipue me infestant.*

(t) epist. dedicat. lib. p. 242 ep. 8.

rit, ita tum in *Reuchlinianis castris ordines gerens*, non ignauus repertus sit ἀλεξίκακ(α). (tt).

Tantum de *Dringebergii*, Westphali, optimis

O 2

(tt) ibid. ep. 13, p. 246. Quod si plura de excellentissimo Pirckheimero cognoscere cupis, Lector, præter citatum Rittershusii de vita eius Commentarium, sane quam elegantissimum, toties allegatos a me epistolarum libros, Operibus ipsius subiunctos, euolvas velim. præter enim eruditissimarum *Dedicatoriarum Epistolarum*, litteratæque *Pirckheimeræ Abbatissæ Epistolarum librum*, *Familiarium librum miscellum*, earumque *appendicem* ex Pirckheimerana bibliotheca protraxit M. Goldastus: qua opera posteros magnopere sibi deuinxit celeberrimus vir: excellentissimorum enim virorum libro isto miscello continentur epistolæ. vt de ipsius *Pirckheimeri*, quas ad amicos misit, & de *Eraſmi*, quæ Epistolico ipsius operi adiectæ sunt, epistolis nihil dicam; quam plurimæ optimi *Reuchlini*, *Io Cuspiniani*, *Henr. Lor. Glareani*, *Iulii Pflug*, *Ioach. Camerarii*, *Petr. Moselani*, *Hulder. Zassi*, aliorumque, lectori sese ibi offerunt. de quibus idem prædicari posse mihi videtur, quod de clarorum virorum ad Reuchlinum epistolis paullo ante adfirmaui. Temporis certe, in quod Pirckheimeri ætas incidit, facies, emendatæque religionis, ac renascentium in Germania litterarum conditio conspici ex illis potest, magni ea propter, mea quidem sententia, faciendis, nec non dignissimis, quæ a bonarum litterarum cultoribus legantur. vt illis, qui eas nondum legerunt, aliquem saltem istarum gustum darem, quædam inde excerpta me protulisse, lectoribus haud displicebit, spero.

mis præstantissimisque *discipulis*: cuius viri schola cum equo Troiano non inſcite comparari poſſet: tantum ſimul de præcipuis *Io. Reuchlini amicis*, ac fidelisſimis in aſſerenda litterarum apud Germanos gloria *fociis*. quorum epiſtolæ, Reuchlinum tamquam oraculum ab ipſis aliisque conſultum eſſe, teſtantur. In quorum ipſorum commemoratione & breuior & longior iuſto videri tibi potero, beneuole Lector: breuior, quod de tantis viris, quibus Germania tam obſtricta etiamnum eſt, quam quibus maxime, pro merito eorum pauca admodum protulerim. at veniam mihi dabis, ſpero, reputans, me non vitas celeberrimorum virorum conſcribendas decreuiſſe, ſed de Fatis linguæ Latinæ in Germania agere conſtituiſſe. id ſi cogitaris, ne iuſto longior tibi tum videar, eſt, quod metuam. Sed tamen grauiſſimorum eiſdem linguæ viadicum mentionem, qualiſcunque ea etiam eſſet, faciendam exiſtimaui. Hoc enim felix iſtud tempus eſt, in quod ætatem ſuam incidiſſe, Pirckheimerus tantopere gauiſus eſt (u): quo videlicet *veteres diſciplina apud Germanos reuiuifcere, litterarum ſtudia florere, & omnes bonæ artēs in lucem prodire cæperint*; quibus breui vniuerſos iſtos barbaros

(u) Dedicator. epiſt. lib. ep. 13, pag. 246. & Familiarium epiſtolar. append. ep. 13.

ros hostes profligari, pelli, & penitus e medio tolli posse, censuit tum prudentissimus Senator; ita, vt Germania non solum bellica laude, maiorum nobilitate, ac Romani imperii præminencia excelleret, sed omnium etiam bonarum litterarum scientia, cunctarum disciplinarum eruditione, clarissimorum ingeniorum felicitate, illustraretur, celebraretur, decorareturque. Neque sequens caput obscure edocebit, minus frustra Pirckheimerum sperauisse, fore, vt explosa tandem omni barbaria, cultiores litteræ ad Germanos reuerterentur, quibus, tamquam sagittis, confodi posse inertia pecora, crediderat; quæ quum nihil, nisi fœnum rodere didicissent, omnem lautiorem cibum adhuc erant aspernata. Id futurum, non tam sperauit, quam confusus est optimus vir; quum magnus undique emerferat eius ætate doctorum numerus, qui bonos auctores in lucem productos iuuentuti exposuerunt, Italorumque studio instigati præclaro admodum popularibus præiuerunt exemplo. Quinam potissimum curæ cordique id sibi habuerint, indicandum putauit, reliquorum mentionem in sequens caput reseruaturus, tam ampla enim atque egregia exstiterunt ipsorum merita, vt omnis ætas celebrare ea, & Germania præstantissimorum horum atque salutarium maxime ci-

uium suorum memoriam nullo non tempore recolere debere videatur. Hæc tum quoque perpendas, rogo, Lector, quum in sequentibus verbosiores paullo quorundam optime de Latinis litteris meritorum hominum mentionem a me fieri, cognoueris.

Prius vero quam Reuchlinum toties hætenus a me nominatum relinquam, facere non possum, quin vno verbo referam, Germaniam communem suum præceptorem *Phil. Melanchthonem* eiusdem eruditioni ac disciplinæ debere. Hic enim soli fere Reuchlino, quem cognationis necessitudine attingebat, profectus, quos in melioribus litteris fecit maximos, acceptos retulit (v). Curis itaque, quas in tam egregiæ indolis adolescente, stupendæ plane deinceps scientiæ viro, erudiendo suscepit Reuchlinus, mirifice de cuncta Germania promeritus est. De cuius amplissimis in Latinam linguam meritis vt dicam, rerum series infra postulabit. Nunc enim alia quædam dicenda supersunt. & quidem de *Hermanno Nuenario, Vlr. Hutteno*, & reliquis *Reuchlinistarum partium antesignanis*, eorumque, erga Romanum sermonem meritis, agendum mihi iam esset: sed quum inter hos ambos viros & Erasmmum tam arctum necessitudinis intercesserit vinculum,

vt

(v) vid. Vita Reuchlini a Maio conscr. p. 147.

vt hic vtrumque eorum lubentissime in gloriae euehendis litterarum studiis partem societatem viuus admiserit, ea, quæ strictim de iis adducenda putabo, in sequens caput referuare animus est. vbi ea etiam, quæ de Reuchlinio addenda forsitan videri poterunt, attingendi erit occasio. Antequam autem ad nouum hoc caput progrediar, subsistam paullulum, acerrimum hominum eleganter Latina lingua scribendi ardorem, Italosque in honestissima ac vtilissima re certatim æmulandi studium admiraturus. Si in illud etiam, quod animos ad gloriam ex iis studiis, quæ non ita multo post contempta iterum esse videbimus, petendam inflammari, breuissimul inquisiuero, operæ pretium me facturum esse, arbitror.

Equidem nemo facile inficias iuerit, ipsorum Romani sermonis vindicum scripta cultiora sæpe ac perfectiora esse posse. neque id, quod Io. Sturmius adfirmavit (x), negatum ego nolo, plerosque exeunte sæculo XV puerilium studiorum formatores, viros fuisse, in quibus maior *bonitas* fuerit, quam *doctrina*. *Occupabant enim tum*, inquit doctissimus Sturmius, *adhuc litterarum gymnasia Alexander Grammaticus, & Petrus Hispanus, Dialecticus, & Tartaretus com-*

O 4

men-

(x) in vita Beati Rhenani.

mentator, & in Theologia plus poterant auctoritate Scotus & Lyra, quam ii ipsi scriptores, quos sunt interpretati. Id etiam quod ex Aristotele, & ceteris scriptoribus Graeca Philosophia tradebatur, non solum verbis impurum, verum etiam sententiis aut obscurum erat, aut deprauatum, aut falsum. Omnia hæc ultro concedo præstantissimo viro. at ubi tradit: Præter Rudolphum Agricola, Alexandri Hegii magistrum, & Erasmus Roterodamum, Hegii discipulum, Germania nihil magnum atque præclarum in litteris viderat. sed tamen horum scriptis probabile est, & ex eius aui hominibus intelligitur, istis exemplis tum excitata fuisse adolescentum & iuuenum ingenia, ad maiorem non modo doctrinam, sed etiam sermonis atque linguae puritatem: non plane adficientem sibi me habet: qui complures sane utriusque, & Agricola & Erasmi, æquales haftenus nominaui, magnos utique & præclaros in litteris viros, ex Germania oriundos, Beato Rhenano natu grandiores. Magni profecto & in litteris præclari sæculo XV exeunte præter duumuiros istos existere inter Germanos Rudolphus Langius, Io. Camerarius Dalburgius, & in primis Io. Reuchlinus, qui non quidem magnus, sed summus utique in litterarum studiis existit: cuius familiarium a me enarratorum numero fuerunt,



rant, qui *Rhenanum* ætate antecesserunt: *Conr. Celtes* eum antecessit, *Henr. Bebelius*, *Mutianus Rufus*, haud contemnendæ eruditionis, optimeque de litteris meriti viri, & complures alii. *Conr. Peutingerus* viginti, *Bib. Pirckheimerus* quindecim annis *Rhenano* præstitit: homines omnem omnium laudem supergressi. *Hermannus Buschius* itidem, infra pluribus verbis a me laudandus, *Rhenano* quindecim amplius annis fuit superior. Quod si vero, laudatorum iam virorum ætate studiorum litterarumque in *Germania* infantiam fuisse, quod idem *Sturmius* adfirmavit, negaturus essem, ipsi sane refragarer veritati simplici omnibusque perspicuæ. quæ ut perspicua magis redderetur, opera hæcenus a me nauata est, non levis forsitan plane, neque penitus, ut confido, spernenda. Neque vero etiam eorundem præstantium virorum monimenta horridius impolitiusque sæculum sæpenumero redolere, negatum volo. sed tamen, si omnes ipsa ista infelicia & barbara maxime tempora, quibus elegantiora studia vix eluctari tum in *Germania* cœperunt, accuratius paullo considerauerint, neminem plane futurum, credo, quin optimorum virorum scriptis, quibus plurimum utilitatis *Germaniæ* studiis vel sic accessisse censuit

O 5 . . .

fuit Erasmus (y), facile ultroque sit condonaturus, libentissime insuper concessurus, eorum, quod ad Latinæ linguæ nitorem attinet, peruenisse Germanos, quo longe paucissimos hodie peruenire videamus: quum tamen illos plerisque industriæ subsidiis destitutos fuisse, non ignoremus, quibus abunde nos hodie sumus instructi. De *Reuchlini* cogitemus modo *Breuiquo*, siue *Dictionary Grammatica* quomodo comparata tum fuerit, ex sequentibus patefiet.

Quando *Latina lingua studium* tantopere ego dilaudo, neminem existimaturum spero, me omnem humanitatem in diligentiore paullo eius cognitione positam esse, persuasum mihi habere. Linguarum scientiam vel maximam solidæ eruditionis partem esse, cum eruditissimis viris statuo (z): & si quis citra linguarum cognitionem conetur sibi veram eruditionem comparare, hunc ἀδύνατον ὁπῶν, cum iisdem credo; quum ea omnia, quæ in quoddam quasi bonarum litterarum artiumque præconium congeruntur, ut hæ ipsæ quoque, veterum scriptorum a Latinis Græcisque auctoribus, tam soluta, quam numeris adstricta oratione editorum libris

(y) in Ciceronianō, p. 379.

(z) vid. Contr. Rittershus. Commentar. de Vita B. Pirckheimeri p. 22.

libris contineantur (a). Neque cum Caselio, grauisimo cenfore, dubito, quin idem, qui linguis pulcre instructus intelligatur, eleganter etiam, & vtiliter vitæ cultui sit eruditus (b). quare haud mancā & inchoatā Latini sermonis scientiam sufficere, sed certā, nec vulgarem eius requiri cognitionem, arbitror: id quod eruditissimi cuiusdam viri verbis eloquar (c): *Equidem Latini sermonis vsum expetendum esse, omnes boni ad vnum sentiunt: quippe quitā late hodie patet, ut non vnus facile vsquam gentium angulus reperiatur, ubi non aliquis sit, qui vel Latine loqui sciat, vel certe Latine loquentem intelligat. Si ergo sermo iste tantopere probatur: quid est quod non eiusdem etiam ametur puritas? Etenim, ut in aliis rebus, sic in sermone etiam gratior est candor, & nitor proprius, quam squalor & sordes aspersæ ineptæ & putidæ. pluribus quæ huc faciunt, adiectis, concludit: Si igitur linguam ipsam expetimus Latinam, dementes simus, nisi eandem desideremus puram & emendatam: quum eadem pene sit opera recte aliquid docere, disce-*

(a) Ioach. Camerarii orat. de Studio bonar. litterar. A. 5, b.

(b) in Cohortatione ad Latinum sermonem paullo accuratius discendum.

(c) Matth. Dresserus in Rhet. lib. III, præfat. p. m. 555, edit. Vægel. 1606.

*discereue, ac perperam. Non enim minore labore barbarus ac fœdus sermo inculcatur, quam sanus atque eruditus. Nec aliter Erasmus statuit; vbi simplicius multo ac facilius esse censuit, vt, quum barbare loquendi mille sint species, ac subinde nouæ exoriantur, vnam emendate loquendi rationem discant omnes, quam vt omnes barbare dicendi formas singuli (d). Quid, quod in omni gente non modo pulcrum ac laudabile, sed plane ad rei tam publicæ, quam priuatæ conseruationem atque incrementa necessarium existimarunt quidam (e), bona & perculta verborum sermonisque quum proprietate tum elegantiâ vti. quæ cura vbi ommissa, studium-*

(d) de conscrib. epist. p. m. 10. Nam *quum usu, velut nummi vocabula probentur*, inquit Melanchthon in orat. de Studio Artium dicendi, Declam. T. I, p. 391, *receptis vtendum est, quæ, quia eloquentes homines, quasi per manus posteris tradidere, obscuritate vacant. Superiore sæculo quum sua sibi quisque verba cuderet, & peregrina Latinis miscerentur, eiusmodi conflatâ est oratio, quæ ne illius quidem ætatis hominibus intelligi potuit. tantum abest, vt posteritas adsequatur. Quis enim Scotum, aut huius farinæ alium scriptorem hoc tempore intelligat? Deinde vix exercitatisini præstiterint, necubi structuram orationis ac phrasin violent: quæ si vitiosa fuerit, necesse est orationem obscuriorem reddi.*

(e) vid. Ioach. Camerarii paullo ante citatam orationem de Studio bonarum litterarum.

diumue remissum sit, magnos semper felices ciuitatum status lapsus secutos ibi esse, statuerunt. hæc facultas, eorundem opinione, neque ita animaduertitur, neque tanta omnino esse potest in vlla lingua alia, præter *Grecam* atque *Romanam*: in quibus licet omnis humanitas inclusa sit, earum tamen pulcritudinem tantam simul esse, diiudicarunt, vt omnium, qui modo aspicere haud fuerint indignati, animos mirabiliter percellere atque capere videatur; & vt earundem notitia multis non solum ad famam & celebritatem, sed etiam ad honores, ad opulentiam, viam aperuerit. Vtriusque linguæ præstantiam summamque necessitatem vel inde demonstrarunt censores isti, quod iis temporibus, quibus sepultæ iacuerunt, nihil fere inter homines humanitatis vmquam vixerit vigueritque. etsi enim omnibus sæculis sapientia prudentiaque excellentes viros fuisse, negari non queat; iis tamen, qui litteris istis tincti non fuerint, nitorem quemdam defuisse, expolitionem atque elegantiam, probauere; quibus si illa naturæ beneficia accumulata essent, nihil præstantius, admirabilius nihil, fieri potuisse, crediderunt. Iam vero *quum duabus de causis*, quemadmodum S. Augustinus dudum nos edocuit, *non intelligantur, quæ scripta sunt, scilicet si vel ignotis, vel non*

*non recte formatis vocibus res obtegentur, consequens est, ut huiusmodi voces ex barbarie aut solæcismo obscuræ regulis grammaticis indicentur, quæ si illis accommodari nequeant, e Foro Romano, tamquam sarmenta exsucca, eiiciantur.*

Quod si autem fuerint, quales plurimos hodieque esse, scio, qui, eruditissimis his viris haud assentientes, statuerint, Latinam linguam dignam non esse, cuius nitorem confectando tempus, rem carissimam, perdamus, grauioribus saltem ac vtioribus rebus cognoscendis præripiamus: & qui in eruditionis exædificatione ordine instituenda sermonis studium velut fundamentorum locum obtinere negauerint, ita, vt ab hoc discendi initium fieri oportere non putent (f). His nihil plane, nisi *Agricola, Reuchlini, Dalburgii, Pirckheimeri, Peutingeri*, exemplum opponam. quorum singulorum studium Latinæ linguæ inimicos conuincere poterit, tantum abesse, vt plenior linguæ cognitio impediat quemquam, quo minus doctrinam rerumque maiorem scientiam assequi queat, vt hanc quam plurimum adiuuet. Ipsi isti de reliquo inimici videbunt, ne suo etiam exemplo comprobent, artem non habere osorem,  
nisi

(f) Casp. Hofman. de Barbarie imminente orat. C. 6, b.

nisi ignorantem. Sin autem alii fuerint, qui obiciant, sæculum, quo Pirckheimerus vixit, præter hominum studium quæpiam habuisse, quæ ætas nostras non habeat: tale scilicet aliquid, quod studium illud incenderit. his tantopere ego haud repugno: ipsis potius laudatorum virorum testimoniis, quid inflammavit discipulorum animos, declarabo.

*In quæ tempora vita ac virtus cuiusque incidat, plurimum omnino referre, Conr. Celtes verissime quondam dixit. Illa tempora, in quæ prædicatorum virorum vita atque virtus incidit, eo nomine felicia putanda esse, censeo, quod optimus litterarumque amantissimus Princeps imperio Germanico tum præfuerit: cuius illustri exemplo quamplurimi Germaniæ Principes sunt commoti, ut pro auctoritate, qua quisque pollebat, litteras in terris suis quam maxime voluerint subleuatas; barbarie, ut loco tamdiu occupato gemens tandem cederet, coacta. Persuasum sibi tum habuisse videntur Germaniæ Principes, curam in euehendis litterarum studiis ab se positam non minus laudis & sibi & patriæ comparare posse, quam militaris rei gloria antea peperisset. cuiusmodi opinionem Octauii Augusti & Caroli M. exemplum in primis confirmare potuit: neque vero opinionem hanc ipsos fefellisse, arbitror. MAXIMILIANVM*

NVM I. omnium certe liberalium artium maximum amatorem fuisse, inter omnes constat, qui præter vernaculam & alias exoticas linguas, *Latinam* præcipue optime calluit; qua *C. Iulii Cæsaris* exemplo rerum ab se gestarum commentarios conscribere instituerat: Horum partem quum aliquando Pirckheimero prælegendam curasset, pro singulari sua erga eum clementia, qua omnes eruditos dignatus est, ex ipso quæsiuit, quomodo *equestre Latinum* (*sein Reiter-Latein*) placeret (ff): *Pirckheimerum* enim apud Imperatorem gratia simul & auctoritate tantum valuisse, Erasmus testis est (g), ut vix cuiquam fuerit secundus. ALBERTVS Archiepiscopus Moguntinus, eruditorum litteris ac sua virtute

(ff) Rittershus. Comment. de Vita Pirckheimer. p. 8. Phil. Melanchthon de *Maximiliano* Imp. in Præfat. in Danielem, quæ etiam T. II Declam. p. 232 seqq. legitur, scripsit: *Nulli Regum aut Imperatorum optimorum apud Græcos, aut Romanos in omni genere laudis secundus. in ipsis castris etiam legebat, & cum doctis non modo de religione, deque omni ratione regenda Reipub. sed etiam de leuioribus artibus commentabatur, de siderum motibus, de aliis naturalibus causis, de historiis. Nulla res erat, quæ quidem digna esset hominis ingenui cognitione, in quam ille non intenderet animum.* vide eiusd. Melanchthonis orationem funebr. *Maximiliano Cæsari dictam eod. T. p. 557 seqq.*

(g) ibid. p. 43.



virtute, propensoque in optimarum artium vindices studio, in memoria hominum etiamnum viuit : cuius laudes optimus etiam Reuchlinus fufe est persecutus (h) : vtpote quem

(h) in præfatione, qua *S. Athanasii de variis Quæstionibus* librum ex Græco in Latinum ab se traductum, & adnotationibus illustratum, Hagen. ap. Th. Anselmum 1519, 4, Alberto nuncupauit: & qua vniuersæ controuersie cum Colonienfibus Theologiftis ob Iudeorum libros comburendos susceptæ hiftoriam late est profecutus. vbi inter plurima præconia hoc quoque legitur: quod *summa quæque meruerit Alberti incredibilis ingenii magnitudo, frequentiffima optimarum artium exercitatio, doctiffima totius sacre theologie iurisque cognitio, elegans dicendi confuetudo, præcipua religio, & omnium, quæ moribus laudatiffimis inſunt, perfectio, moderatio cum ſumma humanitate difciplinæque ſtudio & ſolida prouidentia, ad quem ceteris Germanie principibus litterarum amantiorem omnes, qui doctrina, confilio, eloquentia polleant aditu perfacili obtento conueniant.* Poſtquam Huttenus Nuenario in epiftola quadam ad ipſum ſcripta confirmauerat, dici non poſſe, quam conſultum vellet Princeps ſtudiis: cuius ut aliquid penes te memorabile ſit, pergit, accipe rem facetam, ſed quæ documento erit, quid de hoc Principe ſperandum ſit. Quum illi obtuliſſet Stromer omni conuiciorum genere refertum librum Pepericorni, aduerſum Capnionis amicos, legit quidem, ſed lectum, ut ad ignem forte conſederat, impuriſſima Iudæi nebulenis maledicta deteſtatus, & hoc omnium ſeculorum memoria dignum apophthegma præfaſus: Sic pereant, qui ſic loquuntur: *flamma iniecit.*

quem *pientissimum clementissimumque patrem* veneratus erat. Postquam Conr. Peutingerus, FRIDERICVM *Saxoniae Ducem* atque *Electorem* in disertissima quadam ad Conr. Mutianum epistola ad se scripssisse, adfirmavit, mirificeque eum laudavit, *bene agentium & praecipue eruditorum Maiestatem* atque *Numen* eum appellans, addit: *Si dudum Germania nostra hos & similes congerinnasset flores, bene & maioribus & posteris consultum fuisset. ex Germanorum enim gestis facile perspiceremus multa, quae decori eorum & ornamento accederent. Hac torpore alias & desidia & incuria oblitterata iacent.* Erasmus *Musas ingratisimas* ea propter fore censuit (i), nisi tanti herois merita monumentis consecratae essent numquam intermorituris: *cuius auspiciis feliciter apud Germanos effloruerint.* Ad ipsum Erasmus quod attinet, is certe, postquam cognoverat, quanta animi propensione bonis litteris, cum veteris inscitiae patronis adhuc tum digladiantibus,

*Quae omnia sem faciunt nobis, eo, quo tendimus eundem.* Stromerus iste Aurbacchius, Medicinae doctor celeberrimus, ab Hutteno & Reuchlino impense passim collaudatur: quorum hic ad ipsum Albertum, cuius archiater fuerat Stromerus, epistola, eloquentiae studiosis Macenatem eum extitisse, praedicavit.

(i) Lib. XIII, ep. 40.

tibus, faueret *Fridericus*, in monumentis suis tantopere eum prædicauit, vt ex solis his plusquam heroicarum virtutum, quas cuncta Europa in eo admirata erat, verbosus satis *panegyricus* confici posse videatur. In primis illud *beneficium*, vti par erat, magnifice laudauit Erasmus (k), quo *vniversam Christianam rem* perpetuo sibi deuinxit optimus Princeps; nouæ scilicet *scholæ Wittebergæ fundatæ* consilium. quam quum perpaucis annis ex rara frigida-

P 2

que

(k) ibid. & ep. 19 eiusd. libri. Idem fecit Pirckheimerus, qui ad *Hieron. Emserum* in præfatione, *Luciani Rhetori* Latine ex Græco translato præm. (dedicator. epist. 13, p. 246) scripsit: *Vt reliquos studiorum prætereamus refocillatores, nonne illustrissimi illi Saxonie Duces, quamuis maiorum titulis a seo sint insignes, opibus tam potentes, animi & corporis dotibus perinde fortunati, vt nihil ad tam ab olutum felicitatis cumutum addi posse videatur. Ultra hæc tamen litteraria instaurazione inmortalem, veram & namquam intermorituram sibi peperere gloriam. Quam enim maiorem, firmiorem, & honestiorem sui memoriam, magnus ille Romani Imperii Elector Fridericus Saxonie Dux incomparabilis relinquere potuisset, quam talem tamque egregiam Academiam erigere, quæ etiam cum priscis illis contenderet, presentium vero nulli inferior, plurimis esset superior. Si quidem cæli quis stellas antea numeraret, aut tot dotissimorum virorum merita præconia celebrare posset. Hoc nullo non memorandum æuo, primos fuisse Witenbergenses sapientes, qui post tot sæcula oculos aperire, verum a falso dignoscere, & deprauatam philosophandi rationem a Christiana Theologia discernere inceperint.*

que, omni linguarum ac litterarum genere florentissimam reddiderit conditor, eaque ipse optimis studiis fauerit moderatione, ut veteris doctrinae patronis, de quo quererentur, non fuerit: adiutis studiis, quam stemmatum luce, nobiliorem eum aliquando futurum, existimauit. dum litteras non ita ingratas fore, sed trilingui facundia vindicem suum immortalis gloriae consecraturas, confidebat (1). GEORGII *Saxoniae Ducis* auspi-

- (1) lib. V, ep. 36. quæ ad ipsum *Fridericum* est perscripta. Aliam verbosam satis ad eundem Principem datam epistolam, manu, nescio cuius eruditi, scriptam in bibliotheca Augusta Wolfenbuttelensi legi: quæ licet Londinensi Erasmi epistolarum editioni inserta non sit, atque ita neque Basileensi: ea tamen quin dudum typis forsitan exscripta, & recentissimæ editioni, quam Bataui curarunt, addita sit, haud dubito. ii, quibus tam felicibus esse licet, ut editionis huius euoluendæ habeant copiam, scrupulum, si quis reliquus ipsis fuerit, facile tollere sibi poterunt. Scripta est epistola *Antwerpiae* a. d. XVIII Kal. Maias, an. 1519, & nulli plane Erasmi epistolarum elegantia rerumque varietate cedit: siquidem præter laudem, *Friderico* ob mirificum erga bonas litteras, passim per Germaniam tum efflorentes, magis vero magisque principum fauore euehendas animum, debitam, honorificam admodum *Lutheri* mentionem continet: de quo inter alia ita scribit: *Vitam hominis nemo, qui nouit, non probat, quæ quum longissime absit ab omni suspitione auaritiæ atque ambitionis, morum innocentia vel apud ethnicos fauorem inuenit: quam non conuenit*

auspiciis atque munificentia *Lipsiensem* academiam, celebrem iam prius ac solennibus studiis florentem, politioris demum etiam

P 3

lit-

*mansuetudini theologica, protinus, ac ne perlecto quidem libro, tam inaniter debacchari in nomen ac famam probi viri, idque apud imperitam plebeculam, quæ prorsus caret iudicio? præsertim quum ille disputanda proposuerit, quum omnium iudicio sese submiserit. & quæ honorifica atque egregia verba sequuntur alia. Extrema epistola hæc leguntur: Ceterum ut tuæ celsitudinis est, Christianam religionem pietate tua protegere: ita præsentis est, non committere, ut quisquam innocens, te iustitiæ præside, sub pretextu pietatis aliquorum impietati dedatur, vult idem Leo Pontifex; cui nihil magis est cordi, quam ut tuta sit innocentia. Pater vacari gaudet, nec amat eos, qui sub ipsius umbra tyrannidem exercent. neque quisquam magis paret animo pontificis, quam is, qui quod aquisissimum est, exsequitur. Quid istic de Luthero sentiant, nescio. recte, hic video, libros eius ab optimis quibusque legi.*

Quid *Fridericus* ad *Erasmi* hanc epistolam responderit, ex huius *Epist. lib. XIII ep. 4*, quodammodo discere licet, ubi *Erasmus* ad *Episcopum Rossensem* scribit: *Dux Saxoniæ Fridericus bis ad me scripsit, eidem meæ respondens epistola: buius unius præsidio subsistit Lutherus. id, ait, se causse dedisse verius, quam perire. Adit, non commissurum sese, ut in sua ditione opprimatur innocentia, eorum malitia quæ sua querunt, non quæ Iesu Christi. Fridericum, Coloniae arcessivisse ad se *Erasmum*, ut eius de Lutheri doctrina iudicium coram sciscitaretur ex Oratione de *Friderico*, T. III Declam. Ph. *Melanchth.* pag. 93, intelligimus. Quod si plura de sapientiss-*

litteraturæ ac linguarum accessione sic ornatam esse, idem Erasmus confirmavit (m), ut vix ulli ceterarum tum cesserit. utpote cuius principis benignitas egregia ingenia ita excitavit atque euexerit, ut *Saxonia summa spei iuvenes fouerit tum, nihil mediocre de se polliciti* (n). Aliquot annis ante, quam Erasmus de Lipsiensi academia hæc scripsit, Vlr. Huttenus

mo hoc Principe cognoscere volueris, confer Phil. Melanchthonis elegantissimam orationem in funere eius dictam T. II Declam. p. 573 seqq. p. 583 hæc leguntur verba: *Amiserunt & studia nostra Macedonatem, nemo enim Principum ingenia, aut norat melius, aut aluit benignius.* de quo in oratione de Maximiliano Imperatore p. 571 prædicauerat, eum ipsius huius Maximiliani exemplo animum ad litteras adiecisset, & cura eius *Theologiam* fontibus suis esse restitutam. confer porro alteram istam de Friderico orationem T. III Declam. p. 85 seqq. p. 88, litteras & linguam Latinam celerius arripuisse, & doctrinæ avidiorem fuisse optimum Principem, relatum legimus.

(m) lib. XIII ep. 19 Isti Erasmi adfirmationi pondus addunt Pirckheimeri verba, dedicat. ep. 13, p. 246. *Friderici vestigia secutus illustrissimus Dominus Georgius Saxonie dux florentissimus, qui ne Patriuo virtutibus cederet, aut pace minor, quam bello esset, Lipsensem suam Academiam ita doctis viris exornat, ita studiorum incuriam diligenter emendat, ita bonarum artium cupidos instigat, ut non minorem inde gloriam consequatur, quam disciplinarum candidati, utilitatem adipiscantur.*

(n) Erasmi Ciceron. p. 378.

tenus Herm. Nuenario de eadem confirmauerat, quamquam pertinaciter adhuc reluctati essent sophistæ, *erexisse se tamen ibi litteras, rectaque studia esse aucta.*

De PHILIPPO, *Comite Palatino Rheno, Electore*, cuius Cancellarius Dalburgius prius fuit, quam episcopus creatus est, Rudolphus Agricola scriptum reliquit (o) : Principem eum fuisse æquitate, iustitia, moderatione, clementia, religione, omni vitæ morumque suauitate, & omni principis priuatique hominis laude consummatissimum. qui quum litterarum haud rudis esset, & *eruditis sermonibus magnopere delectaretur*, ac ideo aulam habere vellet litteratis hominibus ornata, Agricolam familiariter complecti cœpit (p), in consilium de republ. adhibitum; seque ei ita deinde præbuit, vt neque ipse plus facere potuerit, neque Agricola tantum potuerit sperare. Quid de IOACHIMO I, *Electore Marchione*, dicam? cui *Latine dicendi facultatem* plurimum laudis peperisse, sci-  
mus (q); dum eius orationes prudens quis-

P 4

que

(o) Lucubrat. p. 206.

(p) Phil. Melanchthon epist. Lucubrat. Agricole præmiss. & quam Abbatis Ursperg. Chronico præfixit, item in Vita R. Agric. Declam. T. II, p. 451.

(q) Georg. Sabini Orat. de Vtilitate studior. Eloquentiæ A. 5, b. quæ etiam reperitur T. I Declam. Ph. Melanchth. p. 418, seqq.

que propter consilium & sententiarum gratuitatem, eruditi propter genus verborum, magna cum admiratione audire consueverant. Tanti fiebat tum a summis etiam Principibus *Romani sermonis cultus!* cui ut sedulam nauarent operam *Electorum Principum filii*, in Aurea Bulla diserte est sancitum: cuius conditor *Carolus IV* fauore, quo litterarum studia prosequi consueuerat, singularem adeptus est laudem: qualis etiam filio eius *Sigismundo* debetur. Hic quum sapienter statuerat, *neminem sine litteris recte imperare scire*, & hancce sententiam suam *Ludouico Comiti Palatino Rheni*, modo laudati *Philippi Parenti*, confirmauerat, eum senem iam permouit, ut canus Latinas litteras disceret, non aliter, quam Cato Græcas (\*).

Ad EBERHARDVM, *Wurtembergensium Principem*, quod attinet, is non modo omnibus sui temporis Principibus præferendus, sed & priscis clarissimis & illustribus viris ob virtutem merito comparandus quibusdam olim videbatur, ita, ut quum diem obiisset, *ad omnium Minerua insignium perniciem, & incommodum decessisse*, eum, crederent (r). quippe quem hoc præcipue egisse legi-

(\*) T. II Declam. Melanch. p. 571.

(r) clar. viror. ad Reuchlin. epist. p. 25, & 33.



legimus (s), vt *sibi viros sapientes, & eruditos adiungeret*, quorum de rebus maximis consilia audiret. Imperatoris enim aulam, Venetorum gubernationem, & aulas ducum Saxoniae, vbi doctos homines ad negotia adhibitos nouimus, vidisse optimum principem, qui hæc memoriæ prodiderunt, addunt. quare factum perhibent, vt & ipse viris nobilibus doctores addiderit, inter quos *Io. Nauclerus & Io. Capnio* excelluere. *Tubingensem academiam*, quæ auspiciis eius fundata est, & vnde Wittebergensis academia quasi colonia deducta videtur (f), quum inuisset optimus Princeps; ad exiguam Naucleri sui, qui primus recens constitutæ academiciæ rector fuerat, domum plerumque eum diuertisse, referunt, comitatu in arcem dimisso. aula hac ratione in senis doctoris tuguriolo constituta, modestia, sobrietate, castitate *Pauli & Antonii* congressibus par, vtilitate antecelluisse, quibusdam visa est, quod deliberationibus ibi captis terræ principis rectæ sint, iustitia, pax, disciplina, conseruata (sf). Quamquam Latine ignorabat celsissimus Eberhardus, peruersis purpuratorum consi-

P 5

liis,

(s) Declam. Ph. Melanchthonis T. III, p. 170, seqq. vbi scilicet verbosa de Duce Eberhardo oratio inuenitur.

(f) ibid. p. 165.

(sf) ib. 172.

liis, ut supra vidimus, deceptus: theologorum tamen & iureconsultorum disputationibus crebro interfuit, sciscitans subinde, qua de re disputatio esset. Cuiusmodi eruditorum consuetudine eam consecutus est doctrinam, ut *de omnibus rebus differere posset* (t). inde etiam factum est, ut, quum oratoria laude præcipue delectaretur, ipse, ab eruditis ad partis suæ ius exponendum armatus, aliorum sæpius *principum causas in conuentibus agere* haud dubitarit: posteaquam scilicet a doctoribus suis fontes argumentorum, ornamenta, exempla, historias, aut alias narrationes negotio suo conuenientes receperat. Quum tantæ optimi Wurtenbergen- sium Principis fuerint virtutes; quid mirum, si Germania earum gloriam capere non potuit? doctissimi enim *Italiae* viri principem eum coluerunt (tt), qui *pacis studia rebus bellicis anteposuerit, templa fundarit, publica, litterarum gymnasia fecerit: quem subditi non tam metuerint, quam amarint, obseru- rin:; atque mirati sint.*

Diuino omnino factum credunt benefi- cio, ut sæculo, quo litteræ renascebantur,

*Prin-*

(t) M. Crusius, Annal. Sueu. P. III, lib. VII, c. 10, p. 439.

(tt) Marsilius Ficinus in M. Crusii Annal. P. III, lib. IX, c. 6, p. 502.

*Principes* rerum summam in cuncta fere Europa administrarint, qui iustitia & virtute, non Persico fastu magni, studiorumque cupidissimi, illorum, qui litteris operabantur, causa magnopere cuperent, & inter quos summum existeret certamen, ut ipsi litteris impensius imbuerentur. Etsi enim virtus in omni humana specie præclara & pulchra est: eam tamen in nobilitate splendidius elucere, iudicabant, & quidem adeo, ut, *quo* quisque princeps, aut nobilis *doctior* esset, *eo plus* in ordine suo *auctoritatis* ipsum habere crederent (u). Horum ipsorum Principum pietati tribendum existimavit Erasmus (v), quod tum passim, seu signo dato, excitata sint præclara ingenia, quæ ad restituendas optimas litteras inter se conspirarint. Neque maiorem felicitatem humano generi contingere potuisse, idem eruditissimus vir censuit (x), quam quod principum benignitas optimarum litterarum professores & iuuenum non vulgarem spem de se præbentium ingenia fouerit, eorumque auctoritas aduersus *μισεργας* istos, veteris inscitæ tyrannidem pertinacissime tuentes, fuerit præsidio. Nihil enim

(u) Io. Sturm. in dedicat. qua Golii Onomasticon Iac. Marchioni Bad. Inscr.

(v) Epist. lib. I, ep. 4. (x) epist. cit. ad Fridericum Saxon. El.

enim ad eruditorum laudes illustres reddendas aptius esse videtur, *Imperatorum, Regum, Principumque patrocínio Franciscum I, Galliarum Regem*, ditandis eruditis ærarium exhaustisse, sunt, qui existimant; quum amplissimis præmiis inuitarit & allegerit vndecunque viros virtute, doctrinaque excellentes. *Hispania* a diuinæ plane indolis regebatur Principe. Nec *Anglia* litterarum imperium habebat tum Regem: qui quum bene nata ingenia non præmiis solum excitauerat, sed suo etiam exemplo pigris calcaria subdiderat: non mirum putauit Erasmus (y), iuuentutem illic effloruisse. Eiusdem Regis voluntate, iudicio, & liberalitate *Linacer, Morus, & Coletus* excitati, tam diligenter litterarum studia coluisse a Sturmio dicuntur (z), vt eorum protela, sua etiamnum ætate, in Anglia vim suam retinuerint, & *Eduardus* Rex incredibilem sapientiæ atque doctrinæ excitarit expectationem, si modo vita suppeditasset diuturnior. qua in re *Elisabetha* Regina mortalibus felicior existisse ab eodem Sturmio prædicatur; cuius ingenium, æque vt fratris, ad humanitatem litteris elegantioribus excultum fuerit. Quam benigno in litteratos animo fuerit *Matthias, Rex Hunga-*

(y) Ciceron. p. 373.

(z) in præf. St. Doleti Phrasib, præm.

*Hungariæ*, inter omnes constat: is enim ipse est, qui incredibili cura, ingentique sumptu insignem *Budæ* instruxit *Bibliothecam*; quanta extra Italiam tum nulla erat: ex qua præter complures libros alios, Polybium & Diodorum Siculum primum prolatos, typis excusos esse, nouimus (a). *Cosmum* & *Laurentium Medices* studiose operam dedisse, ut Musæ in splendorem assererentur, quis ignorat? *Leonem* vero *X*, *Pontificem*, tantum litterarum exstitisse Mæcenatem, scimus, ut æuo eius doctorum etiam mulas hordeo pretiosissimis tapetibus effuso laute atque opipare exceptas, versibus nonnulli luserint. Multo videlicet meliori fortuna utebantur Romæ eruditi Leonis ætate, quam *Sixti IV*, antecessorumque temporibus, quibus litterati misere esuriebant Romæ: quum tamen pontificiæ opes præcipue collocari debuissent, vel in calamitosos, vel in eos, qui tractatione litterarum religioni operam nauarant (b). At *Leo-*  
*nis*

(a) vid. orat. de Matthia Rege Vngariæ Tom. III  
Declam. Melanchth. p. 191.

(b) Tom. I Declam. Melanchth. p. 441. vbi Melanchth. pluribus verbis enarrat, quam exigua *Theodoro Gaza* merces a Pontifice, cui Aristotelis & Theophrasti libros in Latinam linguam versos obtulerat, reddita sit. nihil scilicet præmii præter sumptus, quos in ornando libro posuerat, retulit doctissimus *Gaza*.

*nis* auspiciis Prytanea alendis eruditis multis in locis excitabantur : nulla bonis litteris quæstuosior aut honoratior habebatur ars. Eruditi, licet obscuro loco nati essent, in principum ubique perueniebant isto tempore dignationem, atque inuidiosis plane ab extremis orbis partibus euocabantur stipendiis. Enimuero principes atque respublicæ certabant tum, penes quos maior litteratorum conspiceretur numerus, & quæ aula plura doctorum virorum capita in pompam ostentaret (c). Quæ quum ita sint, cui mirum, quæso, videatur, si cognouerit, temporibus istis in Italia aliisque regionibus *principes, comites, ac nobiles* genere prosapiaque *viros*, vel iura, vel etiam philosophiam, & bonas litteras *publice docuisse* : idque sine vlla ordinis ac familiæ suæ dignitatis diminutione (d): si porro legerit, viros, quorum ante acta vita domi bellicque clara exstitit, Musarum dulcedine captos, *gloriam per litterarum studia adfectasse* (e).

Tali

(c) vid. elegantissima Oct. Ferrarii Prolusio de Causis pereuntium litterarum, quæ in editione Patauina a. 1668, 4. est octaua, pag. 67 seqq. & Erasmi epist. 4. lib. I.

(d) Rittershuf. Comment. de Vita B. Pirckheimer. p. 23.

(e) Reuchlin. ep. Io. ex Lupis. p. 22 ep. clar. vir. ad Reuchlin.

Tali nimirum sæculo ad *Germanorum* cum primis *ingenia*, quæ hebetiora, aut nulla potius, paullo ante iudicauerat Campanus, excitanda opus erat. Neque enim *Centauri*, Reuchlini iudicio (f), neque *Androgyni*, id est, nec agrestes tantum, nec solum compti, sed homines simul & manu & lingua potentes ad Germanorum gloriam restaurandam desiderabantur : quales plus prodesse posse eisdem Reuchlino videbantur, quam soli togati, aut soli, ut poeta dixit, *bene ocreati* (ff). Potentes huiusmodi viros, *Alberti* Archiepiscopi, *Philippi* Palatini, *Eberhardi* Wurtembergici, nec non *Alberti* Saxonici, Principum laudatissimorum, aulæ Agricolæ atque Reuchlini tempore ostentarunt. quorum quin vnum & alterum nominem, temperare mihi non queo. Primum locum vindicare sibi videtur THEODORVS DE PLENINGEN, *doctor & miles auratus* : ut in epistola, quam ad Reuchlinum dedit, ipsum sese appellasse, cernimus (g) qua etiam si confirmavit, se *Philippi* Principis sui negotiis singulis horis obrutum in bonas litteras incumbere non valuisse, harum tamen minus expertem, *peritorum virorum amatorem & admiratorem* fuisse, professus est. Huius viri, quem Agricola,

(f) ib. (ff) ibid.

(g) inter clar. viror. ad Reuchlin. epistolas p. 20. seq.

cola PLINIVM vocare consuevit, præconiis, & ipsius huius Agricolaë, & Reuchlini, epistolæ plenissimæ sunt: ex quibus satis apparet, quantum ipsi meliorum litterarum studia debeant in Germania, qui is ipse est, per quem *Dalburgius* Agricolaam Heidelbergam arcescit; siue cuius ipsius amicitia Ferrariæ dudum contracta ex Melanchthonis sententia (h) Agricolaam eo pertraxit: ubi huius contubernalis factus tantopere sese probavit, ut eum virum ornatum, sui amantissimum, & iuris ciuilis doctorem in primis eruditum passim in epistolis suis collaudet Agricola. Quum industrius esset, Principi ac omnibus aulicis gratus, vsunque prompti & prudentis iuuenis tunc præstaret, magni viri spem eidem Agricolaë suo promisit (i): quam expectationem eum haud fefellisse, vel ipsius ad Reuchlinum *epistola* ostendit. Nam licet is a Reuchlino *barbariei suæ rusticeque epistolæ* veniam exposcat: hæc profecto neque barbara, neque rustica est, sed magnam spirat eruditionem atque elegantiam, nobili viro, doctore, & equite quam dignissima (k).

Non

(h) epist. ad Alard. Amstelredamum Lucubrationib. Agricolaë præf.

(i) epist. ad Iac. Barbirianum Lucubrat. p. 205, & ep. ad Ioannem fratrem, p. 216.

(k) M. Crusius, Annal. Sueu. P. III, lib. IX, c. 16, p. 533. ubi epistolæ partem excerptam dedit.



Non minorem elegantiam præ se ferunt IO-  
 ANNIS EX LVPI S DE HERMANS-  
 GRVN, *Oratoris Magdeburgensis*, episto-  
 læ (1): de quo Reuchlinus adseueravit, ad-  
 mirabile hominibus videri potuisse, talem &  
 tam armis strenuum, quam litteris doctum  
 virum ex *puellarum arce*, quam *Maidburg*  
 appellarent, procesfisse (2). Quanti ER-  
 HARDVS DE WINSBERG, *Doct̃or, & in*  
*Alberti Ducis Saxonie aula Miles*, eruditos fe-  
 cerit, his, ad eundem Reuchlinum scribens,  
 testificatus est verbis (m): *Tu vero meus esto,*  
*quemadmodum ego tuus. Neque nouum*  
*asperneris militem diui Caroli ense cælitus*  
*sacrato percussum: qui etsi ex Ventimonta-*  
*norum de Windsberg familia olim strenuis-*  
*sima, nunc obscurata, nouus resurgere miles*  
*attentaui, sum tamen & ero semper tuus,*  
*omniumque doctorum virorum deditissimus.*  
 Tribus his a generosissima stirpe ortis homi-  
 nibus BERNHARDVM ADELMAN nobi-  
 lem ex *Adelmansfelden*, non minus illustri  
 loco inter *Sueuos* natum, præstantissimæque  
 eruditionis virum, adiungendum arbitror:  
 quandoquidem, *Eystetensis & Augustana Ec-*  
clesia-

(1) inter. clar. viror. ad Reuchlin. epistolas p. 21,  
 b. seqq.

(2) ibid. p. 22, b. (m) ibid. p. 19.

*clefiarum Canonicus*, summus litterarum cultor atque fautor a Rittershusio & aliis laudatur (n). Qui pro singulari suo in Latinam lin-

- (n) Quanti B. Pirckheimerus viri virtutem atque eruditionem aestimauerit, pluribus epistolis, quas ad eum dedit, & quæ etiamnum exstant, declarauit: idem effecit luculentissima sane ac pereleganti præfatione, qua Adelmano Platonis aliquot Dialogorum Interpretationem nuncupauit (*Dedicator. Epist. IV*) & *secessum pariter ac vite, studiorumque suorum rationem* verbose, dilucide atque ornate exposuit. *Conradi Adelmani*, haud indocti, minusque inglorii, *Augustani* itidem *Canonici*, *frater* fuit *Bernhardus*, qui *Conradus*, prout *singularis evga patriam amoris* homo erat, quale testimonium ipse *Bernhardus* fratri suo in epistola ad *Reuchlinum* scripta impertiuit, *Richardum Bartholinum* quotidianis precibus lacesiuit, vt *Conuentus, Augustæ Vindelicorum* a *Maximiliano* acti, celebritatem traderet; veritus, ne posteritas ætatem suam, si id factum non esset, inertiae vere insimulare posset. Idem *Bartholinus*, natione *Perusinus*, est, cui præter *XII Austriados libros*, a *G. I. Vosio* lib. III de *Historicis Lat.* p. m. 679 memoratos, *Hodæporicon*, s. *Itinerarium Cardinalis Gurcensis*, & eorum, quæ in *conuentu Maximiliani Cesaris, & Regum Vladislai, Sigismundi, & Ludouici* memoratu digna gesta sunt, narrationem debemus, a *Frehero* T. II *Rer. Germanicar. Scriptorum* p. 321 seqq. insertam. *Adelmanus* in præfatione, quam libello ipsius precibus a *Bartholino* edito præfixit, auctorem *impensa eruditione virum* appellat, qui *Conuentum* concise quidem, sed ita descripserit, vt nihil eruditius & elegantius legi possit. Integra libri inscriptio hæc est:

linguam amore grauitèr molesteque tulit, & de errore ac detrimento patriæ suæ magnopere conquestus est, postquam ætatis suæ homines despiciere, immo tamquam venena abhorrere, ac aliquando in illa incumbere prohibere, vidit, quæ Latinis iucunda, Germanis vero ob suam barbariem pernecessaria ac vtilia fuissent. In rei testimonium *Principis*

Q 2

Eber-

*Richardi Bartholini, viri eruditissimi, de Conuentu Augusten concinna descriptio rebus etiam externarum gentium, quæ interim gesta sunt, cum elegancia interfertis* 1518, 4. Abiectissime in descriptione hac sua de *Luthero* iudicat Bartholinus: *Cuiusdam fratris Luther sectatores, scribit, quum Echius ecclesiasticam dignitatem, ac veritatem fortasse ipsam defenderet, in eum grauius, quam vt theologos deceret, inuecti fuerant. Iudicium deinceps suum de Lutheri causa subdit, idque verbosum satis, ac ita comparatum, vt docta manus in exemplo, quod Wolfenbuttelenfis Augusta Bibliotheca custodit, ipsi iudicio adscripserit: Notandum bene hominis athei de Christiana religionis controuersis iudicium impium. Ita verbosum est iudicium hoc, vt hisce notis addi posse non videatur, neque tanti id æstimo. cuiusmodi sit, vel ex his verbis conici poterit: Ego quum hæc & similia fere animo repeto, stultos illos, immo stultissimos, esse iudico, quorum opera ac studium solum in iis, quæ sibi nihil præter detrimentum, ac iacturam parere possint, verjantur. cum principio reliqua, quæ sequuntur, conueniunt; in primis hæc verba: Sapere cum vita interitu mihi stultissimum videtur. Si Deo gratus esse vis, sine mundum sua regi prudentia. plurimis verbis parum*

*Eberhardi Coniugis Barbara*, Ludouici Mantuani Marchionis filiae, *epistolam* litteris ad Reuchlinum scriptis adiecit: quæ, *ad Cardinalem Mantuanum* exarata, quum minus verbosa sit, & clarorum virorum ad Reuchlinum Epistolæ, inter quas reperitur, in paucorum sint manibus, eam apponam: quam dignam puto, quæ Obscurorum virorum

Epistolis interiectis, addit: *Dii superi, medioximique, parum abest, quin dicam, inferi quæque hoc velint, ne tam scrupulosa religionis cura vobis noceat pariter & nobis. nam in scribendo quantum gloria, tantum etiam eculei & compedum vobis paratis.* Denique tamquam egregium epiphonema adiicit: *Sed suo quisque utatur, ut vult, iudicio. ego hoc unum sentio, ut munitum reperi, ita quoque relinquendum esse.*

Quod si friuolo hoc iudicio abstinuisset auctor, cuius prudentiæ nihil non tribuerat Erasmus, (vid. huius ep, 31, lib. VI) neque se quasi forex prodidisset, pluris forsitan posteritas narrationem ipsius factura fuisset, quum non pauca memoratu digna ea contineantur: inter quæ & illud reputo, quod de *Alberto, Archiepi copo Moguntino*, ad *Cardinalis dignitatem* in ipso isto Conuentu euecto, refert, omnes enim caerimonias, quibus solemnitas est peracta, prosequitur. Verbis: *Legatus pileum Cardineum eius capiti imposuit, comitatusque est ad iubilantia*: manus, ab illa, quam iudicium iudicio adscripsisse, memoravi, diuerla adnotauit. *Ex hoc loco error Sleidani corrigendus, qui libr. primo putat, Epi, copo gladium datum* At Sleidani adfirmationem hanc, lib. I Comment. p. 2, b. edit. Argent. in fol. 1559: *Cesar deinde nouum Cardinalem e tem-*

Epistolis adnumeretur. *Reuerendissime in Christo pater ac Domine, domine frater mi singularissime, humili recommendatione parataque semper obsequendi premissa affectione, a N. famulo meo fidelissimo percepi, quomodo frater ipsius nomine N. negotia aliqua erga sanctissimum expedire habeat, ut D. V. ab ipso latius intelligere habet, & propterea me*

Q 3

sup-

*plo domum reducit, ac munera mittit, regiam lecticam, equos & stragulam vestem multam, valde preciosam: Pontifex autem dono habet pileum, auro, gemmis & margaritis intextum, & enem deaurata vagina: elegantissima Vlr. Hutteni epistola, ad Iulium Pflugk in Italia tum commorantem Augusta Vindelicorum ipso eiusdem Conuentus tempore scripta, confirmare potest: vnde Sleidanus ista sua forsitan desumpsit: ibi enim caerimonias istas Huttenus amico suo sic perscribit: Calendis Augusti galerum sumpsit ille (Albertus) apponente legato Pontificio iucundum fuit id spectaculum, maxima nobilitatis frequentia facto sacro, ac ingenti omnis generis hominum circumfusa multitudine. Ipse Caesar a sacris domum reduxit Albertum, deinde munera misit, regiam lecticam, equos, & tapetes opere simul ac materia admirabiles. Iuxta haec Leonis Maximi donum, gemmis, auro, ac margaritis intextum pileum, & enem deaurata vagina. Multa alia notatu admodum digna de Conuentu isto laudata Epistola memoriae prodidit Huttenus, quam Nemini suo subiunxit, lectu propterea dignissimam. non pauca praeterea de Germaniae statu, litterarumque in ea conditione, profert ibi Huttenus. De ipso Conuentu sic scribit: Certe iucundissimum hic o-*

*supplicauit eum erga D. V. promotum habendo. Cum autem tempore vite sua mihi & legitimo meo suis seruitiis semper diligentiam summam erga nos exercuit. Ea de caussa D. V. intime implorando, eique fratri N. in suis factis erga Sanctissimum subuenire velitis. In hoc mihi rem gratis simam D. V. faciet, quam Christus faeliciter & longaeue conseruet. Datum oppido meo Gryningen, secunda feria post Bartholomei Apostoli. Anno, &c. LXXX. quarto. Barbara filia & seruitrix vestra.*

*Hæc epistola Adelmano tantopere impro-  
bata est, vt summo cum pudore se eam Reuch-  
lino*

*mnibus spectaculum ob oculos versatur. Tot prin-  
cipes iuuenta simul & corporis specie prestantes.  
tanta Comitum ac Equitum multitudo, flos scilicet  
Germanie nobilitatis, vt qui hos intueatur, formi-  
dandos magnopere Turcas non putet. Quod si ho-  
die tantum cerebri est Germania, quantum virium,  
ausim orbi terrarum minari iugum. multis interpo-  
sitis addit: Quod mihi summe placet, minori appa-  
ratu nostri, quam soliti sunt aliis conuentibus, a-  
gunt, siue ob annonæ difficultatem, siue quod in mul-  
tis mihi resipiscere Germania videtur, quamquam est  
ad huc mira vestium luxuria, a Gallis sumpto exem-  
plo, quos præter patrium morem emulari in hoc cer-  
tamus. & strenue bibitur, nondum sanitatem acci-  
pientibus, qui rectis semper monitionibus reclamare  
solent.*

lino misisse adfirmarit(o); conquestus, *multos tum non philosophos, sed philopompos: non magistros sacrarum litterarum, verum tenebrarum, non iurisperitos, sed potius leguleos fuisse, qui poeticum nomen execrantes, poetar lasciuiss, ac nugis deorum gentilium refertos esse predicarint.* quare ab urbibus pelli ac aboleri debuisse ineptos huiusmodi censores, existimauit; argumentis istorum eleganti epistola refutatis: qua a Reuchlino, *tutissimo litteratissimoque hominum refugio atque receptaculo,* ut eum appellat, etiam atque etiam vna contendit, ut viris studiosis liberaliumque artium cupidis subueniret, dignitati, gloriæ, laudi ac vtilitati reipublicæ consulere, & principi *Eberhardo,* cuius insignes virtutes dilaudat, summa cura ac studio persuaderet, *neminem umquam ad veram rerum cognitionem peruenire posse, nisi primis rudimentis vacauerit.* Quod si effecerit Reuchlinus, bonarum litterarum cultores ipsum ut *alterum Ciceronem* immortalitati dedicaturos, optimum vero Principem, Patriæ Patrem, cuius opera tantum commodum patriæ accesserit, ut *alterum Octavianum* ad astra laturus esse, spondit. Reuchlinum cer-

Q 4 te,

(o) clar. viror. ad Reuchlin. epist. p. 14, b. eandem minus comptam epistolam inuenies etiam in M. Crussi Annal. Sueu. P. III, lib. VIII, c. 19. p. 470.

te, vt rem eo perduceret, quo Adelmanus maxime perductam volebat, nulli labori postero tempore pepercisse, supra cognouimus, ita, vt famæ vitæque discrimina subire ea propter haud dubitauerit. neque vero conata optimi viri successu caruisse, sed eum, ex quo Adelmanus epistolam istam ad ipsum miserat, triginta octo amplius annorum spatio fortiter & secundo Marte contra barbariem, tamquam ferum ac immanem hostem, pugnauisse, pariter intelleximus. Nam tum, quum epistola ad Reuchlinum missa est, vix triginta natus is erat annos, & Agricola non ita pridem Heidelbergæ scholas instituere cœperat: Tubinga vero humaniorum litterarum studia etiamnum fugiebant. Eo magis mirandum puto, Adelmanum inter barbaros adhuc tum Germanos versantem tam puro ac eleganti dicendi genere vsum esse. verum hoc *Italia* ultro acceptum retulit: cuius *gymnasia optimarum artium nutrices, auctores atque opifices* quasi collaudauit: quamquam Reuchlino, communi Germanorum Præceptorum, multum etiam debere se professus est. qui quum discipulum hunc suum virtutibus & eximia scientia ornatum, nosset, ipsum, quod nihil nec scribendo, nec dicendo proferret, vitamque suam inglorio-



gloriorum monachorum exemplo ac instituto ageret, satyrico more coarguit (p).

Plures antiquitate generis & honore illustres ætatis istius homines, ad studiorum gloriam magno conatu adspirantes nominare nihil attinet. Qualibus nec insequenti tempore caruit Germania. huic saltem Erasmus suo ævo gratulatus est, quum vidit, multos nobilitatis iuvenes ad laudem litterarum studiis comparandam contendere; idque tanta peragere æmulatione, ut tum, Erasmi sententia, vere clara, generosa, illustris, ac suspicienda existere cœperit *Germania nobilitas*: quæ pro chartis lusoriis, atque alea optimos tractabat veterum libros, & cui pro bellis ac latrociniiis sanctissimæ leges ac philosophiæ decreta curæ erant cordique (q).

Haftenus id, quod declarandum suscepi, non obscure comprobasse ego mihi videor: litteras videlicet, in primis purioris Latinæ linguæ studium, Principum summorumque virorum patrocinio adiutum, tam breui temporis spatio in Germania nostra effloruisse; mirum adeo non esse, quum litterarum studiosis summi tum decreti fuerint *honores*. Quibus amplissima accesserunt *premia* industria hominum mirifice excitantia. Nam

Q 5

et-

(p) clar. viror. ad Reuchlin. ep. pag. 15.

(q) Erasmi epist. 94. lib. 19.

etiamſi Pirckheimerus ſe ſuæ ætatis Principum conditiones probe cognitâs habuiſſe adfirmavit (r), diu inter eos verſatus ; ſequetalibus ipſorum promiſſionibus vel ditiffimum pronuntiauit ; quibus ſi ſuſtentari debuiſſet, bonis ſæpe, vt aiunt, dentibus male comedere coactus eſſet ; quum magnifica verba neminem opulentiorem reddant, & in actione demum omnis laus virtutis conſiſtat. Erasmus tamen , ad quem talia ſcripſerat Pirckheimerus, edocuit, fortunam a Principum liberalitate exſpectandam ſibi haud deſuiſſe : qua quo minus abundarit, ſe ipſum culpam ſuſtinuiſſe, fatetur, cui libertas nimis dulcis fuerit (s). Equidem præmia, eaque ampla ſatis, in Germania propoſita fuiſſe iſto tempore litteratis , non paucis testimoniis demonſtrare poſſem : verum id ſuperioribus comprobatum ſimul eſſe, arbitror : vbi præter ſingularem ſummorum Principum erga Muſas clementiam, de *Dalburgii*, *Pirckheimeri*, *Peutingeri*, *Mutiani* actum eſt benignitate. Tantum iis, quæ ſupra de *R. Agricola* protuli, in præſenti addam, *Burgundia Cancellarium monitis, ſuaſibus, impulſu & blandimentis propemodum promiſſisque Agricolam, vt Maximiliani Imperatoris aulam ſequere-*

(r) epiſt. familiar. lib. miſc. ep. 27.

(s) ibid. ep. 28.

queretur, pellicere studuisse (f): *Antverpiensis* etiam *senatus*, ut in urbem suam attraheret *Agricolam*, opulentam ei obtulit conditionem (sf). Qui quum, ut eam acciperet, propositis præmiis permoueri non potuisset, eidem *Senatui* suadere tamen haud intermisit, ut hominem, ubicumque liceret, scholæ suæ quæreret, qui docere posset, dicere, & facere; & qui bonas litteras didicerit: nec, uti fieri consueuerit, *infanti theologo*, aut *physico*, id muneris committeret (t): quod si idoneum hominem inuenisset *Senatus*, omni sibi cum ut pararet mercede, hortatus est; eundemque cogitare iussit, non de re vili atque contempta, sed de filiis consilium esse, quorum utilitati futuræque vitæ omnis civium labor inuigilare deberet (tt). Nec vero

Ger.

(f) Lucubrat. *Agricolæ* pag. 207. (sf) *ibid.* p. 215.

(t) vid. *Erasmi Adag. Chil. I Cent. IV, n. 39.* Quid cani & balneo?

(tt) Lucubrat. pag. 210. Id *Senatui Noribergensi Melanchthon* his verbis persuadere contendit T. I. Declamat. p. 443: *Est non modo in superos impius, sed plane humana specie belluinam mentem tegit, quisquis non dat operam, ut sui liberi rectissime instituantur: hoc inter hominem ac belluam discrimen natura fecit, quod belluæ deponunt curam sobolis, cum adoleuit, homini iniunxit, ut ex se procreatos non modo in prima infantia alat, sed multo magis, ut mores eorum, quum adoleuerint, ad bonestatem formet.*

Germaniæ Musæ nullos inter exterās nationes habuerunt Mæcenates; qui ipsas colendas, & pro insigni sua in litterarū beneuolentia eximiis præmiis ornandas sibi existimaauerant. De *Roffensi Episcopo*, magno litterarum ac pietatis in Anglia Antistite, narrat Erasmus, se sollicitè ab eo rogatum esse, quare Reuchlino, quem propemodum adoratū ab ipso scribit(u), gratum facere posset: & quum viri fortunam eiusmodi esse, negasset Erasmus, ut pecunia magnopere egeret; verum, si anulum, aut vestem, aut aliud eiusmodi, quod ceu ipsius monumentum amplecti posset, missurus esset, gratisimum id Reuchlino futurum, confirmasset; episcopum respondisse, addit, *se nihil laborare, quanti constaret, si modo id gratum fore, nosset.* Quare petiit Erasmus a Reuchlino, ut scriberet, quid sibi potissimum mitti cuperet; *nullis episcopum sumptibus parsurum;* ipsi persuadens (v). *Angliæ etiam Archiepiscopum* omnia sua Erasmo detulisse, ipse testis est: qui quum pecuniam recusasset, e-quum donauit abeunti Archiepiscopus, & calicem cum operculo elegantissimum inauratum, pollicitus, *apud mensarios pecuniam, quantamcunque iusserit Erasmus, se depositu-*  
rum

(u) lib. II epist. illustr. viror. ad Reuchlin. f. 4, b.

(v) ibid.

*rum* (x). Idem Erasmus *Friderici Saxonie Electoris* erga se *liberalitatem* in epistolis suis passim prædicat; quem Melanchthoni mille florenos aureos legato morientem reliquisse notavit (y).

Priusquam denique de ratione, qua ætas ista in perpoliendo Latino sermone vsa est, quædam adiiciam, inquirere porro animus est, numne præter bene per litteras merendi cupiditatem, honores, atque præmia eadem ætas quidpiam amplius habuerit, quod industriam ad linguarum litterarumque studia in Germania excitarit, quod vero rarefcere paullo post cœperit. *Concordiam*, qua eruditorum animi conglutinati sunt, & *vitam* & *studia dulciora reddidisse* eo tempore, ita, ut docti operam ad illustrandas doctrinas amanter contulerint, grauissimum testem habemus Ph. Melanchthonem (z). Magni enim omnino studiorum, Erasmi sententia, referebat (a), eos, qui politioribus litteris mili-

(x) ib. t. 1.

(y) epist. II, lib. XVIII

(z) Declamat. T. III, de Io. Capnione, p. 297.

(a) ep. 77, lib. XX. Quam ægre hunc consensum atque bonorum concordiam tulerint hostes, ex Pirckheimeri verbis intelligi potest, quibus in Apologetica epistola, Luciani Pitcatori præm. quærit: *Nonne hoc placet, vel vi u potius dignum, quod tot tantosque viros tam effrenate laceffere, tam per*

militabant, iunctis vmbonibus sese conden-  
 fauisse, aduersus hostium phalanges, qui nus-  
 quam magis concordēs fuerant, quam ad op-  
 primendum feliciter subolescentes linguas ac  
 bonas litteras. Vel solam concordiae, qua  
 harum litterarum vindices quam maxime  
 coniuncti fuerunt, cogitationem iucundissi-  
 mam esse, laudatus Melanchthon censuit.  
 Nam etiamsi maxima inter eos laudis fuerat  
 æmulatio: tantum tamen abest, vt inuidia, vel  
 obtrectatio vlla intercessisse videatur, vt bene  
 de Patria merendi studium ipsorum fuerit co-  
 pula. Quum nominatus paullo ante *Episcopus*  
*Roffensis*, Erasmus, quem plurimi antea fece-  
 rat, Reuchlini admiratione contemnere pene  
 visus esset: siquidem ad Erasmus scripse-  
 rat (b), sibi tantopere placere viri eruditio-  
 nem, vt, qui *vicinius ad Io. Picum accesserit*,  
 alium extare neminem, crederet: ipse Era-  
 smus, nulla plane inuidia hanc rem se vsisse,  
 vehe-

*tulanter sugillare non verentur? Conradum Peu-  
 tinger, Io. Cyprianum, qui ambo preter iuris lau-  
 ream, ea fulgent dignitate, vt diui quoque Caesaris,  
 etiam secretioribus adhibeantur consiliis. Ioachi-  
 mum Vadianum, Simonem Lazium, quos omnes hono-  
 ris gratia appell.* Quin immo cauillis insectari  
 sat non erat, nisi ex hominum cieelos numero, etiam  
 brutis impurissimis equiparassent. mutuis, inqui-  
 unt, se laudibus extollunt, ex porcorum more  
 fricant.

(b) lib. II epist. illustr. vir. ad Reuchlin. f. 3.

vehementer potius ista gauisum, & pro virili currentem sese exstimulasse, testatus est (c). Reuchlinus vicissim, pro singulari, qua excellibat, modestia, sua scripta ac merita præ Erasmi dotibus contempsit (d). immo Hutteni & reliquorum eruditissimorum virorum, quos Alberti Archiepiscopi Moguntini aulâ vno tempore, nec paruo numero, fouerat, scripta suis prætulit; longe remoto gressu eos, vt sibi videbatur modestissimus doctor, secutus (e). Quando minas, obrectationes, atque conuicia, quibus Reuchlini huius famam prosciderint Colonienſes, recordor, non adeo magnæ leuitatis, neque notandæ in retinenda amicitia inconstantia, argui potuisse, arbitror, si quos, illustres in primis viros, hominis, a theologorum ordine diuinæ læsæ Maiestatis accusati, amicitia pudere cœpiſſet. At *Pirckheimerum* illustrissimum virum audiamus, quæſo, denuo (f):

*Reuch-*

(c) ibid. f. 4, b. (d) ibid. t. 1, b.

(e) epistola, qua Alberto Mogunt. Athanasii de Variis Quæſtionib. librum dedicauit.

(f) in epistola apologet. Luciani Piscatori præm. vbi singularis suæ modestiæ specimen præbuit Pirckheimerus, quando extrema epistola se haud parum multa, quæ antea ignorauerit, tam in astronomia, & mathematicis disciplinis, quam secretiori philosophia, ante medendi, ac Martialium tormentorum vsu a *Laurentio Bebeyn*, Canonico Babebergenſi, ad

*Reuchlinistam, inquit, me appellant, verum tantum abest, ut cognomen id agre feram, ut etiam summopere ob illud exultem. siquidem vere adfirmare ausim, inter cuncta externa, quae mihi diuina benignitas vel indulgenter concessit, vix aliquid aequae me, ac bonorum virorum amicitiam oblectare. praecipue, quam non casus, sed litterarium peperit consortium. eam siquidem tanti facio, ut potentissimorum etiam principum dignationi aequare non dubitem. magnam igitur eruditorum amicorum copiam, non solum per Germaniam, sed uniuersam fere Europam, mihi esse gaudeo, & gloriator. postquam Erasmi & Reuchlini virtutem, doctrinam, & eloquentiam mirifica laude extulit Pirckheimerus, addit demum: Quis igitur tantorum virorum amicitia non gauderet, quis eorum familiaritate non oblectaretur? siue igitur me Erasmistam, siue Reuchlinistam nuncupent, nulla contumelia, sed potius me laude adfecisse, sciant. Nec quisquam fere litterarum in Germania instauratarum laudem in se nominatim transfusam voluit. Agricola certe ea fuit modestia, ut laudem istam Rud. Langio atque Reuchlino, nec non Hegio suo ultro concesserit:*

*quem ipsa epistola scripta est, didicisse ultro professus est, & quidem tum, quum amplissimis muneribus iam erat perfunctus.*



rit : quum tamen ipse huius fuerit magister, ac reliqui duo, immo vniuersa Germania, plurimum ei debuerint, tamquam primo ac præcipuo bonarum litterarum vindici, qui etiam ab omnium artium professoribus, si quis nodus inciderat, ad cuius explicationem aut historiarum, aut Latinæ linguæ aut Græcorum cognitione opus fuerat, consulebatur. Quum Heidelbergæ mos fuerat, vt in publicis disputationibus professores, si quando hæserat disputator, interfarentur, difficiles nodos ab Agricola publice explicatos esse legimus (ff). quæ omnia de singulari testantur conspiratione, & eruditorum ad excitanda inter Germanos studia concordia. nam comiter in eruditorum grauiumque virorum conuentu disputasse, nec rixatum esse Agricolam, adfirmarunt. Quod si vero omnino simultatis quicquam intercedere cœperat, mature opprimere eam contenderunt. cuius rei illustris *Pirckheimerus* illustre iterum exemplum ac testimonium nobis præbent. Is quum a fide dignis hominibus acceperat, *Eobanum Hessum* parum amice, immo infestissime de ipso verba fecisse : tanta incredibilis virtutis homo vsus est moderatione, vt minus acerbam, sed Christianæ lenitudinis quam

R

plenis-

(ff) in Phil. Melanchthonis epistola ad Alard, Amstelredam. Agricolæ Lucubrat. præm.

plenissimam ad ipsum Hessum miserit epistolam (g). quid enim submissius, quid lenius statui posset, his pio maxime Christiano dignissimis verbis: *Id licet mihi haud parum fuerit molestum, quoniam mihi conscius eram, quod te nulla in re umquam laessem: potius tamen iniuriam illam tacendo dissimulare statui, quam exposculando aliquam suscitare Tragadiam, praecipue quum pietas Christiana ab omni me deterreat contentione; atas vero ac rerum usus longior talia prohibeat certamina. Verum postquam tu ita coegisti, rem tibi ingenue aperire volui, non quod tibi iniuriam aliquam obicere queram, quum talia potius contemnere, quam vindicare soeam, sed ut silentii mei rationem reddam. Scio enim, quod nemo me offendere poterit, nisi me ipsum ledam. Extorsisti itaque, mi Hesse, silentii mei rationem, ut arbitror, haud inanem. Quid enim scriberem, quum taliter te scirem adfectum? Verum tantum abest, ut tibi irascar, ut quam optime euenire cupiam, & culpam, si qua est, potius fato meo, quam ulli hominum acceptam feram. Sum enim amicorum delectu parum fortunatus, adeo, ut omnes fere, quos multis demerui officiis, malam mihi quotidie referant gratiam. Verum*  
*non*

(g) eam inuenies in Pirckheimer. Epistolar. famil. Append. p. 404.

*non ideo a bene faciendo desistam. Quapropter, nisi tu renueris, me potius amicum, quam inimicum habebis. Bene vale.* Si reputaueris mecum, Lector, quis fuerit Pirckheimerus, quam amplis functus sit muneribus, & quanta eius in potentissimorum Imperatorum aulis habita sit auctoritas; tam excellentes & summas viri virtutes mecum veneraturus, sæculum, quo eius generis senatores vixerunt, aureum existimabis, credo.

Neque vero ego de eodem summo viro sine voluptate legi (h); ipsi minime inuidum ingenium fuisse, sed *κρηναὶ κἀγαθόν*, & tam liberale, ut si quid penes se habuerit, quod ad publicam vtilitatem recte proferri posse iudicauerit, id aliis libenter concessisse, & prolixè detulisse. Id quod epistola ab ipso Pirckheimero ad Reuchlinum scripta liquido confirmat: qua significauit (i); se Treuiri varias, tam Græcæ, quam Latinas re-

R 2

perisse

(h) Rittershus. Commentar. de Vita Pirckheimer. p. 34. Cum B. Rhenano humaniter exposulauit, quod is anxie sese excusarit, perinde ac si minus sincere cum amico agere suspectus fuerit, & Pirckheimerus non satis sciuisset, quo officio amici essent colendi: omnem igitur vanam suspicionem deponere eum, & credere simul iussit, *omnia, quæ penes Pirckheimerum laterent monimenta, Rhenano esse communia.* vid. Pirckheim. Epist. famil. lib. ep. 81.

(i) clar. viror, ad Reuchlin. ep. p. 60, b.

perisse antiquitates : ex quibus Græca cum ipsa ista epistola Reuchlino misit, Latina etiam, si placere intellexisset, missurus. Quam faciles in codicibus manu scriptis commodandis fuerint tum homines, *Iacobi Sprengeri*, Prouincialis ordinis Prædicatorum in vrbe Basilea, epistola, quam ad Io. Reuchlinum scripsit (k), quam maxime etiam potest testificari; cuius verba sunt: *Tuum desiderium, quo libello Græcis apicibus descripto langues, amplexatus, negare non valeo. Reperi ad tuam voluntatem inclinatisimos conuentus Basiliensis patres, qui potius codice, quam tuæ voluntatis bene placito carere volunt. His tamen adiectis conditionibus, ut ad vsum tuum, quoad vixeris, sit, ut si casu perditus fuerit, non tibi, ipsis autem sit amissus. Si vero tuis in extremis, apud te remanserit, tum erit, ut præfato restituatur conuentui, providere, & ex tuis codicibus alterum pro ornatu librariæ adiciere: & quæ sequuntur. Huc quoque pertinet mira & memoranda Glareani in suis lucubrationibus, emendationibusue alteri concedendis facilitas, qui ad Pirckheimerum scribit (l). Ego paratus sum tibi tuum codicem remittere, multis in locis notatum, ea tamen lege, ut*  
*nonum*

(k) lib. II, ep. illustr. vir. ad Reuchl. p. 2.

(l) Pirckheimer. Epist. famil. lib. ep. 83.

*nouum exemplar, ex iis, quæ nunc adornas, ad me mittere digneris. Notavi autem facta in hoc, ut iudicio tuo subiicerem, tuque ea vel probares, vel reprobares, ac si vsui tibi futura sint, iis vtere, sis, suppresso meo nomine.* Plerique nempe eruditi ita animati tum erant, ut in restituendis auctoribus alter alteri auxilio esset, nec suas quisque quæreret gloriolas, sed litteras pro virili iuaret. quales ut omnes ac singuli fuissent, Glareanus magnopere expetierat; qui, si quisquam alius, talem certe sese præstitit. Idcirco complures, si quid in lucem edere constituerant, id quibusdam aliis doctis examinandum tradere consueverunt, persuasissimum sibi habentes, *vsu, experientiam, & doctrinam efficere, ut multi plus, quam singuli, videant, & facile inuentis addi quicquam posse* (m). Et, ut vere dicam, sæpius miratus sum, tamquam rem his nostris temporibus longe rarissimam, atque incredibilem ferme, quando in ætatis, de qua mihi in præsentī sermo est, scriptis cognoui, quam æquo animo *cenfuras* aliorum pertulerint eruditi. Horum numero qui adscribatur, toties summa semper cum laude a me nominatus Pirckheimerus omnium dignissimus mihi videtur, utpote qui Erasmo singulares egit gratias, quod *tam sincere ac candide id,*

R 3

quod

(m) *ibid.* ep. 80.

*quod in ipsius scripto quòdam non probavit, ostenderit: quem animum, & quam mirificam plane ciuitatem ipse Erasmus vehementer suspexit; quum scilicet pro admonitione, quam ipse censor Erasmus audacem potius, quam tempestiuam, habuit deinceps, gratias etiam agere haud dubitarit Pirckheimerus (n).*

Non minus vero prompta *impressos* etiam *libros* commodandi voluntate fuisse sæculi eius eruditos, ex epistolis ipsorum satis cognoscere licet. *Agricola*, quamquam *Plinium* crebro in manibus habebat: *Hegio* tamen suo, quum commodatum vellet, denegare eum non potuit. Et hæc in commodandis libris facilitas est, quæ magnæ bonorum librorum inopiæ, qua Germania tum laborabat, mederi potuit. Quanta de reliquo librorum præstantissimorum penuria atque caritas tum fuerit, ætatis eius monimenta satis nos edocere possunt: id quod sine negotio quam plurimis testimoniis confirmare liceret, nisi res pro se ipsa loqueretur. Anno etiamnum c15 10 x11 *Nicol. Ellenbog*, Otthenburensis monasterii Prior, ad Reuchlinum scripsit (o), se mercatores longe lateque *Græca Biblia* inquirere iussisse, sed talia sibi haud  
 conti-

(n) Epist. famil. lib. ep. 27, 28.

(o) clar. viror. ad Reuchlin. ep. pag. 48, b.

contigisse. Plurimos libros, quos *Aldus Manutius* Venetiis impreſſerat, Reuchlinum adferendos ſibi curaffe, ex ipſius Aldi epiſtolis, quæ ſuperſunt (p), intelligimus; quarum vnius initium hoc eſt (q): *Delectari te plurimum litteris & laboribus noſtris, Capnion mi ſuauiſſime, quantum ipſe delecter, non facile ſcripſerim, tum quia principibus placuiſſe viris non infima laus eſt, tum etiam quia laus iſta, quoniam a te laudato viro proficiſcitur, facit, vt me eſſe aliquem putem. Sed Deum Op. M. oro, vt diu alter alterius ſtudio delectari poſſimus, in dies magis, quod non dubito futurum, ſi quamdiu prodeſſe hominibus poſſit vita noſtra, vterque vixerimus.* In ipſa hac epiſtola ſignificauit Aldus, quid cauſæ fuerit, quamobrem Reuchlinus libros ex officina ipſius emiſſos minoris a Germano bibliopola emere potuerit, quam Venetiis eoſdem vendere ſe conſueuiſſe, Aldus adfirmavit. quod ſcilicet mercator Germanus quam plurimos ſimul libros minoris, quam ſinguli venditi ſint ab Aldi ſocietate, vt aliquid lucrari poſſet, Venetiis acceperit, nec tamen ſoluerit, quum ad tempus dati eſſent libri: gratis igitur hos fortasſe accepiſſe ſe mercatorem putasſe, credidit Aldus.

R 4

Ipſa

(p) ad Reuchlinum ſcriptæ; ib. pag. 58, b. ſeqq.

(q) pag. 59.

Ipsa hæc *libros typis exscribendi ars* litteras euehendas propagandasque, vt in cuncta Europa, sic in patria etiam nostra, cui debetur admirabilis ars, quam maxime subleuauit. Quanta commoda eadem ars humano generi attulerit, *Auentinus* breuiter quidem, at perquam dilucide elocutus est (r): cuius verba quum non ad Germaniæ modo laudes pertineant, sed ad Latinæ etiam linguæ fata, vtpote cuius vsus artis istius beneficio magis magisque disseminatus est, spectent, si integra apponam, id non ab re fore, mihi persuadeo. quamuis non ignoro, *Auentinum*, quod ad artis inuentores attinet, erroris coargui: quod tamen de ipso artis elogio a me adducendo nihil plane derogat. Anno (CIC CCCCL), ait *Auentinus*, *magnum ac vere diuinum beneficium Ioannes Faustus Germanus generi humano contulit, nouum scribendi genus haud dubie cælitus reuelatum, (quod Chalcographiam excusoriam, impressoriamque vocare solent) inuenit. Consuluit Pater indulgentissimus honestis litteris, auctoris præclaris, de quibus actum fuisset, ita torpore languescimus, adeo delicatuli sumus, fugitantesque laborum: tantum litterarum vno mense ab vno homine imprimitur, quantum vno anno a pluribus scriberetur. Quod Campanus*

*Apru-*

(r) Annal. Boior. lib. VII, p. m. 667.



*Aprutinus pontifex vno versu elegantissime scripsit*

Imprimit ille die, quantum non scribitur anno.

*Hinc indies magis ingenia vigent, studia litterarum florescunt, copia librorum paruo arc suppetit, omnes ad capeffendas præclaras artes tanta librorum commoditate alliciuntur.*

Equidem de *via*, quam sæculum istud in *Latina lingua sordibus purganda* iniit, agere itidem pollicitus sum: sed eo breuior nunc hac in re, quam in superioribus etiam passim attigi, esse posse mihi videor; quo vberior deinceps de reformata grammatica dicendi mihi erit copia. optimi igitur tantum *Agricola* longiorem & salutarium maxime consiliorum plenissimam *epistolam* heic laudabo; & quum vbique obuia sit(s), nihil ex ea excerptum dabo, præter pauca oppido verba, quibus Barbiriano suo corruptam loquendi institutionem, quam pueri in scholis acceperint, emendandi modum præscribit: *Fac*, inquit, *suspectum tibi sit, quicquid hætenus didicisti, damnes omnia, atque abiicienda pu-*

R 5

tes:

- (s) cl. Rechenbergius istam vna cum Rol. Maresii Epistolis philologicis edidit pag. 569 seqq. inter formandorum studiorum scriptores Basileæ & alibi coniunctim editos sæpius antea recusam. in Lucubrationibus Agricolæ reperitur pag. 193

*tes : nisi meliorum auctorum testimonio , & velut decreto rursus in eorum mittaris possessionem* (f). postquam plura eadem de re praecepta dedit, addit denique: *quicquid eris scripturus, des operam, ut quam purissime id, recte tantum, Latineque inter initia eloquaris. ornatè dicendi posterior erit cura, quod contingere certe, nisi sana & integra sit oratio, non potest.* Reuchlinum quoque studiose operam dedisse, ut ciues sui grammatici prius existerent, quam elegantes euadere stude- rent, vidimus, nihil etenim tam portentosum iudicauit Erasmus, quam orationem, quæ quum munda non sit, ornata tamen videri velit; & quum sana non sit, formosa tamen videri gestiat. Et

(f) Equidem *Ioach. Camerarius* verba ista non penitus probauit in Oratione de Studio bonarum litterarum Lipsiæ pronuntiata, a. 1641, B, 6. vbi scripsit: *Neque ego ausim dicere, id quod Rudolphus Agricola pronuntiat, reiicienda esse omnia prioris seculi studia.* ipsis Agricolæ verbis repetitis, pergit: *Ego vero ut penitus defugiendam prioris seculi auctoritatem non censuerim, ita hoc nequaquam vercar affirmare, pleraque tum usurpata vel corrigenda vel prorsus etiam mutanda esse.* Errarunt enim multis in rebus superiora tempora: quæ vel usus deinceps, vel doctrina, vel etiam vetustas ipsa immutauit. Sed tamen, quum Agricola prudenter addiderit: *nisi meliorum auctorum testimonio & velut decreto rursus in eorum mittaris possessionem,* Camerarium facilius assentiri ei potuisse, arbitror, simplicis veritatis studiosissimo viro.

Et sic *Latina lingua* in Germania suscitatae euectaeque non *infantiam* solum, sed plus etiam, quam *pueritiam*, commonstrasse mihi videor, insequenti capite adolescentiam ac ipsam virilem eius aetatem persecuturus, quæ in medium circiter sæculum XVI incidit. Circa hoc enim tempus linguæ studium maxime in Germania floruit, ad vigorem quemdam perductum: posteaquam incunte sæculo, & paullo ante, eiusdem linguæ scientia ex Italia Alpes in Germaniam translata, incredibili, quemadmodum supra intelleximus, cum lætitia a compluribus excepta, magno ardore comprehensa, & singulari cultu erat adfecta (sf): nec quisquam tum fuerat perfectæ virtutis veræque laudis studiosus, qui non ad vsum aliquem, vel ad speciem, quicquid liceret, de Græca Latinaque lingua adsumendum sibi putarit, & sero etiam interdum in id laboris ac operæ aliquid dubitarit impendere. satis ex superioribus, ut opinor, constat, eo cupidius quemque hoc fecisse, quo longius dignitate progressus, ad gloriam prudentiæ, honorisque altitudinem maiorem peruenerat. Tantum enim humaniora studia & honestatis, & iucunditatis, & fructus habere tum existimauerant Germani, ut, nisi qui omnis humanitatis expers fuerat, nemini

non

(sf) Camerar. in cit. orat. B. 1, 2.

non sequenda atque colenda esse viderentur. Quantopere linguæ & poeticæ Romanæ studio capti fuerint initio sæculi XVI, eoque procedente, Germani, ex sequenti aperta nec iniucunda narratione, quam excellentissimus Camerarius, sæpius iam, tamquam grauisissimus testis, hætenus a me adductus, scriptam reliquit, haud obscure etiam potest cognosci (t): *Memini me adolescentem de quodam non indocto, sed qui serius has nostras litteras degustasset, quod hominum genus non modo est, ut Cicero ait, insolens, sed etiam flagrans in primis studio discendi: de illo igitur cum poetis potissimum delectaretur, memini aliquando audire quum diceret, se non recusaturum, quin caput sibi abscinderetur, si vnum modo epigramma se auctore compositum relinquere concederetur, bonitate & fama parcuilibet ex omnibus a Martiale editis. Prudenter his addit Camerarius: Hic immodice, ut videtur, cupidus eruditionis, & perturbato animo quid optaret, aut vellet, ipse nesciebat. Sed hoc profecto fieri solet, ut ii, qui in his studiis aliquid profecerunt, nihil horum delectationi anteponant. Eos videmus, quemadmodum his verbis Cicero dicit, nec valetudinis, nec rei familiaris habere rationem, omniaque perpeti ipsa cognitione & scientia captos, &*  
*cum*

(t) ibid.

*cum maximis curis & laboribus compensare eam, quam capiunt ex discendo, voluptatem. Et hoc ipsum est, quod supra probatum dedi, ubi Pirckheimerum de semet ipso loquentem introduxi: Ego tamquam plane a negotiis feriatus, in pistrino me torqueo litterario, non sine bona valetudinis dispendio, amicorum ob- iurgatione, vulgi denique risu & subsanna- tione,*

## CAP. V.

*Inter illos, qui procedente sæculo XVI incre- dibili suo studio diligentiaque rem eo por- ro perduxerunt, ut Latina lingua tam cul- ta in Germania exstiterit, atque ornata, ut a perfectione non procul abesse videretur, quorum numerus ingens omnino fuit; pri- mo loco qui ponantur, dignissimi sunt Io. Murmellius, Herm. Buschius, Des. Era- smus, optimi eruditi Hegii discipuli. quo- rum duo priores insignem in Alexandri Do- ctrinali & reliquis linguae impuritatis ex scholis eiiciendis nauarunt operam; quibus Io. Auentinus suam etiam adiunxit, eam- que perutilem. Erasmi vero merita tanta sunt, ut schole vnicum fere litterarum in- ter Germanos venerentur eum instaurato- rem. cui in vindicandis litterarum Roma- nique sermonis studio opportunam maxime atque*

*atque fidelem opem tulerunt Vlricus Hut-*  
*tenus, qui obscurorum virorum ad Ortu-*  
*num Gratium Epistolarum auctor putatur,*  
*& Hermannus Comes Nuenarius: for-*  
*tissimus vterque Reuchlinianæ causse de-*  
*fensor. Atque horum prestantissimorum*  
*virorum atate Latinæ linguæ, de cuius et-*  
*iam orthographia perficienda eruditi sol-*  
*liciti fuisse demonstrantur, adolescentia*  
*desinienda videtur; ita tamen, ut virilem-*  
*etiam vigorem, siue aureum linguæ in*  
*Germania sæculum attigerit: quale ut*  
*hoc esset, summa excellentissimi Melan-*  
*chthonis in singulas disciplinas merita effe-*  
*cerunt. Et hoc ipsum peritissimos ostenta-*  
*uit in Germania scholarum moderatores,*  
*doctissimos grammaticos, interpretes, atque*  
*rhetores, elegantissimos porro poetas, gra-*  
*visimosque historicos, ac oratores, fa-*  
*cundissimos senatores, atque iureconsul-*  
*tos, Latinissimos medicos, & bonarum de-*  
*nique litterarum cupidissimos theologos.*  
*Qua adfirmatio, nonnullis singularum ar-*  
*tium disciplinarumque studiis eruditissimis*  
*viris nominatis, comprobatur; & eorum*  
*principem Ioach. Camerarium recte haberi,*  
*ostenditur. Quemadmodum vero superio-*  
*ri tempore potentissimorum Principum*  
*elementia ac nobilissimorum virorum fa-*  
uor

uor in Germanis doctrinae eloquentiaeque studia excolendi ardorem concitarunt: sic eadem clementia ac idem fauor ardorem hunc aurea ista aetate quam maxime sustentauit: siquidem Principes atque ciuitates erigendis bonarum litterarum officinis, fouendisque litteratis hominibus adeo inter se certabant, ut quo plures produceret respublica eruditos, eo florentior ista existimaretur atque ornatio. id quod Cisueserana in primis regiones testari possunt: quo docti ex Westphalia confluxerunt.

**M**Elioribus Latinae linguae fati, quibus sub XV saeculi exitum & insequentis initium in utraque, & inferiore & superiore, Germania usa est, cognitis; & causis, quae effecerunt, ut studium eius magnopere ibi effloruerit, breuiter simul explicatis: ad optatissima progredior tempora: quamquam ea, quae antecedente capite considerauimus, nec infelicia, nec Musis inimica plane fuisse, confiteri necesse habemus. Illa enim erant, quae a Melanchthone, siue Peucero, his praedicata sunt verbis: *Reducta tum ab exilio, & restituta aliquantum artes, mirifico sui desiderio incenderunt, & compleuerunt Germanorum animos, pertasos barbariei, in qua irretiti insulsarum cauillationum intricata-*

*tricatisimis nexibus tot sese annos proxima  
 etate frustra & pene nullo vel suo, vel aliorum  
 cum fructu macerant; omniumque in se  
 studia conatusque concitarunt ac conuerte-  
 runt* (a). Quemadmodum Romanus sermo  
 tanto cum applausu vna cum ceteris liberali-  
 bus artibus exceptus, tantaque contentione  
 certatim cultus ac celebratus, pristinum ni-  
 torem in Germania sæculo XVI recuperarit,  
 & posteris maiorum diligentia cultiorem at-  
 que ornatiorem sese exhibuerit, est, quod  
 hoc ipso capite breuiter exponendum decre-  
 ui. Et quidem ad *Alex. Hegii* fidelissimi fe-  
 licissimique simul doctoris *scholam* reuertere  
 mihi in animo est: quam complures dedisse  
 Germaniæ viros, qui humanitatis studia ma-  
 gno conatu restituerint, superiore capite in-  
 telleximus: & ex qua ipsa *Io. Murmellium*,  
 quoque, *Herm. Buschium*, atque *Desider. E-*  
*rasmum* progressos esse, vidimus. Horum  
 præclara in Latinam linguam merita, magis  
 magisque perpoliendam, breui etiam consi-  
 derabimus. Nam etsi ii ineunte sæculo XV  
 iam floruerunt; ipsorum tamen meritorum  
 commemorationem in hoc caput reseruan-  
 dam existimaui, quum sermonem Romanum  
 in Germania viderint restitutum, & tam fe-  
 liciter vindicatum, vt a perfectione non pro-  
 cul

(a) *Melauchth. Declam. Tom. IV, p. 738.*



culabesse videretur: tum virorum capite IV  
laudatorum doctrinæ plurimum acceptum  
retulerint; fundatæ in Germania humanita-  
tis gloriam vltro quasi eis concedentes. Idem  
de *Vlrico Hutteno*, *Hermanno Comite Nuena-*  
*rio*, & reliquis acerrimis Reuchlini, & purio-  
ris simul Latinæ linguæ, defensoribus, vbe-  
rius infra laudandis, præmonitum volo. E-  
quidem quum Herm. Hamelmannus supra  
nominatim a me citatis scriptis Murmellii,  
Buschii, reliquorumque merita luculentissi-  
me explicarit, & scripta hæc rarissima antea  
non ita pridem Ern. Casim. Wasserbachii  
opera in tabernas redierint: potiora dumta-  
xat, quæ ad Latinæ linguæ cultum, in Germa-  
nia propagatur, breuiter demonstrandum fa-  
ciunt, inde proferam, non paucis aliunde ad-  
iectis.

Plures præter triumuiros istos eximia do-  
ctrina præditos homines, præceptorisque  
Hegii haud dissimiles discipulos alios in in-  
feriori Germania exstitisse tum, qui scholas  
passim aperientes, iuuentutem ad limpidos  
Latinæ linguæ fontes non minus deduxerint,  
melioresque litteras æque magno studio pro-  
pagarint, quilibet per se conicere poterit.  
Etsi enim etiamnum plures olido priorum  
sæculorum veterno premebantur, vt neque  
ad claram solis lucem oculos attollerent:

S

haud

haud defuere tamen alii innumeri, quī quum iam aliquos id posse viderent, ipsi etiam malent melius sapere, ac loqui (b). Horum numero fuit *Anthon. Liber, Susatensis Westphalus*, qui plurimi ab Agricola æstimatus, & ad communem ætatis istius scholarum formam docendique rationem mutandam ab eodem incitatus, iuventutem fideliter ad Latinæ linguæ fontes in Hollandia deduxit: multa ea propter a barbaris perpeffus, quī Campis & Amstelodamo eum eiecerunt: & *Conr. Goclenius, Paderbornensis*, cui Erasimus amplissimas impertiuit laudes: *Iuuenis*, inquit, *utriusque lingue ad vnguem doctus est, & in utroque scribendi genere mirificus artifex, siue prosam orationem malis, siue carmen, olim inter primos eruditionis proceres precipuas habiturus* (c). Alibi de eodem Goclenio testatur Erasmus, eum *Latinas litteras* tanta morum integritate comitateque apud Louanienfes docuisse, vt apud illos, qui istas prius aduersati sint, *gratiosas reddiderit*: & postquam plurima, quæ ad Goclenii laudes ob dilucidum & in prosa & in ligata oratione dicendi genus pertinent, protulit, addit demum: *Quod si nostri Principes didicissent egregiis ingenitis habere suum honorem, quem*

(b) G. I. Voßii præf. de Vitiis sermonis \* \* 3, b.

(c) Adag. Chiliad. II, Gent. 7, n. 59.

quemadmodum apud Italos habetur, Goclenius totus fuisse aureus (d). Jacobus Montanus, Spirensis, eo porro referendus est, quippe qui Heruordienſi ſchoolæ iſtis temporibus præſectus, purioris dictionis exercitia ibi inſtituit; nec contemnendis ſcriptis, quæ edidit, ut iuventutem ad bonorum auctorum lectionem alliceret, allaboravit. Ut de Petro Nebemio, Caſp. Drolshagio, Alardo Amſtredamo, aliis, nihil dicam, quorum ſingulorum Hamelmannus vberiore in ſcriptis ſuis facit mentionem; ubi illorum, qui ex Murmellii ac Buſchii diſciplina gregatim egreſſi, de re ſcholæſtica in Germania ſtabilienda præclare ſunt meriti, longos dat indices; ampliffimis Io. Caſarii & Matth. Phriſſemii, clariffimorum tum, optimeque itidem de inſtaurandis litteris meritorum virorum, adiectis laudibus. Quorum hic, quum a Coloniensibus theologis munus peteret, ab iis repulſam tulit, propterea quod litteris cultior linguaſque inſtructior videbatur, quam ut Coloniensî theologo conveniret (e): eadem prope uſus

S 2

for-

(d) Epist. lib. XVII, ep. 7. in Ciceronian. p. 378, ſcribit: *Opinor illud ingenium poſſe, quicquid ſerio voluerit, verum maſult obſeſulus eſſe, quam polygraphus: quibusdam interiectis addit: Goclenius collo & pulcre obſeſo, & adeo non longo eſt, ut mentum pectori pene contiguum ſit*

(e) G. Fabricius in Io. Riuii vita.

fortuna, qua circa idem tempus *Iac. Cerarium, Hornanum*, vsum, legimus. Hic enim, quum duro parentis imperio obsecutus Traiectum (quæ Episcopalis sedes fuerat) profectus esset, vt sacerdotali dignitati inaugurandus nomen daret; & quum barbari sæculi more (quem veluti per manus traditum ita mordicus obseruare quidam perseuerabant, vt piaculum putarent, ab eo vel latum vnguem discedere) ab officialium collegio examinandis presbyterii tironibus deputato, grammaticalis regulæ auctoritatem recitare iuberetur: se hanc nescire ingenue confessus est. ad quod responsum e vestigio ex adyto illo sanctiore, vt profanus, iussus est excedere, grammaticamque feliciter ac diligentius euoluere, homo doctissimus, spurceque barbarici proculcator strenuus. Qui quum Hadr. Iunii, hæc ita narrantis (f) iudicio, cum Xenocrate respondere tum potuisset: *Equidem ego vellus non carpo*: rara modestia ita contineri sese passus est, vt nec excusauerit se, nec errorem illorum castigandum decreuerit; contentus viro eiusdem ordinis candidato repulsæ suæ causam detegere: qui mox introductus in sacratius illud penetrale, erroris magistros illos admonuit, insignis calumniæ maculam se ipsis aspersurum minitans,

(f) Centur. V. Adag. 4.

tans, ni opportune illi mederentur. Cuiusmodi castigatione factum, addit Iunius, vt agnito errore Ceratinum reuocarent, iniuriamque deprecarentur, prisci moris excusatione, non enim integrum sibi fuisset, a ritualium librorum ductu, & recepto more discedere. his aliisque lenociniis delibutus sacerdotio inaugurabatur *Ceratinus*: qui nimirum Iunii testimonio *Latina lingua innutritus quodammodo, triuialia grammatices precepta vel omnino non audierat, vel neglexerat dedidiceratque*. Qualis vir fuerit Ceratinus, ex quadam etiam Erasmi, qua eum Pirckheimero diligentissime commendauit (ff), epistola, cognoscere licet: qua testatus est, eum virum fuisse, qui ita Græce doctus existerit,

S 3

ne c

(ff) Pirckheimer. Epist. familiar. lib. ep. 46, b. vbi sequentia etiam de Ceratino scribit Iac. Erasmus: *Eum iussu vel flagitatione potius Georgii Principis per litteras euocaui, non admodum sperans, futurum, vt hanc conditionem non aspernaretur. Nam & apud suos amplius præmiis ad publicam professionem inuitabatur. Succedet Petro Mosellano, sed cecem Mosellanis eruditior, etiam si Mosellanam doctrinam, & ingenium habui, vulgariter adamabam.* ep. 91 eiusd. libri scribit Pirckheimero: *Georgius Saxoniae dux crebris litteris perpulerat me, vt mitterem, qui Mosellano succederet, nisi Iac. Ceratinum egregie peritum vtriusque litteraturæ. Res non optime successit. fortassis incidit in suspicionem, quod non satis abhorreret a doctrina Lutheri.*

nec minus Latine, ut cum dignitate vel in quavis Italiae parte profiteri potuisset: tum moribus plane niueis, sed adeo modestus, ut pene putidulus.

Ad optimos istos triumuiros ipsos quod attinet, IO. MVRMELLIUS, *Ruremundensis*, qui primus eorum decessit, vir bonus a Io. Sturmio appellatus est, & utilis Dauentriae puerorum in ludo moderator (g): *absolutissimum* alii praedicarunt eum *grammaticum*, qui omnium aetatis suae eruditorum in se conuerterit oculos. Quum Io. Bugenhagius scripta eius legisset, magnopere laetatum se confirmavit, illo se vixisse tempore, quo & *ipsa Germania adolescentia* doctis atque *Latinissimis praeceptoribus gauisa sit*: Murmellius certe scripta qui legerit, eum casta, ac Latiali lingua loquentem miraturum fore, credidit. Exquisitae summi Maecenatis *Rud. Langii* eruditioni, quod complures mendas & ex prosa oratione, & versiculis sustulerit, in primis se debere, fassus est Murmellius: quem Colonia ab inficetis ac illiteratis hominibus expulsam exceperat Langius, benignissimeque refecerat. Quod obscurum *Alexandri Galii Doctrinale*, de quo mox pluribus verbis agendum erit, ex Germaniae scholis sit extrusum,

Mur-

(g) in dedicat. qua Golii *Onomasticon* Iacobo Marchioni Bad. inscripsit.

Murmellio nostro atque Herm. Buschio cum primis deberi, putant eruditi. Ille saltem a doctis sæculi sui viris efflagitavit, ut omnes ingenii sui nervos intenderent, ut, explosa veteris Alexandri barbarie, politioribus litteris erudiri se, gauderet Germaniæ iuventus. Ad quem finem librum etiam suum, quem *Scoparium* inscripsit, valde ab Hamelmanno dilaudatum, emisit; ut nihil de aliis eius libris, qui ad recte emendateque loquendum multum conducebant, addam (h).

HERMANNVS BVSCHIVS, *Hegii* iuxta institutioni, atque eiusdem *Rud. Langii*, cuius ac cognati sui, consiliis omne id, quod in se fuit eruditionis, acceptum retulit: cuius posterioris persuasum in Italiam abiit, ab eodem educatus antea, atque aliquamdiu instructus. Vnde postquam optimarum rerum scientia ornatus redierat, & tantus denique vir euaserat, qui Erasmi iudicio (i) *in carmine pangendo felix* fuerit; & in cuius etiam *soluta oratione magna eluxerit ingenii vis, lectio varia, iudicium acre, nervorum satis, sed compositio Quintiliano propior, quam Ciceroni.* tantus, inquam, vir quum euaserat Bu-

S 4

schius;

(h) indicem eorum vide lib. III Hamelman. de Viris in Westphalia scientia scriptisque illustr. Oper. pag. 171.

(i) Ciceronian. pag. 378.

schius, optimi sui cognati, & *R. Agricola*, quo olim in Heidelbergensi academia præceptore usus erat, & cuius hortatu Ciceronem diligentius legere instituerat, exemplo incitatus; tam egregie de bonis litteris, præsertim de Romano sermone, meritus est, quam qui maxime. siquidem non inferiori solum Germania barbariem eiicere pro virili enixus est, sed in pluribus quoque superioris Germaniæ academiis, in quibus ipse docuit, homines coperduxit, ut sordium denique ipsos pertæsum esset, meliora addiscendi cupiditate adfectos. Tanta equidem cupiditas hæc exstitit, ut clarissimos etiam viros ac disciplinarum doctores haud puderet, Buschium, veteres scriptores frequentibus admodum scholasticorum auditoriis explicantem, audire. Quo magis enim *Βάρβαροι* isti obstrepebant, hoc magis iuuenum ardor gliscebatur (k), illiteratis litteris magnopere tandem spretis. Quum videlicet bonos auctores scientissime interpretatus erat Buschius, Germaniæ iuventus penitus tandem cognouit, quid distarent æra lupinis, id quod in plurimarum urbium scholis, & *Rostochiensis* academia factum est: in qua Buschius quam fortissimos barbariei reperit propugnatores, maxime idcirco ipsi aduersarios, solumque vertere ipsum denique cogen-

(k) *Erasm.* lib. XVII, ep. 8.



cogentes. *Gripswaldensem* porro, *Francofurtensem*, *Erphordensem*, *Lipsiensem*, *Wittenbergensem*, *Marpurgensem*, & alias Germaniæ scholas ex barbarie ad Latinæ linguæ cultum reuocare studuit: in quibus adhuc nihil ferme, nisi fœda fuerat barbaries; & doctissimus Buschius, ab Hamelmanno *firmum Latinæ linguæ propugnaculum* merito suo appellatus; Augiæ stabulum ibi inuenit. *Lipsiæ* tamdiu reluctata est barbaries, dum optimum virum inde expulerit; quum ex Wittebergensi academia eo redierat (1). Aequè infestam nempe *Lipsiæ* fortunam eodem fere tempore expertus est Buschius, ac *Io. Rhagius Aesticampianus*, vir eruditissimus (2), & an-

S 5

tea

(1) vid. Hamelmanni orat. de Herm. Buschio supra allegatam: ubi multa notata digna inuenies. conf. etiam disputat. de *Græcarum & Latinarum litterarum in Misnia Instauratoribus*, *Lipsiæ* præf. cl. Io. Burch. Mencken 1701 hab. § 15. Vberiore cultum, quem *Dantes Aldigerius*, *Florentinus*, initio sæculi XIV ex Italia *Lipiam* secum attulisse § 9 eiusdem disput. dicitur, multo ante extinctum atque oppressum fuisse, quam Buschius eo venerit, facile quemque sibi persuaturum, arbitror.

(2) qui plura de *Aesticampiano* cognoscere cupit, euoluat velim Dan. Fidleri disputationem, de ipso hoc grauisimo humanitatis vindice *Lipsiæ* 1703 emissam: cui *cratio* subiuncta est, quam an. 1511 habuit, quum quorundam maleuolentia atque improbitas *Lipsiæ* abire eum cogeret. Quæ licet minus verbosa sit, eruditionis tamen plenam, sed quæ

tea *Conr. Celtes*. Quum *Georg. Heltus*, Camerarii præceptor, promptam & expeditam Latine scribendi elegantiam, & quocunque in negotio verba faciendi copiam, dudum in Buschio admiratus, ipsum aliquando, quum Lipsiæ adhuc commoraretur, interrogasset,

multa acerbitate permixta sit, deprehender, qui eam legerit: accedit, quod sæculi conditio optime ex ea perspicui queat. Valde ego miratus sum, quum in eadem, quantum operæ Lipsiæ in docendo per triennium nauarit Aesticampianus, cognoui. *C. Plinii Historiam naturalem*, quam Germanos antea vix cognitam, atque auditam, nedum lectam, habuisse adfirmat, ibi exposuit; *tres etiam Decades T. Liuii* isto temporis interuallo bono publico explicauit, *Plauti porro Comædias, Horatii Carmina, Virgilii Aeneida, Ciceronis Epistolas, tres de Officiis libros, tres de Oratore, totidemque Orationes, Corn. Taciti de Moribus Germanor. librum, Hieronymi Epistolas. Aul. Gellium, Priscianum, Augustini* aliorumque scripta illustraturus, nisi vrbe excedere coactus esset. Quo singulari suo studio scholasticorum quosdam tam cultos factos esse, lætatus est industrius maxime vir, ut alios ingenue erudire potuerint. Vehementiora sunt extremæ orationis verba, quibus in purioris Latinitatis hostes ita inuectus est: *Vos quidem oportebat primum loqui verbum Latinitatis, sed quoniam repellitis illud, & indignos vos iudicatis Romana eloquentia, ecce conuerto me ad gentes vicinas & barbaras. Quem enim poetarum eloquentum non sunt persecuti patres vestri, & quem vos ludibrio non habuistis, qui ad vos expoliendos quasi cælitus sunt demissi? Nam ut multis paucos referam, Conrad. Celtin pene hosli-*

set, quam maxime rationem in illa comparanda secutus esset; responsum tulit: *Legendis & relegendis Ciceronis epistolis* (m). Postquam igitur studiosa iuventus Buschii nostri exemplo ad Ciceronis & reliquorum bonorum auctorum lectionem, quæ omnis scientiæ quasi fons est, inuitata, in obscuro-rorum grammaticorum labyrinthum includi se porro non patiebatur, omnesque detestabatur Latinæ linguæ impuritates, barbaries ubique in Germania exhibilata terga tandem vertebat. Arduum maxime opus, quod mirandum puto, in *vrbe Colonienfi*, quæ barba-

rici  
*liter expulistis. Hermannum Buschium diu ac multum vexatum eiecistis. Ioannem quoque Aesticampianum variis machinis oppugnatum tandem euertistis. Quis tandem Poetarum ad vos veniet? Nemo hercle, nemo, cuius modo ad aures virtutis vestra fama peruenierit. Inculti ergo ieiunique viuetis fœdi animis & inglorii, qui vel, nisi pœnitentiam egeritis, damnati omnes immoriemini.* Hosce aduersarios publicas scholas præclusisse Aesticampiano, & scholasticos ne eum audirent, nequiter impediuisse, ex eadem oratione discimus: quos a recta loquendi via modesteque viuendi regula insulis suis sermonibus & luxuriosis conuiujs auocasse atque seduxisse isti dicuntur. idque eosdem aduersarios natura & consuetudine iamdiu inueterata ac roborata, vel peruersa ac impia voluntate commisisse, pronuntiat Aesticampianus.

(m) Ioach. Camerarius id commemorat in præfat. *Epistolis Ciceron.* præm. A. 5; edit. Vœgelin. an. 1605.

riei inscitiaeque propugnatoribus tutissimum adhuc portum praeberat, strenue optimi *Comitis Nuenarii* auspiciis adortus est; quum & praestantissimos ibi enarraret scriptores, quos Colonienfes sophistae ex mera adhuc oderant inscitia; & doctissimis ingenii sui monimentis, quibus barbaros carpebat, sedulo contenderet, ut *Alexandri Doctrinale* scholis eiiceretur, cuius haud segnis impugnator etiam *Buschii* aetate fuit *Timaneus Camenerus*.

*Alexandri* huius *grammatici*, qui saeculo XII vixit, amore per tot saecula ita capti fuerant scholastici, ut eos, qui *Alexandri* praecepta impugnare audebant, maximis proscinderent conuiciis, tamquam homines omnium bonorum odio dignissimos. Namque per hominum animos peruaferat tum opinio, *neminem plane ad eximiam aliquam eruditionem peruenire posse, nisi qui in Alexandro probe esset versatus*. Quid, quod eo dementiae processerant tum homines isti, ut id, quod aurei saeculi scriptores litteris consignarunt, imitari dubitarent, *nisi Alexander conuenire videretur*; ita, ut omne id, quod aliquis aliunde in Latinis litteris addidicerat, superfluum damnarent. ut plurima paucis comprehendam: *Alexander cum Glossa notabili Coloniae nata instar omnium grammaticorum erat*. Licet vero *Hegius* con-

contra barbaros huiusmodi libros, inprimis contra *vocabularium*, *Gemma Gemmarum* inscriptum, & reliquas Latinæ linguæ impuritates fortiter cum Agricola antea dimicasset, inuectivas contra ineptos grammaticos conscribens : & licet *Wimphelingius* in idem istud *Alexandri Doctrinale* grauitè prius in superiori Germania esset inuectus : aduersariorum tamen ferocia prohibuerat, quo minus multum profecerint doctissimi viri, de felici rerum successu penitus ferme desperantes. Nam etsi sciebant, *Sulpitii Verulani*, & *Aldi Manutii* operam, quam in *Alexandri Doctrinali* ex Italiae scholis exterminando collocarant, non irritam fuisse : in Germania tamen tot obiciebantur humanitatis assertoribus impedimenta, vt ineptos libros eiusmodi ex iuuentutis manibus extorquere per bene multos annos ἀδύνατον plane ipsis videretur. Præter enim *Alexandri Doctrinale* & *Gemmam Gemmarum*, complures alios eiusdem farinae libros versabant tum in scholis : quorum ipsi tituli barbarismis erant insigniti. Huc referenda est *Disciplina scholarium*, & *Vocabularius breuiloquus cum arte diphthongandi, punctandi, & accentuandi* : cuius Mart. Crusius mentionem fecit (n). Pertinent huc porro *Hollockot*, *Breikot*, *Gorra*,  
Ala-

(n) Annal. Sueu. P. III, lib. IX, c. 8.

*Alanus, Mammetractus, Moretus, Florista, Aurora*; item *Dialogi Pauli Nivis, Idioma Laur. Coruini, Hieron. Paduanus & Mancini Dominici Carmina*, plurimaeque Germaniae subsellia tum occupantia, obscura maxime hodie, nomina alia: quorum indices Hamelmannus & Erasmus in suis monumentis dederunt; & quae Ciceroni, Quintiliano & reliquis optimis scriptoribus praelata esse ab saeculo isto, pluribus nos edocent: nam iuuentutem sermonis in monachorum culinis nati fecem perdiscere volebant saeculi eius magistri; ut delirantes scilicet ac misere balbutientes scriptores intelligerentur. quapropter bonorum auctorum loco *modi significandi*, & id genus *glossemata*, non minus stolidi, quam proluxa, eidem Germaniae iuuentuti tradebantur (o). Cui si omnino veterum monumenta offerebantur a magistris; miris & ineptis plane commentariis obscurata ei obtrudebantur: quales commentarios hos esse, ipsi statim tituli quasi spondebant. Eiusmodi erant *Virgilii Bucolica cum Commento familiarissimo, Parisiis elucubrato, & Dauentriae MDCCCXCIV impresso*: atque *Carbo cum glossa & moralisatione, Coloniae eodem anno apud Henr. Quentell typis exscriptus*. Quem postremum Commentarium satis ineptum esse,

(o) Erasmus de conscrib. epist. p. m. 10, 11 & 38.

esse, vel ipsum proœmium declarat : quod integrum addendum putavi, vt sæculi istius genius dicendique genus quodammodo eluceat-(\*): *Summi deus largitor premii. via*

*con-*

(\*) Ipsum hoc proœmium ita comparatum mihi videtur, vt vel solum Mich. Neandri luculentissimis verbis, quæ pag. 73 seq. eruditæ præfationis in *Erotemata* Gr. L. profert, fidem facere queat: *Dum præter Sententiariorum, Lombardistarum, Occistarum, Scotistarum, Summistarum, Sermonistarum, Thomistarum, Scholasticorum doctores: ac qui horum sectatores erant, Marialia etiam, seu potius Morialia, quod essent ea idolomania ac cæca stultitia plena, rosaria Sathana- lia & Diabolaria mera [vt Lutherus infremens spiritu loquitur] non scriptorum aliud genus habebant in manibus, in quibus exercebantur, seu excarnificabantur potius, in scholis ac monasteriis quotidie: pereant interea monimenta veterum Hebræa, Græca ac Latina, non numero illo comprehendenda: ab ipsis ideo neglecta, quod assuefacti ad genus dicendi monstrosum, ac ipso sono formidabile & obscurum, ubi mugitum citius infernalem, quam vocem hominis audire tibi videaris: cum quo res etiam bonæ corrumpebantur, vt solet fieri mutato dicendi genere, [dum noue loqui incipimus in ecclesia, ac doctrinam Patrum, Prophetarum, Christi, Apostolorum, ac piorum & orthodoxorum interpretum vitiamus] meliores auctores ac utiliora scripta nec legerent, nec intelligerent, vt non male quis de monachis illis stupidiis usurpet, quod Gellius de iuæ ætatis hominibus proferat, ubi ait: Quia sæculum nostrum ab Ennio & omni bibliotheca veteri desciiuit, multa ignoramus: quæ non laterent, si veterum lectio nobis esset familiaris.*

*constans. fons refrigerii terre vices obtempe-*  
*rans a quo stillationis gre plenitudo sitienti*  
*mibi doctrine pocula salutaris domũ cõferat*  
*gre. vt stilus meus elatatus corpore desidia*  
*denigratus. ociorũq; rubidine excellentissimis*  
*efficacissimisq; doctrine dotib; acuatur. & vt*  
*sensus meus interior excecatus erroris nebulo*  
*& cecitatis perfossus cuspide elimante lugubri*  
*pncipe tenebrarum luminoso fulgure diuine*  
*pneumatis misericorditer illustrentz. Ob hoc*  
*fratres charissimi deprecemur omnes vnanimis*  
*summum fontem misericordie. vt insulsus*  
*nrm cordium infundat rore carismatis vt*  
*spus nr inclusus ossib; carnis pondere ad sum-*  
*morũ bonor. eleuetur noticiã. & cor nrm ve-*  
*latum fantasmatis lintheo carnis exutus*  
*summũ bonũ intelligat. intelligendo diligit.*  
*diligendo possideat. & sic mundificetur a vi-*  
*cũs, sanctificetur a dno. & p opationes*  
*cor p̃is memorias adipiscatur eternitatis glĩam*  
*situatus irreuocabiler inter cõciues sctos*  
*ecclesie triumphantis vbi sedet vnica trinitas*  
*maiestatis in solio suauiter. disponens diuina*  
*cele-*



*celestia siue terrestria. vidēs eternitatis in speculo cuncta p̄terita. p̄sentia & futura. quod nobis tribuat plasmatō omnium cuius regnū est permanens sine fine.* Ex hoc proœmio, quod mihi ita obscurum videtur, vt noua glossa nouaque moralisatione indigeat, diiudicare quis poterit, quali fuerint ingenio, eloquentia ac eruditione homines, cum quibus Agricola, Reuchlino, Buschio, horumque in vindicando Romani sermonis nitore fociis res fuit. homines erant, vt Erasmus eos describit, qui falsa persuasione doctrinae turgidi, magna confidentia stultitiam suam perdocebant: illiteratiores, quam vt alios docere potuissent: elatiores, quam vt ab aliis doceri se passi fuissent (p). De scriptis. quæ sophistæ procuderunt, generatim dici potest, quod R. Agricola de *Rhetoricis* nouiter tum conditis, & in eadem vrbe, qua Catonem impressum adfirmaui, exscriptis, iudicauit (q): *Magnum sane & loquax volumen, vt deprehendere ex annotatione capitum totius operis potui: sed quod male de summa rei sentire cogit, est: quod is, quisquis demum ista scripsit; videtur mihi forte copiosius de arte potuisse dicere, quam ex arte.* Erant enim ea, quæ vidi, horrida, & (quid aliud dicam)

T

(p) de conscrib. epist. p. m. 20.

(q) Epist. ad Ant. Liber. Lucubrat. pag. 177.

*cam) barbara, & scholarum nostratium sordes redolentia. Continget tamen illi fortasse, quod fere stultis solet: ut & suam turbam inueniat, & aliis errorem suum allinat. Habent enim vel precipuum hoc malum deteriora, quod non intra auctores suos subsistunt: nec fere quicquam tam peruerse sit: cui non modo patronus, sed etiam sectator non sit paratus.*

*Alexandro certe, ut eo, vnde diuerſi, redeam, non modo patroni, sed ingentes etiam sectatorum exſistere per aliquot ſæcula cateruæ: quibus errores alleuit ſuos. Quum prima rudimenta quam citiſſime perdiſcere oporteat iuuentutem, hæc diutiſſime circa Alexandri tricas occupata, non modo tempus, rem pretioſiſſimam, perdidit, ſed, prout prælegebantur iſtæ in ſcholis (r), horrore quodam barbarieque eſt imbuta, ut poſtea & ſerius & difficilius meliora perceperit. Hinc etiam euenit, ut Germania meliora docentibus tam diu repugnarit: quum nempe pædagogos tam acriter pro Alexandro ſuo propugnare conſpexiſſet iuuentus. Cuius Doctrinale etſi iure ingeniorum carnificina nominari potuerat: tantum tamen abſuit, ut Herm. Torrentinus, doctiſſimus Hegii diſcipulus, integrum illud explodere auſus ſit, elegantiae hoſtium impetum veritus, ut obſcu-*

ros

(r) Agricola c. l. p. 188.

ros dumtaxat, falsos, redundantes, & inutilles plane eius versus emendare suscepit: idque parce admodum ac caute. Crabrones tamen vel hac opera sua ita incitasse bonum Torrentinum legimus, ut misere ea a scholasticis dilacerata, *apologia* defendere sese necesse habuerit (s).

T 2

At

(s) quæ eius in primam partem Doctrinalis Alexandri Commentariis subiecta est, ita inscriptis: *Hermanni Torrentini inter Grammaticos nostræ tempestatis viri litteratissimi Commentaria pulcherrima in primam partem Doctrinalis Alexandri cum accuratissima vocabulorum interpretatione quibusdam niendosis superuacaneis & obcuris versibus vel reiectis vel in veriores & planiores mutatis. Continentur hic permulta scitu dignissima, quæ nullis aliis habentur glossæmatis. Sunt autem hæc commentaria tertio castigata diligenterque ab ipso auctore recognita, additis in margine terminationibus cunctisque vocabulis & notis arithmeticis in singulas paginas ut facilius inueniantur quæcunque vocabula. est præterea perfectior & plenior vocabulorum index vel tabula, nihil penitus prætermittens sed facillime desideratum ostendens. Item in obtreclator es eiusdem *Apologia*: & *Epigrammata* duo. Quum *Apologia* elegans admodum sit, quæ Commentariis meis multum lucis præbere queat, integram adiciere constitui, præsertim quum satis nouerim, Torrentinum in paucissimorum esse manibus. *Hermannus Torrentinus religiosi doctoque viro amico Ioanni Torrentino Canonico. Præmonstratens. in Harlemo prouinciæ Hollandiæ Preposito, fratri suo salutem plurimam dicit. Audio, mi frater, nonnullorum,**

At quod Hegius, Wimphelingius, Torrentinus, Murmellius, & reliqui, qui ad extirpandam barbariem conspirarunt, tantopere expetierunt, insulforum autem hominum pertinacia impediti efficere non valuerunt,

*qui sibi scientiam vendicant, vitio mihi vertere, graniterque culpae, quod in his elucubrationibus aliquot Alexandri versus vel ut mendosos obscurosque correximus, vel ut superuacuos inutilesque sustulimus. Tantum namque & tot saeculis approbatum grammaticum temerari discerpique non oportuisse, contendunt. Huic igitur calumniae paucis respondere necessarium duxi, ne tacendo videar crimen agnoscere, sicque demum labor noster irritus pereat. Quicumque igitur hanc nostram in Alexandro emendando carpit industriam [libere scribam, quod sentio] aut illiteratus est, & grammaticae prorsus ignarus, aut certe inuidiae morbo deprauatus insanit. Quis enim vel mediocriter litteratus ignorat, quot mendosi, quot obscuri inutiles versus fuerint in Alexandro quod & Sulpitius Verulanus, & Aldus Manutius Romanus alique viri doctissimi perhibent: quorum opera effectum est, ut Alexandri Doctrinale, quod vocant, Italiae scholis explosum sit. Quod ipsum quoniam nostris in regionibus factu difficile ac pene impossibile videtur, doctorum hominum hortatu inuidiosam hanc & sane laboriosam hanc suscepi prouinciam; ut huius primae partis mendosa quaeque corrigerem, opaca illustrarem, & redundantia amputarem, praeceptoribus simul & auditoribus consulens. Ipsi namque olim pueri non sine malo nostro experti sumus, quantus labor sit Alexandrum ediscere, & ad vnguem intelligere; quod plerique intra*

runt, Herm. Buschius demum perfecisse recte putatur, antecessorum tamen istorum laboribus quam maxime adiutus: horum enim viribus barbaries vehementer labefactata impetum sustinere amplius non poterat. Co-

T 3

lonia,

*septennium vix possunt. Quando namque pueri capient hos verius: Credo gradus summos collatis connumerandos. Si gradibus fiat collatio &c. Item istos: Primitialis erit vox in qua dicitur esse. Et istos: Personas dabit imperium primas in utroque &c. qui laboriose discuntur & parum fructus afferunt. Multaque id genus Alexandri carmina vel reieci, vel correxi: quod facile videt probatque lector intelligens. Quam igitur culpam commerui, quod pueros adolescentesque graui stultoque labore leuauit? Alexandri mendas erroresque sustuli. At dicet aliquis, laborent adolescentes, ut nos fecimus, nec otio marceant. Siccine ais, bone vir. sed hec verba tua detestandam prae se ferunt inuidenciam, quum indigneris, & egre feras ephebos nunc facilius & melius, institui, quam tu sis institutus. Quid hoc aliud est, quam si doleas, alios illac carpento vehi, quatuor pedibus iter fecisti. Summa profecto dementia atque peruersitas est, aliena felicitati inuidere & aliorum commodis grauiter angi. Verum hoc pacto confutatus aduersarius alteram profert calumniam. Si, inquit, Alexander erroneus fuit, cur maiores nostri, viri utique perdocti, eum non commendarunt? Facilis est ad haec obiecta responsio. Sed utinam inuidia careat veritas libere prolata. Erat apud maiores nostros mira bonorum librorum penuria: humanitatis artes cum libris perierant: erant docti quam plurimi, litterati vero perpauci. Duce-*

lonia quidem diutissime perfugium ei præbuisse videtur; nam licet *Herm. Nuenarius* cum primis eam ibi antea oppugnavisset, quam *Buschius* eo venit. hic tamen sophistarum solœcismis & turbine ita agitatus istic est,

*bant enim ea tempestate præceptores meram barbariem: ut Ebrardum Cornutum, Modos significandi, & eiusmodi quibus sola continentur ineptie, discipulosque stultiores reddunt, quam acceperunt. Quis igitur illo tempore Alexandri huius errata corrigeret, immo quis intelligeret aut etiam animaduverteret? Nunc autem Deo propitio humanitatis artes reuixerunt: elegantium librorum permagna adest copia, ut non oporteat nunc barbariem legere, non oporteat in Alexandri labyrintho apud Minotaurum incluzi hoc est frigola dicere & numquam perdiscere. Legenti sunt, [ut Aeneas Syluius ait] oratores, hist. rici, poete non in pucici. sine quibus nemo litteratus euadet. nemo sacras litteras funditus intelliget. Verum opus est pr. us grammaticæ fundamenta locare: id quod per Alexandrum a nobis castigatum & interpretatum iam facile futurum spero. Nullus igitur Alexandrinum hunc, quem dixi, labyrinthum vereatur ingredi, quem Thesei exemplo periculum reddidi, & latitantem in eo Minotaurum iuvenesque deuorantem, necavi. Sed hæc hætenus. Sunt quoque, quibus displicet, quod in exponendis vocabulis, aut pro dictorum confirmatione poeticos verius attulerim, putantque, satius fuisse, si versiculos ineptos & plane barbaros, quos solos ipsi nouerunt, allegassem. Sed hi Zoili cum inscitia sua contemnendi sunt: quum ignorent, omnibus grammaticis id moris esse. Nam si Pri. cianum, si Seruium non viderunt, saltem Donatum & Alexandrum meminisse*

est, ut academiam relinquere demum sit coactus: quæ supra laudatum *Aesticampianum*, *Bartholomeum Coloniensem*, *Io. Casarium*, & alios complures eruditissimos viros, propterea eiecit, quod Buschio adstipulati obsole-

## T 4

tam

*debebant quorum alter de præpositionibus sciens quinque Virgilii Carmina pro testimoniis assumpsit. alter de constructionibus agens multos Qui. ii versus apposuit. Verum cur non liceat poeticis uti versibus in grammaticis? quum his etiam liceat uti in sacris litteris: ut non solum videre est apud Hieronymum & Augustinum, sed etiam apud Apostolum Paulum, qui saltem tribus epistolarum suarum locis poetarum versibus usurpatur: ut merito pudere debeat vaniloquentie suæ quosdam nugatores, qui nefas existimant poetas voluere. Sed de hoc alias plura scribemus, si fata sinent. Hæc in obtrectatores nostros abunde dicta sint: quibus si quid rationis inest, manifeste veritati tandem cedent, sin autem bruti sunt. inanis fuerit apud eos omnis quantumvis proluxa ratiocinatio. Tu velim, mi germane charissime, nostris opusculis accurate patrocineris ut assoles, nosque mutuo diligas. Hactenus Torrentini Apologia. Ad duo Epigrammata, quorum in libri titulo mentio facta est, quod attinet, alterius auctor est Bartholomeus Colonienfis, alterius, eiusque elegantissimi, ipse Torrentinus: hoc quum dignissimum diiudicem, quod ab omnibus legatur, apponam.*

*Zoile quid nostros rabido petis ore labores,*

*Et stolide damnas. quæ minus ipse capis?*

*Non mihi noxia sunt tua sibila sed tibi: nempe*

*Stultitiam prodix, barbariemque tuam.*

tam fordidamque reprehenderant scholasticorum dictionem, & obscuris atque barbaris vocabulis repudiatis, Latina restituere erant conati. id quod *Andreas Canter*, eruditus vir, ibi etiam tentauerat. Sed tamen, quum *Buschius* ab laudato *Herm. Nuenario* Coloniam reuocatus esset, *Alexandri Doctrinale* denuo adortus, non prius cessauit, quam id penitus extirparit; limatissimis scriptis suis, praesertim eo, quod *Vallum humanitatis* inscripsit, & suo in *Donatum Commentario*, operose maxime demonstrans (f), tantum abesse, ut informis *Alexandri* textus corruptum Romanum sermonem praerberet discenti-

*Nos Phœbea cohors laudat. studio aequae pubes*

*Nos legit; inuidia, rumpere liuor iners.*

*Rumpere liuor iners: discunt aetate minores,*

*Quod senior nescis: rumpere liuor iners.*

*Commentaria*, quibus *Epigramma* hoc, atque *Apologia* subiuncta, impressa sunt *Colonia* per *Martinum de Werdena* a. 1508. 4. & quibus in meo, quod habeo, exemplo, addita sunt *Commentaria in secundam partem Doctrinalis Alexandri* ab eruditissimo viro *Kempone Thessaliensi* *Hollandiae magistro bonarum artium Parvifienfi* pro anhelantibus *Syntaxin*, potissimam grammaticae speciem, luculenter intelligere iam dudum in lucem edita. *Coloniae* ap. eundem impr. a. 1509.

- (f) *Buschii* scriptorum Catalogum dedit *Hamelman*. in lib. III de viris in *Westphalia* illustr. Oper. pag. 166 seq. & in eius vita.



ſcentibus, vt aridus pumex aquam citius daturus videretur poſtulantibus. At Colonienses ſophiſtæ, de vindicta porro aſidue cogitantes, rem eo perduxerunt, vt Buſchius, tam præclare de cuncta Germania meritis, iterum Colonia relegaretur; quum vidiffent, eum *Reuchlino* eſſe amiciffimum, famæque ipſius acerrimum defenſorem. Buſchium nihilominus perpetuo, ſi quemquam alium, R. Agricolaꝝ conſilium fideliffime ſecutum, nouimus, quo cognato ipſius, R. Langio, dudum ſuaſerat, vt, quamuis magna eſſet indoctorum manus, eam tamen auderet contemnere, nec multitudine moueri ſe pateretur: quum ipſa plerumque turba ſibi obſtaret; & raro inter ſe conſentirent, quibus non conueniat cum veritate. quare prouocandos putauit Agricola litterarum hoſtes, & in faciem coarguendos: quos ne tunc quidem in viam facile redituros, ac deſipere deſtitutos, veriffime prædixit: id enim *Reuchlinus* & *Buſchius* fatis deinceps expertos eſſe, cognouimus.

Quæ admirabili Buſchii in oppugnando conſtantia effectum denique eſt, vt, barbarie ex vrbe Colonia fugata, in cuncta Germania mox ſit oppreſſa firmiſſimis *Deſ. Eraſmi*, & *Vlr. Hutteni* armis, quibus *Phil. Melanchthon* ſua deinceps conſociauit. Prius vero quam

hic summa sua eruditione inclaruit, *Alexandri Doctrinale* ex Germaniæ scholis penitus iam erat eiectum, Circa annum scilicet 1515, quum cultiores grammatici libri ederentur passim in Germania, Alexandri grammaticam, quæ sola fere per tria integra sæcula in monasticis scholis dominata fuerat, euanescere demum coepisse, M. Crusius adnotauit (sf). Grammaticorum enim sordes *Reuchlini*, *Wimphelingii*, *Bebelii*, *Simleri* reliquorumque diligentissimorum magistrorum *discipuli*, postquam optimum optimi Hegii discipulum, Buschium, non infeliciter, licet periculosa fatis contentione, id tentasse viderant, coniunctis viribus vbique expurgatum iuerunt. Litterarum studia, viginti quatuor circiter annorum spatio, non parum nitida quidem in superiori Germania fieri iam coeperant: ab anno videlicet XV sæculi octogesimo secundo, quo R. Agricola Heidelbergæ scholas aperuit, ad annum sæculi XVI a Crusio notatum. quod temporis spatium quo breuius pro operis mole videri potest, eo ardentius hominum studium, eoque maiorem inter litterarum studiosos æmulationem exstitisse, coniiicere licet. Romani tamen sermonis nitori, ita, vt par erat, consuli prius haud potuerat, quam fontis, ex quo  
 omnis

(sf) Annal. Sueu. P. III, lib. IX, c. 14, p. 528.

omnis impuritas adhuc fluxerat, venæ essent intercisæ; & iuventuti, vt ex dulciore fonte hauriret, contigisset, turbidos maxime riuulos non amplius consecretanti. Inter illos, qui Alexandro exploso in superiore Germania grammaticas edere cœperunt, sunt *Io. Alexander Brassicanus, Tubingensis Padotriba*, vt a Crusio appellatur, & *Iacobus Heinrichmannus*, vterque *Bebelii discipulus*. Quorum grammaticas institutiones, quum ob præceptorum multitudinem atque molem ad tironum captum minus accommodatæ quibusdam viderentur, non ita multo post loco motas, infra audiemus (t). Istorum ta-

men

- (t) vid. Casp. Crucigeri Orat. de *Initiis, progressionē, & incrementis doctrinæ eruditæ in Academia Lipsiensi & Wittebergenſi* T. V. Declam. Melanchth p. 375, seqq pag. 383. scribit: *In grammaticæ tractatu conformando ad aliquem vñum sermonis, & scripta veterum intelligenda, haud scio an nemo nostrorum quidem hominum prius aliquid magnopere adiumenti attulerit litterarum studiosis, quem Bebelius & Henrichmanus. nonnullis de Bebelio interpositis, pergit: Hic (Henrichmanus) ante annos LV edita præcepta ab ipso grammaticæ in pretio fuerunt, propterea quod ordine perspicuo tradi omnia cernebantur, & addebatur oxenplorum illustris copia. Audiui ex patre meo, optimum virum & fidelissimum præceptorem [quo ipse quæque vteretur] illis temporibus Georgium Heltrum nostræ academice non ignotum, suis discipulis eum librum proposuisse, ita, vt caiscere cogeret hos verbosas sane commentationis*

men aliorumque ope factum denique est, vt *Alexandri Doctrinale* tanti antea æstimatum, & tam acriter a sordium patronis defensum, ita posthac viluerit, vt *centum iam abhinc annis* raro libri exemplum conspectum sit (tt).

In eodem Doctrinali exterminando a *Io. Auentino*, celeberrimo præstantissimoque historico, multa & studiis elegantioribus utilis valde opera collata est. Hic enim ex veteribus scriptoribus, ipsis adeo fontibus, grammaticam edidit hoc insignitam titulo: *Illus. Principibus Vilelmio, Litauico, Arionisto, Litterariaque Reipublica Boiorum dedicatum. Rudimenta grammaticæ de octo partibus orationis & constructione, Græcorum declinatione scorsum. de Figuris, Quantitate syllabarum, Accentu, de Distinctionibus, Pedibus, Carminibus, Ex Varrone, Cicerone, Quintil. Diome. Phoca. Aelio Donato: Seruio: Prisciano: Terentiano: Martiano Capella, collecta. Cæteris quoque clarissimis scriptoribus lectitandis obseruata. Encyclopædia orbisque doctrinarum in calce. Ioannes Auentinus Thurinoma-*  
*marus*

*accurate expositiones: atque multis fuisse id perquam molestum ac graue. Vixit adhuc tum Henrichmanus Augustæ Vindel. quum hæc de ipso scripsit Cruciger, centum circiter annos natus*

(tt) Abr. Bucholzer Ind. Chronol. p. m. 349, ad an. 1212.

*marus edidit atque recognouit. Studioso  
grammatica*

*Sivis grammaticam facile vel discere pau-  
cis,*

*Vtiliore nequis ac breuiore libro.*

*Non cupio vanis, lector, te fallere verbis:*

*Luminibus credas sed, studiose, tuis.*

Conscripserat libellum hunc Auentinus, quum ex academia Ingolstadiensi ad instituendum principem *Ernestum*, siue *Arionistum*, vt ab ipso Auentino appellatur, euocatus esset: quem deinde Ingolstadiensium professorum rogatu recognitum & sic locupletatum emisit (u), vt nemo de breuitate & redundantia iure queri posse ipsi videretur: postquam in præfatione *Vallam* ita ab se suppletum, vt nihil amplius, quod ad rationem recte loquendi scribendique pertineret, desiderari posset, pollicitus est, *quinque leges docendi*,

- (u) Augustæ an. 1517, 4, in *officina Milleriana* impr. In epistola ad lectorem Rudimentis subiuncta queritur Auentinus, Rudimenta hæc sua, quæ quinque annis ante ad facilius instituendum principem *Monachii* ediderit, iam tum toties ex officinis prodisse, elegantioribus quidem formis; at mire ab archetypo aberratum esse: quapropter contendit ab lectore, vt cetera exemplaria, tamquam fœtum adulterinum subditiciumque, abdicet: istam vero recognitam editionem, tamquam legitimam heredem, cognoscat.

*endi*, quas se ipsum expertum esse testatur, *instituendis pueris quam facillimas*, præmisit. Quæ profecto salutares maxime sunt atque necessariae. Quum cognitio Latinæ linguæ observatio dumtaxat sit, atque clarissimorum auctorum imitatio, prudentissime Auentinus præter cetera suasit, *ut ad bonos auctores effingendos totis viribus, manibus pedibusque properetur*. Proinde Erasmus & R. Agricola eam institutionem vtilissimam duxisse, confirmat, ubi grammaticæ præcepta quam brevissime traderentur (v).

Quo vero minus sæculum suum in re literaria felix putare potuerit Auentinus, *odiosa grammaticorum quorundam adminicula prohibuisse, umbratilesque eorundem præceptiunculas*, adfirmat. quibus ipsi sæculo suo nondum carere plane licuisse, vehementer doluit; quum parum, vel nihil potius, iis pro-

(v) Erasmus suam ea de re opinionem aperte maxime exposuit Ep. 26, lib. XII. his verbis: *Ego nec hos probo, qui neglectis in totum præceptionibus, ex auctoribus petunt loquendi rationem: nec hos, qui præceptis adiecti, non versantur in voluendis auctoribus. Præcepta volo esse pauca, sed optima: quod reliquum est, arbitror, petendum ex optimis quibusque scriptoribus, aut ex eorum colloquio, qui sic loquuntur, ut illi scripserunt. Hæc via si cui non placet, non video, quid supersit, nisi ut ad magicas & polygraphias ridiculas confugiamus: quas non videmus adhuc cuiquam usui fuisse.*

profectum sit in erudienda iuuentute, velut nugamentis, quibus excutiendis tempus misere perdi solet. Nullo enim iudicio, nec diligenti cura, sed imprudenter ac temere maxime, quæcunque de grammatica re vulgo extabant, legenda atque ediscenda iuuentuti adhuc proponebant nonnulli ludimagistri; haud magni referre existimantes, qualia ista essent, modo *grammatica* vocarentur, quibus principia ceteris artibus vtcunque præstruerent. Vnde factum, conqueritur eruditissimus *Melch. Volmarius* (x), ut vix multorum annorum spatio, magna contentione, vigilantia studio atque labore emergere potuerit Germaniæ iuuentus: quum ex aduerso paullo post nulla iniqua opera, immo per lusum quemdam ac somnum, & quasi dormiendo, eò doctrinæ peruenerit; idque intra paucos admodum menses, quo sibi puero aut adolescenti ceterisque suis æqualibus compluribus annis ægre adspirare licuerit. *Peritos enim recte instituenda pubis* ubique se obtulisse, addit Volmarius, *artifices*, id vnice operam dantes, & certatim pro se quisque contententes, ut teneri animi nonnisi optimis vtriusque linguæ principiis initiati, præcisa prorsus omni ambage, compendiaria via,

quam

(x) ap. Henr. Stephan. de bene instituendis Gr. linguæ studiis, p. 38 seq.

quam celerrime eo, quo tendebant, peruenirent. Eximio hoc & singulari studio accidisse, certissimum testem habemus Erasmus (y), *ut iuvenes præcurrerint senes, & minores eo profecerint, ut his, quas præceptores habuerant, ipsi vicissim potuerint præcipere.*

Peritis istiusmodi artificibus, quorum opera tantum bonum contigit Germaniæ; *Auentinum* adnumerandum, puto. Docendi saltem legibus istis quam maxime urgebat, ne præceptores in grammaticis diu hærent, sed ad ipsos auctores, clarissimos dulcissimosque fontes, festinarent. *Urbanus Regius* quoque salutarium præceptionum plenissima epistola, ad ipsum *Auentinum* scripta (z), huius industriam & propensam bene faciendi voluntatem mirum in modum extulit, quod iuuenum passim errantium misertus veram iis monstraauerit semitam. Namque multorum annorum periculo plusquam durissimo, quod in docendis pueris *expurgandaue lingue vitilagine* non sine pulcro discipulorum fructu fecerit, constitisse sibi, & prope quotidianis molestiis occalescentem se demum didicisse, confirmat *Regius*, *necessaria quidem esse*

(y) ep. ad Pirckheimer. huius familiar. epist. lib. ep. 46, b.

(z) *Auentini Rudimentis Gram.* est subiecta.



*esse grammatica praecepta, ea tamen, quoad fieri possit, quam paucissima esse debere, modo sint optima; & quo pauciora, eo facilius ocusque bonam indolem ad eloquentium auctorum lectionem componi eruditissimam. Et hoc ipsum est, quod Auentinus quinque istis suis docendi legibus tam diligenter scholarum moderatoribus iniunxit. Qui egregium plane institutionis suae dedit specimen, in supra laudato Boiaria duce Ernesto: quem Auentino praecunte sine onerosis laboribus & in aulae deliciis breui grammaticam perdidicisse, idem Regius testatur: id quod totam Angilostadensem academiam tum vidisse, scribit, quum Princeps hic, annis quidem puer, eruditione autem veteranus luculenta, & supra ætatis istius captum graui oratione, quem Auentini ductu in re Latina profectum fecerit, ostendisset. Cuius Principis exemplum vt Germaniæ iuuentus ante oculos sibi tum posuisset, exoptauerat Regius. Quum idem hic Princeps Ernestus Auentini fidei ac dexteritati in instituendo ipso adhibita præclarum impertiuerit testimonium; & Rudimenta eius grammaticæ, in quorum fine testimonium illud cum posteritate communicatum legimus, in paucis oppido bibliothecis inueniantur: si id adscripsero, me lectori non ingratum facturum, spero, siquidem*

dem argumentum, quod pertracto, egregie illustrat. *Arionistus Dux Boiorum*. Praefectusque Rheni iuventuti Boiaria, preceptoribusque sinceros ad honestas litteras animos optat. Quoniam neminem magis decet curam habere, quam Principem, ut iuventus ipsa recte instituat. Ego vos iuvenes atque ludilitterarii magistros, praecipue regionis nostrae Boiaria, hortor, admoneo, atque a vobis postulo, ut Grammaticam Ioannis Auentini, preceptoris nostri fidelissimi, legatis ac doceatis, est enim facillima, brevis, & utilisissima omnium, nihilque sua breuitate, quod dignum scitu esset in hac re, omisit. Audiui ego Nicolaum Perotum, pontificem Sypontinum, Aldum Manutium Romanum, sed ex nulla tam facile & breuiter & absque omni verbere, adde & in aulicis turbis, ubi tantum est litterarum odium, didici ea, quae spectant ad recte loquendi scientiam, quemadmodum ex Auentino: profectum illius bonae institutionis, quamuis alias saepe, nuper tamen optime expertus sum, quando oratione publice in nostro gymnasio Angilostadensi habita, summo in nostra republica litteraria magistratu me abdicabam, ut consuetudo fert, eam orationem in testimonium utilisimae eruditionis nostrae subscribi iussimus. Aequum est te imitari Principem tuum, & vnde ipse profecit, crede, & te ibi non  
me-

*mediocriter posse proficere, dignumque esse, ubi & tu intendas nervos tuos. Accedit iudicio nostro consensus philosophorum totius Academiae nostrae Angilostadensis, qui illam Auentini mei grammaticam ex omnibus dignam iudicarunt, quam publice legerent. Proinde tu, studiosa Boariae iuuentus; atque vos, Praeceptores diligentes, experto credite, atque praeter ceteras Grammaticam Auentini legite, euoluite, discite, sentietis breui commodum, & rem facietis nobis iucundissimam, quam suo tempore liberalitate & munificentia nostra prosequemur. Valete.*

Postquam optimus Princeps in ipsa oratione sua (a) imperatores, regesque apud quos litterae & litterati in pretio fuerunt, strictim enarrauit, & quantis in deliciis Græci ac Romani principes eruditos olim habuerint, summatim commemorauit: de sua ætate ita loquitur. *Novistis probe, quemadmodum Albertus diuæ memoriæ Parens meus, litterarum amantissimus fuerit, cui Nicolaus Cusanus, vir vndecunque doctissimus dialogum de globo nominatim inscripsit. Notissimum est, quantum in litteris, peritiaque multarum linguarum valeat diuus Maximilianus Imperator Cæsar Augustus, auunculus ac dominus meus*

V 2

cle-

(a) quæ Epistolam continuo sequitur in Rudiment. Gram.

*clementissimus. Progenitorumque itaque meorum vestigia secutus a teneris (ut aiunt) vnguiculis, studia Musasque colui: discendi cupidus in Italiam, litterarum parentem, abiui. deinde ad hanc nostram Academiam demigraui, cuius moderatorem me communibus suffragiis designastis, declarastis atque nuncupastis. Quamobrem bene sperare vobis licet, optimi patres Gymnasii nostri senatores: non me alium parente meo prestabo, sed quantum mea interest, summa semper curabo diligentia, & apud fratres germanos id ipsum sedulo agam, ut hoc alnum Gymnasium, largis locupletetur donationibus, amplissimis dotetur privilegiis, omnigenis artium floreant doctoribus, vosque condigna laborum, studiorum ac eruditionis vestra stipendia, palmam, premia, ac gloriam consequamini. Ceterum te (o iuuenum studia amulantium coetus) adhortamur, admonemus, a teque iure nostro & pro officio postulamus, principes imiteris, studia, colas, litteras amplectaris. Ita enim tibi diuitias, honorem, amicos, famam perpetuam ac immortalem comparabis, remque nobis facies gratis simam, & ob hoc, quum usus venerit, fauorem nostrum ac liberalitatem reipsa senties atque experieris.*

Grauisimorum testimoniorum loco, & Epistolam & Orationis partem, protuli; quo faci-

facilius pateret, quo animo in Musas fuerint tum Germaniæ Principes, Latinam linguam singulari amore profecuti. Neque vero Boiariæ iuuentus hisce optimi Principis sui admonitionibus imperatisque paruisse non videtur: acerrimum saltem discendi præ se tulit ardorem. quandoquidem quatuor circiter annis post, quam orationem suam habuerat Dux Ernestus, *Reuchlinus* in ipsa hac Angilostadensi academia *Aristophanis Plutum* interpretans trecentos amplius discipulos numeravit (b). Inhumana ac ingrata maxime

## V 3

videri

(b) ipse Reuchlinus in epistola ad Pirckheimerum, quæ XIII est epist. huius familiar. lib. scribit: *Quando me nunc anno isto elementarium effecit διακονα τῶν.* Quotidie namque de Throno doctorum, frequenti auditorio publice prelegendus est a me in lingua Hebraica, mane, Rabi Mose Kimchi, & vesperi Plutus Aristophanis, discipulis plus trecentis: & multo inquam plus. in ep. XVI ad eundem Pirckheimerum scripta, sequentia leguntur verba, quæ eodem spectant: *Hodie mecum ex commissione Illustriss. Principis D. Wilhelmi Ducis Bavarie actum & peractum, ut Angiopoli & Græca doceam & Hebraica. Annuum mihi constitutum est stipendium ducendorum aureorum. Quumque huius nostre calamitatis intemperies me hac adegit, ut ad tempus oporteat extra patriam vivere, acceptavi conditionem, ne nihil agerem. Persuasus etiam a Ducalibus Commissariis, ut singularem Principis erga me clementiam nonnibili facerem: qui & me in bello captum servauit, & omnia mea bona cum tota*

videri potuisset iuuentus, si tam illustri optimi Principis exemplo excitari se passa non esset. quem Erasmus cunctæ Germaniæ magnopere gratulatus est, & , vt ipsius quam plurimi similes reperti tum fuissent, qui ad eas res, quæ semper egregiis heroibus dignæ sunt habitæ , adiecissent animum , optauit. qui se plurimum Ernesto Duci debere professus est, vel quod tam amanter errauerit in Erasmo, vel quod tam munifice eum prouocarit, & ad illa incitarit, quæ studiis omnibus fuerant ambienda.

Quoniam rerum series ad magni ERASMI mentionem denuo iniiciendam me adduxit ; *Alex. Hegii schola*, ex qua tantum virum progressum audiuius, denuo recordor : vnde in superiorem Germaniam iterum deflexi. Quod si Germania Hegii sui disciplinæ nihil præter Erasmi eruditionem deberet : debet autem ei, vti vidimus, præter hanc quamplurimos eruditissimos, optimeque meritos viros alios : in perpetuum tamen Hegius opera, quam in solo Erasmo instituendo collocauit,

*familia sub colore prade bellicæ confiscata liberauit, belli summus Imperator. Ad Kalendas igitur proximas Deo adiuuante linguas docere incipiam. Quod futurum felix fiat. Tu vale feliciter : & me Principem Siciliæ Dionysium Corinthi puerilia docentem spectato.* Vtraque epistola scripta est an. 1520. Ducem *Wilhelmum Ernesti fratrem fuisse*, constat.

uit, Germaniam sibi deuinxisset. Tantum enim omnes Germaniæ scholæ huic ultro acceptum referunt, vt *unicum fere litterarum inter Germanos venerentur eum instauratorem*. Immo Cutbertus Tonstallus *Erasum & Guil. Budaum* plus ad veterem eloquentiam multis antiquatam sæculis reuocandam, plus ad instaurandas humaniores litteras contulisse, existimauit, quam omnes *Perotti, Laurentii (Valla), Hermolai, Politiani*, ceterique omnes, qui ante ipsos fuerint. Hos enim ambos Herculeo quodam & indefesso labore densissimas barbarorum acies, & Xerxis copiis maiores, magno adortos esse animo, easque fudisse, ac pene profligasse (c). Io. Caselius etiam Erasmi potissimum auspicio & opera elegantiores litteras in Germania feliciter siue renatas, siue primum satas esse, prædicauit (d): quum scholæ passim tum apertæ sint, diuino consilio, vbi pueri litteras & linguas didicerint. Cui tanti viri honori licet nemo facile pro amplissimis eius meritis inuiderit: supra tamen commemorati a me viri sua gloria fraudandi non sunt: utpote quos Erasmo viam muniuisse, clare satis ex superioribus apparet; & quorum memoria, vt subinde renouetur, Germanorum

V 4

inter-

(c) Erasmi epist. 29, lib. II.

(d) in orat. funebr. Andr. Mylio script. D. I, b.

interesse, censeo : ne ea obsolescat, & ne Germaniæ iuuentuti domestica quasi desint vniquam exempla, quæ in studiis recte tractandis imitari queat ; quibusve ob oculos versantibus ad industriam stimuletur exciteturque. *Tempora Erasmi ætatem antecedentia* esse omnino, quæ *Germanorum meliora addiscendi auiditatem accenderint*, Melanchthon rei veritate adductus, libentissime professus est ; *R. Agricola, Alex. Hegii, & Herm. Buschii in primis scriptis solæca priorum temporum taxata, & Germania iuuentutem ad rectius loquendi diligentiam reuocatam esse*, confirmans (e). Quid, quod ipsum Erasmus triumuiris his tantumdem tribuisse, supra cognouimus : vnde etiam, quantum laudis *Reuchlino & Conr. Goclenio* impertiuerit, obscurum non est. Laudatissimis istis antecessoribus debebatur, quod Erasmi ætate, vt ipse fatetur (f), multæ ineptiæ, Latinitati per barbara sæcula inuectæ, iam obsoleuerant, bonis litteris sensim subolescentibus. Incredibili eorumdem ac ceterorum studio tantum profectum erat, vt circa annum CIO IO XX nusquam in Germaniæ scholis audiretur amplius *Michael Modista*, nusquam *glossæ Iacobi*, nusquam *Catholicon* citaretur, *Brachilo-*  
*gus,*

(e) Declam. de Vita Io. Bugenhag.

(f) de conscrib. epist. p. 55.



*gus*, aut *Mammatractus*, quos olim, ceu rarum thesaurum, aureis litteris descriptos habuerant monachorum bibliothecæ (ff). *Alexandri Doctrinale* multo ante euanuisse etiam, probaui. Quamquam vero Erasmus pro singulari sua modestia, laborem in restituendis litteris hac fiducia sibi susceptum esse, negauit, quod confisus sit, præclarum aliquid se docere posse, sed aliis maiora conaturis viam munire se voluisse, adfirmavit; quo minus offensi salebris ac lamis speciosa ac sublimia facilius inueherent (g). Tanta tamen, ipsa inuidia id confitente, eius in litterarum studia exstitere merita, ut is, qui hæc, & summi viri ingenii vbertatem, doctrinæ varietatem, dicendique vim non agnouerit, indignus videatur Melch. Iunio (h), qui litteras tractet; & ut de præclaris Erasmi in has meritis tacendum mihi potius, quam multa proferenda arbitrer; præsertim quum neminem fugiat, quantopere *purioris Latine lingue hostes exagitarit*: de qua re diligentissime elaborata eius monimenta abunde testantur. Quorum nonnulla tam *profunda Latinitate conscripta* visa sunt ineptis scholasticis, ut vererentur, ne legentes ista, in hære-

V 5

fin

(ff) ibid. p. 72.

(g) ep. 12, lib. I.

(h) in orat. de Vita Io. Sturmii B. 7, 2.

*sin prolaberentur* (i). Nam quum sua etiamnum ætate non paucos vociferatores superesse videret, qui, quod pueri male didicerant, non solum ipsi mordicus tenerent, verum etiam ab aliis exigerent, nec vlla ratione ab ineptiis suis abduci se paterentur: id quod eorum, qui ab eruditissimo *Ceratino* barbaras exegerant ineptias, exemplo supra a me demonstratum est. in nugacissimis istorum nugis illudendis multum operæ sumpsit Erasmus, quo apertius irrisos stultitiæ aliquando pueret, & quo facilius iuvenes partim veterum exemplis animati, partim meliora edocti, irrisos vna cum ambitione ipsorum contemnere constituerent (k). Quam ambitionem vel tum aperte maxime probabant homines, quum molestissime ferre se, ostenderent, Erasmus & reliquos Romani sermonis vindices, vnum aliquem singularem numero salutare consueuisse: perpetuo idcirco vociferabantur: *Quid tu me tuissas, tuissa famulos tuos; ego sum & te & tuis omnibus melior.* Quod quum Reuchlinus ætate sua haud ignorasset, *Conradum Kollin*, ordinis prædicatorum monachum, litteris compellans (l), orauit eum, ne ægre ferret, quod

(i) Erasmi. ep. 31, lib. XXII. (k) de conscrib. epist. p. 55, & 64.

(l) lib. II illustr. viror. ad Reuchlin, q. 5, 2.

quod ad ipsum *Latinum hominem Latino more per numerum singularem, nec, ut ipse, plurius vicissim scripserit*; deprecatusque simul est eius scribendi consuetudinem, ut scilicet posthac quam humanissime *singulari se numero* appellaret, quum aliquid ad se daret litterarum. Qua in re Reuchlini voluntati obtemperavit Kollinus; ita tamen, ut, quum ad Reuchlinum rescriberet, singularique eum compellaret numero, veniam quasi minus urbanæ ac venustæ loquendi consuetudini petendam putarit, scribendo: TVAS (*ut TIBI morigerius sim*) litteras accepi. Enimvero ante Reuchlini tempora huiusmodi salutationibus; Oro reuerendissimas paternitates vestras, domine prestantissime, compellari se cupiebant homines in miris plane honorum titulis fingendis periti, impertiendisque istis liberalissimi. qualibus nonnulli se ipsos exornare veriti non sunt: quorum numero fuit *Arnoldus Tunger*, vir optimo Reuchlino infensissimus: utpote qui *profundissimum theologum, Laurentianæque Burse regentem primarium* appellare se consueverat. qui *titulus Contr. Peutingero* non iniuria *arrogans*; immo *petulans maxime* visus est, præsertim in *theologo* (ll): cuius virtutem humilitatis nomine a Christianis prædicari debe-

(ll) *ibid.* 2. 2. 2.

dèbere, censuit. At moris tum fuit, vt *studiorum præmia a titulis metirentur*, sic fere quærentes: *Quid est iste?* si respondere licuit: *Doctor est, Magister est, Baccalaureus est: aliquid fuit.* sin nullum illorum attigit titulorum, *nihil fuit.* Non enim qualis quisque esset, sed quo nomine vocaretur, quærebant eius sæculi homines; in casu nimirum atque pecuniis omnia inerant; virtuti proprium nihil erat: ita, vt nemo aut a morum integritate bonus, aut ab eruditione doctus tum iudicaretur, sed alter *cucullo* ostenderetur, alter *titulo* vtcunque acquisito exprimeretur (m). *Tituli*, quibus alios adiciebant, erant eiusmodi: *Religionis lucerna semper fulgens: Vtriusque Testamenti gazophylacium: Omnium virtutum heroicarum & non heroicarum speculum limpidissimum:* cum quibus vt reliquæ ineptissimarum epistolarum partes concordarent, *salutem* non minus ridicula ratione iis, ad quos litteras dabant, adscribere solebant: *Quot habet cælum stellas, quot habet mare guttas, tot tibi mitto salutes:* pro his *pedum* interdum in epistolis offerebant *oscula.* Longe absurdissimas etiam adiciebant *subscriptiones*, quarum numero & hæc est; *humillimus dominationis*

(m) Vlr. Hutten. præfat. Nemini præm. A. 4, b. B. 2, b.

*tionis suæ discipulus & vilissimus seruator.*  
 Cuiusmodi priscis incognitas plane veneres,  
 quibus Latinæ linguæ simplicitas ac natiuus  
 lepor quam maxime corrumpebatur, tum  
 natas, ait Erasmus (n), quum, linguis profligatis  
 bonisque auctoribus exactis, grammaticæ  
 loco *Michael Modista* in ludis litterariis  
 tradebatur. Qualium venerum lectione qui  
 delectatur, ei *Erasmi & Vlrici Hutteni*, mox  
 nominandi, *scripta*, & *Obscurorum* in primis  
*Virorum Epistola* grandes earum subministra-  
 bunt cumulos. De Erasmo tantum, de cu-  
 ius in bonas litteras meritis ingens conscribi  
 posset volumen (o), Ludou. Strebæi iudici-  
 um, priusquam progredior, addam: cui quin  
 adsensuri sint nonnulli, vix dubito: *Floruit*  
*temporibus nostris vir in Attica tenuitate gra-*  
*cilique filo sermonis alter pene Lysias: qui*  
*quum*

(n) de conscrib. epist. p. 60, seq. & 69.

(o) Si plura de Erasmo cognoscere volueris, præter o-  
 rationem, T. IV, p. 778 seqq. Declam. Melanchth.  
 insertam, & a Georg. Pflügero vna cum Reuchlini,  
 Agricolæ, atque Frischlini vitis denuo editam; &  
 præter Erasmi vitam a M. Adamo collectam, euol-  
 ue ea, quæ ipsius Erasmi & pistolarum libris de vita  
 eius sunt præmissa. confer etiam vel maxime Io.  
 Clerici Bibliothecæ selectæ, Gallice conscriptæ, T. I  
 pag. 380, seqq. V, 145. VI, 7. VIII, 229. XII, 1. ubi  
 nouam Operum Erasmi editionem recensens Cle-  
 ricus, plurima notatu admodum digna de auctore  
 profert.

quum eloquentia subtili iuuenis excelluisset, & barbariem incultamque linguam libris ad hoc compositis insectatus esset, tandem senior effectus & barbaras voces admittere, & incomptam locutionem effundere bonum duxit, quod sibi persuasisset, ut scribit in epistola quadam, officere Christianæ purum aptumque sermonem. An disimulet callidus, an quod sentit, dicat, nescio. & quæ sequuntur (p).

Quamuis Erasmus non nominatur a Strebæo: eum tamen his verbis innui, facile, mea quidem sententia, patet. Ipse certe, quum prouectiore paullo esset ætate, præterquam quod orationem quasi rerum vestem statuit, ita, ut vestis, quæ decora sit puero, non deceat senem: nec, quæ feminæ congruat, viro conueniat: nec, quæ deceat in nuptiis, deceat in funere: nec, quæ laudi data sit centum annis ante Erasmi ætatem, hæc sit probata; immo sibilis omnibus excepta omniumque risu: *se de Latini stili formula superstitiose sollicitum fuisse*, negauit, *sat habuisse se vltro professus* (q), *si vtcunque non spurce loquens intelligi potuerit*: non vno loco declarans, quantum a Christianismo abesse

(p) de Verborum Electione & Collocat. lib. II, p. 153.

(q) ep. 4. lib. XXI. in Ciceronian. p. 376, de se ita scribit: *Erasmus ne adfectat quidem Tulliano more dicere, non abstinens a vocibus Theologicis, interim ne a sordidis quidem.*

esse sibi viderentur, qui in bonis litteris, velut ad scopulos Syrenos consenescerent, præsertim apud Italos. omnem Christianorum vitam magis ad bene viuendum, quam ad ornate compecteque dicendum, spectare, alibi dixit (r). Idem igitur statuuisse videtur Erasmus, quod vitæ Reginaldi Poli auctor censuit (s): *Christianam pietatem in paucis admodum repertam fuisse, qui Latine ornateque scribendi laudem sunt consecuti.* Sed tamen, si in nemine præterea Italorum esset reperta, quod statuere durum forsitan foret atque inhumanum, in *Aonio Paleario* atque *M. Antonio Flaminio*, piis maxime hominibus, eam sane offendere licuisset admirabilem prorsus atque suspiciendam. Id quod pluribus verbis monstrare in præsentī nihil attinet: ad ipsam potius rem reuertor.

De VLRICO HVTTENŌ, *Equite Franco*, elegantis ac peracris ingenii viro, meliori fortuna dignissimo, vt pauca quoque, postquam insignia Erasmi in Romanum sermonem merita attigi, proferam, promissa supra a me facta me admonent. Cui videlicet cum Erasmo iucundissima prius intercescit consuetudo, quam eam Lutheri causa dissoluit: quippe quam Huttenus, vt contra omnes ad-

uerfa-

(r) Ciceron. p. 358.

(s) p. 104, edit. Londin. 1696, 8.

uersarios, ita contra veterem etiam hunc suum amicum acerrime defendit. Antea honorificentissime de Hutteno senserat Erasmus, quum animus ipsi præsagiuerat, *eum magnum aliquando Germaniae futurum esse ornamentum*; postquam eruditum atque humanum cognouerat eum adolescentem, cuius *ingenii lasciuiam*, vti loquitur, ætatis accessionem correcturam sperabat (\*). Verum euenit denique, vt *gloriosum egentemque* vocaret *militem*, quem non ita multo ante *totum ferreum* nuncupauerat, qui *non calamo tantum, & lingua, sed & Manortiiis armis* pugnaret. & quem *Latinae linguae* appellaue-  
rat prius *delicium* (f). Et certe quo fortius cum inscitiae magistris (sf) leporis festiuita-  
tisque

(\*) Erasmus. ep. 11, lib. XI. & ep. 26, lib. XII.

(f) ep. 14, lib. VI, ep. 113, lib. XIX. ep. 29. lib. XXIX.  
in Ciceron. pag. 379, de Hutteni stilo sic iudicat  
Erasmus: *sat splendoris & copiae praestat in oratione soluta, in carmine felicius erat.*

(sf) qui quantopere in Huttenum ea propter debacchati vicissim sint, Pirekheimerus in epistola sua Apologetica Luciani Piscatori praemissa exposuit, scribens: *Germaniae nostrae spem certissimam, Vdalricum Huttenum, & nobilitatis stemmate clarum, & ingenio ac eruditione praestantem, non solum pseudo-Christianum appellare, sed etiam, si diis placet, tali viro palam nimitari audent, ac omnem defensionem penitus adimendam esse, censent: nemo, inquit, nobilitate excusandus videtur, quin potius maioribus suis degenerans posteris omnibus suae ignobilitatis relinquet exordium.*



tisque plenissimis scriptis decertauit; eo melius de Latinæ linguæ decore vindicando promeruisse, videri potest Huttenus. qui præter virtutes & genuinum splendorem totus candidus, cultus atque elegans Herm. Nuenario visus est (t); quique litteras ita coluerit, ut nullum barbaries hostem senserit acriorem.

Hic enim ipse est, quem cl. Iac. Thomasius (tt), & cel. Morhofius (u) *verum obscurorum virorum ad Ortuinum Gratium Epistolarum* habent auctorem: quamuis non ignore, a P. Iouio & aliis *Reuchlinum* earum auctorem perhiberi (v); & Hamelmannum

## X

edo-

(t) testimonium hoc legitur in Nuenarii ad Reuchlinum epistola, lib. II epist. illustr. viror. ad Reuchlin. t. 3, b. quam cl. Maius vitæ Reuchlini inseruit p. 458. seq.

(tt) in præfat. P. Manutii Epistolis. præm. vbi *Huttenum ridiculi operis auctorem esse, certa fide exploratum se habere*, confirmauit.

(u) Polyh. litter. I, cap. 23, §. 43.

(v) fidem hac in P. Iouio habuit Io. Cunr. Dietericus; qui in Programmate supra citato, postquam Obscur. viror. Epistolas nominatim Reuchlino vindicauit, adiecit: *qui liber auide coemptus adeo grauiter perculit Coniurationis principem Hoochstratum, ut lethali dolore sauciatus interierit*. vid. cl. Maii vitam Reuchlini, p. 423 seqq. vbi multa memoratu digna de Epistolis his proferuntur, pluribusque declaratur verbis, *Erasmum institutum baud probasse*, moleste admodum ferentem, se earum a quibusdam haberi auctorem. *Præ* etiam ibi *prioris epistolarum*

edocere nos voluisse, *Hermannum Comitem Nuenarium, Vlricum Huttenum, Reuchlinum, Buschium, Caesarium*, pluresque, laboris societatem quasi ineuntes, epistolas istas *in Ortuini Gratii inuidiam* contexuisse (x). Quisquis vero earum fuerit auctor, siue vnus extiterit, siue plures, *cucullatorum theologorum barbare Latina lingua scribentium stilus tam accurate iis expressus est*, vt, vbi prius exierant, miro monachorum exceptæ sint applausu, aui-

istarum voluminis editionis mentio fit a cl. Maio. in *Aldi Manutii* scilicet officina volumen hoc esse impressum. vidi & ego hanc editionem: at, vt vere dicam, volumen ex Aldina typographia prodiisse mihi non videtur: sed parum abest, quin credam, librum in *Germania* esse impressum, & locum esse fictum, vt nihil non in epistolis esset simulatum. præter enim quam quod in calce libri hæc leguntur verba: *Et sic finis epistolarum obscurorum virorum Deo gratia eiusque sanctæ matri. In Venetia impressum in impressoria Aldi Minutii (non Manutii): Anno quo supra: etiam cauissimum est, vt in aliis, ne quis audeat post nos impressare per decennium per illustrissimum principem Venetianorum: nec typi cum Aldinis conuenire mihi videntur.* Vt hoc etiam obiter addam, vltima editionis huius epistola est, quæ a *Vilipatio de Antuerpia* scripta fingitur, & cuius initium est: *Venit ad me vnus religiosus.* cui in editionibus, quæ istam insecutæ sunt, plures epistolæ sunt subiectæ.

(x) lib. IV de Viris in Westphalia eruditione & scriptis illustr. Oper. Histor. pag. 198, & in vita Buschii p. 298.

auidissime vbique ab ipsis coemptæ, vtpote qui sibi initio persuaferant, eas in *Reuchlini contumeliam*, *monachorumque fauorem* esse emissas : & qui, quum vir quidam egregie doctus, at nasutissimus, cui rei veritas minus latebat, coram ipsis fingeret, se stilo nonnihil offendi, eum consolati sunt ; dicentes, *ne spectaris orationis cutem, sed sententiarum vim*. Nec rei veritatem deprehensuros eos vmquam fuisse, nisi quidam epistola operi addita lectorem admonuisset, rem non esse seriam, Erasmus credidit (y), addens: *quis*  
X 2 *fun-*

(y) ep. 31, lib. XXII. Et tamen is, qui duobus abhinc annis Obscurorum Virorum Epistolas Londini edidit, easque Isaaco Bickerstaff Armigero, Magnæ Britanniae Censori, nuncupauit, credidisse videtur, argumenta Epistolarum non ficta, sed seria omnino esse. editorem id sibi persuasisse, ex his certe verbis, quæ in dedicatione protulit, non temere aliquis colligere posset. *Patere, Cato Britannie, ex obsoletis sæculi superioris rudibus, altaque, quam superstitio intulerat, ignorantia istud Arcadicum hominum speciosum Theologorum Magistrorumue nomine insolenter gloriantium pecus arcesci; & æterna licet nocte dignos, a tenebris tamen ad lucem, a mortuis ad viuos prouocari? & quæ extrema dedicatione leguntur: præludent hæ obscurorum Epistole, quarum elaborata barbaries & solæcismi legentem in cachinnos soluant, & quicquid ridiculi vaneque leuitatis in pectore residet, exhauriant. - - Denique obscuri isti homunciones, quibus nihil quicquam vixit insulsius, longo post tempore iam tandem*

*fungus possit esse stupidior?* Postquam igitur odorati demum erant monachi, quomodo res sese haberet, ita debacchati sunt, vt *Apostolicum Breue*, vt loquuntur, magna auri vi extorserint, quo Obscurorum virorum Epistolas ementes, vendentes, legentesque excommunicarentur. Quo facto, B. Pirckheimerus, ad Huttenum scripsit, suaforque fuit, vt Libri titulus mutaretur, & pro Obscurorum Virorum Epistolis, *Clarorum Virorum Epistola* inscriberentur, vt nebulones pecunias dilapidare denuo cogerentur (z). Ad *Ortuinum Gratium*, ad quem Epistolæ scriptæ finguntur, quod attinet; licet is laudatissimæ *Herm. Buschii* popularis fuerit atque discipulus (a), vir alioquin non indoctus ab Hamelmanno, ipsoque Erasmo dictus (b):

se

*respiscunt; famam, quam olim non potuerunt, conantur nunc aucupari; a coetaneis suis audiri vix meruerunt, nunc in spem & lectores & emptores sibi conciliandi veniunt.*

(z) Pirckheimer. in epistola ad Vlr. Hutten. quam Rittershus. de illius vita Commentario adiecit p. 24. in qua scribit Pirckheimerus, *monachos Huttenum obscurorum auctorem esse, clamitare.*

(a) lib. IV de Viris in Westphalia clar. Oper. histor. p. 198.

(b) ep. ad Pirckheimer, famil. lib. ep. 28. vbi hæc verba leguntur: *Quod venit in mentem Gratio, vt suas litterulas turpiter seruire vellet quorundam stultitiæ, seu potius ambitioni, quum eo videatur in-*

se tamen quam maxime tum opponere cœpit, quum Alexandri Doctrinale explosum iuerat Buschius; & in primis reprehendit, quod hic in *Commentariis ad Donatum* scripserit: eos *magnis etiam Theologis, Doëtoribus atque Magistris utiles fore atque necessarios*. Nullam vero aliam ob causam a barbarorum theologorum partibus stetit Ortuinus, quam ut amplissimum ab iis reportaret beneficium, quod *præbendam* appellare solent: idcirco cum *Iacobo Hochstrato* consilia sua contra bonum Reuchlinum consociavit: qui in Ortuinum acerbissime vicissim est inuectus, aspere satis eum tractans, ut hominem, qui vix litteras balbutire nouerit alphabeticus, quum tamen oratoriam poeticamque docere gloriatus fuerat.

In hoc contra Ortuinum & summum eius patronum Hochstratum certamine tam strenue pro Reuchlino pugnavit *Huttenus* noster, ut a *Pirckheimero* *optimus* vocatus sit (c)

X 3

*Reuch-*

*genio præditus, ut si vero iudicio iustam operam adiunxisset, inter eloquentes ac litteratos haberi potuisset? Nunc non alio facinore natus est, nisi quod calumniatus est Reuchlinum & huius amicos, quodque quorundam infanti malitia, mercenarium ciboque conductum rhetorculum præbuisse videatur.*

(c) in epist. paullo ante citat. Etsi vero vel hoc solo, quod inter *Reuchlinistas* numeratum se haud obscure viderit, singulari suo in eruditissimum homi-

*Reuchlinista*: utpote qui nihil magis in optatis habuit, quam ut interirent, & emorirentur, qui surgentibus impedimento essent literis; quo aliquando enascerentur viua pulcherrimarum virtutum, quæ toties isti contriuerant, plantaria. Equidem tam constanter a Reuchlini partibus stetit Huttenus, ut, quum omnes boni optimo viro, qui ceteris quidem rebus omnibus superior videbatur, sycophantiis tamen, mendaciis, conuiciisque, ut superiori capite demonstraui, longe vincebatur, timerent, partes eius haud deferuerit, sed ipsi cum reliquis iustissimæ causæ defensoribus opem ferre perseuerarit quam fidissime. Deterreri se passus non est, etsi

nem studio satisfecisse se, credidit Huttenus, (lib. II. epist. illustr. viror. A. 1.) eo tamen haud contentum se fuisse, satis declarauit, quando ad Iulium Pflugk, in Italia tum commorantem, Augusta Vindelicorum, quo cum aula Archiepiscopi Moguntini Alberti ad frequentissima ista Comitia an. 1518 acta abierat, ita scripsit: *Ipse mihi negotium his diebus feci, discurrendo, ambiendo, apprehendendo, dum optimum quemque ex aulis principum in partes Capuionis traham: quamquam huc ultro illi concedant, nec iam opus sit parare nobis amicos.* Sibi id curæ fuisse, ut ad Reuchlini partes, quosquos in principum aulis aptos esse viderit, traduceret, dudum H. Nuenario confirmarat elegantissima epistola; qua complures clarissimos nominauit Germaniæ viros, qui cum Reuchlini fociis faciebant. citata modo Hutteni ad Iulium Pflugk epistola subiecta est eius *Nemini*.

etsi plane non ignorasse videtur, multos sub innocentiae scuto periisse, auroque loquente cuncta filere. Aduersariorum certe opibus & potentia quam maxime pressum esse Reuchlinum, supra cognouimus. Hic licet potentissimorum auxiliis numquam destitutum se conquestus sit: pro suae tamen naturae modestia, pacem plus, quam gentium & nationum bella, vel diffidationes, cupiuisse se, adfirmavit (d). Quando vero Cameraarius, summorum virorum fauorem Reuchlino haud defuisse, sed omnium, qui amaerint, aut videri saltem voluerint amare eruditam doctrinam, studia tam prolixè, vel tam effuse etiam praestita ei fuisse, ostendit (e), ut ipse *Reuchlinus alacritate offensus* fuerit; *Huttenum* cum primis intelligere se, prodidit Camerarius, dum paullo post addidit, *Huttenum acerrimo ingenio, animoque confidentissimo virum, litteris perquam eruditum, litigantes monachos cum Capnione varie exagitauisse & illam factionem vehementissimis scriptis, & aliquando post armis quoque expeditis adortum esse*. Quare etsi magni ad vitae finem usque fecerunt amici Huttenum suum, propter doctrinae eruditionem ingenique praestantiam mirifice cum admirati: sed tamen,

X 4

quum

(d) lib. II ep. illustr. viror. r. 4, b.

(e) in Vita Melanchthon, p. 16.

quum *vehementem eius naturam, excelsum animum, & propensam ad novas res voluntatem* probe nossent, nonnihil semper de salute eius metuere se, declararunt (f). Præsertim quum summi Pontificis iram ita in se conciuerat, vt animus huius ipso *patrocinio*, quo *Albertus Archiepiscopus Moguntinus* Huttenum fouerat, quam maxime offenderetur (ff). At Huttenus, se timorem, quo amicorum mentes ipsius causa occuparentur, inique ferre, epistola ad Reuchlinum scripta, multum animi spirante (g), significauit. qua hunc timiditatis animique demissionis aperte  
coar-

(f) ibid. p. 92.

(ff) vid. Iac. Sadoleti epistola Leonis X P. nomine ad Albertum scripta, P. II Monumentor. Pietatis & litterar. p. 47 seq. qua in Hutteni, velut parum modesti hominis, scripta acriter inuehitur, quæ indignissimis & rebus & verbis referta, plurimas in *Sanctam Sedem* continerent contumelias. quum *quereremus*, scribit Sadoletus Pontificis nomine, *quinam ille esset* (Hutterus,) *intelleximus, cum Circumspectionis tuæ familiarem esse, quin etiam nobis ostensus locus est, impressos hos libros, scilicet incivitate tua Moguntia fuisse, quæ res magnam in nobis commouit admirationem, quum nec noster in Circumspectionem tuam perpetuus & singularis amor credere nos sineret, te volente ita esse factum, & res ipsa pene cogeret, credi, ante oculos tuos, in sede tua, a tuo Domestico & familiari non potuisse edi tantum scelus in apertum te ignorante.*

(g) lib. II epist. illustr. vir. ad Reuchlin. A. 1.



coarguit, quando epistolæ hoc fecit initium :  
*Per te, caput tuum, oro, per si quid hoc carius*  
*utrique, noli tristia ominari nobis. Quid enim*  
*ista sibi volunt? Sin breui moriar, satis tibi*  
*respondebit virtus tua. Noli me terrere, ob-*  
*secro; noli ipse imponere necessitatem tibi &*  
*illum refer animum, quo solitus es ferundis*  
*aduersis uti. Multos ultro ferocientes for-*  
*midulosus dux milites his querelis emollitos*  
*reddes. Ne tibi desis: ne ardentibus pro te*  
*muliebre istud obstrepe, sin breui moriar. Im-*  
*mo non moritur, qui sic vixit: & quæ verba*  
*animi ac spiritus plenissima sequuntur alia:*  
*inter quæ & hæc sunt: Iam pridem incendi-*  
*um conslo, quod tempestiue spero efflagrabit.*  
*Ipsum te quiescere iubeo. Eos mihi adiungo*  
*militiæ socios, quorum & ætas & conditio pu-*  
*gnæ generi par est. Breui videbis lugubrem*  
*aduersariorum tragediam e ridentium thea-*  
*tro exhibilari. Hæc diuersa opinante te mo-*  
*lior. Neque enim de me si recte suspicareris,*  
*ista scriberes. Noli deserere causam veri-*  
*tatis. Egone deferam aut hanc, aut te huius*  
*ducem? Modicæ fidei Capnion: qui non no-*  
*sti Huttenum. Immo si tu hodie deferas, ego*  
*istud (quantum per me fieri poterit) restituam*  
*bellum, nec mihi ignavos ceptorum comites ar-*  
*bitrare. his stipatus consortibus ingreditior,*  
*quorum unumquemque huic colluuii satis-*

*futurum putes.* Hæc ex epistola Hutteni excerpenda putavi, quum ea, quæ Bononiæ anno MD XVII scripta est, Hutteni animi morumque index vere appellari queat, & nihil de Hutteni indole luculentius ea ipsa testari posse videatur (h). Nec minorem animum ostendit Huttenus redux in Germaniam factus epistola ad Herm. Nuenerium scripta :

(h) Quæ de *Doctoris titulo*, quem assumere decreuerat, in præfatione Nemini suo præm. A. 3, profert, notatu mihi videntur quam dignissima : *Audi (ad Crotum Rubianum scribit) meum in hac re consilium, postquam mihi stomachum mouerunt isti olim superbi legum dispensatores, fateor, esse aliquid contendendi, & eo studium contuli meum : ac dispeream, si vlla alia ratione, quam, vel ut meorum desiderio satisfacerem, vel ipsum illud, quantumcunque nugatorium est, quo isti triumphant Bartholiste, effecutus, acceptoque doctrinæ titulo, quo decipi vulgus amat, ab illis postea audiri mererer, quod aliter per contemptum non fiebat. Doctorem enim esse oportet nunc, doctum neque necesse est, neque omnino aliquid est. Quanta litterarum iactura hoc facies aiebat aliquis ? Nulla respondi, quippe impendendum aliquid succisui temporis, dum istas illiteratas litteras atque hanc doctrinarum fecem iactare dicam. Nam intelligere nullo negotio licet. Sum enim plane in ea opinione, ut, qui in his studiis superbire sciat, & pro tempore ingerere se audeat, eum consummatum hoc tempore iureconsultum existinem ; quod institutum, quid refert, quomodo postea immutauerim, scribere. Multa insuper de Bartholistis minus honorifice prædicat.*

pta: vbi, postquam complura animi magnitudinem testantia præmiserat, ita scribit: *Quod si me audiat Germania, quamquam inferre Turcis bellum necesse est hoc tempore, prius tamen huic intestino malo, remedium opponere, quam de Asiatica expeditione cogitare iussero. Nam quid Othomannorum domum, imperandi studio inimicam nobis excisam tantopere cupimus, si istos, ferimus in medio nostri vniuersæ pietatis inuersores? multis verbis interiectis, ita pergit: Quamquam interim dubitatio accessit, an obstinatissime hos a nobis contemni, quam insensissime aliquando impugnari præstet. Certe enim hoc contemnere, quod ego omnibus hætenus apologiis prætuli, non satis esse videtur, ad illud, quod paramus, ut vigeant litteræ, barbaries exsulet, docti in veneratione, scioli passim despectui sint. Id quod Christo adiuvante, ad aliquem iam progressum deduximus, sed non, quo oportet.*

Inter eos, qui contra pertinacissimos Colonienſes sophistas, capitales *Reuchlini*, omnisque humanitatis hostes, decertauerunt, primas, vel ipso Hutteno atque Buschio eas concedentibus, tenuit HERMANNVS COMES NVENARIVS, siue *Noue Aquilæ*, sæpissime hætenus a me nominatus: *Canonicus* primum, *Præpositus* deinde *summi Coloniensis*

*nienſis templi longe eruditiffimus, & elegantiorum litterarum, Romanæ in primis linguæ vindex ſummus, ſive, ut ab Hutteno appellatus eſt, omnium ætatis ſuæ in Germania nobiliſſimus doctiſſimus, omniumque ibidem doctorum nobiliſſimus.* Qui quum barbariem Coloniae oppreſſam vellet, *Buſchium* atque *Cæſarium* benigniſſime ibi, ut ſupra oſtendi, cum aliis præclaris viris fouit, eoſque auctoritate ſua, qua plurimum valebat, contra audaciſſimos aduerſarios ita grauitè defendit, ut iſ horum ducem *Hochſtratum*, qui *Herculem ficticium* appellare ſe conſueuerat, Colonia expulerit, propter impurum nebuloniſ figmentum, quo Reuchlinum proſciderat (i). Vehementiſſime Nuenarius binis epiftolis in hominem inuectus eſt, vna, eaque verbosa ſatis, ad Reuchlinum, ad lectorem altera: quas cum *Reuchlini*, *Buſchii*, atque *Hutteni* ad ipſum epiftolis, *Iac. Hochſtrati libello accuſatorio contra Oculare Speculum Io. Reuchlini*,  
 eius-

- (i) Hutten. in epiftola ad Iul. Pflugk Nemini eius ſubi. Io. Conr. Dietericus in ſuo de Reuchlino Programme ſcribit: *Tantus erat furor Hochſtratianus, ut inclite nationis Germanice litterarius ordo a Carolo V Imp. quum ei felix regimen per Oratorem Hermannum a Nuenar, Comitem, gratularetur, humillime peteret, ut renaſcentium bonarum artium curam habere, barbariem e ſuis finibus exterminare, Hochſtrati audaciam compeſcere vellet.*

eiusdemque *Iacobi Diffamationibus*, item *Nouæ Io. Reuchlini ex urbe Roma allatæ Defensionis præfixas* iuris publici fecit: *Hochstrato* quam acerbissime iis respondet, qui *Nuenerium* contra *Colonienſes* theologos, contra præceptores, & vicinos *grassatum eſſe*, scripſerat, *theologorum philoſophorumque oſorem, degenerem, præceptoribus ingratum, temerarium atque dicacem* cum appellans *hominem*, grauiſſimisque conuiciis aliis doctiſſimum virum laceſſens; & quidem adeo, vt præter *Reuchlinum* & *Pirckheimerum* complures eruditos Germaniæ viros ſimul diris admodum cauillationibus ſit conſectatus (k). Ri-  
dicu-

- (k) *Pirckheimerus* in epiſtola apologetica, *Luciani Dialogo præf. de iniuria ſibi illata* modeſte admodum conqueritur, ſcribens: *Quæ eſt Chriſtiana religionis deſenſio, ſi longe acrius, quam Chriſtiana manſuetudo permittat incandefcas, ac non ſolum in tantum virum (Reuchlinum) ſanda pariter & infanda euozas, ſed & omnes amicos eius mordicus arripas? poſſim & ego ſtulta illorum loquacitate irritatus, contra inſanientes inſanire ac ſuaues illos viros, ſibi ipſis, tamquam in ſpeculo oſtendere, ni ia naturalis prohiberet æquitas, ni id Chriſtiana deſtaretur pietas. Vel his verbis inſaniam ſuam prodiderant inepti homines; ſe a Bibibaldo, nescio quo, in Nurenberga læſos eſſe, tamquam infimæ ſortis homo fuerit Bilibaldus, quoniam ipſis erat incognitus: quibus vt ſemper ignotus exiſtiſſet, ac numquam ſibi a talibus benediſtum eſſet, a quibus vili-  
pendi, quam laudari præſtiſſet, exoptandi non leues cauſas habuiſſe videtur *Pirckheimerus*.*

diculum præsertim titulum, quo ipse Hochstratus dignum sese diiudicauerat, exagitat Nüenarius. Apologiam scilicet suam is ita inscripserat: *Apologia Reuerendi Patris, Fratris Iacobi de Hochstraten hæretice prauitatis Inquisitoris.* Quo facilius de rarissima Nüenarii ad Reuchlinum epistola iudicare queat, qui illam numquam vidit, extrema eius verba apponenda censui: quum hæc non de auctoris modo eruditione stilique elegantia, sed etiam de sæculi istius conditione abunde simul testari posse, arbitrer: *Quod si huic maledicendo vices reddere decreuissem: iam iam, (vti credo) experientia doctus esset, non parum vel ad maledicendum conferre poeticam & oratoriam, idcirco poeseos nomen non recte mihi impropere videtur, quod tam ab eo abest, vt non possit longius, etiam ab infante bimo: sed vtinam verum diceret, contumeli- am certe nullam infligam video, nisi quod mendacium plane agnoscam; verum id ei libens condonabo, qui in omnes aque mentitur, quam optarem, vt de me semel verum protulis- set; sed sicut ego mihi nihil horum arrogare ausim, ita pro comperto habeo, maximam effi- cacia, & incredibilem vim suppetere poetis, quando ab improbis & malitiosis hominibus prouocantur: Est furor in nobis (inquit Ouid.) agitante calescimus illo. Constat Archilochi iam.*

*ambos Lycambis exitio claros fuisse. Ciceronis eloquentiam potentissimus alioqui M. Antonius etiam fuga celebravit. Quamobrem quum adeo parui pendit poeticas facultates, caueat ipse sibi, ne repente nunc in poetas deuectus, ab illis frustratim & emembre-  
 tur, & dilanietur, non secus quam Actæon a propriis canibus, & Pentheus ab insanis mulieribus, poenas luens temeritatis suæ, qui eam damnet, quæ numquam didicit, & quæ tanto intervallo sensus illius ingeniumque transcendant, ut assequi vel summis digitis numquam possit. Si enim sacra pocseos merita ignorat, si veros theologos ipsius præconia scriptis extollentes non legit, aut didicit, quod valde equidem crediderim, perlustret Vallum Buschii viri vndequaque ornatissimi, ut tandem senex factus discat, quæ puer scire debuerat: tum fatebitur iniuriam sibi factam, quod hucusque theologus sit habitus, qui ea ignoret, quæ de hac re certatim a sanctissimis viris memoria commendata sunt. Et de nugis hæc quidem paucula. Nos vero interim studiis nostris operam demus, & quum ludere aliquando libebit, habes iam argumentum, quo te exercere possis, etiam usque ad risum. Vale communis patriæ ornamentum: & me quem amas, fac impensius ut ames, Colonia Calendas Maias.*

Confirmauerat prius Nuenarius Reuchlinus, se contra belluam pedetentim incedendum decreuisse; quam, si externa praesidia accessissent, coniunctis copiis commodius expugnari posse, sentiret: licet non ita magnis auxiliis contra paucas ranas opus esse iudicaret, quas ipsas garrulitatis suae iam puderet, & quae paullatim disfidere iam inter se inciperent (l). Sensim enim fiebat, vt, posteaquam *Parisienses Theologistae* maxima sua-cum infamia ac dedecore contra Reuchlinum steterant, nec prohibere potuerant, quominus Reuchlinianum nomen in omni Gallia sit celebratum, spe victoriae reportandae penitus adempta (ll); plurimos poeniteret, se a Colonien-sibus asinis & circumforaneis nugiuendis, deceptos potius, quam instructos, suffragium addidisse suum (m). quum praesertim doctissimos quosque vrbis Romae viros Reuchlino fauere; plurimisque, vel ipsis monachis, conatum eius probari, animad-

(l) Integram epistolam, qua haec Reuchlino confirmauit Nuenarius, vide in Reuchlini vita a cl. Maio conscr. p. 458 seqq. desumptam ex lib. II, epist. illustr. vir. t. 3, b.

(ll) Hutten. in epist. ad Iul. Pflugk, Nemini subiect. vbi, *Gul. Budeum, nobilem, & egregie doctum virum odium in Capniomastigas strenue in Gallia aluisse*, scribit.

(m) Eob. Hessus lib. II epist. illustr. viror. y. 2, b. & z. 3, 2.



animaduertebant: siquidem multi eorum, se Reuchlinum sanctius & maiore cum pietate, quam ipsas cerimonias & instituta sua colere, declarabant. Quid, quod quum *Franciscus Poggius Florentinus* ad summum Pontificem aliquando orasset; inter alia eum dixisse legimus (n): *Pater Sancte; ego sumam mihi partes Reuchlin, & volo stare loco ipsius. legi suas lucubrationes omnes, omnes, quas habere potui: homini sit iniuria.* Ad quæ Pontificem post multa verba respondisse, addunt, qui hæc referunt (o): *Noli curare, Poggi,*  
Y non

(n) Paul. Geræander epist. ad Reuchlinum Romæ script. lib. II epist. illustr. vir. B. 3, b.

(o) ibid. Quantus Mæcenæ exstiterit *Leo X. P. M* breui supra a me commemoratum est. quanto etiam is *bonæ notæ codices conquirendi* flagrauerit studio, Phil. Beroaldi ad Reuchlinum nostrum epistola præter complura testimonia alia confirmare potest: cuius lib. II epist. illustr. virot. ad Reuchlinum c. 1, b. verba hæc sunt: *Qui tibi has litteras reddit Ioannes Heitmers Commissarius est Pontificis destinatus ad Germania partes pro libris antiquis, qui desiderantur, munitus venit multis litteris pontificiis & diplomatibus. Sperat, se omnino aliquid boni eruturum. significauit autem Pontifici, posse te plurimum negotio isti fauere, qui diu tam sagax canis vepreta omnia & nitedulas olfeceris. Quare mihi commisit, scriberem ad te, velles operam tuam ad istam rem impertiri, consilio scilicet iuuare, monitionibus, indagine, auctoritate non deesse, præsertim apud Præfulem Wormatiensem. Credo mihi, docti-*

*non feremus, ut quicquam mali patiatur hic vir. hinc etiam id, quod iidem adfirmant, euenisse, arbitror, ut maior suffragiorum pars pro Reuchlino fuerit, quam pro eius aduersariis: pro quibus vix quatuor stetisse, scriptum est ad Reuchlinum ab amicis Romæ commorantibus (p).*

Vt

*sine Capnion, te animus Pontificis optimi in te certe amando diu excitatum, hac potissimum opera artissime tibi deuinclurum. nam hac illi cura non in postremis. Dudum scilicet, Campanus populares suos (lib. IX epist. 45) edocuerat, magnam vetustissimorum librorum in Germania inueniri copiam: at omnibus ætate sua aditum ad eos patuisse negauit; mirum enim in modum libros istos esse obleruatos, nec vlla arte tam capi potuisse, scribit, quam quod poetici fuerint. Quare, si quem libellum ab his (Germanis) postules, inquit, non aliter potes impetrare, quam quod poeticum adferri patiuntur: & postquam eosdem Germanos suspitionis, ignauiae, inscitiae, ferociaeque insimulauerat, addit: quantum ad libros attinet, testimonio nobis est, quod usurpatum veteri est prouerbio: Arma non semper artifice conuenire.*

(p) Epistola, qua Maximilianus I, Imperator, honorabilem, fidelem sibi que dilectum Reuchlinum Pontifici Leoni diligentissime commendauit, lib. II epist. illustr. vir. ad Reuchl. f 2, addita est; eo pluris facienda, quo apertius augustissimus Imperator suum in Germanorum eruditissimum, & ingenuas simul artes, fauorem ea declarauit. Quam qui legerit, Huttenum vere iudicauisse fatebitur, spero, vbi scripsit (in præfat. Nemini præm.) *Omnia debentur*

Vt ex diuerticulo in viam, siue ad excellentissimum Comitem *Nuenarium*, reuertar. *Mauritius Comes Speigelbergicus* erat, cuius curis tantum Mæcenatem debebant Germania Musæ. Nam quum is in Italia, quo optimi præceptoris sui *Hegii* consilio cum *Rud. Langio* profectus fuerat, sub clarissimorum magistrorum disciplina plurimum profecisset, magnus semper, posteaquam redierat,

Y 2 bo-

*Maximiliano, Principi, qui se furentibus opposuit, non passum euertere optimum virum, & de hoc imperio suis consiliis suaque industria sic meritum. Quare tam integri, & innocentis viri, ac optime de se meriti consilarii protectionem suscipere officii sui existimasse, se, scribit Imperator; Pontificem magnopere obtestatus, ut Reuchlini aduersariis, quos ordinariam & regiam iustitiæ viam ex industria vitantes variis viis aliis modisque integrum, bonum, doctum, & a catholica doctrina nihil dissentientem oppugnare adhuc studuisse, intellexerit, perpetuum silentium imponeret: (quale pro negotii pacificatione dudum se imposuisse iis, adfirmabat) quo innocentissimus vir a tam sinistris vexationibus liberatus, commodius ultimos etatis sue annos peragere, & aliis studiis, quæ ad communem Reipubl. Christianæ utilitatem emittere in animo haberet, liberius vacare posset. Nam quum diu spectando, quorsum optata inimicorum perrectura, aut quem tandem finem vota eorum fortitura essent, ita animi se pependisse ipse professus est, ut nihil magnum adgredi ausus fuerit, par ei, quod a libero ingenio prodiret; coactum interea se docuit, dum otio languescere prorsus non posset, parvis saltem quibusdam foliis nauare ope-*

bonarum litterarum fautor exstitit, atque amplificator; de Comite Nuenario ingenue educando, quam maxime sollicitus. & quo melius hic de litterarum studiis in Germania magis magisque euehendis mereri posset, in Italiam fidissimam suam magistram, eum ablegauit: probe deinceps sentiens, se curas in tam liberali ingenio alendo non frustra sustinuis-

ram: ut arbor sua nihilo minus fruticaretur, quadriennium iam tum ab hostibus cæsa, non autem diuino beneficio euulsa. Scripsit ita Reuchlinus Stutgardiae an. 1515 ad *Iac. Aurel. Questenbergum*, Ictum, Leonis X Cubicularium & a secretis: cui videlicet S. Athanasium in librum Psalmorum ab se translatum eximia dedicatione inscripsit, qua in laudes viri excurrit, qui Græce fuerit doctissimus, & cui ab adolescentia dulcibus Musis adueto, *Romane linguae suauitas propria fuerit ac peculiaris*. Germanus natione fuit *Questenbergius, Freibergæ Misnie* oriundus; non *Reuchlini* modo, cui firmissimum contra furiosos Monachos Romæ accusandos auxilium præstitit, & *Aesticampiani*, sed omnium popularium, litterarumque in patria æstimatorum, summus fautor exstitit atque adiutor, ita, ut eis non tantum raros subministraret codices in lucem edendos, sed etiam tam liberalem atque munificum erga eosdem se præberet, ut *opes suas Germanorum in Italiam venientium causa profudisse*, dicatur. vid. supra allegatam de l. Rhagio, Aesticampiano dissertat. § 7. Præstantissimo huic viro, & communi Germanorum in Italia coram pontifice causas agentium patrono, Reuchlinus in commemorata præfatione expositum iuit, quam grauius

sustinuisse, quum expectationi abunde satisfacere eum cognosceret (q). De quo adhuc tum iuvene Erasmus prædicauit, quod rara & plusquam senili prudentia, pauciloquus fuerit, & quod de Menelao prædicauit Homerus, *μάλιστα λόγῳ* locutus sit, immo cordate, citra ostentationem doctus non in vno studiorum genere tantum, totus candidus, & amico amicus (r).

## Y 3

Ha-

aduersarii ipsum persecuti sint, *sententia Apostolica*, quam Georgius Spirensis episcopus promulgarat, inserta. Insignis huius præfationis notabilis hic finis est: *Cabalistarum adagium est: Spiritus S. non canit, nisi per medium letitiæ. Quam si perfecte adeptus fuero, enitar maiore diligentia, ut seculo nostro haud frustra vixisse videar. Constitui nempe mecum, posse angelorum adiutorio fieri, et quando Italiae Platonica Ma filius Ficinus attulit, & Iacobus Faber Stapulensis Aristotelica Gallia restaurauit, ego quoque Capnion Pythagorica contemplantisimis hominibus iucunda Germaniæ donare queam, modo rece tant diaboli, id est, detractores, & vadant retro Satanae, id est, impeditores.*

(q) vid. Hamelmannus in scriptis citatis p. 322 Oper. & alibi.

(r) Erasim. ep. 25, lib V. Quum in Germaniam reuersus esset Nuenarius, Romanam illam de loquendi consuetudine, verbisque deligendis lepidam ac festiuam disceptationem, siue *Oeci & Volsci Dialogum Ludis Romanis actum*, Reuchlino dono dedit; qui libellum Nuenarii in se beneuolentiæ, ac singularis studii gratitudinisque suæ testimonio excudendum tradidit *Pb. Melanchthoni*: cuius præfatio Tubin-

Habes, Lector beneuole, virorum nomina, quibus, dum Agricola, Langii, Hegii, Reuchlini & ceterorum, quibus superstites fuerunt, vestigia summo studio secuti sunt, potissimum debetur, quod Latinæ linguæ omnisque humanitatis decus contra barbaros monachos ac insulos sophistas in Germania porro sit assertum. nomina profecto tam clara, & tam celebria, vt mentione mea, ex diuersis ætatis istius monumentis repetita, facile indigere potuissent. At recorderis, quæso, obtestationis, qua supra rogavi, vt ne peruerse interpreteris, me vberiore paulo clarissimorum virorum subinde instituere commemorationem; sed vt reputes mecum, quanta excellentissimorum horum Germaniæ ciuium in Romanum sermonem elegantiorumque litterarum studia exstiterint merita: tanta videlicet, vt omnis ætas hæc celebrare, & memoriam eorum recolere debere videatur. Candidos lectores hocce institutum meum non plane improbaturos fore, grauisimum summi Caselii iudicium sperare me iubet, quo centum amplius abhinc annis

opta-

gæ scripta præmissa est: qua extrema fere honorificentissima hæc de Nuenario leguntur verba: *Quando virtus etiam tua splendore natalium tanto, & mira fortune gratia illustrata meretur, vt omni studiosorum ardore Musageta quidam, veluti communis inter Musas Hercules, colare.*

optauit (\*), vt existerent semper, qui illorum æmularentur industriam, qui sua ætate de litterarum luce in Germania exorta luculente passim scripserint. *tanti enim beneficii auctores non agnoscere impium, memoriam silentio sepe pelire nefas*, putauit prudens censor. Quamuis ego tantum mihi non fumo, vt mihi persuadere audeam, me industriam istorum digne æmulatum esse. meam saltem id præstandi voluntatem a quibusdam laudatum iri, confido, si vires defuisse, cognouerint. Neque confuse me acturum, spero, si, *Latina lingua infantia* nec inertis eius *pueritia* superiori capite adumbrata, nominatorum hætenus virorum ætate, quæ ad XXX circiter sæculi XVI annum adscendit, eiusdem linguæ *adulescentiam* optimæ speciei quam plenissimam circumscripsero; ita, vt *virilis* eius *ætas* capite hoc perlustranda restet; quam quum ipsa quoque laudatorum virorum ætas attigerit, eodem capite eam describendam putauit.

Quum superioribus capitibus de litteras pingendi scribendiue ratione, qua barbaris sæculis monachi in Germania vsi sunt, & de arte libros imprimendi, quædam adiecerim; tamquam rebus, quibus Latinæ linguæ studium, vt in reliquis Europæ regionibus, ita in nostra etiam Germania, plurimum est adiutum. in præsentis obiter monendum, exi-

stimauī, Mart. Crusium quidem in Annali-  
 bus suis adnotasse, circa annum *clō lō XVIII*  
*alicubi diphthongos scribi iam cōpisse, quod*  
*antehac tot seculis inusitatum fuerit.* verum  
 innumeralibus exemplis probari posse, id  
 multo ante, & ipso iam *XV* seculo, non in Ita-  
 lia solum (s), sed in Germania etiam factum  
 esse: vt, quod ad Germaniæ typographias  
 attinet, vnicum ex seculo *XV* proferam ex-  
 emplum: in *P. Terentii editione*, quæ *Argen-*  
*tina clō ccccxcvi*, apud *Ioannem Grüninger*,  
 cum directorio, glosa interlineali, commenta-  
 riis, vt titulus præ se fert, impressa est in folio,  
 ridiculis satis adornata figuris. in rara, in-  
 quam, hac editione, quæ in calce libri niti-  
 disime elaboratum opus vere dicitur, & cuius  
 exemplum non ita pridem ab interitu, qui  
 imminebat, liberaui, diphthongi omnino ex-  
 pressæ sunt, eæque integræ, ac ita plane for-  
 matæ, vt hodie scribi solent: nam, quæ alte-  
 ra sunt figura, qua olim scriptæ sunt, raro ibi  
 occurrunt; præsertim in ipsis Terentii ver-  
 bis. In *Auentini* etiam *Grammaticæ rudi-*  
*mentis* an. *clō lō xvi* editis, & in *Vlr. Hutteni*  
*monimentis*, diphthongos exscriptas obser-  
 uauī. nec non in *Reuchlini scriptis* a *Thom.*  
*Anselmo excusis* seculo *XVI* ineunte: quam-  
 uis

(s) & in *Aldi Manutii*, & reliquorum typographorum,  
 qui exeunte seculo *XV* vixerunt, editionibus.



uis nullæ aliæ præter eas, quas *puncta* nominare consueuimus, comparent ibi, distinctiones : quod in Auentini Rudimentis aliter sese habet : in quibus scilicet periodi comatibus, aliisque distinctionibus sunt interpunctæ : in *Torrentini* vero, aliorumque *Commentariis* non item ; vbi puncta dumtaxat apparent, & nullæ plane diphthongi sunt exscriptæ. vt de creberrimis notis scribendive compendiis, quæ *abbreviature* vulgo appellantur, taceam (f) ; ad aureum istud in Germania sæculum perrecturus.

Quod si nulla alia Germanis caussa esset, quamobrem eruditorum ciuium suorum, præclare de Latina lingua vindicanda meritum, memoriam recolendam subinde putarent renouandamque : eos vel sola contemptio, in quam exterorum plurimi nationem adducere studuerunt, vt id facerent, commouere posse videtur. quum nimirum inter externos numquam non fuisse cogitarint, qui Germanorum laudem hac in re, vt in reliquis, obliuione maxime voluerint obscuratam : cuiusmodi in præfatione nonnullos nominaui : quibus *Lazarum Bonamicum*.

Y 5

iti-

(f) verba ista, quibus M. Crusius adfirmavit, diphthongos circa an. 1518 alicubi scribi cœpisse, leguntur in eius *Annal. Suevic. lib. X, P. III, cap. 7. pag. 560.*

itidem adnumeraturus fuisset; quum cum vel Germanorum facundiæ & in Latinam linguam meritorum ignarum plane fuisse, vel inuidentiam forsitan memoriam istorum ex animo ipsius euulsisse, mihi persuasissem; dum postquam in colloquio cum Georgio Fabricio *Phil. Melanchthonis* mentio facta erat, dixit: *Certe ille homo loqui incipit* (sf): hoc, inquam, responso adduci me passus essem, ut crederem, *Bonamicum* etiam non adeo honorifice de Germanis sensisse (st), nisi Io. Caselius, eum *Germanos amasse magnè, semper fecisse*, confirmasset (t). Quis enim, quæso, statuatur, Rud. Agricola, Rud. Langium, Io. Reuchlinum, infantes fuisse: qui Italidis dudum,

(sf) Dresserus in præfat. lib. III Rhetor. præm. p. m. 553.

(st) præsertim quum Bonamicus eidem Dressero in orat. de Libris, quos legere deceat, visus sit putavisse, *Germaniam ita rudem, verique sermonis tam ignaram adhuc tum fuisse, ut Melanchthon inter Germanos, apud quos & scribendo & dicendo primas tenuerat, recte demum loqui cæperit.* nec asseuerare veritus est Dresserus, *doluisse eximio viro, quod Germanus Melanchthon cunctis pene nationibus reliquis eloquentiæ laudem præripuerit.*

(t) in orat. funebr. Andr. Mylio script. C. 4, 2: ubi in prædicando Bonamico multus est Caselius; inter reliqua præconia & hoc est: *Erat Bonamicus omnino vir eloquentissimus: quod ex perpauca, quæ scripta reliquit, existimare facile est: & artem dicendi tradebat nouo modo, b. e. veteri & sapientibus usurpato.*

dum coram ostenderant, se non loqui solum posse, sed eloquentia plurimum etiam valere. *Germani*, vel ipso *Melanchthonis* aeo non coeperunt, sed, si vere dicendum est, *extremo* eo *sensim iam Romane loqui desierunt*: ita, ut si quis Latini sermonis apud Germanos ortus ac incrementa, velut in spirante quodam humanæ vitæ simulacro statuere vellet, quemadmodum quidam faciunt, quando de eiusdem sermonis sub Romanorum imperio fati agunt, *Melanchthonis* tempore non incunabula, non puerilis ætas, atque adolescentiæ flos, sed virilis vigor esset constituendus: id quod ex sequentibus magis magisque elucebit. Eo enim etiamnum puero in plurimis Germaniæ scholis melius longe, quam antea, instituebatur iuventus, doctrina usurpabatur politior, bonorumque auctorum scripta passim iam versabantur summo cum studio; *Alexandri Doctrinali*, & reliquis ineptiis magno conatu ab iis, qui *Buschii* exemplum secuti fuerant, explosit. Quod vehementissime lætatus *Vlr. Huttenus* ad *Iulium Pflugk* scripsit anno *MD XVIII* (tt);

*Ma-*

(tt) quo ipso præter ætatem eruditus iuuenis *Melanchthon*, *XXII* annos natus, non illiberali salario, ut *Græcas litteras* doceret, *Wittebergam* est arcesitus, a *Reuchlino Friderico Electori* diligentissime, ut par erat, & ut summa *Melanchthonis* virtus ac eruditio merebatur, commendatus.

*Magna est studiosis omnibus (in Germania) cum barbarie lucta, spe ingenti, fore, ut pervincamus, ac litteræ vigeant. iam enim despectius audiuntur magisterculi, & recte se ubique studia excitant. Ipsi Melanchthoni eodem isto anno scribere licuit (u): Videor mihi videre aliquot locis reflorescere Germaniam, planeque moribus & communi hominum sensu mitescere, & quasi cicurari, quæ barbaris olim disciplinis effera, nescio quid immane, solita est spirare. Enimuero Germaniæ iuventuti contigit tum, ut saluberrimis erudiretur præceptis, & ipsos artium fontes ex optimis auctoribus adfluentius hauriret; postquam hic natiuum ac sincerum Aristotelem, ille Quintilianum Rhetorem, hic Plinium tantum non ditissimum pædæ, ac veluti quoddam copiæ cornu, ille argutias sed arte temperatas, porrigebat. quibus mathematica accedebant, item poemata, oratores, professoribus non proletariis (v): & quidem auctores explicati cum adolescentibus in academiis atque gymnasiis Germaniæ ita relegabantur, ut omnia inter examinandum cum præce-*

(u) in nobilissima oratione, quam eodem anno 1618 Wittebergæ de Corrigendis studiis habuit, T. I Declam. p. 502.

(v) Melanchthon ead. orat. p. 496, ut ea in Wittebergensi academia acciderint, optimi ac sapientissimi Principis Friderici auspiciis factum, confirmat.

præceptis enarratis diligenter conferrentur, & ipsi adolescentes ad rei grammaticæ & Latinæ linguæ cognitionem non satis instructi, in vtraque re aliquem progressum facere cogerentur (x).

Hæc omnia ita dicta nolim, quasi ego nihil superesse iudicem, quod Germania MELANCHTHONI suo acceptum referre necesse habeat. Tantum hæc ultio ipsi debet, vt *communis* sui *Præceptoris* titulo semper eum condecorarit; quo honore omnes boni longe dignissimum eum censent. Is enim fuit Melanchthon, qui, quum singulari in recta studia esset pietate, bonasque litteras ac nascentes Musas quam maxime vniuersis commendatas vellet; illarum causam omnium diligentissime fortissimeque tutandam suscepit, aduersus eos, qui vulgo sibi in scholis doctorum titulos ac præmia, barbari barbaris artibus, hoc est, vi & fraude arrogauerant, & malitiosis fere ingeniis homines retinuerant. Non pauci eo tempore, quo Melanchthon Wittebergam venerat, exstiterant in Germania, qui iuuentutem in felix istud litterarum certamen alicubi descendere conatam

velut

(x) Arn. Burenus in oratione de disciplina Scholæ Rostochianæ, quæ vna cum Melanchthonis præfatione huius Declamationis, T. IV, p. 176 seqq. inserta est.

velut e medio cursu, commento plusquam Thracico iam reuocare tentabant: *difficilius esse studium litterarum renascentium, quam vtilius: Græca a quibusdam male feriat in- genii arripi, ac ad ostentationem parari: dubie fidei Hebræa esse: interim a genuino lit- teras cultu perire: philosophiam desertum, iri, & id genus reliquis conuiciis (y). Cum hoc indoctorum insulforumque hominum grege Melanchthon per omnem vitam suam acerrime decertauit. vtpote qui *magister fuit, qui & animum & linguam discipulorum quum doctrinæ copia, tum exemplo formare poterat (z): & in quo plus doctrinæ & sapi- entia fuit, quam in toto sciorum multa & magna crepantium grege: qui denique non de Wittebergensi tantum academia, sed de singulis per cunctam Germaniam scholis bene meritus est, quod primum saluberrima de instituendis iis importauit consilia; & omnes præterea disciplinas recensuit, in luculentum ab ipso ordinem redactas; nec non in opti- mis**

(y) Melanchthon. Declam. T. I, p. 483.

(z) id coram admiratum se esse, genuinus Melanchthonis discipulus Io. Caselius testatur, secund. Luthiad. B. 3: vbi Melanchthonem auditores suos sæpe hortatum esse, scribit, vt, quorum ipse initia fideliter depromeret, ea ipsi porro perdiscerent: nec aliud quicquam eum sæpius docuisse, quam vt in conspectu collocarit, quæ deinceps discenda essent.

mis Latinitatis auctoribus enucleandis multum temporis insumpsit (a). Vel ob id igitur *optimarum litterarum ac artium & restitutor, & conseruator* dicendus videtur Melanchthon, *qui omnem doctrinam, quæ vaga quasi & dissipata prius exstiterat, collegere atque in certam reuocarit rationem* (b). Qui nisi segetem seuiisset, an multi ex posteris, quod

(a) Morhof. Polyh. Litter. I, 16, 51 & II, 2, 12.

(b) Boissard. T. III Icon. p. 46. Necessaria præcepta & ad iudicandum vtilia iacebant vsque ad id tempus stultissimis rixis, nihil ad rem pertinentibus, obruta. nemo plane de artis in bonis auctoribus legendis, aut grauib. controuersis iudicandis, vsu quicquam adhuc monuerat. quare Melanchthon, vt ex immensis illis voluminibus necessaria. præcepta, quorum vis atque vsus conspici antea non poterat, quum in aliarum inutilium præceptionum turba laterent, eligeret, exorari se passus est. Quod vero *Rhetoricos libellos* ediderit, alias longe causas sibi fuisse, perhibuit: huius enim artis scriptores, non ita, quemadmodum Dialecticorum vulgus, accusari ab se potuisse, scribit; quum nulli adhuc exstiterint tum auctores, nisi optimi, Cicero & Quintilianus, quos in hoc genere adeo excelluisse, iudicauit, vt omnes Græcos, quorum scripta viderimus, vicerint. quare non fuisse, censet, vt recentium scripta desiderarentur; seque suos libellos rhetoricos edidisse, adfirmat, vt *Rhetorices cum Dialectica cognationem* ostenderet: quos his, qui Ciceronem & Quintilianum legere constituerint, profuturos esse, non sperare, sed confidere ei licuit. vid. Cris. Melanchthon. p. 673 & 716, seq.

quod meterent, habituri fuissent, valde nonnulli dubitarunt (c).

Postquam Agricola atque Reuchlinus studiose antea operam dederant, ut barbari Germani *grammatici* prius euadere, quam elegantes esse studerent, siue, ut pure prius loqui rem discerent, quam ornate eam proponere tentarent: & postquam Hegius, huiusque eruditissimi discipuli in *barbarismis* ac *solæcismis* ex oratione eliminandis diu vehementerque laborarunt. huiusmodi porro magistrorum desiderabatur opera, qui Germanos *copiose ornateque* loqui docerent: quemadmodum Agricola & reliquos litterarum restauratores, veteres diligenter imitatos, pridem locutos fuisse, vidimus. Hac in re *Melanchthon* in primis Germanicæ iuventuti, quoad in viuis fuit, præiuit: cuius eruditionem *Reuchlini* potissimum consiliis atque disciplinæ deberi, supra cognouimus; & qui non ad suæ modo patriæ utilitatem ac decus, sed ad omnis Germaniæ eximium ornamentum eidem suo cognato natus videbatur. Eum iam tum, quum in *academia Heidelbergensi* iuuenis admodum commoraretur, *exercendi stilum scribendique rationem* suo exemplo *suscitasse*, a *Ioach. Camerario*, quo ita familiariter usus est, ut nemine familiarius,

(c) Melch. Iunius in Orat. de Vita Io. Sturmii B. 7, a.



liarius, & quem dignissimum summarum laudum suarum nactus est præconem, notatum legimus (d). Nam *bene dicendi curam per sese vegetiorem animum reddere*, statuit Melanchthon, & quidem adeo, ut quid in quaque re maxime conueniat, aut profit, rectius perspiciat. ut enim corporum robur exercitio confirmari videamus, ita fieri posse, negauit doctorum sapientissimus, quin hebescerent eorum animi, qui nullo ingenioso labore excitarentur. Quare neminem de hominum ingeniis melius mereri, arbitratus est, quam qui dicendi exercitationem adiuuent. Et hoc ipsum stili exercendi studium, quum *Wittebergam* concessisset, iuuentuti magnopere commendauit, dilucide demonstrans, nisi ea sese ad bonorum auctorum imitationem componeret, recte dicendi iudicandique facultatem prorsus esse desperandam (e). nec frustra; nam ex quo tempore

Z

Mc-

(d) de Vita Phil. Melanchthonis Narrationis p. 10, edit. Voegelin: an. 1566. Narrationem enim hanc sæpius & in Germania & in Batavis esse recusam, nouimus.

(e) vid. supra iam a me commendata elegantissima Phil. Melanchthonis de studio artium dicendi oratio, T. I, Declamat. p. 389. Præter Ciceronem P. Terentium, in primis atque Iulium Cæsarem, assidue legendos commendauit iuuentuti, ita tamen, ut Ciceronem potissimum sibi proponeret, omnique studio effingere conaretur: Tantum enim

Melanchthon Wittebergenſem academiā doctrina ſua beare cœperat; hæc nouum plane ab ipſo eruditionis lumen in ſe translatum ſenſit. Enimuero licet ea eruditos antea habuerit doctores, quam Philippus Friderici Electoris auſpiciis eo eſt arceſſitus: quorum numero præter *Buschium Herm. Tulichius* cum primis fuit, laudati *Murmellii* auditor: qui Lipſiæ etiam bonas litteras tradiderat, priuſquam Wittebergam abiit; quo poſtremo loco *Lutherus* tanti operam eius æſtimauit, vt ipſi ſcripta ſua, quod ſtilum ſpectabat, ſæpius corrigenda dederit (f). rudis tamen ſæculi ſqualor detergi, litterarumque cultus ante Melanchthonis aduentum penitus eniteſcere ibi non potuit; dum cogitationum ſollertiæ explicationis officiebat adhuc obſcuritas, nec optimarum litterarum artiumque pulcritudo ordine ac elegantia priuſ conſpiciebatur, quam ſapientiæ horror qui-

aberat, vt vlliſ generis artiſicem ſine imitatione fieri poſſe ſtatueret, vt Poetam aut Oratorem exiſtere poſſe, negaret, qui nullum certum proponeret ſibi exemplum, ad quod manum quaſi dirigere liceret.

(f) Herm. Hamelmann. orat. de Doctis Weſtphaliæ viris Op. hiſt. p. 123. Idem *Tulichius* eſt, qui vel primus, vel cum primis primam ætatem in ludo Lunnæburgenſi recte erudit. vid. Io. Caſelii cit. ad Io. Reccium epiſt.

quidam doctrinæ veluti serenitate Melanchthonis ductu est depulsus (ff). Miserebat scilicet eum iuventutis, quum videret, optimis quibusque auctoribus velut ordine motis, in pretio esse, amari, teri libellos quosdam ἑφημέρους, quorum alii simpliciter inepti erant, alii etiam perniciosi (\*). Hinc iure a Caselio is habitus est, *qui politiores litteras primus Wittebergam intulerit, præ omnibus præclare de Saxonia meritis* (g). & cuius

Z 2 in-

(ff) Camerar. Narrat. de Vita Melanchth. p.27, & 31.

(\*) Cris. Melanchth. p. 227.

(g) in Νῆα καὶ προδιδοσκ. E. 4, b. Nam etsi *Christophorus Scheurl*, Patricius Noribergensis, & Iuris in academia Wittebergensi doctor haud obscurus, in oratione, quam an. 1507, vndecim ante Melanchthonis in eam aduentum annis, quum *Iodocus Trutsitter*, theologiæ professor, academix non ita pridem conditæ rector electus fuerat, habuit; ipsius huius Trutsitteri eruditionem mirifice prædicauit, cuius ingenii monimenta *Parisiensis schola* in manibus tum habuerit, nec probarit solum, sed ista etiam admirata propter vnum Trutsitterum *Germaniæ plus tribuerit*. Quanta tamen cæcitate vel in hac luce, qualiscunque etiam ea Scheurli iudicio fuerit, academix doctores laborarint, Io. Conr. Dietericus in perquam eleganti sua dissertatione *de Infelicitate sæculi superioris in Græcarum litterarum ignorantia*, aperte maxime ostendit, quando pag. 20, *Martinum Pollicium* Græca Logices vocabula enarrando ita hallucinatum esse, monstrauit, vt vel ex ima plebe philosophum puidisset Dieterici ætate. & hic tamen *Pollicius, Mellerstadius*, in Scheurli

ingenio felicius nihil censuisset Erasmus, *se totus Musis vacasset*; qui naturæ felicitate contentus, nec artis, nec curæ permultum ad

scri-

oratione nuncupatur *artium, medicinarum, & theologiae doctor illustris, theologorum decanus, vniuersitatis primus rector, & vicecancellarius perpetuus excellentissimusque.* Melanchthoni ergo illa laus

perpetuo manebit, ipsum *politiores litteras primum Wittebergam intulisse.* sed tamen ita, vt nec Truthtterro nec Pollichio debita laus detrahatur: si-

quidem grauissima ista temporum infelicitas Germaniam etiamnum premebat; quum fatalis elegantiorum studiorum ignorantia nondum penitus erat sublata, & ipsa ista tempora, *minime vero ingenia Germanorum, adhuc degenerauerant,* vt eruditissimus Dietericus in modo citata dissertatione pruden-

ter ac dilucide commonstrauit. Neque vero Christophorus Scheurl præconio priuandus est, qui etsi in orationis suæ ad *Martinum Kotlebum, Ducalem Saxoniae Secretarium, dedicatione veniam orationi depoposcit, quæ piperis cucullos subire,*

*quam eruditorum censuram perferre maluerit,* & cuius auctor quotidiano docendi munere districtus rariuscule ad humaniora studia diuertere potuerit: satis tamen culta est oratio, satisque pro sæculi conditione ornata; ita, vt Truthtterus *plus eloquentiae in Scheurlio reperisse se, testatus sit, quam in cuncta Saxonia quasierat:* id quod ipse Scheurlus in dedi-

catione confirmauit: cuius oratione academiae recens constitutæ status scite satis adumbratur. dignam idcirco ego eam diiudicassem, quæ aliis ipsius monumentis in Pirckheimeri operibus adiceretur. vtrum forsitan alibi typis denuo exscripta existat, equidem nescio: ego saltem nullam aliam orationis huius editionem, præter eam, quæ ipso anno,

scribendum adhibuerit (h). Sed tamen eam omnes ferme in ipso admirati sunt, & scientiæ & eloquentiæ facultatem, quæ ætatis gentisque rationem & modum longe superaret : & Lutherus in epistola quadam ad Reuchlinum (i) *admirabilem eum virum, vocavit, nihil pene habentem, quod non supra hominem fuerit.* Primus certe Germanorum fuisse videtur, qui cœlestis veritatis doctrinam obscuris, spinosis, & intricatis superiorum temporum quæstionibus expurgatam propria ac pura oratione explicuerit : quique votis dudum a Conr. Peutingero, illustri viro, nuncupatis, cumulatissime responde-

Z 3 rit.

quo habita est, prodiit, conspexi. Ceterum orationis nitorem & in hoc & reliquis Scheurlii lucubrationibus comparere, mirari desii, postquam legeram, eum complures annos in Italia esse commoratum, vnde Romani sermonis cultum in Germaniam secum attulit. Si quis viri merita nosse, & quid præterea scripserit, scire voluerit, Conr. Rittershusii Commentarium de Vita Bil. Pirckheimeri, & huius ipsius opera, quibus vnum & alterum Scheurlii scriptum subiunctum est a Goldasto, Pirckheimerianorum collectore, euoluat. inter Charitatis Pirckheimeræ, Abbatisæ, epistolas, & quidem omnium prima, Scheurlii epistola sese sistit, qua doctissimæ feminae libellum inscripserat, quum in Italia adhuc versaretur: in hac epistola *Studii Bononiensis Syndicum* se nuncupavit.

(h) Ciceronian. p. 379.

(i) lib. II epist. illustr. viror. ad Reuchlin. c. 4, 2.

rit. Hic enim ineunte XVI sæculo in optatis habuit (k), vt philosophi, theologi, & omnes alij, qui liberalia studia profiteri sese dicerent, vocabulis sordidis plebei sermonis fere, & sophisticis argumentationibus non necessariis, reiectis atque confosis, senticosis captionibus & confragosis abstinere, bonis & sinceris agerent omnia mentibus, & si qua castiganda essent, pie, debita fide, summoque iure castigarent, & noctuinam fugerent atque dispuerent litterarum inscitiam.

Quamuis vero Melanchthon maxima animi intentione in Theologicam disciplinam incubuit, ingenuas tamen artes colere, omnibusque modis ornare, ac veteres auctores studiosæ iuuentuti commendare numquam destitit: licet Erasmo aliis rebus intentus eloquentiæ studium magna ex parte abiecisse visus sit (l). Equidem quosdam longe aliter, ac Erasmus fecit, hac in re mecum sensuros esse, arbitror, haud inficiaturos, Melanchthonem optimarum litterarum doctrinæ studia conformando, & expoliendo scholasticæ rei consulere nullo plane tempore cessasse, a primis quasi lineis ordientem, ad ipsas doctrinas maiorumque rerum scientias progressum. Id quod præter Camerarium  
diui-

(k) *ibid.* a. 2, b.

(l) Cicero, p. 379.

diuini ipsius ingenii monimenta, quæ nobis reliquit & plurima & eruditissima, testari possunt (II). Nam persuasissimum sibi habebat, *nisi litteris conseruatis, durare religionem, & bonas leges non posse, & ἀδύνατον* prorsus esse, *ut cætus Christo in his terris proprius sine scholasticis conuentibus ac bonarum artium cultura constitui ac persistere queat.* Inde in studiorum exordiis & primis elementis versari aut Deo minus gratum, aut sibi inhonestum esse, nequaquam existimauit. immo ipsa ista fundamenta fideliter & accurate collocanda censuit, super quibus præclara aliquando doctrinæ exstrui deberent ædificia. & quum *infcitia Grammaticæ* omnes artes, religionem ac leges ingentibus tenebris obruat; & nisi quis grammaticen recte didicerit, ceteras artes Ecclesiæ ac Reipub. necessarias tueri non queat: neque puerilia studia grammaticis etiam præceptiunculis instruere se piguisse, neque huiusmodi operæ

Z. 4

sc

(II) Io. Caselius etiam Prolegom. in Thucyd. interpret. testatus est, Melanchthonem ad bene de mortalibus merendum propensissimum hoc numquam non egisse, ut ad veterum sapientissimorum hominum scripta amanda & perdiscenda, quibus nihil melius, nihil pulcrius, nihil perfectius statuerat, litterarum studiosos introduceret.

se puduisse, confirmavit (m); idem sentiens, quod *Quintilianus* olim iudicavit, ubi eos, qui *grammaticam artem ut tenuem ac ieiunam cauillentur*, minus ferendos, censuit (n): *qua nisi oratori futuro fundamenta fideliter iecerit, quicquid superstruxeris, corruat necesse sit; necessaria pueris, iucunda senibus, dulcis secretorum comes: Et qua vel sola omni studiorum genere plus operis habeat, quam ostentationis* (o). Plura de ipsis Melan-

(m) in epistol. ad Ioach. Camerarium ipsius Melanchthonis grammaticæ an. 1552 ed. præf. conf. porro T. I declamat. p. 443. & T. II, p. 209, 231. ubi doctissimas præfationes offendens, quas Melanchthon Metricæ Iacobi Micylli, & Syntaxi præmisit.

(n) lib. I Institut. orator. cap. 4, § 5.

(o) Multus est Melanchthon in hac Quintiliani adfirmatione probanda in præfatione Syntaxi præmissa, modo a me citata: *Scio*, inquit p. 230 T. II declam. *esse puerile studium, & negotium videri leue, sed mihi credant adolescentes, non minus prodesse generi humano Grammaticen, quam plerasque alias artes aut profesiones. hac*, quibusdam interiectis pergit, *religionum, legum, historiarum, & multarum artium, quasi nutricula quedam est. Quum circa an. 1530 Thom. Linacri de Emendata Structura Latini sermonis libri VI ex Britannia in Germaniam essent allati, eosque studiosis ad emendate, & vere Latine loquendum, ad recte iudicandum de phrasi, & omnibus Latinæ linguæ figuris, magnopere profuturos iudicasset Melanchthon; ut opus quamprimum in Germania excusum, in omnibus passim scholis spargeretur, curauit: illos, qui ludis litterariis præ-*



lanchthoniani ingenii monumentis, quibus *Latine linguae*, eiusque non *purioris* solum, sed *copiosioris* etiam ac *ornatioris* studium subleuatum iuit summus vir, addenda non puto: in eruditorum manibus ea hodieque versantur, plurimi, ut par est, a rerum gnaris aestimata. Eos videlicet, qui sine praeceptis quemquam consequi posse, putent, ut certam loquendi rationem teneat, & de natura sermonis recte iudicare queat, tota via & toto coelo errare, statuit: immo pessime de pueris Melanchthonis iudicio merentur praecipitores, qui aut regulas nullas tradant, aut certa statim abiiciant, & magnifice promittant, fore, ut usu loquendi discantur constructiones: quum aliter fieri non queat, quam ut ii, qui praeciputiones non didicerint, paullo post vel erroris sui, vel ignauiae poenas dent; quando inscitiae suae sibi conscii, nec loqui, nec scribere Latine audeant. Hinc sua aetate factum, adfirmat Melanehton, ut alii desperatione quadam in totum abiecerint litteras, alii etiam si in studiis sint commorati,

Z 5

iustos

erant, diligenter hortatus, ut doctissimum Linacri librum, quo nullum perfectius in hoc genere scriptum exstare tum videbatur, adolescentibus proponerent atque praelegerent; si vulgares regulas breui prius tradidissent compendio. vid. elegantes praefationes, quas Camerarius & Melanchthon ipsi Linacri libro addiderunt.

iustos tamen fructus ex iis percipere haud potuerint (p).

Tantum de *dicendi genere*, quo usus est communis Germaniæ nostræ Præceptor, quædam adiiciam, brevi comprobaturus, de Melanchthone dici non posse, quod Quintilianus adfirmavit (q): *eos, qui diligentissimi artium exstiterint scriptores, ab eloquentia longissime fuisse*. Is potius quum bene ac proprie loquendi studium perpetuo custodiri plurimum reipublicæ interesse, quemadmodum paullo ante declaravi, sibi persuasisset, nec non scribendi dicendique exercitationes diu in academia Wittebergensi intermissas summa instituisset cura (\*): & rerum utilium

ar-

(p) eod. T. p. 223. Nam, etiam si ad quotidianum colloquium satis formularum suppeditat lectio, quid facient, interrogat p. 226, qui omisis præceptis ex sola auctorum lectione iungere verba didicerunt, si longior causa explicanda erit, quomodo compositionem illam periodorum, & totam seriem membrorum in oratione intelligent, nisi omnem rationem Syntaxeos probe cognouerint? Postremo obscuras aut vitiosas Syntaxes quomodo iudicabunt, nisi adhibitis regulis; & quæ sequuntur gravissima verba alia.

(q) Institat. orat. lib. VIII cap. i.

(\*) cuius curæ VI Declamationum Tomi vberissimi sunt testes: quorum sexti præfatio vere prædicat, ipsarum declamationum lectionem, etsi eæ ad eloquentiæ ostentationem & panegyricas pompas compositæ non sint, propter rerum tamen varietatem, viros de-

argumenta vt orationibus tractarentur, publiceque declamarentur, perfecit, & suo etiam exemplo ad pure ac emendate scribendum Germanos magnopere allexit. Cuius *naturam a granditate abhorrentem* iudicium & voluntatem eius ad curam in *castigato* potius quodam, *puro atque sano orationis genere* versandi, quam in *sublimi & vehemente, & cuius compositio operosa esset*, elaborandi conuertisse, autumat Camerarius. qua in re Erasmmum sibi adsentientem habuit, qui Melanchthonem *naturæ suæ felicitate contentum, nec artis, nec curæ permultum ad scribendum adhibuisse*, censuit (r), *extemporali dictioni quasi natum*. At quando Erasmus scire se, negauit, *an Melanchthonem adsestantem nerui defecturi fuissent*; Camerarius scrupulum huiusmodi remoturus visus est, vbi *lucubrationes viri* in testimonium quasi conuocauit, quas satis confirmare posse, opinatus est, auctori *non ingenium defuisse, non copiam atque sapientia & doctrinæ vim, non singularem litterarum eruditionem, sed inchoata perficiendi atque elimandi tempus atque otium* (\*). Posteaquam æquisimus, vt  
in

eternæ ac veritatis amantes delectare, & proficere cupientibus magno vsui esse posse.

(r) Ciceron. p. 379.

(\*) ipse quidem pro insigni sua modestia de se scripsit:  
*Me ingenii infirmitas impedit, quo minus hoc decus*

in hac, ita & in reliquis rebus, iudex pluribus verbis probavit, *subtilem omnino & argutam concinnitatem & proprie diserteque eloquendi omnia studium doctrinae disputationibus & scholasticae veluti umbrae conuenisse*; ceteras Melanchthoniani stili virtutes integris paginis enarrauit (s), quas transcribere nihil attinet (f). Nec vero solos Germanos singulares

(Ciceronis imaginem) *sperare umquam ausus sim, etsi quid esset optimum, videbam.* addit tamen continuo: *deinde incidi in has rixas, in quibus disputatio aliam pene linguam requirit: multisque interpositis: miseriae nostrae non sinunt, nos in studiis eum cursum tenere, quem maxime probamus. Vtor ergo hoc parabili sermonis genere, ut possim.* Cris. Melanchthon. p. 445, seq.

(s) Narrat. p. 73 seqq.

(f) Egregia sunt, quae Frid. Taubmannus de Melanchthonis *dicendi genere* in Dissertat. de Latina lingua profert p. 34, seqq. ubi praeter alia, ab iis potissimum, quos vel ingenii vel doctrinae ratio ad exquisitius genus difficulter admittat, obseruandum duxit, *Philippi orationem*, eam praesertim, quam illa robustae aetatis ἀκμή & vigore, sed & in otio maiore, quo tamen optimus vir ut plurimum caruerit, elaborarit, *ita comparatam* iudicari a prudentioribus; *ut, si peiorem nemo scribat, nullum sit periculum, ne respublica litteraria, ob hanc quidem causam, damnum aliquod grauius patiatur.* planam enim & apertam orationis faciem, in qua verborum & phrasium obuia & nuda simplicitas dominetur, in *Philippico dicendi genere deprehendi*, addit: quod lac. Monauius Cris. Melanchthon. pag. 636, *proprium,*

lares Melanchthonianæ dictionis dotes suspexisse, verbosior Iac. Sadoleti epistola (sf) fatis declarat; cuius viri iudicium eo grauius, eoque verius ac incorruptius existimandum puto, quo maiorem ei propter summam dicendi facultatem ab omnibus impertitam nouimus laudem. Minus inuidiosus, sed simplicis veritatis studiosissimus hic Italus in epistola ista, se Melanchthonis scripta propter excellens eius ingenium, & propter *elegantiam stili atque orationis* libentissime legisse, adseuerauit. Hæc de Melanchthonis in Latinæ linguæ apud Germanos magis magisque

*disertum, planum, perspicuum, significantissimum ad omnem dicendi rationem maxime accommodatum & directum esse*, monstrauit. Melanchthonis propterea *Epistolarum* lectionem nemini iniucundam esse posse, censuit Camerarius, in præfat. *Epistolarum* ad ipsum a Melanchthone scriptar. quum in iis non tam compta, & accurato exquisitoque elegantis ac venustæ compositionis studio perpolita, quam *pura, distincta, perspicua, & vsitata oratio, & rebus, de quibus habetur, conueniens*, non possit non honestissimis blanditiis legentes delinire.

- (fs) Camerarius integram eam Narrationi suæ inseruit, p. 172 seqq. quam Io. Brant nondum editam credidisse videtur, dum eam inter *Claror. Virorum Epistolas centum ineditas*, vt titulus præ se fert, Amstelæd. an. 1702, 8, p. 290, f. num. XCVIII typis exscribendam curauit; quamlibet ea etiam inter epistolas Melanchthonis, a Peucero editas, reperitur: & quidem in edit. Londin. lib. III, n. 39. p. 519, seqq.

gisque concitandum studium meritis dicta  
sufficiant. Camerarii Narratio, qua lima-  
tius ac eruditius quicquam vix excogitari  
potest, iis, qui plura de tanto viro scire cupi-  
uerint, abunde satisfaciet; nec aliquoties  
repetita displicebit (t).

Non autem exquisitis modo diuini  
sui ingenii monumentis præclare de poster-  
tate meritus est Melanchthon, sed etiam in  
perpetuum Germaniam sibi deuinxit eo,  
quod tot excellentibus ingeniis doctrinam  
de manu quasi in manum tradiderit, cum po-  
steris fideliter communicandam: & quod  
prudentissimo ipsius consilio in omnibus fe-  
re Germaniæ angulis *litterarum officinae* sint  
constitutæ, ac salutaribus maxime legibus  
stabilitæ: quibus Romani sermonis cultus  
ita amplificatus est, vt *medium XVI sæculum,*  
*& qui id proxime antecesserunt anni, vere*  
*aurea præstantissima Linguae in Germania no-*  
*stra*

(t) Confer præter Narrationem Camerarii, *Orationes,*  
*Epitaphia & Scripta, quæ edita sunt de Morte Phil.*  
*Melanchthonis omnia,* coniunctim edita Witteber-  
gæ an. 1561, 8. ex offic. Io. Cratonis. His addantur  
*Criseis Melanchthonianæ,* de eligendis optimis qui-  
busque in omni disciplinarum genere auctoribus,  
*collectæ à Gregor. Richtero* Isleb. an. 1597, 8. præsertim  
p. 631 vsq. 768. vbi scil. de singulis *Melanchthonis lu-*  
*cubrationibus* iudicia recententur, postquam in ge-  
nere primum de iis iudicia erant prolata.

*stratas* appellari posse videantur: quandoquidem opportuna magis ad meliorum litterarum artiumque copiam addiscendam tempora vix optare potuerunt tum Germaniæ ciues. Horum plurimi ab Hegii discipulis præparati quasi, Melanchthonis exemplo, ad quem videndum, compellandum audiendumque innumerabiles vndique locorum conuenisse, legimus, ita denuo inflammati sunt, vt de laude ex bonis litteris petenda certarent; sic tamen, vt nemo metueret, ne quid de suis vel laudibus vel vtilitatibus decederet alterius gloria atque commodis; & vt ipse Melanchthon sua sæpius merita aliis adscribere haud dubitaret. Prosperrima itaque fruebantur tum *humaniores litteræ in Germania* fortuna: vtpote quæ in huius academiis *ita colebantur, vt nemini persuasum esset, se sine iis vllam sapientiæ professionem tueri posse: Græcæ & Latine linguae scriptores* summo eam in rem euoluebantur ibi studio, sedulo a doctoribus iuuentuti commendati atque excusfi (u). Quæ quum ita sint, neminem temeritatis me in simulaturum, spero; si adfirmauero, *florentes quasi ex Germaniæ academiis longe eruditissimorum & Latine doctissimorum hominum emissas tum esse colonias.* Enimvero peritissimos isto tempore patri-

tria

(u) Camerarius in Narratione de Eob. Hesso, init.

tria nostra habebat *scholarum moderatores*, doctissimos fouebat *grammaticos*, *interpretes*, *rhetores*, atque *oratores*, elegantissimos ostentabat *poetas*, grauisissimosque *historicos*, facundissimos summis Principibus præbebat *ministros*, *iureconsultos* atque *senatores*: Latinissimos etiam alebat *medicos*: neque bonarum artium litterarumque cupidissimi deerant *theologi*. Quæ arroganter satis scripta quibusdam videbuntur: in primis exterorum nonnulli, si modo omnino erunt, qui Commentarios hos meos dignos diiudicauerint, quos inspiciant, nescio cuius, me talia scribentem coarguent fortasse audaciæ. Quod si instituti ratio permetteret, scriptis fidem facere intermissurus non essem, cordatissimos idcirco externos, alienæ laudis minus inuidos fautores, testes adducturus. At quum breuitati studendum, & summa ferme dumtaxat argumenti capita pertractanda deereuerim: vix *precipuos humanitatis assertores*, *Latinitatisque vindices* nominando adfirmationem istam meam probabilem reddere licebit, nedum accuratum ac plenum eorum indicem a me expectare te iubeam, Lector.

Prius vero quam vnum & alterum secundum classes istas, ordinis causa paullo ante a me constitutas, collaudem, siue nominem  
 potius,



potius, IOACH. CAMERARIVM *Pabepergensem*, Germanis carissimum & toties haftenus a me adductum nomen, summum Noribergensis scholæ, Tubingensis deinceps academix, atque Lipsiensis denique ornamentum, Melanchthoni adiungendum censeo: quum alter alterum mirifico prosecutus sit amore. accedit, quod tanta exstiterint Camerarii in politiolem litteraturam merita, vt inter eruditissimos Germanix grammaticos, interpretes, rhetores, oratores atque poetas, primum locum sibi possit vindicare: quippe qui in vtroque sermone, Latino & Græco, tantum adsecutus erat cognitionis, vt & verbis Ciceronis, quæ volebat, Latine enuntiaret, & Græce melius, quam vllus fere Italorum aut Gallorum scriberet (v); & quem

A a

do-

- (v) Matth. Dresser. præfat. Rhetor. lib. III, p. 553. qui Camerarii mortem oratione, an. 1574 in academia Erfurdiana hab. deplorauit; lib. I orat. Dresser. p. 235 inf. Grauisissimum Melanchthonis de *Camerarii stilo* iudicium legitur Melanchthon. Cris. p. 444, seqq. Scripta videlicet Camerarii propemodum vt Dureri picturas discernere consuevit Melanchthon: nam quemadmodum Durerianæ picturæ grandes & splendidæ omnes fuerint, sed posteriores minus rigidæ, & quasi blandiores, ita, quum Camerarius XXXVIII circiter haberet annos, & copiam, splendorem, sonumque grandiolem amaret, futurum denique censuit Melanchthon, vt, fidibus nonnihil quasi remissis, oratio eius hilarior etiam existeret;

doctissimi summique vtriusque gentis homines amplissimis adfecerunt laudibus; *Germanorum ætatis suæ ingeniosissimum, & linguae vtriusque principem, totius denique Europa decus & ornamentum* eum appellantes (x). Neque vero Germania vnumquam ignoravit, quantum decoris sibi Camerarii eruditione obtigerit; quum tam clarus exstiterit, ut vel solus doctrinae gloriam, qua invidi patriam priuatam voluerunt, asserere valeat, qui magnus utique fuit, siue eius virtutem, vitæ gravitatem, & consilii copiam, siue multiplicem bonam doctrinam spectaueris; bene de iuventute Germaniæ, bene de litteris in uniuersum ad posteritatem meritis: quantus vir fuerit, præclara ipsius ingenii monimenta hodieque dilucide maxime nos edocere queunt (y). In his quotiescunque occasio tulit,

hono-

qualem in epistolis familiaribus fere vsurpauerat: postquam compositionem periodorum ad Ciceronis imaginem instituerat; cuiusmodi compositio antea in Camerarii stilo desiderabatur: etsi nec verba, nec phrasis Ciceronis deerant. tantum recentia eius studia præstabant superioribus.

(x) Casp. Scioppius de Arte Critica p. 7. & Huetius de claris interpretib. p. 277.

(y) Io. Caselius in Orat. funebri Andr. Mylio scripta D. 3, b. in Proleg. in Thucyd. interpret. Camerarium *virum* nominat, & *virtute & litteris ita præstantissimum, ut princeps doctissimorum Germaniæ iure appellari possit.*

honorificam maxime magistri sui, *Georgii Helti, Vorchemii*, fecit mentionem, velut boni, diligentis, doctique iuuenilis ætatis moderatoris, sic de se meriti, vt non minus gratiæ ei, quam parentibus, debere se fassus sit (z). quem *Herm. Buschii* responsione, supra a me prolata, motum, *Ciceronis epistolarum* ordinariam horæ quotidie vnius doctrinam in frequenti admodum schola sua instituisse, & se vnam quotidie ex illis memoriæ mandare iussisse, scribit; quod quasi pensum indies fere ad vesperam exigere consueuerit (a). Nec minorem gratiam habuit *Camerarius Petro Mosellano, Treuiro*, quem post *Richardi Croci, Britanni*, ex Lipsiensi academia discessum magistrum nactus est, & quem ingenio ac eruditione doctrinæ excelluisse passim prædicauit (b). P. Mosellani huius, Buschii atque Cæsarii, quibus Coloniae ope-

A a 2 ram

(z) de vita Melanchthonis p. 216. Quantum debuerit *Helto*, pluribus etiam verbis exposuit in vita *Georgii Principis Anhaltini*, p. m. 12. vtpote qui Lipsiæ eodem vsus fuerat præceptore: & in binis *epistolis*, quas ad eundem Principem de optimi sui *Helti* morte scripsit, una cum Melanchthonis atque Lutheri *epistolis*, quibus religiosissimum Principem Georgium, fidelissimi præceptoris obitum lugentem, consolatum iuerunt, Camerarii Narrationi adiectas, p. 50, seqq. edit. Lips. 1696.

(a) in præfatione in *Epistolas Ciceronis ad familiares*.

(b) vid. *Narrat. de Vita Melanchth.* p. 91.

ram dederat, discipuli, mentio iniicienda fuit, propterea quod humanitatis Romani-  
que sermonis in Saxonia vindicibus strenu-  
um admodum sese præbuit adiutorem, &  
quidem ante Melanchthonis in Witteber-  
gensē academiam aduentum. Præclaræ  
eius eruditioni *Iulius Pflug* plurimum asce-  
ptum retulit (c), præmaturum eius ingenium  
vehementer suspiciens; cuius foetus adhuc  
admirari licet.

Quando supra scripsi, eruditissimos Me-  
lanchthonis ætatem habuisse *scholarum mo-  
deratores*: ingens talium ineundus esset nu-  
merus; non, si omnes ac singulos, quis enim  
id posset? sed si dumtaxat præcipuos eorum  
enarrare vellem. Horum itaque nonnullos,  
scriptis quam maxime claros, summorum vi-  
rorum verbis collaudare in animo est. Plu-  
res qui cognoscere cupit, *cl. Gotofr. Ludouici  
Scholarum Historiam* consulat velim. quem  
virum honoris causa nomino; qui iuuentu-  
tis meæ studia in Schleusingenſi gymnasio,  
cui bene multos iam annos magna cum laude  
præst, per integrum triennium vna cum  
*Christia-*

(c) in epistola ad Hessum, P. II Monimentor. Pietatis  
& Litterar. p. 31, seq. Quantum debuerit Iulius  
huic suo magistro, oratione, qua illum laudauit, te-  
statum fecit, a Caselio in orat. funebr. Andr. Mylio  
scr. citata D. 1, 2.

*Christiano Iunckero*, clarissimo viro, optime de bonis litteris, & Ifenacensi nunc Lyceo, merente, tam egregia direxit fide, vt vtrique eorum quam plurimum debeam, gratiam perpetuo habiturus: præsertim quum publicis singularis sui in me amoris ac beneuolentiæ testimoniis semel atque iterum in doctis suis lucubrationibus condecorare me haud dubitarint. Inter optimos aurea ista Latinæ linguæ in Germania ætate viuentes ludorum magistros, Melanchthonis partim æquales, partim discipulos, scriptis etiamnum celeberrimos, primo loco ponendus videtur IO. RIVIVS *Arbendoriensis, Westphalus*, eodem, quo Camerarius, natus anno. Hic enim merito suo, si non omnium primus, inter primos tamen, censetur, qui, postquam in Saxoniz regionibus inculta loquendi ratio, Agricolæ, Hegii atque Dringeburgi discipulis, Buschio cum primis, meliora vbi-que Germanos docentibus, nonnihil sordere, & altera eruditam vetustatem sapiens elegantibus ingeniis placere paullatim inciperet, Saxones ad veterum imitationem adsuefecerint (\*): siquidem omni in id ferebatur cogitatione, vt *singulorum verborum vim ac*

Aa 3 *pro-*

(\*) Io. Caselius, in Oratione funebr. Andr. Mylio scr. C. 2, 2. & in epist. cit. ad Io. Reccium, ubi laudabilia multa de Riuiο narrat Caselius.

*proprietaem doceret, compositorum elegantiam & usum monstraret; & ut in scriptis, quae proponebat, exempla & imitatio illorum, elucerent* (d). *Buschium* enim atque *Tulichium*, incredibili inimicorum pertinacia impeditos, quantam quantam adhibuerint industriam, desperatam fere antea rem eo, quo maxime voluerint, inter Saxones perducere non potuisse, vidimus: qui tamen *Riuio* viam substruxisse recte putantur, a *Melanchthone* atque *Camerario* egregie deinceps communitam. quamvis negari non potest, non parum Latinae linguae sordium ex plerisque *Misniae* scholis, quibus praefuit, expurgandum reperisse *Riuium*; & ei non leuia bonarum litterarum causa cum harum inimicis ineunda fuisse certamina: quorum summam subinde inscitiam carpendi causas habere sibi videbatur iustissimas. Non autem peritis modo scholarum moderatoribus adnumerandus est *Riuus*, sed meritis quoque est, ut *grammaticorum, criticorum ac rhetorum* eruditissimorum classi addi queat: dum in bonis scriptoribus emendandis non sine laude

- (d) *G. Fabricius* in *Narratione de Riuio* longe elegantissima, digna idcirco, quae ab omnibus legatur. *M. Adamus Philosophorum* vitis eam maximam partem inferuit p. 147, seqq. *Riuianarum* lucubrationum indicem quare in *Hamelmanni* lib. III de *Viris* in *Westphalia* illustr. oper. p. 175.

de defudauit; immo talem in hac opera sese præstitit, vt tum etiam, quum litteræ summo-  
pere erant excultæ, principibus criticis ad-  
scribi potuisse videatur (e): siquidem eius  
*in Terentium*, ex quo præcipue Latinæ linguæ  
addiscendæ auctor suis exstitit assiduus, atque  
*in Sallustium castigationes* ab Italis & Gallis  
in pretio habitas esse, scimus. Is etiam est  
Ruius, qui *Brasficani* & *Henrichmanni*  
*grammaticis libris* breuiorem ac tironum ca-  
ptui accommodatiorem multo substituit; &  
qui iuuentuti concinna *rhetorices* proposuit  
*præcepta*. in quibus artibus, vt in omnibus  
reliquis disciplinis, *Melanchthonis* præsertim  
industria Germaniæ iuuentutis commodo  
magnopere deinceps est consultum.

In eo etiam singulari felicitate vsus est Ri-  
uius, quod egregios in prouincia sua habuerit  
collegas, quos inter MATTHIAS MARCVS  
DABERCVSIVS, ad *Megapolitanos* tandem  
euocatus, vir pluribus verbis a magno Caselio  
passim laudatus (f) vtpote in quo omnia, quæ

A a 4 ad

(e) Casp. Scioppius in Arte Critica, p. 7.

(f) in citata modo oratione funebr. Andr. Mylio scri-  
pta, & in Grammatica, cui ad *Grammaticos didascalos*  
præfationem præmisit; loco ex *Commentatiuncula*  
*Dabercussii* ad calcem libri subiecto: quo multa vo-  
cabula recensentur: quorum vsus fuit apud opti-  
mos scriptores, etiam si regulis aduersari videantur:  
vt iis de linguæ Latinæ proprietate tuto & recte vti

ad rem scholasticam pertinent, eodem testante, fuerunt eximia, & qui in perquam doctis lucubrationibus, quibus Latinæ linguæ studium adiutum iuit, accuratissimum ætatis suæ se præbuit *grammaticum*. ADAMVM SIBERVVM porro in administranda re scholastica habuit Riuius adiutorem, atque IOBVM MAGDEBVRGVVM, viros perdoctos, elegantissimisque scriptis claros maxime, & a plurimis collaudatos. Neque vero in *Misenensi schola* indignum habuit *successorem*, collegam antea carissimum, GEORG. FABRICIVM *Chemnicensem*, de cuius doctrina ac noua dicendi facultate magnam sua etiamnum ætate famam fuisse, laudatum modo Caselium testem habemus (ff). cuius viri testimonia eo libentius adfero, quo insigniorem eius nouimus fuisse eruditionem, & quo maiorem in eo cognoscimus in iudicando

gra-

intelligamus. Multum laudis impertiuit etiam Caselius Dabercusio in cit. epist. ad Io. Reccium; præter multa alia natrans, tum, quum Dabercusius Suerinensi scholæ præfuerit, non solum pueros nobiles & fortunatos, & tenues e prouincia, sed ex longinquiorebus etiam locis, & e Borussia, & e Polonia eo accurrisse, nec inanes domum reuersos. Idem confirmauit in Laudatione Io. Alberti Ducis Megap. C. 4. vbi Dabercusium *virum gnarum vtriusque linguæ, sollertem interpretem veterum, industrium formatorem & stili & morum pueritie* nominauit.

(ff) in cit. funebr. orat. Andr. Mylio script. C. 3, a seq.



grauitatem. Qua doctrina fuerit, quantumque & dicendo & scribendo valuerit *Fabricius*, ipsius erudititas & perpolititas lucubrationes loqui, iudicat Caselius (g): quas simul omnibus de causis apud viros doctos in pretio esse, & locum suum inter melioris notæ istius sæculi monumenta facile tueri posse, censuit: neque dubitauit, quin recte dicendi facultatem in *Italia* potissimum sibi comparauerit *Fabricius*. quo cum *Wertheris* fratribus, nobilissimis & magna deinceps eruditionis, & in litteratos beneficentiæ laude

A a 5 con-

- (g) *ibid.* E. 4, 2, *Iudi Fabriciani formam* exponit, quam commodiorem habuisse tum Saxoniam, negat, quum pleraque ibi recte fuerint constituta. *Etenim* pueros, inquit Caselius, *in utraque lingua informari rectum est, itemque ad scriptores legendos & recte intelligendos adduci, teneri diutius in poetis, non solum, quod versus haberent in memoria, sed etiam, quod animi hac via ad recte vitæ rationem præparantur, si eorum sit doctus interpres: nec arceri ab hoc genere, si ingenia eo declinent: ad puram orationem non minus, quam ad elegantes mores aduersari: in scribendo exerceri pueros pro ætatis captu: doceri præcepta non multo plura, quam necessaria ad dicendum: que ad differendum faciant, pauciora: ipsam facultatem & vñm relinquere philosophiæ magistris. His omnibus parantur ingenia ad percipiendas vberiores doctrinas, non deprauantur opinionibus. Et ad hanc tamquam egregii ædificii formam complures passim in Germania scholæ tum constituebantur.*

conspicuis hominibus, abierat *ephorus*. Vſitatum enim adhuc erat, id quod dudum a Germanis institutum fuiſſe, cognouimus, vt Germaniæ adoleſcentes, qui doctrinæ ſtudia colebant, *Alpes* tranſirent, auditum doctos homines, & viſum *Italiam*. Iſtuc autem tendentium pauciſſimos ſemper eloquentiæ & ſapientiæ ſtudia colenda ſibi putaiſſe, ſcribit Caſelius, vel quod exemplo potius, quam ratione conſilia vt plurimum dirigere conſueuerimus, vel quod non appareat ſtatim horum vtilitas. Eloquentiæ vero ac ſapientiæ ſtudia in Italia recte colentium Germanorum numero Fabricium; & quidem in primis, adſcripſit Caſelius. ingenii certe opibus onuſtus inde in Germaniam rediit, & ſuos ad lectionem, meditationem, & ſcriptionem diligenter tum hortatus eſt; nec inuexit eo conſuetudinem, quæ loquaces forſan aliquos, eloquentem fecerit neminem. Præclarius autem teſtimonium impertiri Fabricio non potuiſſe; arbitror, illo, per quod Scioppius ipſum *maximi Camerarii veſtigiis inſtituiſſe*, confirmauit (i): quo maius decus Germaniam non habuiſſe, paullo ante clariffimorum virorum de ipſo iudiciis oſtendi.

Vel pauciſſimorum horum ex ingenti numero clariffimorum magiſtrorum inſtituta  
hac-

(i) de Arte Critica p. 7.

hactenus a me commemoratio de *summo litterarum in Misnia flore & maximo Romani sermonis cultu* satis mea quidem sententia testari potest. de cuius regionis felicitate, quæ præ aliis Germaniæ provinciis hac in re vsa videtur, neminem legisse pœnitebit eruditam Dissertationem de *Græcarum & Latinarum litterarum in Misnia Instauratoribus*, & eam, quæ de *Io. Rhagio Aesticampiano* agit (k). Nec vero reliquæ Germaniæ provinciæ nullos tum, medio, puto, XVI sæculo, eruditos habuerunt ludorum moderatores. Quos si laudare etiam instituerem, magnus sane aperiretur mihi de iis scribendi campus. Tantum ex innumerabili fere eorum numero nominabo, VALENTINVM FRIDLANDVM TROCEDORFFIVM, optimum *Melanchthonis*, posteaquam publico iam præfuerat muneri, *discipulum*, & de bonis litteris in *Silesia* fuscitandis præclare meritum: quem *ad regendas scholas non minus natum, quam ad regenda castra Scipionem olim Africanum*, laudatus modo eius præceptor pronuntiauit (l).

Nomi-

(k) vtraque supra iam a me est citata: quarum altera sub præsidio cl. Io. Burc. Menckenii habita est Lipsiæ an. 1701: altera ib. an. 1703 præside M. Dan. Fidlerero; quo respondente prior ista publice erat ventilata.

(l) in cuius Declamation. Tom. V p. 817 integra oratio *de vita & gubernatione scholastica Frid. Trocedorffii*

Nominabo porro MICHAELEM NEANDRVM, huiusque ciuem BASIL. FABRVM : quos egregios ſcholasticæ iuuentutis ductores *Lufatiam* protuliſſe, nouimus : qui tam bene eodem iſto tempore de litterarum ſtudiis, tanto hominum ardore adhuc excitatis, feliciter in Germania propagandis promereri iam cœperunt, vt ampliffimam vterque ſua opera conſecutus poſtea ſit laudem, nullo tempore intermorituram. Quorum ille *Saxonia inferioris* bono ex patria *Northuſam* primum, deinde *Ilfeldam* conceſſiſſe prædicatur a Caſelio, de vniuerſa doctrina & viris doctis certiffimo cenſore (II). dum non primus quidem, ſed tamen prima ante omnes cura bonas litteras in *Hercinia* iuga & omnem,

reperitur : quam M. Adamus vitis Philoſophor. inſeruit pag. 167 ſeqq. conf. cl. G. Ludouici hiftoriam Scholar. pagin. 107, ſeq. P. I. & paullo ante allegatam de Io. Rhagio Aefticampiano diſſert. §. III. Tanta eius tum in dicendo tum in ſcribendo diligentia exiſtiſſe dicitur, vt ſummo caueret ſtudio, ne quam vel vocem vel phraſin, minus propriam, publice proferret, & vt diu ſæpe, multumque hæſitaret, priuſquam commodam, ad animi ſenſa exprimenda, vocem memoria erueret. Criſ. Melanchth. p. 126.

- (II) quo præconio *Iof. Scaliger* a Caſelio eſt adfectus. huius de Neandro teſtimonium inuenies in vita Valentini Mylii ab ipſo Caſelio conſcr. Helmſt. an. 1611, 4. A. 4, b.

omnem, quam *Bruclerus* a summo vertice despicit, viciniam detulit, tantaque nominis sui gloria docuit *Neander*, ut pietate sua, virtute, doctrina, meritisque non istis solum locis, sed per omnem Germaniam exstiterit notissimus; & in quas academias *Neandrici discipuli* venerant; plerisque statim aliis præstarent, in Græcæ præcipue linguæ cognitione: quorum numero *Laurent. Rhodomannus* fuit, vir non Caselii modo, sed Ios. Scaligeri etiam, aliorumque testimonio, cum priscis & elegantissimis comparandus (m). Ad *Bas. Fabrum*, Neandri, iuuenis adhuc, in Northusano gymnasio, cuius aliquamdiu rector fuit, collegam, quod attinet; non minus bene de iuventute liberali doctrina formanda meruit; & eam *Eruditionis scholasticæ Thesaurus*, quo Latinæ linguæ munditiem proprietatemque conservare studuit, perpetuo sibi devinxit, libro, tot clarorum Germaniæ virorum summa industria magnopere posthac adornato (n). *Reuchliniani Breuiloqui*, cuius superiori capite mentio a me facta est, hæc scribens recordor, tamquam clari exempli, nihil simul & inuentum & perfectum esse, sed ab humili quasi ducta ad summum, vel prope sum-

(m) ibid. & in epistola ad Theod. Adamium separatim excusa A. 2.

(n) vid. cl. Lüdouici histor. Scholar. P. I, p. 24, seqq.

summum , hominum studio omnia peruenire.

Habes, optime Lector, præstantissimorum quorundam Germaniæ nostræ scholarum moderatorum ex aureo isto sæculo nomina, eaque per se longe celeberrima *Io. Glandorpii* & aliorum extremo capite mentio fiet. Non minorem clarorum *interpretum* numerum patriam nostram tum habuisse, P. Daniele Huetium luculenter admodum docere, meminervis (o). Qui, *postquam Germania interpretandi studium arripuerit, eam tam per-  
tinacem in eo se exercuisse, adfirmat, ut vix ulla  
gens meliorem, nulla certe vberiore interpretum  
fætum tulerit.* Equidem omnes, quos nominat, si paucissimos exceperis, Melanchthonis ætatem, & quæ hanc proxime antecesserunt tempora, tulisse, deprehendes. Præter enim *Reuchlinum, Pirckheimerum*, ipsum *Melanchthonem, Camerarium, Neandrum*, laudatissimos & enumeratos hætenus a me viros, pluresque alios, *Sigismundum Gelenium* laudat, *Io. Langum, Iustum Vulteium, Hieron. Wolfium, Guil. Xylandrum, Io. Leunclavium.* Qui omnes fane Melanchthonis ætate, & paullo post floruerunt ; singularem laudem studio, quod in interpretandos auctores contulerunt, consecuti. SIGISM.  
GE-

(o) de Claris Interpretibus p. m. 273 seqq.

GELENIVM quidem *Bohemum* natione fuisse, non ignoro, Germanis tamen adnumerandum eum putavi, quia & Huetius id fecit, & Melanchthoni, quo præceptore usus est, plurimum debuit. accedit, quod persuasissimum ego mihi habeam, Bohemos non ægre laturos esse, si quis civium ipsorum inter finitimos Germanos mentionem fecerit. Virum utriusque linguæ peritissimum, valde ingeniosum, & mirabiliter diligentem fuisse Gelenium, Camerarius, qui se eius *sodalem* vocavit, testatus est (p). Huetius etiam perquam honorifice de eo iudicavit, dum vix quemquam pluribus interpretandi artem monimentis ditauisse, censuit, Gelenio, disertio in primis habito ac elegante. LANGVS, *Freistadiensis Silesiacus*, raram fidem cum pari eloquentia & nitore, VVLTEIVS, *Wetteranus*, elegantis & perspicuæ Latinitatis laudem, Huetii sententia obtinuit. WOLFIVS, *Oettingensis*, eodem iudice exquisita linguæ utriusque facultate præditus ad interpretandum accessit. qui quum Græcæ linguæ perpetua industria pene supra omnes vindex exstiterat, eum omnes Isocratis atque Demosthenis orationes ita interpretatum esse, censent eruditi, ut neminem eo in genere æquaturum ipsum esse, existiment. XYLANDER.

(p) de Vita Melanchthonis, p. 105.

DER, *Augustanus*, summam vtriusque linguae peritiam cum elegantioris humanitatis & philosophiae, ac mathematicae disciplinae cognitione comparauisse, pretiosasque tot doctrinarum opes huic vni propemodum interpretandi studio consecrassse, eidem Huetio visus est. qui etiam IO. LEVNCLAVIVM, *Westphalum*, in eodem studio tam mirabilem reperit, vt quemquam scientius in eo versatum constare sibi, negarit, plurimis aliis praconiis & hoc demum addens: *Summa in Leunclauio concinnitas, perspicuitas, incorrupta Latinitatis castitas, & ipsum, quod in aliis raro inueniri, existimat, à vtroque* (q). Huetii iudicia de industria haecenus retuli, quum id, quod demonstrandum suscepi, nulla re magis comprobari posse videretur, quam si declararem, virum tantae inter Gallos auctoritatis atque eru-

(q) Qui singulorum horum virorum vitas cognoscere desiderat, eas apud *M. Adamum* offendet: cui *Clarmundum* addat, ad complura monimenta, quibus de iisdem agitur, lectores suos ablegantem. Plura vero de eorum doctrina iudicia *Tb. Pope Plount*, in Censura Auctor *Aar. Baillet* Tom. III d. Iugemens, atque *Dan. Georg. Morhof.* in Polyhist. litterar. subministrant. Conf. etiam *Abrab. Bucholzeri* Index Chronolog. & *Io. Henr. Bæcleri* de Rebus Saeculi XVI liber memorial. cum Commentario *Io. Burc. Maii*, Kil. an. 1697, 8. inprimis Elogia virorum erudit. ex historia *Thuania Teisserio* collecta & cum additionibus Gallice edita.



eruditionis tam bene de Germanorum in bonas litteras meritis & Romani sermonis studio sensisse: cuius æquis & incorruptis plane iudiciis Doleti, Bouhursii & reliquorum, qui inter ipsos istos Gallos ad Germanorum gloriam imminuendam conspirarunt, commenta infringi facile poterunt, ac penitus everti.

Celeberrimos nonnullos Germaniæ ludorum magistros atque interpretes hætenus enumerando, præstantiores simul *grammaticos* siue *criticos*, *cruditos rhetores*, nec *vulgares oratores* nominaui: quare separatim mentionem eorum facere necesse me habere, non arbitror. Io. Langus cum primis grauis ac disertissimi oratoris in Ferdinandi I, Romanorum, Hungariæ atque Bohemiæ tum Regis, aula munere egregie est perfunctus; dignus etiam, qui haud infelicibus sæculi sui poetis adnumeretur.

Cuiusmodi *poetarum*, postquam innumerales fere in Italia Petrarchæ vestigia secuti, reliquarum Europæ nationum industriam in hoc quoque studiorum genere exercendam concitarunt; ingens etiam in Germania fuit prouentus: quorum vel sola nominum commemoratione integræ impleri possent paginae. Quare paucorum tantummodo ex istis, qui Melanchthonis tempore, siue aurea ætate,

de qua mihi in præfenti sermo est, floruerunt, nomina proferam. quorum perdiutem venam exterorum eruditissimi admirati, ingeniosos ac optimos prædicauerunt eos poetas (\*). De ipso *Melanchthone*, cuius magnum ingenium atque ad omnia comparatum ex poematis etiam, quæ dedit, intelligi posse, Iul. Cæsar Scaliger iudicauit (r), de *Camerario*, *Sibero*, *Fabricio* (\*\*), *Vulteio*, aliis

(\*) Melanchthon in epistola quadam ad Comites Lipsienses scripta Deo gratias egit, quod Germaniæ suæ ætate poetas aliquot dederit, quos & erudita antiquitas probasset: quorum scripta inter vetera poemata iuniores legere utile iudicauit, ut exempla considerarent, quæ ostendant, quomodo veri Dei laudes in Ecclesia carminibus celebrare possint.

(r) lib. VI Poetices, qui *Hypercriticus* inscribitur, pag. 308, edit. nitidiss. & accuratiss. in fol. an. 1561 ap. Anton. Vincentium.

(\*\*) Si quis ignorauerit, quam elegans poeta fuerit *Fabricius*, nec ipsa carmina eius cognoscere decreuerit, iudicia modo, priori in XXV Poematum factor. libros præfationi subiecta, consulat; inter quæ Sturmiæ hoc reperiet: *Habet Saxonia virum magnum, Georg. Fabricium, magnum virtute & doctrina: versus facit puros, apertos, festiuos, & huiusmodi, ut etiamsi laurea non donaretur, tamen vere suapte natura & industria laudatus sit laureatusque poeta*. M. Neandri porro in Erotem. Gr. L. præfationem euoluat: p. 209, poematum libris, qui Basil. an. 1567, ex officina Io. Oporini prodierunt 8, enumeratis, sequens additur elogium: *Libri certe scholis puerilibus valde utiles, qui & pueris legendi &*

aliis, qui reliquis suis in litteras meritis carminis quoque adiunxerunt gloriam, agere denuo nolo. *Hel. Eoban. Hefsus* potius prodeat, popularis eius *Euricius Cordus*, *Iac. Micyllus*, *Georg. Sabinus*, *Io. Stigelius*, *Petrus Lotichius*. elegantissima ingenia, de quibus Germaniæ nostræ iure meritoque gloriari licet. An hæc HESSO suo suavius quicquam venustiusque tulerit, dubitatur; nec desunt, qui *Teutonicum Ovidium* dicendum eum, existimant(s): qui etsi præclara opera multa elaboravit ingenii bonitate, ac industria; nihil tamen maius aut melius in tota vita sua præstitisse videtur Camerario, quam quod *Psalmos Davidicos* religiose ac erudite in Latinas elegias transtulerit: quod vere *sacro-sanctum opus* vocat omnibusque numeris *absolutum* (f). De CORDO ingeniosissimo

Bb 2 æta-

*imitandi commendantur, a præceptoribus, & a pueris etiam ipsis ultro & libenter & cum fructu magnæ manibus teruntur, ut multum ipsi debeant & præceptores & discipuli: ac quorum studiis Fabricius hactenus multis modis subinde alio officii genere eos sibi deuinciens præclare meretur.*

(s) Ol. Borrich. de Poetis, § 155.

(f) in Narratione de Eob. Hesso, Epistolis huius præmissa, summoque iure inscripta: *Comprehendens mentionem de compluribus illius ætatis doctis & eruditis viris; dignissima profecto, quæ typis superiori sæculo denuo exscripta, euoluatur ab elegantioris litteraturæ amantibus.*

ætatis suæ poeta eximia multa idem Camera-  
rius scribit, inter alia adfirmans (sf), se pue-  
rum, poeticam egregiam rem esse, suspicari  
tum coepisse, quum animus suus eruditus  
Cordi sermonibus captus esset: huiusmodi  
enim homines *Poetas* nominari, tum audiue-  
rat. MICYLLVM, *Argentoratensem*, Came-  
rarius rectorum liberaliumque studiorum  
cultorem vocat atque antistitem (t): quo ne-  
minem *Profodiam* Latine eruditius aut dili-  
gentius tum scripsisse, Melanchthon cen-  
suit (tt). in præstantiorum Germaniæ poe-  
tarum, optimorumque scholarum præfecto-  
rum numero ab aliis relatus est Micyllus, cu-  
ius docta atque perspicua carmina eo magis  
elaborata videantur, quod illaborata ferme  
appareant (u): & qui in *Francofordana* scho-  
la magna celebrique fama iuventutem opti-  
mis tum moribus tum litteris Latinis pariter  
ac Græcis informavit (v). SABINVS, *Bran-  
denburgicus*, Melanchthonis gener fuit; qui  
quum

(sf) in eadem Narratione B. 3, b. edit. Norib. an. 1553:  
quæ ipsas Hesli Epistolas subiunctas habet: & in  
Vita Melanchthonis p. 214.

(t) in ead. Melanchth. vita p. 367.

(tt) in præfatione, qua Micylli metricam ornauit, T. II  
Declamat. p. 214.

(u) Borrichius dissert. de Poetis § 162.

(v) Io. Hagius in Petri Lotichii Secundi vita, p. 418,  
420.



ducia omnis posteritatis memoriam recte sperare potuerit(b). Id quod LOTICHIVS *Solitariensis* non sperare, sed confidere potuit: utpote qui vnus instar omnium Germanicæ gentis gloriam, quæ ad poeseos laudem pertinet, tueri potest: siquidem poetico studio toto vitæ suæ tempore totus deditus fuit, eique sic adhæsit, vt, quicquid extra carmen & versum agebat, quasi aliud agens ageret, & poeta natus non factus videretur(c). Quo neminem vmquam non solum e Germanis, verum etiam ex peregrinis feliciter *Nasonis suauitatem & elegantiam* expressisse, vel exteri fateri necesse habuerunt(d): ita, vt compluribus mirum non sine iniuria visum sit, quid fuerit, cur Iul. Cæsar Scaliger de Poetis agens nullam plane Lotichii fecerit mentionem(e).

Ea-

alios felices poetas, Stigelio proximum ab Eobano locum libenter concessisse, censuit: quum nulla alia cuiusquam carmina exstarent, in quibus tanta luce, & tanto nitore ecclesiæ dogmata intertexta erant, quando in Stigeliano carmine. Cris. Melanchth. p. 477.

(b) Borrichius c. l. § 167.

(c) *Io. Hagius* in vita Lotichii eleganter atque verbose conscripta, huius operibus, edit. Vœgelin. an. 1586 adiecta, separatimque postea excusa.

(d) vid. ampliff. *Io. Frid. Cramerus* in Vindiciis Nominis Germanici p. 31 edit. Wetsten.

(e) Qui commemoratorum a me poetarum vitas, & de

Eadem porro Melanchthonis ætas *historicum* vidit, qui eo iudicio, ea fide, ea diligentia, ea etiam dictionis castimonia Commentarios suos exaravit, ut illum plerosque Græcorum Latinorumque superasse fatendum sit, nisi extera laudare vulgi more velimus potius, quam domestica. IO. SLEIDANVM his verbis, quæ Herm. Conringii sunt (f) quilibet per se facile coniecerit. Id etiam Melanchthonis ævo felicitatis contigerat, ut IO. AVENTINVM multarum litterarum virum, & egregium, quemadmodum ex superioribus patet, grammaticum admirari ei licuerit. qui tam excellentem se insuper præstitit historicum, ut quibusdam *solus* esse vi-

Bb 4 dea-

excellentissima eorum doctrina iudicia perficere voluerit, præter Camerarii de Eobano, & Hagii de Lotichio Narrationem, atque Ol. Borrichii de Poetis dissertationes, sæpius citatas, euoluat omnes auctores paullo ante a me, quum de interpretibus egeram, allegatos, *M. Adamum* intelligo, *Clarmundum*, *Bucholzerum*, *Baillet*: T. IV, P. 3 d. Iugemens. *Eloges des Hommes Sçau. tirez de l'histoire de Mr. de Thou avec des Additions par Mr. Teisfier. Morhof. Polyh. Litter. lib. VII, c. 2. & reliquos. quibus addat Io. Petri Lotichii Bibliothecæ Poeticæ Part. III in qua celebriores Germaniæ & Belgii Poetæ recensentur; vitis eorundem velut in compendio additis: & insignem Mich. Neandri in Erotemata Gr. L præfationem p. 207, seqq.*

(f) Præfat. I Cornel. Tacito de Morib. Germ. præm. p. 26.

deatur, quo *Germania* *historia* potuerit *glorari*. Diem suum is obiit, quum *Sleidanus* præclara sua sensim iam inclarescebat eruditione.

Quando vero etiam temporum istorum felicitatem facundissimos & Latinæ linguæ ad invidiam vsque gnaros *ministros* Germaniæ nostræ *Principibus* præbuisse, adseueraui: adfirmationem hanc multis exemplis comprobare omnino possem: ex quibus vnum & alterum solummodo, breuitatis causa, cui magnopere vbique studeo, adferam. Primum eorum, vt *Gregor. Pontanum* taceam (ff), singularis *CHRISTOPH. CAROLOVICH*, ex nobilitate *Misnica* equestris ordinis præcipui, virtus præbet, eruditio ac præclara in rempubl. & litteras merita: quibus in *Georgii* & *Henrici* Saxonie ducum aulis plurimum valuit; & in *Mauritii* atque *Augusti* Electorum gratiam deinceps sese insinuauit. Qui singuli Principes opera eius in maximis negotiis grauisissimisque ad Imperatores, Reges ac Principes legationibus summo cum fructu magnaque nominis ipsius gloria

(ff) *Iuris V. Doctorem* & *Io. Friderici* Electoris Sax. Cancellarium: cuius vitæ cursum in eloquentia ad illustrandam gloriam filii Dei, ad ecclesiam & patriæ pacem collatum esse, *Vitus Vinsheimius* in Oratione de Pontano T. V. Declamat. *Melanchthon* p. 192 prædicauit.



gloria vñ sunt: quam eruditissimi eius ævi viri præconiis, quibus certatim cum exornatum iuerunt, non parum amplificarunt. *Erasmus*, cuius institutioni iuuenis sese tradiderat Carolouicius, inter alias laudes, quas ei cumulatissime impertiuit, & hanc protulit, cum *Latini sermonis tam exacte peritum fuisse*, vt se ipsum non puduerit, illi palmam cedere (g). Melanchthon, quem consiliis suis plurimum subinde adiuuit, testatus est, *multum iudicii ad Ciceronis eloquentiam effingendam attulisse Carolouicium*. Camera-rius passim quoque eius meminit (h), velut a pueris optimis disciplinis ac artibus præclare instituti atque egregie exculti, & in Reipubl. maximis grauisimisque negotiis cum summa laude versati equitis: cuius in retinendo vrgendoque bonarum litterarum ac humanitatis studio incredibilis exstiterit cura; præcipue in Melanchthone summo studii eius antistite protegendo. Quis vero est, quem fugiat, HVBERTVM LANGVETVM, prudentissimum atque eloquentissimum virum, insignem suam ac perutilem operam eidem Electori *Augusto* complures annos com-

B b 5                      dalle.

(g) ep. 25, lib. XIX. in Ciceron. p. 379 scribit Erasmus: *Christophorus Carlebitzius, imaginibus maiorum ornatisissimus, sed litteris ac moribus compositissimis ornatio.*

(h) in Vita Melanchthon. p. 326, & alibi.

dasse. qui licet non Germanus, sed *Hedus*, siue *Burgundus*, natione fuerit, Melanchthonis tamen communis Germanorum Præceptoris consuetudini, qua duodecim circiter annos vsus est, plurimum debuit; cuius initia vna cum laude, insolitis plane Langueti dotibus debita, verbosiore narratione prosecutus est Camerarius, negans (i), se vllum alterum audiuisse, qui tam prudenter, certo plane

- (i) Melanchthonis cognoscendi cupiditatem Languetum ex Italia Wittebergam perduxisse, commemorat Camerarius ibidem (in Vita Melanchth. p. 341). Nam Melanchthonis & ipsius huius Camerarii fama tam celebris erat, vt ætatis eius eruditi scribant, quam plurimos nobiles ac doctos homines fama ista excitos ex Italia, Gallia, Hispania, Pannonia, ab vltimo vsque septemtrione, immo ex ipsa Græcia ac tota Europa certatim in Saxoniae oras aduolauisse, ad raram tantorum virorum doctrinam cognoscendam; haud secus, ac Romana olim iuuentus Athenas ad Cratippum, vel Plato in vltimam Italiam ad Philosophos Pythagoreos audiendos. vid. Ioan. Hagius in vita P. Lotichii p. 442. Quid, quod tantam existisse Melanchthonis auctoritatem ac celebritatem, Caselius in Secund. Luhiad. B. 3, 4 adfirmat, vt nemo fere absque hoc magistro litteris operam feliciter nauare se posse, crederet. qui quanto Languetum hunc suum complexus sit amore, epistolæ, quas ad eum dedit, declarant, *Langueto, carissimo fratri*, inscriptæ. Si quis plura de excellentissimo hoc homine cognoscendi cupidus fuerit, vitam eius legat *Mario* auctore elegantissime descriptam, & an. 1700, a cl. Io. Petr. Ludouico in 12. editam: cui lucu-

plane ac dilucide diserteque exposuerit, quicquid narrare instituerit. Quo ampliores Langueto tribui isto nomine videmus laudes: eo maiores omnis posteritas illis debebit gratias, qui ipsius ad *Augustum* Saxoniae Electorem, ad *Camerarios*, & ad *Phil. Sydnaum*, epistolas diuersis temporibus iuris fecerunt publici. Insignis etiam eloquentiae laude DAVIDEM PEIFERVUM, *Lipsiensem*, grauisimum eiusdem Augusti consiliarium, ne ipse quidem liuor priuauerit: cuius elegans ac limatum dicendi genus in epistolis & reliquis, quæ reliquit, ingenii monumentis admiramur (k). Ut tribus prudentissimis elo-

quen-

lentam huius adiungat praefationem, quam Langueti seceris ad Augustum El. Epistolis praemisit.

- (k) Honorificam admodum Peiferi mentionem fecit Fr. Taubmannus in epistola Dissertat. de Latina lingua praef. p. 6. ubi in utraque oratione, libera pariter & adstricta, exercitatum eum fuisse, scripsit. Quanto studio Peiferus puriorem Latinitatem propagatam voluerit, eleganti sua ad Matth. Dresserum de *Latinitatis Magistris Commentatione* ostendit, *senili sapientia & eloquentia*, ut Dresserus vere eam appellat, *plena*: cui conscribendae ut tempus assiduus occupationibus ereptum tribueret, propensior iuuentuti consulendi voluntas effecerat: quam grauissimis prolatis argumentis hortatus est, ut animum ad optimorum auctorum æmulationem transferret, vias in dicendo scribendoque a Latinis ipsis tritas indagans. Addidit Commentationem hanc Dresserus binis suis *orationibus*: quarum una

quentissimisque his Senatoribus addatur, meruisse omnino videtur ANDREAS MYLIUS, *Misnensis*, sereniss. Ducum Megapolitanorum Consiliarius; qui postquam Dabercusio magistro litterarum tirocinia absoluerat, & in eloquentia Georg. Fabricii consilio magnopere erat adiutus, in Lipsiensi academia Camerarium sibi delegit, quem sic audiret, ut consilio eius maxime vteretur, & vestigiis eius simul insisteret. Quanto studio diligentiaque id fecerit Mylius, satis declaravit, quum summus Princeps Io. Albertus opera

*de libris, quos legere, & de orationis genere, quod imitari studiosos decet; altera de modo parandi facultatem sermonis elegantis, & cognoscendi historias,* agit; Lips. an. 1596, 8, emissis, an. 1606 deinceps ibidem, una cum reliquis Dresseri orationibus, & ipsa Peiseri Commentatione, in unum volumen collectis. Eiusdem commentationis citandae infra etiam erit mihi occasio, ubi de diminuto apud Germanos linguae latinae excolendae studio sermo a me instituetur, *Peiseri* mentio hoc capite facienda videbatur, propterea quod eius iuventus auream Latini sermonis in Germania aetatem attigit, & quod una cum laudatissimo *Langueto* serenissimi *Augusti*, qui eadem hac felici aetate, extrema licet, ad tempus accessit, vno eodemque tempore fuit a consiliis. Quodsi excellentissimi viri praecleara in Saxoniam merita inspicere volueris; vitae curriculum, quod eius *Lipsia* siue *Originum Lipsiens. libris IV*, an. 1689, 8, curante cel. Ad. Rechenberg. editis, praefixum est, te ea edocebit.

pera eius vteretur: cui scilicet, quæ cum fructu legi possent, dispicere, ac nodos dissolvere iussus erat. cui prouinciæ tam præclare præfuit, vt, quum & prudentiæ & eloquentiæ studia vsu vitæ multaque negotiorum tractatione in eo sensim maturuerant, Dux eum oratoris loco vbique secum duceret, nec a latere dimitteret suo, siue quid consulendum fuerat, siue dicendum. Singulari præterea industria ac fide sua effecerat, vt Princeps plerasque legationes, præcipuas saltem ac longinquas, quibus Latine orandum erat, ei mandaret: quales creberrimas ad Imperatores, Reges, Principes, Imperiorumque & regnorum Proceres, tanta cum laude obiit, vt eius in dicendo facilitas, puritas, perspicuitas, atque copia quum ceteris cultissimis nationibus, tum potissimum Polonis, admirationi esset; & vt Caselius primas ei in eloquentia tribueret, præsertim quum neminem nouerat, qui se illi parem professus sit, plures vero, qui ei vltro cesserint (\*).

Quum

(\*) in oratione funebri ipsi *Mylio* sæculi XVII initio scripta, at an. XI demum emissa. Fuit nimirum Caselius *Mylii* gener, cuius filiam *Gertrudem* uxorem duxerat; decimo a nuptiis anno defunctam, quum nondum XXX annum excesserat. Lucubrationem vero hanc suam, neque temere ab se cogitam neque subito litteris consignatam, politicæ cultoribus, aditum ad remp. & regias molientibus

Quum tot omnibus in rebus factæ sint mutationes, ex quo Romani terrarum orbi leges imponere defierunt, vt noua multa in qualibet noua republica accedere deinceps, necesse

profuturam, sperauit sapientissimus senex Caselius; quum multa inde & suo & publico bono primariæ isti disciplinæ initiatus, tamquam ex statua *Polycleti* addiscere posset. Ita enim de multifariæ doctrinæ homine egit, vt de ipsius studiis multa passim sint adspersa. quæ non potuit non cognoscere Caselius quum ab adolescentia in *Mylianis ædibus* sæpenumero sit versatus: de quibus ipsis ædibus idem dici potuisse, censuit, quod de Musarum domicilio proditum sit: nam quemadmodum huius fores apertæ fingeantur; ita Mylianas etiam ædes bonis, litteratis potissimum, apertas fuisse, scribit. quos optimum socerum non solum commendasse, sed pro re sua, quibus potuerit modis, adiuuissè, testatur. Vtilia porro profert, vbi eloquentiæ cupidis dicendoque præstantium æmulis exponit, *unde viro tanta ad dicendum exstiterit facultas*, quem *Demosthenem* & *Ciceronem* sic in manibus habuisse, adfirmat, vt neque alios despiceret, e quibus aliquid in vsu suos deprompturum sese, confideret; & vt ab inuente ætate in litteris versatus, & eleganter eruditus ad veterum lectionem sic se contulerit, vt nec novos & bonos contemneret, & alicubi necessarios esse, fateretur; ab illis semina lectissimarum rerum & optimas sententias sumens, quibus *Commentariorum* suorum, quorum duo genera instituerat, hortos confereret. De his *Commentariis* multa etiam adnotauit Caselius, eloquentiæ studiosis conducibilia valde & accommodata. Vbi denique de ingenii monumentis, quibus socer posteritatem donauit,

neceſſe fuerit: ſiue, quemadmodum magnus Erasmus eamdem rem exprimit: *quum ita in diuerſum ſint mutata, religio, imperium, magiſtratus, reſpublica, leges, mores, ſtudia, ipſa hominum facies, ut præſens ſæculi ſtatus cum eorum temporum, quibus Cicero vixit, ac dixit, ratione parum congruere videatur* (I). Hæc, inquam, quum ita ſint, peregrinis, quæ vetuſtas ignorauit, in oratione vti non adeo falſum putauit Caſelius: qua ſententia nihil plane de Latinæ linguæ dignitate derogauit grauis huius munditiei vindex (II). cui nempe illi, qui contra eadem Latinius effari adfectent, longiſſime aberrare viſi ſunt, velut homines, qui negotiis tenebras lucem deſiderantes inducant. Hæc ſi quis ſecum reputarit, *Medicis, Iureconſultis, atque Theologis*, felici iſto ſæculo viuentibus, tanto vitio haud vertet, credo, ſi eos in monimentis ſuis puritati non ſemper magnopere ſtudiſſe depre-

hende-

verba facit, hunc *Dionis Chryſoſtomi* quatuor de *Regno* ſiue *Regis officio*, libros diuinitus ſcriptos, tanta diligentia in Latinum ſermonem conuertſſe, iudicat, vt non aliunde translati, ſed Latine compoſiti videantur; quum ſententiam luculente expreſſerit, proprie ac perſpicue. bonos etiam & exquisitiſſimos verſus Latinos, quos cum admiratione & voluptate legas, ſcripſiſſe negotiis reip. ſemper occupatum virum, adiicit.

(I) in Ciceroniano p. 294.

(II) in Epitaphio Io. Borcholdo ſcr. D. 2.

henderit; vocabulis, quæ Augusti, eiusque I & II sæculi successorum, ætas ignoravit, vsurpatis. Habuit nihilominus Germania altiorum disciplinarum doctores, qui dilucide pleraque, ac pura, quousque materia ferre id videbatur, exposuerunt oratione.

Si inter ævi istius *Medicos* existit, qui curæ id sibi habuit; IO. CRATO A CRAFFT-HEIM, *Vratislaviensis*, certe fuit, trium Imperatorum magnæ doctrinæ multique vsus medicus, & spectatissimus simul eorundem consiliarius: cuius virtutum præconiis sæculi istius monimenta sunt refertissima. siquidem vir fuit, cui nihil antiquius erat, quam præclare de litteris, harumque cultoribus mereri: cuius, Io. Sturmio testante, de studiorum genere, quod puritatem & ornatum orationis sequitur, iudicium certum fuit atque sincerum (m), & qui ipse *diligenter omnia scripsit, belle, atque erudite*, Quanti Camerarius eum fecerit, aperte declaravit, ubi *ingeniosum, doctum atque eruditum iuvenem* iam cum fuisse, commemoravit (n), priusquam in Italiam profectus Medicinæ arti perdiscendæ operam dederit; id postea consecu-

(m) in epist. ad Crationis filium *Io. Baptistam*, Steph. Doleti Phrasib. L. L. præm.

(n) de Vita Melanchth. p. 253. conf. Dresseri oration. de Cratone lib. I orat. p. 299.



secutus, ut a præstantibus ea facultate viris & artis præcipuis professoribus non modo fauorem & caritatem, sed admirationem quoque ac laudem sit adeptus; eximia dignitate auctus deinceps & amplificatus. Qui ne talis quidem *Latinæ linguæ* causa velle unquam desiit: sed adfecta etiam ætate magnam elegantiorum litterarum curam sustinere perseverauit; luculenta admodum ad filium *Io. Baptistam* præfatione ostendens, se linguæ eius euehendæ ornandæque fuisse adhuc tum quam cupidissimum (o). Vel ex hac ipsa præfatione sæculi istius genium & singularem in Romanam linguam fauorem patefieri, arbitror: quemadmodum scilicet eruditi iuventutem ad veræ laudis & puræ orationis atque vitæ studium excitare elaborarint. *Crato* sane filium suum præfatione ista excitatum quam maxime volebat; ut is se non modo e numero corrupte & peruerse viuentium, verum etiam scribentium eximeret, ita desiderabat, ut nihil magis ex animo se exoptasse, testificaretur. Cratoni & alios ex eodem sæculo medicos *Latinæ linguæ* amantissimos addere possem. Quis enim nescit, præter *Stromerum Aurbachium* (\*), & *Ioach. Vadianum*,

Cc

num,

(o) Hub. Sussanæi Connubio Aduerbior. præf.

(\*) Is idem *Stromerus* est, cuius suasu *Hyttenus* festissimum Dialogum suum *Aula*, aliquoties impres-

*num*, superiori capite laudatos, complures felicissimo isto sæculi in Germania medicos multiplici doctrina, eloquentia, elegantiorumque litterarum studio inclaruisse. in quorum numerum adscribendi sunt, *Gisb. Longolius*, *Georg. Sturcius*, *Iod. Willichius*, *Ian. Cornarius*, *Iac. Milichius*, *Casp. Peuce-  
rus*, *Wolffg. Lazius*, & inter celeberrimos poetas iam nominati *Eur. Cordus*, atque *Petr. Lotichius*: nec non eruditissimi Belgæ, *Iac. Bordingus*, & omnium facile princeps,

*Hadr.*

sum, conscripsit, iocosa ac lepida valde dedicatione ipsi nuncupatum: qua simul *Alberti*, Cardinalis atque Archiepiscopi, cuius medicus fuit Stromerus, & cuius patrocinio Musas, tamquam nouam coloniam in Germaniam deductam, fortiter defensas esse, in superioribus declarauit, laudes celebrat, extrema dedicatione scribens: *non magnopere nostri nos status piget, sub illo scilicet, omnium, quos hæc natio habet principes, benignissimo humanissimoque Alberto, qui quum maximo virtutum omnium teneatur studio, & singularis probitati amicus sit, inprimis tamen bonarum litterarum studia, eorumque assertores, reuerenter suspicit, ac liberaliter fouet. Quis enim nunc recte per Germaniam eruditus est, quem ille non norit? aut a quo tali unquam salutat-  
us est, quem non largo munificentie sue imbre consperserit? Atque ut sollicitus nuper fuit, ne quid se indignum pateretur bonus Capnion? ut cupide litteris ad se vocauit Erasmus, cuius etiam nomini honorificam semper præfationem solet adiungere? & a nobis crebro percontatur, ex doctis doctis, quid quisque faciat, quid patiatur.*

*Hadr. Iunius* (\*). IO. LANGIVM tantum, doctrina vsuque præstantissimum quatuor Electorum Palatinorum Archiatrum, adducam, *Cyatonis popularem*, at triginta amplius annis maiorem. Equidem non eo solum nomine Langii mentionem faciendam putavi, quod Romani sermonis amans exstiterit, sed etiam quod magnus *Camerarius* eo vsus sit *præceptore* : vt videlicet simul appareret, sub quibus magistris tantus Germaniæ ciuis adoleuerit.

Næque in *Iureconsultis* Latine perdoctis, & de bonarum litterarum studiis præclare meritis, recensendis multus ero : qualium ingentem omnino numerum adducere possem. Cui enim præter *Huttenos*, *Mutianos*, *Pirckheimeros*, *Peutingeros*, supra a me commemoratos, *Sebastiani Brand*, *Iacobi Sturmii*, *Ioannis & Hieronymi Baumgartnerorum*, *Dan. Stibari*, *Conr. Heresbachii*, *Thom. Wolffii*, & aliorum nomina obscura sunt? utpote quorum amplissima in humanitatis studia ac litteratos exstiterunt merita, mirifice ab Erasmo, Melanchthone, Cameraio, Sturmio, posteritati commentata (\*\*)

Cc 2

&amp;

(\*) de singulis vid. M. Adamus in vitis Germanor. Medicor. conf. Thom. Bartholini de Medicis Poetis dissertatio, Hafn. 1669, 8.

(\*\*) *Heresbachium* Erasmus virum omni litterarum genere absolutum nominavit, quo nihil excellentius

& quorum monimenta fatis declarabant, quantum præ illis saperent, a quibus *Felini* iactabantur superiore tempore, *Baldi*, *Bartholi*, *Iasones*, *Accursii*, *speculatores*, ac id genus doctorculi : in quos inuehendi causas Huttenus habuisse putatur plurimas grauisissimasque ; vbi homines, qui tot annos, tot perlectis voluminibus, quid iuris, inuenire haud potuerint, & qui tractabile alioquin studium omni caligine inuoluerint, ac Cymmeriis plane tenebris obscurius reddiderint, doctrinæ opinionem persuadere sibi potuisse, negauit, exclamans : *O mores, o studia, o temporis huius capita, quin istas abstergimus nebulas? & aliquando verum intuemur* (p)?

Abster-

fuerit, siue vtriusque linguae peritia spectata sit, siue felicitas ingenii, siue morum comitas.

(p) Præfat. Nemini præm. A. 4, a. vbi clarum insignis *Bartolistarum* inscitiae exemplum profert Huttenus : *Ex his*, scribit, *quemdam noui, insignem asinum quod mihi videtur, quod ipsi iureconsultum, qui aliquando simul audientibus nobis Papiæ illud iuris columen Iasonem, quum is prælegeret, ac multis citatis auctoribus subiiceret, & Alexander de Imola ac sequaces conuersus ad proximum quæsiuit, quis ille esset sequaces. Putabat enim ex glossatoribus uni sequaces nomen esse. Ad idem ille, pergit Huttenus, qualis qualis est, nuper ex Italia rediit libris ac vestibibus splenuide instructus, & inter doctores numeratur, ac me, qui melius capio Iasonem, post tergum relinquit.*

Abstergere demum nebulas, & verum intueri  
 coeperunt in Germania laudatissimi isti ciues,  
 iuris peritissimi. In horum numero refe-  
 rendus in primis est VLRICVS ZASIVS:  
 quem Erasmus ita suspexit, vt nihil in Ger-  
 mania vidisse se, adfirmarit, quod æque sit  
 admiratus, atque Zasii ingenium. cuius ora-  
 tionem sic ex tempore bonis verbis bonisque  
 sententiis, nec id sine lepore, scatentem adeo  
 collaudauit, vt parem in Italo quoquam  
 animaduertisse se, negauerit (q).

Quanta *theologorum*, quorum omnium  
 instar est ipse PHIL. MELANCHTHON;  
 perpetuo talis vna cum beato MART. LV-  
 THERO nostro futurus, in bonarum littera-  
 rum & Latini sermonis studio in Germania  
 magis excitando exstiterint merita, pluribus  
 persequi nihil attinet. Plures, quorum si  
 non æque magna, non contemnenda tamen  
 hac in re fuerunt merita, theologos si nomi-  
 nare constituisssem, *Iusti Iona* etiam mentio  
 facienda esset; qui tantum natura valuit, vt  
 Melanchthon nullius ingenium ad eloquen-  
 tiam aptius cognouerit; tanta in oratione eius  
 vbertas erat, tantusque splendor, magna do-  
 ctrinæ copia naturæ felicitatem instruente (r):

C c 3                      men-

(q) in epistola ad Pirckheimerum, lib. misc. ep. 54. vbi  
 memorabilia de *Zasio* leguntur.

(r) præfat. in Syntaxin: T. II Declam. p. 231.

mentio porro facienda esset *Vrb. Regii*, supra, occasione ita ferente, iam laudati, *Georg. Spal-  
latini*, *Casp. Crucigeri*, & *Io. Bugenbagii*, cui  
R. Agricolaë, Hegii atque Herm. Buschii scri-  
pta, quæ superiorum temporum solœca cor-  
rigentia Germaniæ iuventutem ad rectius lo-  
quendi diligentiam reuocabant, stimulos ad-  
didisse, legimus : & multorum aliorum pio-  
rum maxime, meliorumque litterarum, non  
ita pridem renascentium, & fouendarum in  
posterum, caussa cupientium theologorum :  
qui scilicet summi Melanchthonis & optimi  
Lutheri exemplo id faciebant : ex quorum  
schola prodiit etiam *Dau. Chytraus*, magnus  
fane theologus, optime de bonis litteris vin-  
dicandis vergente sæculo promeritus ; cuius  
nomen ea re magnum per Germaniam ex-  
stitit.

Sed vt plures disciplinis scientiisque erudi-  
tos homines, Latinarum litterarum cupidos,  
nominem, instituti ratio non fert. Enim-  
vero satis hætenus comprobasse, atque ex-  
emplis testimoniisque confirmasse mihi vi-  
deor, *Melanchthonis æuum aureum Latini ser-  
monis ac omnis in Germania feliciter demum  
assertæ humanitatis fuisse sæculum*. Litteræ  
scilicet, quæ summorum Principum gratia  
exeunte sæculo XV in patria nostra diuino  
auspicio fundata, amplissimisque propositis  
præ-

præmiis excitatæ erant, singulari cultorum concordia ac indefesso studio opus vrgente; ex ineunte ac procedente sæculo XVI ad summum prope sunt euectæ. Firmisimis testimoniis comprobare possem, tantum abesse, vt *Principum in litteras fauorem* medio XVI sæculo imminutum conquesti sint earum antistites, vt mirifice adauctum cum prædicarint. Pii, Felicis *Maximiliani* vestigia, vt in reliquis excellentibus regiisque plane virtutibus, ita in summo quoque erga optimas litteras exornandas amore secuti erant Augustissimi eius *Nepotes Carolus V & Ferdinandus I.* quorum hunc veterum historias, & præclara poemata libenter legisse, publicis sæpe occupationibus aliquam temporis partem, quæ in lectionem collocaretur, suffuratum; & tam laudabilem, tamque glóriosam liberorum disciplinam domi suæ instituisse, celebrarunt istorum temporum eruditi (s): vt summa litterarum atque prudentiæ ornamenta ex tribus eius *Filiis* eluxerint: inter quos Cæsarem *Maximilianum II* ita litteris tinctum & instructum prædicarunt, vt loqui cum litteratis potuerit, & de ipsis ac eorum

Cc 4 do-

- (s) Melanchthon in præfatione ad Regem Ferdinandum in Daniele Proph. T. II. Declamat. p. 233. & Io. Sturmius in præfat. in Steph. Doleti Phrases & Formulas L. L.

doctrina grauisſime veriſſimeque iudicare (f). Cuiusmodi plerique ætatis eius Germaniæ erant Principes : poſtquam diuino acciderat beneficio, vt præpotenti *Auſtriacæ domui*, inde a Maximiliani I temporibus, genti-

(f) Adoleſcentem perfectis moribus ac litteris eruduerat *Caspar Vyſſinus Velius*, natione *Sileſius*, cuius funeſta fata eo magis dolenda videntur, quo maiorem de ſe præbuerat exſpectationem: ſi enim per iſta licuiſſet, Velius inter eruditione, facundia, librisque celebres Germaniæ viros præcipuus futurus viſus erat Eräſmo lib. XXVI ep. 28 vbi laudes hominis fuſe admodum proſequitur: inter alia elogia, quæ Velio ibi impertiuit, hoc etiam legitur: *Quanta ingenii promptitudo, quam euendata, vel ex tempore dicentis oratio, credas, illum de ſcripta dicere! quam felix ſtilus! quam varia rerum cognitio!* in Ciceroniano ſuo de eodem Velio Eräſmus hoc tulit iudicium: *Vyſſinus Velius in carmine felix, nec infelix in oratione ſoluta, ſpirituum & urbanitatis habet affatim: vbi prodierit hiſtoria, quam de rebus a Pannoniæ Boæmiæque rege Ferdinando geſtis texere dicitar, certius pronuntiabimus. mihi certa ſpes eſt, illum & Principis ſui claritati & rerum magnitudini facundia viribus reſponſurum.* Qui plura de infelici hoc litterato (ſubito an. 1638 amiſſus eſt) percipere cupiet, euoluat, quæſo, præter Eräſmi lib. I, ep. 36. & VI, ep. 30, 31, P. Iouii Elogia doctorum virorum: honorificam admodum Velii reperi- ret ibi mentionem: *nobiles Poetas leto carmine, hiſtoricos ſtili grauitate ſuperare* is videbatur Iouio. G. Matth. Kœnig. in Bibliotheca Vetere & Noua plures, qui memoriam viri conſeruarunt, citat.



gentilitium pene esse coeperit, vt *Hercules Musarum* in ea cognosceretur suspicereturque (\*). Bone Deus, quales habuit tunc *Saxonia Electores* atque *Duces*? quantam curam ii egerunt de re *scholastica* per eruditissimos viros summa munificentia concitatos melius communienda: qua nempe *uniuersam religionem niti*, sibi persuadebant. *Ad Rhenum Palatinatus Dominos* habebat omni Musarum laude maiores: qui litteras non solum amabant, sed etiam præclare intelligebant; ac multa non solum in otio, sed etiam in ipsis negotiis, in castris, inter tubarum atque armorum strepitum legere solebant. Id fortissimum Principem *Philippum*, *Othonis Henrici Electoris* fratrem, egisse, *Melanchthon* scriptum reliquit (sf). Ipsum hunc Electorem *Heidelbergensem* suam *academiam* copiose atque eleganter ornasse, exquisitissima *bibliotheca* ibi instructa, quis ignorat? *Brunsvico-Luneburgicas* atque *Hassiacas* terras Principes etiam regebant, Musis quam maxime fauentes. De *Duce Ernesto*, quem omnes ac singuli potentissimi serenis-

Cc 5

simi-

(\*) vide perdoctam R. Reineccii præfationem In Io. Glandorpium Onomasticon. Histor. Rom. qua hoc *Rudolpho II* Imp. dedicauit.

(sf) qui *Philippo* Abbatis *Vrspergensis* Chronicon luculenta nuncupauit dedicatione, quæ T. II Declamat. p. 187 inserta est.

simique Duces Brunsvico-Luneburgici hodie viuentes generis sui agnoscunt auctorem, legimus, cum in academia Wittebergensi, vbi auunculus Fridericus Saxoniae Elector, cui litteras tantum debere, supra ignouimus, ipsum vna cum fratre *Ottone* a Georg. Spalatio erudiendum curauit, linguam Latinam ita dedicisse, vt huius copia neque in colloquiis neque in scribendo ei defuerit: postquam Lutetiae etiam in eadem copia comparanda deinceps sese exercuerat; historias Latinae scriptas legere numquam desinens: & tanto quidem studio is hoc peregisse dicitur, vt quoties iter fecerit, librorum sarcinam secum circumvexerit (t). Optimi Principis vestigia in honesta maxime ac laudabili re secuti sunt patria virtute praediti Filii: quorum maximus natus *Franciscus Otto*, quum puer Latinas & splendoras exararet epistolas, & summa industria in liberalissimarum artium studiis, ad publicam Germaniae pacem retinendam, & propagandam Euangelii doctrinam pertinentibus, versaretur; cum vtilem operam toti Germaniae nauaturum fore, facile quisque sibi potuit persuadere (tt). Vtilissimam etiam operam benignitate, qua do-

(t) T. IV Declamat. Melanchth. p. 721 vbi integra de Duce *Ernesio* comparat oratio.

(tt) earumd. Declam. T. II, p. 477.

doctrinæ studia complexus est, Germaniæ nauavit serenissimus Princeps PHILIPPVS *Landgrafius Hassiæ*: cuius grauisimo iudicio summum Melanchthonis in asserenda optimarum disciplinarum doctrina studium singularem in modum commendatum est celebratumque (u). Inter Principes insigni pietate & præclaris in ecclesiam ac bonas litteras meritis conspicuos ætas ista mirificè suspexit GEORGIVM *Anhaltinum*, Principem religiosissimum iuxta atque eruditissimum: in quo quum doctrinæ auida & capax fuerat natura, puer celeriter grammaticam & Latinam linguam didicisse, memoratur; egregia Georgii Helti in Lipsiensi academia vsus institutione (x). *Badensi* itidem *regioni* Princeps tum præerat, qui etsi verbis simulabat, tamen re ipsa ipse eius sermo prudentia litterarum tinctus, quid in ipso latitaret, indicabat (y). Quam amantes litterarum, litteratisque beneuolos Principes *Marchia Brandenburgica, Bauaria, Moguntina* atque *Wur-*

(u) Camerarius in proœm. Narrat. de Vita Melanchthon. ad ipsum Philippum Landgr.

(x) Orat. de Vita Georgii Pr. T. III, Declam. Mel. p. 198. adde Camerarii de eiusd. Principis vita Narrationem, an. 1696 Lipsiæ recusam, sanctiss. Præpositi concionibus initio præmissam.

(y) Io. Sturmius in præfat. in Golii Onomasticon, quæ hoc Iacobo Marchioni Badensi. inscripsit.

*Wurtembergica* terræ veneratæ sint, & superiore & hoc ipso capite breuiter a me est ostensum. quorum vel ipsorum ætas, felicissima, de quibus in præsentī sermo est, tempora attigit, vel egregii nec minus litteris dediti exstiterunt iis successores.

In eadem felicia tempora optimi & sapientissimi Principis IO. ALBERTI, *Ducis Megapol.* ætatis flos incidit: qui quum abunde expertus esset, litteras mirifice ad humanitatem omniumque vitæ partium cultum conferre, nec posse res hominum mediocriter absque sapientia constitui, ludos litterarios tanta per omnem prouinciam aperuit cura, vt merito suo omnium primus fuisse existimetur, qui non suam modo gentem ad humanitatem & litteras deduxerit, siue compulerit, sed litteras in vniuersum etiam, præsertim ad litus Balticum pleno dignitatis exemplo summaque munificentia suscitavit. quandoquidem nihil plane reliqui fecit, quod ad ingenia, quorum ipse prudens censor erat, stimulanda pertinere videbatur; ampla idcirco litterarum studiosis proponens præmia. De Io. Caselii certe studiis ita meritus est, vt hic ipse. lubentissime professus sit, se, si quid præstiterit, præstitit autem quam plurimum, id Principis huius bonitati & erga se beneficiis potissimum acceptum referre necesse habere.

bere. Quantopere vero vniuersas Musas sibi deuinxerit optimus Princeps, ex eiusdem Caselii, gratisimi totque beneficiorum numquam non memoris clientis, *Laudatione* patet, quam ei triginta circiter annis post obitum *ad Nepotes Adolphum Fridericum & Io. Albertum* conscripsit (z): postquam communem Germaniæ Mæcenatem in ipso etiam funere laudauerat (a), tamquam *rarum & singulare vitæ regię exemplum*, cuius pleraque dicta & facta mererentur admirationem; sed vnum præ omnibus, quod litteras incredibili plane complexus sit fauore. Nam quum *Latinam linguam* in haud vulgarem modum puer didicerat, & sublimiorum disciplinarum capax ei fuerat ingenium, tantum abfuisse, confirmat Caselius, vt tum, quum populum

(z) Helmæst. an. 1611, 4.

(a) Suerini in summo templo prid. K. Mart an. 1676. oratio eodem anno Rostochii ex officina Iacobi Lucii prodiit in form. 8. Virtutes Io. Alberti D. perstrinxit etiam Caselius in oratione, memoriæ *Caroli*, Io. Alberti fratris, consecrata Helmst. an. 1610, 4, & quam an. 1592 *Ioanni*, Io. Alberti filio, conscriptam, ibidem edidit: nec non in oratione funebri *Andree Mylio*, Ducum Megapol. consiliario, scripta & an. 1611 Helmæst. ed. & aliis lucubrationibus: nam oblata subinde occasione Principis sapientiam & beneficentiam, quam erga studia sapientiæ & omne genus bonarum litterarum exercuit, prædicare haud intermisit Caselius.

pulum auspiciis suis regere cœperat, litteris harumque cultoribus fauere desierit, vt, quo plus, adultior factus, proficere voluerit, hoc impensius litteras colere, iisque præditos amare, ingeniis delectari, & hæc mirifice fouere perseuerarit. Quamquam scripsit Caselius, doluisse Principem, non plures in terris suis fuisse varia bonaque doctrina politos; & quam maxime ipsum optasse, vt eiusmodi ibi homines nascerentur: addit tamen, sedulo indulgentissimum Patriæ Patrem curasse, vt id fieret, nec rationem, qua voti huius sui compos fieret, non inuenisse, nullis plane parcentem sumptibus, nec ab instituto deteritum, quod plus ex arca depromendum fuerit. Satis nempe fructus percepisse tum sibi videbatur Princeps noster, quum multos apprime nobiles & splendidos viros circum se conspiceret, qui noua ornamenta a Musis accepissent, ingenii dotes cum cura custodientes, pro aulæ rationibus magis magisque in dies adauctas: nam præter legum scientiam eloquentiæ ac ciuiles prudentiæ laudem ii adfectabant. Horum nomina quum legerem in Caselii lucubrationibus, de Erasmi cogitabam vaticinio, eumque verum vatem existitisse, reperiẽbam: vtpote qui, vt supra commemorauì, confisus erat, fore, vt eorum Germanicæ nobilitatis iuuenum, qui ad laudem

dem litterarum studio comparandam iam tum contenderent, exemplum ad plures mox dimanaret; & *vere claram, generosam, illustrem, & suspiciendam* quamprimum futuram *Germania nobilitatem*, quæ pro chartis & alea optimos veteres libros tractaret, pro scortis amplecteretur virgines Camœnas, pro bellis ac latrociniis sanctissimæ leges ac philosophiæ decreta curæ sibi haberet cordique. Enimvero nobiles illustria summorum Principum exempla assidue intuebantur, vnde sibi, quæ imitarentur, caperent. Illustre maxime huiusmodi exemplum cunctæ Germaniæ præbebat in primis IO. ALBERTVS: qui, quum *Latinum sermonem plurimum amasset, genuinam eius puritatem singulari diligentia sectatus*; vnde coniecturam cepit Caselius, eum, qui puerum primas litteras docuerit, nihil in minutissimis quibusque tradendis neglexisse: tanto litterarum flagrauit amore, vt absque eruditis sermonibus haud cœnarit; & sæpius vel poetam, vel historicum, vel oratorem, quam gemmatum calicem vino plenum in triclinium inferri curarit, pluresque libri, quam catelli Melitæi in curru eius visi sint. *Ciceronis* inprimis *epistolarum* lectionis tam cupidum fuisse Principem, referunt(b), vt has non aliter, atque Alexander

Ho-

(b) R. Reineccius in præfat. lib. 14 Annotat. 10. Glan-

Homeri carmen, Scipio Xenophontis Cyripædiam circumtulit, manibusque triuerit. Animaduerterunt interdum satellites, fruente venatione substitisse Dominum, nihil latratu canum permotum, nihil auersum ab instituta lectione, siue meditatione. Quum igitur litterarum amantissimum & erga doctos liberalissimum sese præbisset, minime mirum videtur, singularem eius virtutem, & perpetuam in Musas munificentiam Caselii multorumque aliorum ore esse celebratam (\*): quippe quos mirifica sua clementia suos reddiderat. Melanchthonem in primis, Camerarium, Georg. Fabricium, Adamum Siberum, in pretio habuerat, ad quorum litteras, quas subinde ad ipsum dederant, rescribere non dubitauit.

Ad summam singulas Germaniæ nostræ  
pro-

dorpii in Epist. Cicer. ad familiar. p. 511. vbi recens hoc atque in primis memorabile Io. Alberti exemplum omnibus Germaniæ nostræ proceribus non ingratum esse posse, censuit Reineccius.

- (\*) G. Fabricius in dedicatione, qua ei Militiæ factæ libros nuncupauit, inter alia præconia, quibus Principis summi virtutes celebravit, refert: *Te in optimorum studiorum rerumque utilissimarum cognitione versatum esse, scio: & tanta quidem ingenii facultate & copia, tanto iudicii acumine, ut & intelligas præclare, & sentias sapienter: & que in tanta dignitatis amplitudine virtus admirabilis est, bene sentientes audias, & admittas clementissime.*



prouincias aurea ista ætate Principes gubernabant, qui litteratos tamquam *laudum suarum pracones* fouebant, & mira dignabantur benignitate: dum ipsi plerumque cognoscebant, quid in quoque virtutis esset, atque litterarum, & in nemine non, quem cognouerant, virtutem & litteras liberaliter exornatum ibant. Quo clarius id appareret, illustre Io. Alberti, optimi Principis, exemplum, instar omnium, pluribus verbis Caselii ductu persequi volui. cui plura, nam in procliui erat, addere potuissem. *Iulii*, serenissimi *Brunsuicensium Ducis*, si longior esse cuperem, mentio in primis fieri deberet: cuius iuuentutem virtuti litterisque deditam Musis tam propitium sæculum valde suspexit, velut Principis optime aliquando merituri, & cognatorum paullo ante memoratorum vestigia, quod ad doctrinæ studia cum primis attinebat, insistentis (c). Io. Alberti similes

D d

Prin-

(c) vid. *Επιτάφιος* Princ. Iulio a Io. Caselio scriptus & an. 1589 Helmæst. editus; vbi ostenditur, plurimum in terris Brunsuicensibus exstitisse, qui cum armorum studio studium sapientiæ coniunxerint; postquam nemo ex ipsa nobilitate fuerat, quin, quum a filiis equos, arma, & quæ cum hisce cohererent, negligi passus non sit, tum plures litteris erudiri iusserit, facultate litteras in tot ludis apertis & florente *academia Iulia* discendi data. Se *Academiam* hanc, vti *filiam amoresque suos quotidie in ore habuisse*, sibi *que dormienti etiam cura eam fuisse*,

Principes *Latinum sermonem*, quum vniuersæ sapientiæ studiosis, tum regum filiis, non solum ob sapientiam, sed ob singularem etiam in omnibus Christiani orbis regionibus vsum, necessarium existimabant, quod maxima sæpe negotia cum exteris gentibus ac regibus eo ipso sermone gererentur, de quibus ab interpretibus erudiri non solum turpe principibus, sed & interdum periculosum videretur: tantum aberat, vt Germaniæ Principes ordine suo indignum crederent, quod quidam ad Alexandrum M. scripsit, *regium esse, cultissimam habere orationem*. Istius porro ætatis Principum illa cura erat (d), quæ paullo post ad pædagogos cœpit ablegari: & res academicas tantæ sibi habebant ii tum curæ, vt in intimam earum sese demitterent considerationem, confirmantes partim, quæ maiores bene ordinauerant, partim noua, eaque salutaria maxime, constituentes. Immo ipsos hos Principes in loca, plerisque fortunatis spreta hodie atque inuisa, sæpissime descendere

dicere solitum esse Ducem Iulium, confirmat Casellius: qui simul serenissimum eius Parentem *Henricum*, huiusque duos reliquos filios collaudauit; quorum natu secundus *Philippus* animum tam profunde imbuerat liberalibus disciplinis, vt doctrinas etiam viles ex Etrusco sermone in Latinum eleganter conuerterit.

(d) Morhof. Polyh. litterar. I, 24, § 44.

scendisse, legimus, in discentium profectus inquirentes, nec quemquam indonatum facile dimittentes, de quo virtutis ac doctrinæ spem conceperant: donis enim tironum ingenia excitari posse, sibi persuadebant, præsertim quum ii cognouerint, in litterarum spatio cum laude currentes munifice etiam a Patriæ Patribus adiuuari.

Quamdiu istiusmodi Principes imperabant Germaniæ; quibus nulli consiliarii gratiores erant, quam quos vna cum nobilitatis studiis litterarum etiam doctrina erudiuerat: quales *Duces Pomerania* quoque iisdem temporibus ostentasse dicitur (e): qui nemini prope secreta consilia committere consueuerant, nisi *nobilibus litteratis*: siue quamdiu Pontani, Carolouicii, Langueti, Peiferi, Mylii atque Cratonis similes, partim ipsa doctrina ducti, partim Dominorum suorum iudicio excitati, a consiliis Principum erant, a barbarie magnopere denuo metuendum non erat. Accedebat, quod ad summorum Principum, & Ducum, Imperatorisque exemplum minores etiam ordines sese componebant. Vt vnus IVLII PFLVG, *Naumburgensis Præsulis*, mentionem faciam: quotquot Germania eius ætate, quæ in aureum sæculum cadit, eruditos habuit, ad vnum omnes maximum cum ve-

D d 2

nera-

(e) Io. Sturmio in cit. præfat, in Golii Onomasticon.

nerati sunt Mæcenatem : summis ipsius in litteras merita ad cœlum efferentes laudibus. id quod Melanchthon in primis fecit (\*): inter quem & Iulium singularis intercescit vsus. Cuiuslibet præterea amplioris paullo Germaniæ ciuitatis *Senatus* doctos ac peritos ludi intra pomœria sua constituendi moderatores liberalibus satis oblati præmiis, tantoque certamine, ad se arcescitum ibat, vt, quo melius quæque Respublica erat constituta, eo liberalior erga studiosos tum existeret. Satis enim prudentissimi quidam vrbiū Senatores perpendebant, quantum ad omnis prosperitatis, diuinarum humanarumque rerum ac salutarium in hac vita actionum spem in puerili institutione situm esset: inde reliquo senatui hortatores atque instigatores erant, vt aliquos bonarum artium & litterarum peritos viros conquirerent, qui ciuitati in pueritia erudienda operam darent; quibusque con-

grega-  
 (\*) Camerarius in vita Melanchth. pag. 200. Multa de Iulio Pflug commemorat Io. Caselius in orat. funebr. Andr. Mylio scr. D. a. vbi, postquam ostendit, quantum is celeberrimis Italiæ doctoribus in sapientiæ eloquentiæque studio acceptum retulerit, pergit: *clarum erat viri nomen passim gentium: ipse acceptus regibus, & Carolo V imperatori sapienti, carissimus doctis per Europam omnibus: bene de patria deque vniuerso imperio mereri studuit, ac monimentis ingenii, hanc suam egregiam voluntatem ac potius pietatem testantibus, sempiterna memorię nomen suum consecrauit.*

gregatis eximius quidam apud se ludus aperiretur. Talis ludus ut in florentissima ceteroquin vrbe sua aperiretur, *Senatum Noribergensem* inprimis operam nauasse, pluribus verbis Camerarius ostendit (\*): cuius consilium in utili maxime atque necessaria re *Phil. Melanchthon* eleganti oratione prædicauit: quem Senatus scholasticæ rei apud se constituendæ causâ Witteberga aduocauerat (\*\*). Ipsum istum de reliquo *Camerarium* vna cum *Eob. Hesso*, aliisque optimis viris in recens de Melanchthonis sententiâ atque iudicio constituta Noribergæ schola docuisse, scimus. Cui vero obscurum est, quantas curas *Senatus Argentoratensis*, ac in eo cumprimis *Iacobus Sturmius*, paullo ante inter iureconsultos optime de melioribus litteris meritos nominatus, de ludo in celebri ac copiosa vrbe sua adornando suscepit?

Talia, quæ ad argumentum, quod tracto, spectare, quidam forsitan negabunt, hætenus persecutus sum, quo luculentius temporum istorum felicitas appareret, & ut causæ simul proderentur, quæ perfecerint, ut Germania

D d 3

tot

(\*) de vita Melanchthonis p. 104.

(\*\*) oratio, *in laudem nouæ Scholæ* inscripta, quæ an. 1526 in coronâ doctissimorum virorum & totius ferme Senatus Noribergens. habita est, T. I Declamat. Melanchth. p. 435 seqq. reperitur, copiosa sane atque elegans.

tot Latine doctissimos viros decem circiter lustrorum spatio numerauerit, quot omne fere reliquum ad nostram vsque memoriam tempus vix habuisse videtur. Omnes enim isti viri circa medium sæculum XV floruerunt, ita, vt paucissimi eorum ad octogesimum eiusdem sæculi annum vita processerint sua. Iuxta *honores* autem, *præmia*, summorum Principum *fauorem*, hominumque ardentissimum *studium* ac *emulationem*, litteras ab *Agricola* potissimum & *R. Langio* in Germaniam *translatas*, ab *Hegii* atque *Dringebergii* discipulis, optimo in primis *Reuchlino*, fideliter *propagatas*, a *Buschio*, *Hutteno*, *Nuenario* atque *Erasmo* fortiter contra humanitatis elegantiaque hostes *assertas* a *Melanchthone* denique, *Camcrario*, & horum discipulis feliciter *stabilitas* ac melius *munitas*, summa earum cultorum *concordia* & propensissima *bene de re publica demerendi voluntas* *factas testasque* aliquamdiu conseruauit. Quam firmum vtrumque hoc studiorum columen, & quam artum doctorum hominum exstiterit isto tempore vinculum, supra intelligi potuisse, arbitror, vbi dictum est, Melanchthonem, præterquam quod puerilia studia grammaticis præceptis adiuuare haud dubitarit, sua sæpius merita aliis adseripisse. De quo notatum etiam legimus

mus (e), ipsum pro doctrinæ publicæ, quam vrgebat, assiduitate crebro in ea loca, & ad illas horas Wittebergæ venisse, quibus collegæ aliquid docuerint, & apud discipulos assidentem profitentes audiuisse: quo factum esse, addunt, qui id commemorant, vt hi magis attenti, & existimatio ipsorum melior esset, & discipulorum retineretur frequentia. Sæculum porro erat, quo cruitos non pudebat, ab iis, quos non ita multo ante in disciplina sua habuerant, petere, vt locos, qui in auctoribus obscuri videbantur, sibi explicare haud grauarentur (f). Tanta erat discendi proficiendique inter Germanos cupiditas. Vt multa paucis comprehendam: *Optimus tum atque humanissimus in Germania mos erat, eximius in tribuendo cuique, quod illi deberetur, candor: summa eorum, qui virtute & doctrina præstare viderentur, reuerentia. mira ad gratiæ reconciliationem facilitas, si quid*

D d 4                      forte

(e) in vita Melanchth. p. 71.

(f) eorum numero fuit supra laudatus G. Fabricius, qui ita ad Greg. Bersmannum, suum paullo ante discipulum, scripsit: *In carminibus Horatii locus est mihi obscurus, quem vt explicare ne graueris, quum otium est: & ex eodem veteris principis poetæ inuestigare, si quo modo fieri potest, etiam atque etiam peto.* Epistolam Fabricii, qua id petit, inuicias cum multis doctissimorum virorum ad Bersmannum epistolis aliis, P. I Poematum huius pag. 334, edit. an. 1592.

*forte simultatum incidisset: in consuetudinis & familiaritatis usu nihil fœcatum aut exulceratum: discendi, quod ignoraretur, inflammati studio animi, & nullus in consitendo pudor: nullum persequendi occasiones tedium, neque fastidium audiendi: in primis autem parata bene meritis grati animi memoria. Quæ dilucida maxime Camerarii verba (ff), quibus aureum istud sæculum egregie delineatur, addenda censui, ne Melanchthonis auum temere aureum, Musisque longe optatissimum appellatum a me videretur; & quo facilius hætenus a me scriptis fides haberetur, tempore, quo diuerso plane more viuunt. Idem istud sæculum Caselius felix prædicauit (g), quod eo in Germania primum quasi e terra sinceræ litteræ, numquam antea ibi fatæ, natæ viderentur.*

Si vero quis certius ac clarius, auctarii quasi loco, desiderauerit testimonium; tale eiusdem Caselii, æquisimi scriptorum censoris, *ad Io. Reccium Goslariensis reip. Consullem epistola*, supra nominatim a me allegata, præbebit. qua scilicet aliquot *non vulgari doctrina præditi nationis Westphalicæ viri*, qui ipsa ista aurea ætate *de bonis litteris in Cisue- seranis prouinciis cum primis bene meriti sunt*,

pro-

(ff) in Narrat. de Eob. Hesso, A 4, b.

(g) in epistola quadam ad Theod. Adamium.



proferuntur; singulari eorum in formandis ingeniis & in dicendo exercendis industria prædicata. Namque foilertes hos maxime in erudienda ætatis eius iuuentute magistros non ita aberrasse, ostendit Caselius, vt philosophos ante annos fingere se, ostentassent; quum *dicendi potius artes a puberibus ad detustatis monumentorum lectionem sedulo inuitatis degustari vellent.* Id quod *Herm. Tulichium, Io. Riuium, Marc. Dabercusium*, supra laudatos a me viros, quam maxime voluisse, demonstrat. Quibus præter complures alios præclaros instituendæ iuuentutis artifices ex *Westphalia* oriundos (h), ARNOLDVM BVRENIVM addit & IO.GLANDORPIVM. Illum, cui inter omnes populares primas tri-

D d 5                      buit,

(h) Priusquam eos recenset, de *doctis Westphaliæ viris* generatim ita loquitur Caselius : *Neque enim vel hoc obscurum est, & absque contumelia dici potest, quod ab illis etiam ipsis ante annos centum celebratum fuisse, inficiari nemo potest, [sunt enim monumenta in manibus lepida & salsa] ex gente populoſa, quam patria omnem capere posse vix videatur, transire quotannis in has citeriores regiones non ad Albim solum, sed & ad mare Balticum, ex humilioribus plures, nec nullos ex litteratis, fortunas sibi & sedes questum. Quum enim & ingeniosi sint multi, & parati ad honesta obsequia, & laborum tolerantes & industrii, facile sibi benevolentiam apud nos bonis artibus inueniunt, & absque inuidia inuentur honestum inter nostros locum, quorum porro elucet fides & integritas.*

buit, summa sua industria & præclara eruditione vnum & primum collapsam *Megapolitanam academiam* erigere cœpisse, adfirmat, quum relictis rebus magno studio id egerit, vt auditores saperent, & virtutem colerent, & iis potissimum magistris vterentur, qui ad informationem animi simul & linguæ recte ducerent (i). De *Io. Glandorpio*, quem secundo

- (i) quod prudentissimum suum consilium ipse Burenus vberius explanauit in elegantissima oratione de *Disciplina Scholæ Rostochianæ*: quæ vna cum Melanchthonis præfatione, in qua *Burenus senex eruditione, virtute, & eloquentia excellens* nuncupatur a Melanchthone; in huius Declamat. T. IV p. 176 seqq. reperitur, scorsim antea Wittebergæ an. 1556 edita. Si plura de præstantissimo oratore perdiscere voles, ea Hamelmanni opuscula te edocebunt: lib. III de Viris in Westphalia scriptis illustr. p. 168, Oper. histor. scripta eius, numero non adeo multa, recensentur: & pag. 1447, lector ad *Nath. Chytrei* de Arn. Burenio orationem ablegatur; quam Caselius etiam citauit: qui satis verbosam etiam atque perhonorificam Bureni eruditionis meritorumque mentionem fecit in Io. Alberti Ducis Megapol. Laudatione D. I. vbi recenset, optimum virum iussisse adolescentes, & linguam excolere, & perpolire vitam, indicantem, & subinde iterantem, *eloquentiam ex Latino oratore peti, scientiam ex Græco philosopho*: nihil videre, qui hoc non viderent. Hanc ipsam rationem admirari se cœpisse, addit Caselius, sequendamque sibi quoque putasse; quum meliorem inuentam non esse, ex re ipsa comperit eum, quum doctissimos viros audiuiſſet dulcior,

cundo a Burenio loco inter recensitos populares collocauit, aliquot paginis agit ibi Caselius; vna etiam re Burenio superiore, quod plura ingenii monimenta reliquerit, non solum quod erudiendæ primæ ætatis veram rationem princeps in diuersas Cisuefranorum oppidorum scholas attulerit (k). *Vir*, non  
Caselii

doctissimorumque monimenta accuratius euoluisset. Fusius quoque idem Caselius de Burenio egit in orat. funebr. Andr. Mylio scr. F. 2.

- (k) de *Glandorpio* eadem Hamelmanni opuscula eximia multa commemorant, in *Apolo*gia altera pro Westphalis contra Iusti Lipsii calumnias Oper. hist. p. 143I, *Rein. Reineccius* vitam Glandorpii edidisse dicitur; quam *Albert. Lenicerum* oratione & carmine docto etiam descripsisse, in *Historia eccles. renati Euangelii* pag. 1045 adfirmauerat, neutrius commentationem ego vidi. At multa de Glandorpio perdidici ex R. Reineccii præfatione, quam eius *Romane Historiæ Onomastico*, Francofurti an. 1589, atque ita viginti quinque annis post auctoris obitum in fol. edito, præfixit: plura, ex eiusdem Reineccii quatuor præfationibus siue dedicationibus, Glandorpii *Annotationibus in M. Tullii Ciceronis Epistolas ad familiares* an. 1580 Basileæ 8 editis, partim præmissis, partim ipsis Annotationibus insertis, p. 179. 360. & 509. in quibus non tantum Annotationes, earumque auctorem laudat, sed multa etiam de semet ipso suisque fatibus narrat. Ad *Annotationes* ipsas quod attinet, se has, veluti *thesaurum eximium*, ubicunque vixerit locorum & gentium manuscriptas secum circumduxisse, adfirmat Reineccius, quum earum ope in Ciceronis epistolis extra salebras facillique & expedita via proce-

Casellii modo, sed grauissimorum etiam censorum aliorum, iudicio, *magni ingenii, animi non abiecti, diligentiae incredibilis, iudicii dextri*. cui propositum fuit, vt rem litterariam ornaret, & recte educaret pueritiam, non ad opinionem aut vimbram aliquam doctrinae:  
&

dere liceat. quandoquidem nullus pene angulus in iis relictus videatur, ad quem Glandorpii lima non penetrarit: quo neminem quoque *Romanam Ciceroniani temporis historiam* exquisitius enucleasse, iudicauit. Licet vero optimus Glandorpius posteritatem excellentis ingenii sui monumentis, & iis, quae viuis edidit, & postumis, magnopere sibi deuinxerit: nescio tamen, annon posteritas aequae magnae ei habeat gratiam, quod suo studio, quod in erudiendo *Reineccio* collocauit, effecerit, vt Germaniae gloria summa huius eruditione non parum sit adaueta. Quantum debuerit Reineccius Glandorpii disciplinae, cui quatuordecim annorum adolescentulus traditus fuerat, quum is an. 1555 in hac ipsa vrbe, vbi haec scribo, scholae praeset publicae, ipse in citatis praefationibus exponit. id etiam ex *testimonio* patet, quod Reineccio a fidelissimo hoc suo praefectore tum impertitum est, quum iactis iam apud eum fundamentis in academiam cogitaret; primae praefationi adiectum: quo confirmauit Glandorpius, Reinerum suum eam praestitisse diligentiam, vt, quum primos tantum nominum & verborum flexus tenens ad se venerit Hannoueram, tunc *Latinae linguae probe sciens & in vtraque orationis facultate perinde felix, tinctus etiam litteris Graecis* ad parentes sit reuersus: id quod an. 1559 accidit: vnde de magna Glandorpii in docendo dexteritate,

& qui *historia Romana* magnam attulit lucem; dignissimus præterea, qui *felicioribus Germania* adnumeretur *poetis*. Glandorpii huius ætatem *omnem elegantis bonæque doctrine in Cisneseranis regionibus lucem Melanchthoni debuisse*, expresse fatetur Caselius. Omnes certe, quos in elegantissima epistola laudauit litteris formandæ iuuentutis artifices, *Melanchthonem* suum coluerunt *magistrum*. immo cuncta *Germania communem*, vt vidimus, venerata eum est *Præceptorem*.

## CAP.

egregia Reineccii indole, & magna simul sæculi felicitate potest diiudicari. Quo paullo post, quam Reineccius Hannoueranam scholam frequentare cœperat, Glandorpius commigrarit, & quibus præterea fatis vsus sit, ex Hamelmanno, & Reineccii præfationibus transcribere nolo. quorum ille lib. IV de Viris in Westphalia eruditione illustr. p. 192 Oper. Histor. lucubrationum ab ipso Glandorpio emissarum dedit indicem. docuit etiam, tantum virum ex *Mummellii* schola prodisse; quem *Melanchthon doctissimum pubis informatorem & historiarum exactum scrutatorem, prudentem denique ingeniorum censorem* appellarit, & quo una cum *Herm. Buchio Marpurgensis academia eloquentiorem habuerit neminem*.

## CAP. VI.

*Latinae linguae omnisque elegantioris doctrinae cultura eadem Melanchthonis aetate, qua ad summum in Germania adscenderat, retro sublabi iterum visa est. cuius mutationis culpam an Lutherani sustineant, & utrum b. Lutherus bonarum litterarum vindices invidia saltem degrauarit, quemadmodum quidam statuerunt, inquiritur: utroque negato, maior, aequae magnae certe, Latini sermonis contemptio in Papatu deprehensa esse ostenditur: eiusque aliae ac diuersae recensentur causae. Optimorum Romanorum scriptorum imitatione neglecta, Apuleiani, obsoletaeque antiquitatis adfectatores prouenerunt, minus tolerabiles, quam Ciceroniani. Adagiorum abusus saeculi stilo non parum quoque obfuit: quem temeraria Criticorum Ramistarumque soboles neutiquam adiunxit. Quantopere docendi ratio degenerarit, & a superiorum temporum felicitate omnia sub saeculi XVI exitum in Germania discreparint, luculentius nemo declarasse videtur, Casp. Hofmano. Irruenti barbariei strenue obuiam inter Germanos iuerunt Io. Sturmius & Io. Caselius singulari Germaniae fato exorti, & de Romano sermone feliciter vindicando praeclare meriti viri.*

*Stur-*

*Sturmii collegis, successore, discipulisque nonnullis simul laudatis, pauci quidam eiusdem sermonis assertores, ex aurea ista ætate in Germania exeunte sæculo XVI reliqui, nominantur: horumque de discordia, eruditorum animos quam maxime dissociante, Mæcenatum paucitate, & aliis incommodis, quæ, Latine linguæ vniuersæque humanitatis studio perquam molesta atque noxia, eruditos in contemptum sensim adduxerunt, adferuntur querimoniæ.*

**R**omanorum quondam oratorum laus eadem Ciceronis ætate, qua ab humili ducta ad summum demum peruenerat, senescere etiam breuique in nihilum ventura iterum videbatur (a). Idem & Melanchthonis tempore, quo Latine linguæ ac vniuersæ elegantioris litteraturæ studium ad summum itidem apud Germanos peruenisse, non obscure hætenus, ut spero, a me demonstratum est, accidit. Ioach. Camerarius tantam Germanorum contentionem tam celeriter sua iam ætate repressam, & ardorem istum extinctum esse, ægerrime tulit (b); paucissimos iam tum existisse, conquestus, qui elegantiora studia vel coluerint, vel admirati sint, vel omnino

(a) Cic. Quæst. Tuscul. lib. II, c. 2.

(b) in Narrat. de Eob. Hesso, init.

omnino respexerint, atque curarint. Quare, quum *litteras* tanti antea æstimatas, tantoque studio ac labore ab interitu prius vindicatas, *nugas*, & in *vita communi* tamquam *lusu* *puerilium αἰδύματα*, existimari iam a multis, cerneret; ne de bonarum artium studiis futurum quid esset, valde metuendum ipsi videbatur: præsertim quum *Principibus* nonnullis *nihil regium* denuo videri cœpisset, *nisi quod αἴματον* putabatur: id quod Melanchthon etiam vehementer doluit (c). Quod igitur *Petrum Victorium* longa sua ætate in Italia nactum esse, in præfatione vidimus, ut *litteras* in Italia *renascentes* viderit, & pene iterum *extinctas*: idem *Camerario* in Germania contigit: quem *Caselius* etiam cum *Victorio* & ætate, & statu corporis, & sermone, & bonitate ac varietate optimarum disciplinarum, & seueritate comparare alias consuevit (d). Res, quod mirum sane, non parum Melanchthonis iam ætate labefactata, vna cum vergente XVI sæculo ita ad interitum ruere simul visa est, ut septuagesimo sexto eiusdem huius sæculi anno Io. Sturmius non absque animi dolore senserit (e): *barbariem in ciuitates & aulas Principum, in scholas*

(c) Declamat. T. I, p. 366.

(d) in Elogio Bartoli Richii A. 2, b.

(e) Præfat. in St. Doleti Formulas L. I.



*scholas etiam academiarum partim clam irrepere, partim etiam impetu & vi quadam aperte denuo inuadere.* Io. Caselius nonagesimo quinto eiusdem sæculi anno dolenter admodum quæsiuit (f): *Quotusquisque Latina lingua studet, sic, ut eius vim & puritatem noueris?* posteaquam viginti amplius annis ante satis demonstraauerat (ff), in reliquis ingenuarum litterarum pestibus hanc quoque esse, quæ *litteris perniciem creatura*, demum videretur, quod *Latina lingua tantopere aut negligeretur, aut aliter, quam fieri conueniebat, disceretur, atque non tantum ab adolescentibus, sed & ab iis, qui egregios ipsius se profitebantur magistros, perperam tractaretur.* Eam scilicet opinionem plurimorum sensim animos peruasisse, ostendit idem præstantissimus vir (g); ut, *humaniora studia puerorum esse, nec nisi puerilia, & tales lectiones otiosis hominibus relinquendas, quibus libeat tempus fallere, uti alii totos dies pilæ fallant, aut alea, statuerent.* Mart. Crusius quoque querimoniam circa idem tempus instituit (h); *bonas litteras & disciplinas sordere iam cæpisse: & quum eruditorum ho-*

E c                      minum

(f) in epistola ad L. Fr. ab Hoim in altero Caselian. epistolar. volum. a Fuchtio edit. p. 65.

(ff) præfat. Aldi Manutii Phrasib. præm.

(g) in epistola parænet. ad Greg. Cernicouium.

(h) Annal. Sueu. lib. IX, P. III, c. 8, p. 508.

minum copiam paullo post Melanchthonis ænum despicatui esse, cerneret, ne res, postquam in summo steterat, ad barbariem rursus decideret, veritus est.

Complures eiusmodi eruditorum hominum a medio sæculo XVI viuentium querelas adducere possem sine negotio. At illæ, quas adduxi, tanti ponderis mihi esse videntur, vt neminem fidem iis derogaturum credam, quum a grauisimis profectæ sint viris. Quorum ipsa verba nisi protulissem, difficulter admodum, si meis præsertim id adfirmassem verbis, persuasissem forsitan quibusdam, tantam subito rerum exstitisse mutationem; & Germanos tam facile ad alia prorsus animos deflecti passos esse. Erasmus omnis mutationis, ipsius atate iam tum intentatæ, culpam in Lutheranos transferre visus est: scribere saltem haud dubitauit: *Vbicunq̃e Lutheranismus, ibi litterarum est interitus* (i). & alibi: *Euangelicos istos, quum aliis multis, tum illo nomine præcipue odi, quod per eos vbique languent, frigent, iacent, intereunt bonæ litteræ, sine quibus quid est hominum vita? Amant viaticum & uxorem, cetera pili non faciunt* (k). Quam eruditissimi viri adfirmationem ita miror, vt, si partium studio captum se nusquam prodidisset, ista tamen scribentem aper-

to

(i) lib. XIX, ep. 50. (k) ep. 56, eiusd. libri.

te id prodidisse, censeam. Negari quidem non potest (I), non parum multos, Reformationis opere etiamnum feruente, inter Lutheranos repertos esse, qui *insciati, dicendi artium scientiam ad Theologicarum litterarum tractationem conducere*, bonorum cursum retardauerint: quum error, ceu contagione quadam late vagatus, plurimos ceperit tum; qui, ne non valde theologicari viderentur, humaniores disciplinas omnes contemnendas decreuerant. Sed quis adfirmare ausit, omnes Lutheranos ita statuisse? *Melanchthon* certe, vt serio istiusmodi homines theologicarentur, eaque praeſtarent, quæ Christianam mentem decerent, exoptauit; vehementer dolens, *Theologicum nomen ignavia* tantum a quibusdam *prætextum* esse; qui nihil minus de reliquo fuerant, quam quod profitebantur. & ipse *Lutherus* Erasmo aperte falsus est (II), *per litteras ad sinceram Bi-*

Ee 2

blio-

(I) id quod ipse *Melanchthon* in *Encomio Eloquentiae* T. I Declam. p. 410, professus est; de eadem re in orat. *Noribergæ* hab. in laudem *Nouæ Scholæ* p. 438, ita conquerens: *Errore quodam vulgi scholæ deferuntur. quidam enim stulti concionatores a litteris abstrahunt; magna pars ventri metuens, ad questuosas artes se recipit, postquam spes abiecta est sacerdotum redditibus victitandi, quos solos laboris sui præmia esse, putabant.*

(II) in epistola, quam an. 1524 ad eum scripsit, *Pirckheimeranor.* Appendici insert. p. 396, seq. alibi ita

*bliorum lectionem veniri*; quas quum in Germania florentes viderat regnantesque, mirifice lætatus est; tamquam de singulari beneficio, quod supremum Numen in genus humanum postremis his temporibus benigne contulerit. In summa, beatus *Lutherus*, & qui operam suam in diuino Reformationis negotio summa fide ac prudentia ipsi commodauit, *Melanchthon*, bonas litteras tanti omnino fecerunt, vt nemo Pontificiorum in cuncta Germania pluris eas fecisse vnquam, videatur: siquidem eas magis magisque excitatae, & ad posteros propagatas quam maxime, summoque studio voluerunt; non ignorantes, *quantum linguarum scientia, optimarumque artium studia ad cælestem doctrinam a traditionibus humanis purgandam contulerint* (m): nec quemquam inter vere doctos

Lu-

locutus est *Lutherus*: *Deus a leo nobili dono* (linguarum peritia) *cumulata liberalitate Germaniam nostram præ ceteris penè omnibus gentibus donauit, videmus autem, quomodo Satanas per Academias & Monasteria his studiis semper fuerit reluctatus.* ipsius & hæc verba sunt: *Ignorabant omnes, quum primum emergerent lingue, quo consilio diuina sapientia linguas in lucem prodire sineret, donec re comperta videmus, hoc Euan-gelii instaurandi causa factum esse.*

(m) in qua veritate demonstranda *Melanchthon* longus est orat. de *Utilitate Ppi o-phie* T. I Declamat. p. 326, multis argumentis ostendens, *Ecclesia opus*

Lutheranos repertum, arbitror, quin diuino plane beneficio factum statuerit, vt litterarum *παλιγγενεσία* clarissimæ Euangelii luci, ceu Phosphorus præiuerit (n). Neque dubito, quin multi inter Lutheranos Vlr. Hutteno adhuc assenserint, scribenti (o): *Post-*

E c 3

quam

*esse liberali eruditione & non tantum cognitione grammatices, sed & aliarum multarum artium & Philosophiæ scientiæ. Ipsarum artium dignitatem & vim ex nulla re magis conspici posse, arbitratus est Melanchthon, quam si videamus, quantum opus sit illis in ecclesiâ, quantis tenebris obruat inscitia religionem, quantam vastitatem, quam horribiles dislipationes Ecclesiarum, quantam barbariem & confusionem totius humani generis pariat.*

(n) id quod idem Melanchthon his verbis exposuit: *Nuper quum respicere adflictos iterum cœpisset optimus Pater, essetque redaiturus nobis Euangelium, pro sua liberalitate & litteras restituit, quibus Euangelii tractatio adiunaretur. in obscuro certe non esse, addit, bonis quibusdam viris auxilio fuisse litterarum scientiam, in Theologia restituenda.*

(o) præfat, in Neminem B. 2, a. Melanchthon fane assensit, qui in orat. de *Studiis corrigendis* T. I Declamat. p. 500, monstrauit, *ecclesiâ, litterarum usu destitutâ, veram ac germanam pietatem traditionibus humanis alicubi mutasse. in Encomio Eloquentiæ, eiusd., T. p. 413, 415, Germaniæ iuuentutem sedulo cauere iussit, ne bonas litteras contemneret, quum haud dubie futurum tum esset, vt, optimis neglectis, omnes sacra bonæque res pessimi irant: litterarum enim inscitiam publicam comitari solere impietatem: & certissimum diuinæ iræ putandum esse exemplum, si quando accideret, vt litteræ mundo eriperentur.*

*quam discessum est ab illa veteri & Germana Theologia; tum vero cum studiis declinavit simul religio, ac illa increbuit omnium pestium pestilentissima superstitio. quæ sua caligine ita verum Dei cultum infuscavit, ut nescias, Christi sint, quæ observas, multa, an alicuius novi dei, qui hoc sibi vindicet ultimum mundi tempus. Habent tamen, de sui sæculi Theologistis fari incipit Huttenus: pessimorum librorum magnos acervos: ac dum istos negligunt antiquos, & recte doctos auctores, in his*  
*ver-*

quare quos pietatis teneret studium, ii vel Christo, vel publicæ necessitati Ecclesiæ hoc officii præstarent, suavit, ut recte loqui dicerent; ne litterarum imperitia res omnes humanas atque divinas labefactaret: nihilo faniore, superioribus sæculis, existente posteritate; cui tolerabilius fore, existimavit, pestilente aut annonæ caritate plecti Ecclesiam, quam eiusmodi abiecta plæve amentia. Singularem in eam rem de Studiis litterarum non deferendis orationem conscripsit salutis reipublicæ Christianæ cupidissimus vir; qua litteras non deferendas esse, docet, etiam si nullus amplius iis haberetur bonus, & ingentia discentibus odia proposita essent, atque pericula. inuenies orationem hanc T. IV Declam. pag. 415. Huc spectat quoque oratio de Necessaria Coniunctione Scholarum cum ministerio Evangelii, & pia maxime & erudita: qua ex omni historia plane ac dilucide commonstratur, fuisse semper adiunctas scholas Ecclesiis, & amissis litteris Evangelii lucem extinguui. quare eiusd. T. p. 434, sapientes gubernatores, ut Ecclesias, ita Academias, cura sua complecti debere, iudicat.

*versantur nugamentis, & in scripturarum sordibus, non secus ac in luto Scarabeus, deliciantur.* Quod si itaque id Erasmi ætate statuerunt Lutherani: quis, quæso, fidem habiturus esset summo viro, cos effecisse, *vt litteræ in Germania sint neglectæ?* quas potius adiutas maxime voluerunt atque conseruatas: quod non ita obscure a me præcedente capite declaratum esse, mihi persuadeo. Quando autem illi homines, qui nihil præter *hæreses, schismata & Antichristos* in ore habuerunt, atroces nugis suis excitantes tragœdias, tum, quum Lutheri lucubrationes prodirent, exsiluerunt, gestiuerunt, atque gauisi sunt, perinde ac si *præclara & dudum exoptata bonas litteras ledendi per Lutherum data, ipsis esset occasio:* Erasmus Lutherum insimulare posse sibi visus est, quod is *bonas litteras inuidia saltem degrauarit,* & Erasmo & reliquis studiorum caussam agentibus exitiabili, ipsique Luthero infrugifera, nec posteris profutura (p). At hunc culpa vacare, arbitror; siquidem ipse Erasmus ad Fridericum Saxoniae Electorem scripsit, improbos istos homines, quibus perpetua nocendi fuerit voluntas, Lutheri negotio apud mulierculas præsertim, & indoctam plebeculam, trium linguarum, eloquentiæ, politiorisque litte-

E c 4. ratu-

(p) passim in epistolis.

raturæ mentionem miscuisse, quasi aut Lutherus his præfidiis fîsus esset, aut ex hisce fontibus hæreses nascerentur: quam impudentiam, plusquam sycophantiam, optimis quibusque non displicere non potuisse, censet Erasmus. Neque diffitetur hic in epistola, qua Bilibaldum suum compellat (q), theologos quosdam, antiquis studiis renascentibus, sensisse, auctoritati suæ paulatim aliquid decedere; nihil non in Erasmus, per quem litteras in primis renasci animaduertebant, molitos; *etiam priusquam Lutheri nomen, audisset orbis.* Quid multis verbis opus est? res sole clarior est, Lutherum, Melanchthonem, & reliquos, non religionis modo, sed oppressarum simul litterarum, reductores atque reformatores, licet non solis linguarum ac politioris litteraturæ præfidiis, in reformanda ecclesia, sed causæ suæ bonitate ac diuina ope fîsi sint; rem tamen Christianam præfidiis istis & ornare & iuuare studuisse. Quod ipse Erasmus testimonio suo confirmasse videtur, vbi *Fridericum Saxonie Ducem*, paullo ante laudatum, cuius solius præsidio substituisse Lutherum alibi scripserat (r), *rem Christianam linguarum ac politioris litteraturæ*

(q) ep. familiar. Pirckheimer. lib. ep. 33. quæ inter Erasmi epistolas est 28, lib. XXX.

(r) ep. 4, lib. XIII.



*raturæ præsidii quum ornasse, tum inuissæ, prædicauit (s).*

Scripserat Erasmus: *Vbicunque Lutheranismus, ibi litterarum interitus. item: per Lutheranos vbique languent, frigent, iacent, intercunt bonæ littæ: amant viaticum & uxorem, cetera pili non faciunt.* Sed, vt vere dicam, nescio profecto, vtrum in *Papatu* litterarum studia longius abfuerint tum ab interitu, ac diutius facta ibi sint conseruata, quam apud Lutheranos, Erasmo tam inuissos (\*). Hoc quidem boni habuit tum Pontifi-

E c 5

ca-

(s) ep. 14, eiusd. lib.

(\*) Neque vero ab ipsis Pontificiis magnam gratiam suo in Lutheranos odio iniisse videtur Erasmus: nam vt de ignauis monachis, quos, velut crabrones, in se irritauerat, nihil amplius addam, & alia minus honorifica Pontificiorum de ipso iudicia taceam: tantum Melch. Inchoferi verba ex historia S. Latinitatis lib. I, cap. 19, p. 36, apponam: *Vbi Concilium Tridentinum controuersis forum aperuit, constitere viri docti, & Latini non pauci, qui adfirmatione veteris doctrinæ, rem Catholicam eloquentissime vindicarent: Echii, Rossenses, Cochlei, Mori, Poli, Hosii, Ioannes Fabri, Alberti Pii, deinde Sanderi, denique serius Campiani, plures alii, quibus adnumerari & tu, Prothæe Batauice, poteras, nisi pietatem stilo vulnerasses.* Quum igitur Erasmus & Pontificiorum fauorem confectaretur, & Lutheranorum beneuolentiam simul conseruare vellet, idem ei accidisse videtur, quod iis, qui duabus sellis sedere cupiunt; quippe qui minus commode plerumque sedere solent.

catus, quum Erasmus Lutheranismum negligentiae, & nescio quorum aliorum criminum, insinulauit, vt, tametsi emendationis atque correctionis impatiens is maxime erat, *litteratos tamen homines, magnosq; viros amplissimis praeiis ac summis honoribus adfecerit*; vt essent, qui Maximo Pontifici contra aduersarios opem ferre perseuerarent; & vt Sedes Romana potentiam suam contra puriorem religionem atque doctrinam per eos retineret. tanta valebat Pontificatus calliditate! a Io. Sturmio scienter detecta (1). qui postquam quaesuit: *Quid calliditas contra veritatem? contra religionem? contra mortem? contra reditum ad vitam? contra triumphum Christi?* pluribus docet, eloquentiam, si contra veritatem adferatur, a virtute remotam esse, & apud prudentes locum non habere. Itaque Lutheranos æquo animo ferre potuisse, arbitratus est Sturmius, Pontificem *Alexandrum, Sadoletum, Polum, Bembum*, magnos sane viros, & doctissimos homines, sibi comparauisse. *Quid enim homines, inquit Sturmius, aduersus Christum? quid aduersus veritatem auctoritas?* quæ veritate conseruatur, errore vero amittitur. Sed fac, Italiam Sadoletum Erasmi ætate ostentasse,

Bem-

(1) in Gymnasii Argentorat. Luctu ad Ioach. Camera-  
cium D. 2. 2.

Bembum, Polum, & reliquos excellentissimos, si eruditionem spectes, homines: literas tamen æque ibi deinceps iacuisse, Romanique sermonis cultum æque ibi neglectum esse, ac in Germania, in præfatione strictim commemoravi. idque sine *Lutheranismi* culpa contigit; utpote quem Inquisitionis fida eo penetrare passa non est. Sed quid, quæso, in causa fuit, cur in iis etiam Germaniæ regionibus, quo eidem *Lutheranismi* aditus est præclusus, Romanus sermo pariter sit contemptus & æque magnus litterarum fuerit interitus. Anno MDXXV scripserat Erasmus: *Longe plures fauent Luthero, qui neque Græce sciunt, neque Latine: multo plures his litteris instructi pugnāt cum Luthero: certe Louanii nullus est ex hoc genere non alienissimus a re Lutherana. Cardinalis ab Alta Ems, Constantiensis circa ista tempora Episcopus, a re Lutherana alienissimus existit; & tamen Latine linguæ tam ignarus fuit, ut barbara maxime sæcula, supra perlustrata, vix rudiorem habuerint episcopum. Inscitiæ suæ luculentum in colloquio cum Ferdinando Imperatore, is dedit aliquando specimen: Nam quum Imperator Constantiam venisset, & episcopus ipsum adiisset, ille hunc ita allocutus est: Memento, te esse piscatorem hominum: da igitur operam, ut multos Christo*  
*lucri-*

*lucrifacias*: tum episcopus, Latinæ linguæ rudis prorsus, recordatus tamen, *Pisces* a Germanis vocari *Fische*, respondit Imperatori: *Ia, allergnädigster Herr Kayser, es hat sehr gute Fische im Costnitzer See.* Quo responso Imperator valde offensus esse dicitur, indigne admodum ferens, tam *indoctos* ac *rudes* Ecclesiis præfici solere Episcopos. Idem hic Episcopus, quum Cardinalis, Romæ hiberno tempore mulo vectus, cum aliis Cardinalibus obequitaret, & quidam de frigore quererentur, interlocutus est: *Est magnum frigus*: ne videlicet Latinæ linguæ expers. penitus videretur. quod ubi familiares audiuerant, unus ex iis terminationem correcturus, in aurem ei insufurrauit, *gus, gus.* errorem igitur quum corrigere vellet Cardinalis, repetiit: *Est magnum friguncus.* quo factum est, vt Cardinalis *Friguncus* deinceps sit appellatus (sf). De huiusmodi Episcopis vere dici potest, quod Melanchthon olim de *Regulis* quibusdam dixit: eos *ita crassos fuisse, vt litterarum pretium haud intelligerent*: qui etiam, se vsquam *infestiores bonarum artium hostes*, quam in *sacerdotum sodalitiis*, Quæ etiamnum ætate, vidisse, negauerat (t). Ipse Erasmus,

(sf) vtramque historiam narrat Io. Zwingerus in orat. de Barbarie super. tempor.

(t) in orat. in Laudem *Novæ Scholæ* Noriberg. hab. T. I Declam. p. 438, seq. quando vero Erasmus Luthera-

Erasmus, inter Pontificios tales se expertum  
esse

nis exprobrauit quasi, quod *uxores suas amauerint*,  
Sturmii grauisima, & ad Erasmi adfirmationem,  
*Lutheranos cetera pili non facere*, refellendam apta  
maxime, verba, ex eius, & gymnasii Argentoratens.  
ad Ioach. Camerarium Luctu, D. 3, b. 4, a, opponam:  
*Episcopi, Canonici, Clerusque plus presbiterii in*  
*astutia & calliditate, quam in doctrina & religione*  
*esse putant. Illud etiam perspicuum signum est,*  
*fore aliquando, ut omnis ab ipsis tollatur dignitas:*  
*quod postquam istae offensiones religionis natae sunt,*  
*viciosius & turpius viuere instituerunt, quam antea:*  
*atque ita viuere, quasi auctoritatem conseruare non*  
*possint, nisi huiusmodi licentiam vitiorum retine-*  
*ant: quum nulla via sit alia ad tuendas res contra*  
*potentiam magistratus & populi importunitatem,*  
*quam correctio doctrinae, emendatio disciplinae;*  
*qua efficerent, ut nos sine causa ab ipsis secessionem*  
*jecisse videremur, & recuperarent veterem auctori-*  
*tatem. quod quoniam non fit, sequuntur huiusmodi*  
*genus vitae, quod apud omnes contemptum est, & cuius*  
*ipsos quoque, quoties de se cogitant, pudet.*  
Postquam aliquot paginis comprobauit matrimoni-  
um per se malum non esse, nec Ecclesiasticae curatio-  
ni contrarium D. 8, b, seqq. pergit: *Veruntamen*  
*interdictum fuit, ut ne uxores ducerent sacerdotes,*  
*sed ut reliquis molestiis liberarentur, omnem curam*  
*in Ecclesia & religione ponerent* Nostris vero tem-  
poribus, quid simile illi instituto? quid est, quod ex-  
cusari, nedum defendi possit? necessarium rerum  
curatio ab ipsis opum copia atque affluentia sublata  
est: pro eaque aliam suceperunt, ambitionis, auari-  
tiae, conuiuiorum, luxus: nullius rei minor apud  
ipsos sollicitudo est, quam doctrinae, disciplinae, reli-  
gionis, Ecclesiae: & pro calibe vita, omnis impuritas

esse *theologos* conquestus est, ut similes nus-

quam

*usurpata est: quae consuetudinem patronam habet: sed consuetudinem solum, camque vitiosam & pessimorum temporum. ideoque quum caput esse uxorum nollent, scortorum membra voluerunt existere: & ut ne uxoribus honestate amoris, & caritate, atque prudentia praessent, & liberos ad religionem & communes utilitates educarent; concubinas dominas compararunt: quas ubi semel ablato pudicitiae flore domi habent, nec quamobrem retineant, nec ob quam dimittant, causam inuenire possunt: dominas ergo esse in familia patiuntur: dominas etiam in thoro & lecto: infidas in re familiari, non consociatas amoris & matrimonii religione: sed vetitis nuptiis adiunctas: ideoque & in beneuolentia infideles, summa cum turpitudine Ecclesiae, & maxima sanctissimi ordinis infamia. liberos suos spurios notbosque, quam legitimos, esse malunt: pudet eos paterni nominis: filii nomen ipsis infame est; infamis generis sui sanguinisque propagatio: atque haec scilicet omnia incommoda ferunt, ut omni cura sordida, atque illiberali liberati; ad Ecclesiam accedant, religioni operam nauent, disciplinam sacerdotum clericorumque, ut incorruptam virginem, conseruent. o virginem, o disciplinam, o clerum, fortem Ecclesiae, o vacationem! in regum aulis sunt: in regum non solum conciliis, sed etiam venationibus, pugnis, amoribus, versantur: & quoniam vitae dissolutione a ceteris hominibus non differunt, & virginalis illa disciplina in crassum putidumque scortum euasit, impurum caelibatum retinuerunt: & vestium se generibus a reliquis hominibus seiunxerunt, calibes homines, ecclesiastici pastores, ut ne quid scribam grauius; & metuo, ne haec ipsa reuementiora, quam deceat, esse videantur. sed ignoscendum est merenti*

quam gentium *lenones* existere, credidisse se, adfirmarit (tt).

Tantum igitur abest, ut bonæ litteræ per Lutheranos interierint, ut laus, Germaniæ ob litterarum, Romani in primis sermonis, studium diligenter excultum debita, per ipsos magnopere sit amplificata. Tantos sane humanitatis studio viros Pontificatus in Germania non habuit, quantos Lutheranismus producere potest, a Thuano, Huetio, & aliis summis inter Gallos, ipsosque Italos, viris, amplissimis laudibus illustratos. Alia omnino contemptio, in quam litteras per cunctam ferme Germaniam a medio sæculo XVI adductas esse, doctissimorum hominum testimoniis paullo ante comprobaui, causa exstiterit, necesse est: qualem reperire in procliui erit. Verior longe causa ab ipso Erasmo prodita est, ubi multorum partim *ignavia*, partim *sinistris moribus* factum, statuit (u), ut bonæ litteræ, quæ sat feliciter cœperint efflorescere, ad interitum passim vergere iam iterum visæ sint. Quis vero solos Lutheranos ignaviæ ab Erasmo insimulatos ibi esse, cui-

*atque lugenti, & cogitanti de vitiis summi ordinis; pro quo nemo bonus mortem oppetere, quum est opus, non dubitat.*

(tt) in epist. ad Bilib. Pirckheimer. familiar. huius ep. 28.

(u) ad Io. Vlattenum epist. Ciceroniano præf.

cuiquam persuadere audeat? Demetrius certe Chalcondyles viginti sex circiter annis ante, quam Lutherus Reformationis negotium aggressus est; anno scilicet cio cccc xci, Florentia ad Io. Reuchlinum scripsit, isto iam tempore litterarum studia in *Italia* iacere iterum visa esse, *quum ignavia & ignorantia principum, tum maxime cupiditate hominum circa questum, quem omnibus bonis artibus maior pars hominum anteponat* (v). Cum Chalcondyle Nicolaus Quadus consensit, qui in epistola ad Herm. Nuenaarium *Roma* ita scripsit (x): *In litteris nihil est noui: adeo passim hic studetur questui. Florentinorum mira sitis: frigent studia litterarum. Humanarum deinde rerum naturam* in omnibus id ferre, Cicero, præter vsum, longe optimum præstantissimumque magistrum, nos edocet: vt, *si quid ad summum adscenderit, descendere iterum, siue relabi necesse habeat*. Idem & nobis recte in ista litterarum rerumque mutatione statuere licebit. Nam, præterquam quod studia, vt imperia & respublicæ,

quæ  
(v) lib. II epist. illustr. viror. ad Io. Reuchlin. o. 4, b.

(x) Epistola separatim excusa est, nec anno, nec loco addito, hac insignita inscriptione: *Epistola Nicolai Quadi nuper ex vrbe missa ad Herm. Comitem de Noua Aquila, miranda nuntians de quodam nouo opere, breui illic emersuro, cui titulus est: De Memorabilibus Predicatorum & Carmelitarum.*



quæ admirabili & arcano consilio Deus dispensat, & sedes mutant atque hospitia, & præcipitata euerſaque concidunt, & reſurgunt inſtaurata atque effloſcunt, & reſcolleſtis receptisque viribus vigent aliquamdiu, atque conſiſtunt(y): ſingula mortalium bona, velut minus conſtantia, ſed mobilia maxime atque fluxa, creberrimæ mutationi obnoxia eſſe, probe ſcimus; homineſque id, quodcunque nouitatis gratiam exuerit, cuiusue copia ſuppetat, ſaſtidire denique ſolere, aliarum rerum ſtudio ductos(z). Quali

F f

tum

(y) id repetitam inde uſque ab initio hitoriarum ſeriem docere, oratione de *Stuſiis veteris Philoſophia*, T. IV Declam. Melanchth. p. 754, probatur.

(z) Complures præterea & *contemptionis*, & *ardoris Germanorum diminutionis* cauſæ conueniſſe videntur: quales optimus Melanchthon in Declamationibus ſuis libere enarrauit. Nam quum *Regulos* partim ita craſſos exſtiſſe, conqueſtus erat, T. I, p. 438, ut pretium litterarum denuo non intelligere cœpiſſent, partim ita malos, ut tyrannidi ſuæ expedire crederent, *leges omnes, religionem, & ciuilem diſciplinam aboleri*: p. 442 dolet, eo rem ſenſim adductam eſſe, ut *epiſcopi* pro litteris *arma* tractarent; & multi inter *principes* hanc *curam indignam* ſe ducerent. paſſim tum *Germaniam tumultuatam* eſſe, addit, & ad arma conclamauiſſe; quo tempore veterem verſiculum recte uſurpari a Germanis potuiſſe, cenſet:

*Pellitur e medio ſapientia, vi geritur res.*

Quo factò, accidit, ut paulatim non ſolum nullus litteris haberetur *honor*, ſed ut *odia* etiam, & *ingentia*

tum studio non minus facile, quam Itali antea, duci sese passi sunt Germani: præfertim quum istud studiorum genus, cui non tam lucrum & quæstus, quem plerosque omnibus artibus anteponere consueuisse, vere dixit

Chal-

*pericula* proponerentur discipulis: qui propter doctrinæ, aut sapientiæ opinionem superbissime non modo ab imperitis, a mercatoribus, centauris, sed etiam ab illis *semideis*, qui regnabant in aulis, contemnebantur. unde porro evenit, ut ad ipsos studiorum labores ea accederet *paupertas*, quam perferre posse, non vulgaris erat animi magnitudo: de singulis incommodis, quorum quædam extremo capite a me denuo attingentur, iustæ instituuntur querimonie T. I Declam. p. 438, 442, & 445. T. IV. pag. 417. ubi *discipuli* non leuiter simul a Melancthone accusantur. T. I, pag. 406, queribunda admodum voce interrogat: *At ex nostris iuuenibus quotusquisque vel perpetuo decennio unum aliquem versiculum scribere instituit? Plerique compendiarium viam ad consequendam eruditionem esse censent, si quam plurima audierint, aut legerint. Itaque alii totos dies sursum ac deorsum currunt, scholas omnes perreptant, præceptores passim audiunt, miranturque non intellectos, dictata excipiunt, vncialibus litteris elenchos commentariorum notant, minio illustant. In pretio sunt interpretes, qui quam plurima dictando tempus extrahunt, nec quisquam semisse præceptorem emerit, qui ab hac consuetudine, vel transuersum vnguem discesserit. Rursum alii domo nusquam pedem proferunt, librisque se, tamquam pistrino cuidam, addicunt, chartas voluunt ac reuoluunt; beatos se putant, ubi quotidie magnam numerum chartarum percurrerint. Annon utri-*

Chalcondyles, quam doctrinarum per se considerata excellentia, finis propòsita est, paucis oppido sese commendet: etiamsi hominem

Ff 2

cum

*que miseri videntur cum tanto labore, tantaque valetudinis iactura desipere tantum discant?* pag. 416, eiusd. Tom. doluisse se, adfirmat, quando conspexerit, plerosque intempestive ad grauiiores, ut vocauerint, disciplinas properasse, quosdam vero ad *Iura* discenda, ad *Medicinam*, spe quæstus rapi se passos esse, alios ad *Theologiam*, priusquam robur aliquod in studio artium dicendi fecerint, contendisse. Qui si suo quæque ordine aggressi essent, felicius multo, Melanchthonis iudicio, res suas gerere potuissent, male tentato compendio ipsi sese morati. Grauius etiam de Germaniæ iuuentutis negligentia conqueritur oratio de *Studiis veteris Philosophiæ* T. IV Decl. pag. 738. seq: *Refrixit ardor ille ac deferbuit studium, contraque creuit delicata ac diffluens laborumque impatiens animi mollities in degenerare a maiorum vestigiis adolescentia, quæ --- ut in vita communi contemptis legibus, ita in doctrinarum campis visitata metodo reiecta, sic imbecillitate degenerantis prorsus ac languescentis nature a'pernatur accuratioris studii & diligentie exquisitioris laborem, abhorretque ac refugit, quæ intenti, nem animi applicationemque exigunt paullo vebementiorem ac diuturniorem.* & paulo post: *de nostris auditoribus queri iure possumus, qui quum ordimur auctorum enarrationem, nonitate allekti accurrunt frequentes, sed principio vix leniter degustato, ubi ad res ipsas peruentum est, capti satietate, aut absterriti impensioris & diuturnioris studii opinione, quam ex falsa difficultatis persuasione induunt, mox diffugiunt, neque ordine, neque integre artes dicunt.*

cum primis ad humanitatem ducere videatur. Inde etiam accidit, ut Camerarii ætate, atque ita ipso isto aureo Latinæ linguæ sæculo, industriis litterarum cultoribus, velut error, ab ambitiosis atque avaris quibusdam hominibus exprobrari cœperit, quod statuerint, *litterarum studium virtutis atque sapientie viam esse, & directum, quum pietatis & religionis, tum humanitatis & laudis, in hac vita comparande, iter.* Hunc enim errorem, ut cum hominibus istis loquar, litterarum cultoribus impedimento fuisse, perhibebant, quo minus *opes, dignitatem atque honores* sint consecuti (a). Id quoque R. Agricola tempore præcipue fuit, quod Germanorum mentes ab studiorum istorum cultura deteruit; quum plurimi humaniores litteras *steriles* iudicarent, & *ieiunas*, quæ magis animum explere possent, quam arcam (b). Quum *Vlr. Huttenus* post suam tot annorum per Europam peregrinationem, tot aditis periculis, tot exhaustis calamitatibus, nullis non ærumnis adflactus, tandem ad suos rediret, populares longa exspectatione fessos aduenienti occursaturos, obvium manibus excepturos, blanda aliqua præfatione salutatum amplexa-

(a) Camerarius in Narrat. de Eob. Hessio A. 3, b.

(b) Rud. Agricola in epistola ad Barbirianum, opusc. P. 194.

plexaturos, gratulaturos ipsius incolumitati, probaturos, quod cum patriis Musis rediisset in gratiam, sperauerat: sed frustra (c). Nam quum fama iam præcesserat, quibus studiis operam impenderit Huttenus, reperti adeo sunt, qui reducem accusarint; omnes eum reprehenderunt; *frustra ipsum laborasse, tempusque perdidisse*, opinati.

Minus æquis eiusmodi rerum æstimatori-  
bus ne aures præberet Germaniæ iuuentus,  
Agricola, & omnes, qui postero tempore ve-  
ram eruditionis laudem adfectarunt, aucto-  
res exstiterunt, docentes, *ea, quæ honesta sint, propter se expetenda esse, elaborandumque, ut quæ recte de rebus sentiamus, commode eloqui possimus*. Sturmius idcirco eandem Germaniæ iuventutem scire voluit (d), se non avaris sordidisque hominibus præcepta consignasse; sed contrā barbariem se pugnas-  
se, confirmavit: *omnem enim auaritiam, omnem sordium colluuiem, barbaram* se censere, ostendit; in quam eloquentia ne caderet quidem. ingenium potius quæsiuit cupidum laudis, litterarum & elegantiae studiosum: ardentem præterea animum flagitauit; qui non tam sibi, quam aliis, viuere videretur, & alio-

Ff 3 rum

(c) hæc de se refert Huttenus in luculentissima, quam *Nemini* suo præmisit, præfatione.

(d) de Exercitationib. rhetor. lib. c. 1.

sum bona & felicitatem suas arbitraretur esse possessiones. Quum vero nihilominus ingenia quæque elegantissima indies magis cognoscerent, non solum sibi meliores litteras colentibus præmii nihil propositum porro esse, sed ne incredibilium quidem laborum *minutam* sperandam esse *mercedulam*: non adeo mirum putavit Caselius (e), ea a studiorum cultu deterrita, vsibus suis tempestive ad artes quæstuosiores sese tradidisse. Quibus moribus Latini sermonis puritas ruinam omnino minari videbatur (f). Siquidem Germaniæ ciues natiui & elegantis Romani sermonis vsu relicto, non optimorum veterum dictionem Agricolaë Goclenii, Melancthonis, reliquorum, exemplo exprimere perseverarunt, sed compendio quasi ducti, riuulos, eosque turbidos plerumque, sectari cœperunt. Via videlicet, quam optimi isti viri ingressi sunt, ardua, ac longa nimis ad *honores diuitiasque* ipsis videbatur: licet minus aspera, & minus periculorum plena; qualem Agricola, Reuchlinus atque Buschius eam inuenerant: sed trita plane esset, aperta, simplex, sicque directa, vt bene

*THIENI-*

(e) ep. ad Eberhardum, Præfulem Lubecensem, in epistolar. Rostochiens. Mantissa a Vagetio ed. pag. 24.

(f) præfat. Lexico trilingui Basileæ ed. præter Sturmianam præm.

*munita tenere**edita doctrina sapientum templa serena*

potuissent; si modo placuisset.

Temporum, quæ modo laudatorum viro-  
rum ætatem antecesserunt, in Germania no-  
stra barbariem cur tantopere stupeamus,  
causam forsitan haud reperiemus, si ipsa ista  
tempora accuratius paullo inspexerimus.  
Nullos primum, si Eginhartum, Lambertum  
Schaffnaburgensem, & paucos oppido alios,  
excipiamus, inuentos tum inter Germanos,  
quorum industriam in veterum dicendi ge-  
nere imitando reliquis imitari licuerit; vel  
qui populares ad laudem, pura, ornata atque  
copiosa oratione quærendam, exemplo sti-  
mularint suo, supra demonstratum est. Pau-  
ca deinde veterum monimenta barbaris istis  
sæculis, & nonnisi in paucissimorum fuerunt  
manibus, magno ob singularem raritatem  
coempta pretio; etsi a parum doctis manibus  
plerumque erant descripta, minus ideo accu-  
rata. Postquam autem Germania non ali-  
quot sæculorum spatio, sed non ita multo-  
rum lustrorum interuallo, ingentem ciuium  
Latine quam doctissimorum habuerat nume-  
rum: & postquam typographicæ artis bene-  
ficio factum erat, vt plurimorum lectissimo-  
rumque Romanorum monimenta bella papy-  
ro, elegantibus typis, & emendate admodum

exscripta, paruo sane pretio comparari potuerint, facilius, Caselio ita sentiente, mirari quis potuisset, quid fuerit, quod extremo saeculo XVI *Latinum sermonem miserum in modum didicerint, sibi que praclare eum tenere, visi, ac Romanorum similes se putarint homines, qui primos litteratorum canones haud violarent.* Namque, ut eius proprietatem, puritatem, & elegantiam nossent, ita paucis studio tum fuisse, addit laudatissimus vir, quasi ex veteri saeculo nullus plane scriptorum superfuisset. quem fateri plane pudebat, *in scholis pene omnibus, tam publicis, quam privatis, tam celebribus, quam obscuris, cuiuscunque potius libros, etiam indoctorum & barbarorum hominum, tritos tum esse, & veluti oracula tractatos, quam veterum aurea illa monumenta.* Quae quum de manibus deponere litterarum cultores numquam oportuerat, plerique vix ea intuebantur, raro aperiebant (ff) : Quintiliani consilium minus secuti, qui praecipit (g) : *grammatices amor, & usus lectionis, non scholarum temporibus, sed vitae spatio, terminetur.* Quum Camerarius ad Principem quemdam, summum liberarium

(ff) Caselius in epist. ad Io. Ern. ab Hoim, Galeni libellae: *quomodo quis & dignoscatur & sanetur proprius animi sui affectus*: ab ipso Caselio edito adi. & in praefat. Aldi Manutii phrasib. praem.

(g) lib. I Instit. Orat. cap. 8.



lium studiorum fautorem, litteras aliquando scribere constituerat, Latini sermonis proprietatem ita in istis obseruare vix ausus est, vt neque vocabula, neque formam a Latinitate alienam vsurparet; veritus, vt id apud ineruditos vel inscitiae, vel stultitiae, vel etiam arrogantiae crimine careret. quamlibet tale quid ab ipso Principe, viro doctrina praestante, & bonarum artium in primis perito & maximo amatore pertimescendum fuisse, negauit: istiusmodi tamen litteras mittendas non putauit, nisi quas in solius Principis manus peruenire nouerat (h). Tantopere superioris saeculi, quo ipse Imperator augustissimus Maximilianus I Commentarios de rebus ab se gestis Latino sermone, eoque puro admodum, proprio atque perspicuo conficere haud dubitauit, genius tum erat immutatus (i).

Ff 5

Licet

(h) epistolar. familiar. lib. I, ep. 5.

(i) atque ita Camerarii aetate iam euenisse, inde cernimus, quod Taubmanus in dissert. de lingua Lat. p. 85, sua etiam aetate contigisse, narrat: *Et est tamen hodie [vt verum fatear], vbi quis diligentior voce aut phrasi principis etiam alicuius e Latio timidius utitur: quod intelligat, sibi rem esse cum iis, qui eadem, si forte non legerint, pro parum Latinis habituri sint.* multis deinde exemplis probat ibi Taubmanus, licet quaedam a perfectissimo illo Caesaris & Augusti saeculo mutuata, ipsam Venerem venustiore facere potuissent, fuisse tamen, qui ea inuenusta dicere ausi sint,

Licet enim *orationis summa virtus habeatur perspicuitas, & omnis oratio, quae interprete egeat, vitiosa visa sit* Quintiliano; qui *adfectione odiosius nihil censuit*. sed tamen, quemadmodum ipsius huius Quintiliani aetate fuerunt, qui *abolita atque abrogata retinuerunt, & in Gracchorum, Catonisque & aliorum similium lectione durescere voluerunt*: id demum eleganter atque exquisitè dictum putantes, *quod interpretandum esset* (k): ita litteris vix renatis, *Apuleiani iam obsoletaque antiquitatis adfectatores* sese obtulerunt in Germania (l), ingeniosi maxime sibi visi, si ad intelligendos ipsos *interpretatione* opus esset: accurate idcirco cauebant, ne Ciceronis, eorumque, qui hunc imitari studuerunt, more loquerentur, aut scriberent, nec commune aliquid cum aliis haberent; vetustissima vocabula, dudum reiecta, summo conquirentes studio, ut noua quasi ea donarent ciuitate (ll). Quos multi minus forsi-

(k) lib. I Instit. Orat. cap. 6. l. II, c. 5. & l. VIII, c. 2.

(l) Erasmi. de conscr. epist. p. 8.

(ll) vide *Matth. Dresseri* aptam ad illa tempora orationem, *de libris, quos legere deceat*. ubi antiquum illud & obsoletum dicendi genus de industria in scholas inducere quosdam conatos esse, narrat Dresserus, se cohorruisse adfirmans, quotiescunque tam monstrosum sermonem audiuerit. rem, quum saeculum XVI prope in exitu esset, eum iam in locum addu-

forſitan tolerandos, exiſtimauerint, quam eos, qui Eraſmi tempore *Ciceronianos* ſeſe nominarunt; & quos *nouam* veluti *ſectam* inue-

ctam fuiſſe, queritur, vt *ſermo purus atque apertius exploderetur*, Ciceronis diſtione plurimis ſordente; & vt ii, qui eum profitebantur, expellerentur: poſtquam ſoli docti haberi cœperant, qui *libertatem*, vt in doctrina, ſic *in lingua* quoque, ſectabantur, ſtudioſe cauentes, ne *Ciceronis ſerui*, ſed liberi proſus, viderentur, qui in nullius magiſtri iurauiffent verba. In eius generis homines acriter valde inuectus eſt ampliffimus *Dau. Peiferus*, ſuperiori capite in eloquentiſſimorum ſenatorum numero relatus; qui in *Commentatione ſua de Latinitatis Magiſtris*, ibidem a me citata, magnopere miratus eſt, homines ætatis ſuæ ſatis alioquin ingenioſos, non vidiffſe, nec intellexiſſe, ipſos, ſi in comprehenſione verborum obſoleta atque priſca cum tritis & vſitatis promiſcue connecterent, a veritatis regula & Latine loquendi veterum eruditorum approbata conſuetudine longe abeſſe, atque ſuoſpte ingenio, nullo Latinorum exemplo, *orationis confuſæ & verſicoloris genus*, ex ſe ipſis gignere; quod res, quæ illo verborum habitu veſtiantur, plane effeminare videretur. Tales deinde, qui vitioſa imitando conſectarentur, præterquam quod ſtultiſſimos ſeſe præberent, quum ex infima Romanorum iam ad interitum ſpectantium fere hauſtam Latinitatem nitidæ illi & eleganti Tullianæ orationi anteponerent, id lucri facere, oſtendit Peiferus, vt *malis magiſtris peiores ſiant diſcipuli*, qui ab optimis longiſſime abſint. Id æuo ſuo factum eſſe, epidenti demonſtrat documento, quod *interpolatorum ſimiolum* ſubminiſtraſſe ſibi, ait: huius obſcurorum maxime verſiculorum, quorum primus eſt,

inuehere molitos esse, ipse Erasmus coarguit, apertissimo odio eos persecutus, ceu homines, intolerabili supercilio omnium scripta, quæ

*Sic est : Nam nenum latuunt vls Manaca :  
præst*

*Andreas, ipse horritor ego cluo :*

exemplo adiecto, exclamat : *o præclaram Latinitatem, o flagitiojam barbariem, non probris, sed virginis coercendam.* Ambitiosos huiusmodi Latinæ linguæ deprauatores, nec Ciceronem nec Catonem imitando, peculiare quoddam, a Romanorum, tam priorum, quam posteriorum, loquendi consuetudine alienum dicendi genus induxisse, monstrat; quum non in simplicibus tantum verbis, sed in pluribus continuatis etiam, data opera obscuritatem secuti sint; quamquam ipsis latere haud potuerit, omnium ætatum ac temporum consensu, conspiratione & iudicio, a Latinis auctoribus explosos fuisse eos, qui in iactationem eruditionis cuiusdam singularis vetustatem adfectarint, & disparium sæculorum loquendi consuetudines constructione verborum priscorum vsitatorumque inepta confuderint, nouam quamdam rationem adferentes orationis, temporibus veterum Latinorum alienæ, membris & incisionibus abruptæ, fractæ, minutæ, obscuræ, & ad ostentationem ab hominibus ambitiosis comparatæ; vt soli quædam scire viderentur. A monstro a hac Latinitate & barbarie, ad assiduam Ciceronis, eiusque equalium, lectionem vt maturæ auocaret iuuentutem, studiose operam nauauit Romano sermoni amicissimus Senator, singulos Germaniæ eruditos, doctissimum in primis Dresserum, obtestatus, vt idem secum facerent. nisi enim coniunctis viribus istas Latinitatis pestes a bene institutis scholis depulsam iuerint, verendum declarauit,

quæ Ciceronis lineamenta referre non videbantur, reiicientes; qui adolescentiam insuper, a ceterorum scriptorum lectione deter-

ritam, ne malum longius serperet, & incautos adolescentes, suaque sponte ad nouitatem plerumque proclives, sœda barbaries infuscaret; & ne *litte: arum* insuper *lumen*, quod in densissimis barbariei tenebris patrum memoria diuinitus Germaniæ ostensum esset, non absque *religionis perpurgata periculo*, obfcuraretur denuo. *Nefarie periculumque minitantis* tum *rei prodigium* ac *portentum* nominat idem excellentissimus eruditæ Commentationis auctor quemdam *inquinatæ* cuiusmodi *Latinitatis artificem* ac *coryphæum*; qui, quum prius orationis nitorem & perspicuitatem in squalorem & obscuritatem vertisset, tum, veritate cœlestis doctrinæ prodita, lucem cum nocte commutans in Pontificiorum castra sese coniecerit. Enimvero *fanaticorum hominum orationem monstrosam* esse solere, dudum in orat. de *Cura recte loquendi* T. IV Declam. Melanchth. p. 703, ostensum est. qua simul confirmatur, omnium illorum, quorum dictio perplexa, ænigmatum Sphingos similis, verborumque nihil significantium portentis sit referta, opiniones quam maxime esse suspectas. talem enim orationem *sophisticam præstigiatricem* iure haberi posse; qualis *Osianrica* quoque & *Schwenckfeldiana* oratio existisse, ibi traditur. Hactenus enarrata si consideramus, Melanchthoni grauissimas causas fuisse, consitebimur, cur Germaniæ iuuentuti *orationis puritatem natiuamque faciem* diligentissime commendarit orat. de *Studio artium dicendi* T. I Declam. p. 389. etenim perspectum primum habuit, iuuentutem casu, non ratione, viuere, & temerario quodam impetu ad ea delati, quæ vulgo maxime ce-

ritam, ad vnus *M. Tullii supersticiosam emulationem* adigere conati sint ; quum tamen nulli minus, ex eiusdem Erasmi sententia, expresserint Ciceronem, quam ipsi, qui se huius tituli fumo molestissime venditarint, adeo, vt postulare denique & ausi sint, vt ipsi *Cicerones*, non Ciceroniani modo, haberentur ; mirum quo supercilio Thomæ, Scoti, Durandi similiumque barbariem execrantes : quibus ipsi, qui se nec eloquentes, nec Ciceronianos iactabant, magis Ciceroniani sæpius Erasmo videbantur (m). Tali adfectu non-  
nihil

lebrentur. optime deinde cognouit, nisi eadem iuuentus *proprietaem* atque *perspicuitatem in dicendo*, velut singularem elegantiam, tueretur, homines non modo non venuste, aut inquisite, sed improprie, obscure ac inepte dicturos, sermone absurdis ac ineptis metaphoris obscurato. *Quis vero, ait Melanchthon, Apuleium & huius simiam ferat ? sed recte Apuleius, qui, quum asinum repræsentaret, rudere, quam loqui maluit.*

(m) in epistola Ciceroniano addita, & in ipso *Ciceroniano*. Erasmus prauitate quorundam ad quamdam velut iniquitatem deductum potius esse, quam voluisse eximie rei ac rationi nocere, Camerarius in *Tuscul. Cic. 1. Comment. lib. 1, pag. 137*, credidit : qui *lib. 2 Commentar. p. 145, 146*, Erasmo amplissimum testimonium scripsit, quod eo grauius & sanctius videri posse, existimauit, quo minus id iudicari queat, aliquo beneficio peculiari, aut merito erga se illius datum esse. De Erasmi *Ciceroniano* ac *recta Ciceronem imitandi ratione* grauisimum Iulii Pflug iudicium legitur in epistola ad Menzerum ab ipso

nihil adflatos iuuenes ex Italia, præcipue Roma (n), in Germaniam remissos esse sua ætate, conquestus est Erasmus: vnde ipse *Christophorus Longolius* ortum traxerat (o): cui  
yni

data, P. II Monumentor. Pietatis & litterar. pag. 34. seqq. Quid senserit illustris vir, vel ex paucis his elegantis epistolæ verbis apparet: *concedo, multa propria rerum vocabula in Cicerone desiderari, eaque, si opus sit, ex aliis auctoribus sumi oportere --- quasi vero non possimus aliquem recte imitari, si in ea ipsa imitatione adhibeamus aliqua, quæ aliunde sumpta sint.* extrema fere epistola scripsit: *Quis igitur non malit unum Ciceronem imitari, quam ceteros illos, tot ac pene infinitos? Huc accedit, quod si varios imitabimur, naturalis ille nitor & succus orationi inesse non poterit.* paucis interpositis: *Quamobrem si constitutum est illud, Ciceronem unum imitandum esse, ut ego nihil addam præterea, per te statuere poteris, quid ego de Ciceroniano Erasmi sentiam.* Cum Iulio Pflug facit *Peiferus* in paullo ante commendata lucubratione. At *Fr. Taubmannus*, qui in *Dissertat. de lingua Latina* p. 36, seqq. fufe fati de *Ciceronianis* agit, in plerisque cum Erasmo sentit. Plura de Erasmo, eiusque Ciceroniano, ac singulis libris, iudicia *Th. Pope Blount* subministrat p. 526 seqq. inter quæ & illud est, quo *Scaliger, filius, Scaligeran. II, p. 74,* censuit: *in Dialogo Ciceroniano nugaciter lapsus est Erasmus.*

(n) quatuor ætate sua ineptos adolescentes in Italia fuisse, tradit Erasmus *Ciceron. pag. 342,* qui *Ciceronianos* iactare se cœperint, quum tamen nihil Ciceroni fuerit dissimilius.

(o) ipse de se scripsit: *Ego Maclinia natus sum, Maclinia educatus, Germanica lingua & Cesarum di-*

vni Cisalpinorum in Cicerone imitando palmam tribuerunt ætatis istius Itali, & ob admirandam sermonis Latini elegantiam *cuius*

*Roma-*

*tionis oppido.* vide Longolii vitam Epistolis eius præfixam, & a M. Adamo Philosophorum vitis ab se collectis insertam : & Erasmi Ciceronianum pag. 383 seqq. vbi de *Longolii dicendi genere*, & via, quam is in *Cicerone imitando* ingressus est, verba facit. p. 384 scribit : *Nihil est, quod isti Ciceronis simii nobis Longolium obiciant, aliis dotibus ille magnus erat, etiamsi Ciceronianus non fuisset, & hac ipsa vanissimi tituli ambitio fructum propemodum studiorum illius corrumpit, vitam abruptit :* p. 392, invidendum ferme hoc testimonium impertiuit industriæ a Longolio in orationem, qua famam suam contra vituperatores defendit, conscribendam collatæ : *in hac materia tanto ingenio, tantaque ingenii dexteritate rem gessit egregius iuuenis, ut hodie neminem norim, vel apud Italos, quem existimem idem præstare posse, tantum abest, ut Longolii laudibus aliquid studeam detrabere. Talibus enim ingeniis non queam non fauere, etiamsi mihi male velint.*

Quanti vicissim Longolius Erasmus fecerit, ex 34 epistola eius lib. IV cognoscere licet : qua extrema ad Iacobum Lucam scribit : *Studeo homini (Erasmo) si quis mortalium alius, tametsi de facie numquam mihi viso, idque ob communem patriam [sumus enim eiusdem, ut nosti, & lingua & ditionis] colo autem ob eximias illas animi dotes, quas in eo ita suspicio, ut votorum meorum summa sit, hinc ad annum etiam alterum supra viceesimum, quo me ætate superat, si non illum, quem nunc tenet, saltem proximum eloquentiæ gradum attingere. Improbum, inquis, votum : improbum sane, sed quod nec ipse plane improbet.*



*Romani* titulum decreuerunt; Longolii patriam indignam quasi censentes, quæ *Ciceronianum* protulisse diceretur.

Sed nimia ista, qualis videbatur Erasmo, in Ciceronem adfectio, sub sæculi XVI exitum apud Germanos maxime diminuta est, postquam, dilucida atque ornata *Ciceronis dictione* plerisque *sordente*, nouum illud atque

G g

adfe-

*Ego nec existimationi, nec commodis tanti viri inuideo, cuius eloquentia apud me pluris est, quam totius Galliae opes* Longolii laudes late etiam persequitur *Peiferus* in Commentatione toties hætenus ob elegantiam atque eruditionem, qua conscripta est, citata. narrat ibi, Longolium, adolescentem adhuc, in omnium, qui existant, Latinorum auctorum libris volutatum, formam quamdam dicendi scribendique inconditam & inæquabilem contraxisse: deinde a *Petro Bembo* monitum, genus illud orationis mutasse, nec ullum postea Latinum scriptorem alium, præter *Ciceronem*, habuisse in manibus: nec aliis, quam *Tullianis verbis*, usum fuisse; quæ ipsi ad omnia sensa animi exprimenda abunde suffecerint. *moriturum denique amicis suis commendasse: Quæ prius verbis undique arcescitis scripta edidisset opuscula, illi ut penitus abolerent.* Ceterum præclara omnino imitationis exemplum dedisse Longolium, censuit *Peiferus*; in quod sciolos, qui tamquam triuiale aspernati sunt eo tempore, quicquid obsolescis & vetustis verbis non scatebat, intueri iussit; & ut idem, quod Longolius magna cum laude fecerit, & ipsi facerent, vitiosæ Latinitatis curriculo, quod prauæ opinionis errore ingressi viderentur, mature conuerso, monuit.

adfectatum scribendi genus ex antiquissimis & obscurissimis sordibus contra inualuerat (p). Eodem fere tempore, quum *adagiorum* copia non moderate passim vterentur homines, *atatis istius stilo id obfuisse*, Io. Sturmii usu compertum habuit (q). qui etiam,

(p) id factum esse, valde etiam doliit Mart. Crusius, Annal. Sueu. lib IX P. III, c 8, p. 508. Quantum Latinitati obsit *Ciceronis contemptus*, Melch. Inchofer cap. 15, lib. II S. Latinitatis, pluribus argumentis declarauit.

(q) testatur hoc præfatio eius, Adagiis classicis Argent. scholis a I. L. Hauenreutero digestis, præm. Abusus Melanchthonis æuo iam sentiebatur: qui Cris. pag 718, siue in præfat. in Rhetoricam, sciolos quosdam erroris arguit, qui somniant, se in arce eloquentiæ sedere, postquam didicerant epistolum scribere octo aut decem versuum, in quo duo aut tria inessent hemistichia, aut *proverbia*, quasi emblemata. Imitandas fortasse sibi proposuerunt eiusmodi adagiorum amatores *P. Fausti Anirelini, Foroliuiensis, Epistolas prouerbiales*. quas B. Rhenanus an. 1508 Selestat. ad Germanicæ iuuentutis vñum impresioni mandauit, ut ipsius Rhenani verbis utar. quas *protritani triuialemque eruditionem in se continere*, negauit: quum *eximiam in primis verborum elegantiam, nec minorem sententiarum venustatem habere* viderentur. etli auctor in nonnullis opusculis genuino poetarum more lasciuusculus fuerit; in epistolis tamen hisce *integrum ac modestum oratorem* eum se gessisse, confirmat Rhenanus; qui suam de *adagiorum usu* sententiam his verbis in dedicatione exposuit: *Ceterum meritis candidus lector, adagia condimentorum rationem subire, iis*

etiam, quum Argentinam venerat, *solutam orationem & huius numerum* ita in Germaniæ scholis *neglectum*prehendit, vt *versus solum conficerentur*; quam boni & elegantes, lectorum iudicio reliquit.

Ingens quidem sub tempus istud prodiit *criticorum exercitus*; at tantum abest, vt is Latinis Musis auxilium tulerit, vt multum molestiæ exhibuerit, & maxima inuexerit incommoda atque detrimenta: dum plurimi

G g 2 eorum

*nempe si immoderatus, in concinnandis eduliis popinatores utantur: gustui haud grata, incundaque reddent. Illis, simili pacto, si modus absit, non tam splendorem, ac ornatum, quam obcuritatem sermoni tuo adferes. Vt lector proverbialis stili exemplum habeat, IX Andrelini adagialis epistolæ, quæ omnium postrema est, partem adscribam; nam, quantum scio, epistolæ hæ petraræ sunt: Nodum, Andrea, si in scirpo queris: & apinas tricasque inuestigas: quum a me petis, cur epistolas scribam undique adagiis scatentes, vixque ab Apolline intelligibiles. iuxta epigrammaticum illud: Non auctore tuis opus est, sed Apolline verbis: filum diſrumpam manumque in os inseram. Posteaquam manum lallare, & buas atque papas infantiliter balbutire non desinis. ne scilicet videaris aquam ex pumice; aut ab asino lanam postulare, linumque lino connectere, & ab eo velle nandi modum ediscere, qui numquam vel cortice vel vesica natauerit. Ego [ut scias,] non consulto scribendi stili obscuro, ut tenebras iudicibus offundam: sicut & Nigidius figulus, & Heraclitus Epbesius de industria fecere. ille vulgo culpatus est: hic Scutinos cognominatus, ob immodicam scil.*

eorum in veterum monumentis confodere, atque iugulate audebant, quæ volebant, & sublt. tuere, quæ modo videbantur: summa in hac, vt in reliquis rebus omnibus, pro pernicioſa ingenii libidine, vſi libertate. Aſpero eo nomine ab iis, qui inter Germanos incorrupti Latini ſermonis cauſſa quam maxime etiam nunc cupiebant, accuſabantur *liberi* o- iusmodi *cenſores*; conuiſti, ipſos veterum ſcripta contaminaiſſe, & immoderata licentia, qua in emendandis his vſi ſint, effeciſſe, vt numquam *corruptiores* exſtiterint *auſtores*, quam ipſo iſto tempore, quo tam copioſa ac temeraria criticorum ſoboles ex omnibus fere Europæ angulis prodierit (\*).

Fue-  
quam adſectauit, intelligendi cecitatem. Sed ne claudi more pilam tenere cenſear, tentan- a- n eſſe or- bitam, duxi, nulli haſtenus pr- tritam, qua me quoque poſſim tollere humo, victor- que virum volit- re per ora. Ingeneroſum eſt, vt ait Seneca, ſapere ſolum ex contr- entario. nullum certe pr- nium equor, vel peſſimum, vel optimum ducein me ipſum habeo. Pu- blicam viam perambulatur, vel occ- catus Phyn- eus: non vtendum eſt aliorum filo; nam crambe bis poſi- ta, vt Græcorum paræmia fertur, mors eſt. & quæ ſequuntur.

(\*) Dreſſerus in cit. orat. & Caſelius in orat. funebr. Andreæ Mylio ſer. C. 2. conf. in primis eruditus Iani Gruteri, quas tribus prioribus *Artium libera- lium Faci*, & *Theſauro Critico*, præmiſit, præ- ation- s, quibus oftendit, complures *cuſſumptam Critici per- ſonam* tam inſcite atque indecore ſuſtinuiſſe, vt vel

Fuerunt etiam, qui nonnihil caussæ, cur Ciceronis dictio, tamquam simplex nimis, sordere cœperit in Germania, a *Petro Ramo*, ejusque *Philosophia*, profectum putarunt. ex quo enim Rami nouitates, ex veteri tamen barbarie, tamquam ex ruderibus erutæ, in

Gg 3 phi-

per ipsam *mera* apparuerint *simia*. Quare, nisi nascenti statim typographiæ, facto quodam, reuixisset genus illud *Aristarchicum*, quorum tutelæ & ipsa acquiesceret, vindicareturque ab intecitia & petulantia eorum hominum, qui ei subministrabant, sibi que *omne putabant licere*, quod liberet, eam numquam fuisse, præstitisse, censuit: utpote præ qua prior ista Barbaries, illa librorum artiumque corruptrix, vix fuisset barbara, ex sententia Cruteri. Neque enim, pergit, quieuisset *Satagei isti*, donec *uniuersa & singula Clasicorum Scriptorum latifundia ad eam redegisset faciem*, qua *Aper Minervæ Calydoniam*. non *Theologiam tutam præstitisset Religio*, non *Philosophiam Natura*, non *Iurisprudentiam Lex*; sed *una ruina omnia inuoluissent diuina atque humana isti Typographia ad prela sedentes*, quibus neque pudor curæ, neque honor, sed, nescio quis *Plutus*, a quo tamen nihil unquam eis obuenit, nisi species illa cecitatis, ut, quum non videant, quæ sunt, videre videantur, quæ non sunt. Nihil me loqui ad inuidiam, utinam ipsamet auctorum monimenta non de se loquantur! nam quamuis subiaceret ipsi *Critice natio illa correctorum minime correctorum*: ita tamen sibi indulsit in eis sædandis, ut plus vulnorum preferant, quam *Regulus ille Carthaginienſis arce inclusus*, quam *cloaca Maxima*, quum *Roma minime pluit*.

philosophiam inuectæ, Aristotelicæ, atque ita Melanchthonianæ simul, philosophiæ sint prælatæ; libertatem non minus in philosophia, quam in theologia, vsurpatam ostendunt. Quocirca Ramus ab iis coarguebatur, qui *quisquiliæ in Minervæ templum inuenerit*, per coniurationem, manu negligentiorum, aduersus omnem vetustatem factam, *in regno sapientiæ tyrannidem parans*. Illos certe, qui nouationi circa medium XVI sæculum excogitatæ, petulanterque passim introductæ studuerint, multis elegantibus ingeniis fraudi fuisse, monstrant, vt quum ad veram frugem non venissent, se sapientiæ arcem tenere, arbitrarentur. Nouæ huius sapientiæ famæ in Germaniam quoque iter patuisse, eruditi eius vehementer doluerunt; quum nouatores pueriles ludos ingressos adolescentulis, penes *se nouæ sapientiæ & eloquentiæ fontes esse, seque solos omnium scientiarum compendia tenere, ac monstrare, nihil alios intelligere, obsoleta esse, & nulli vsui monimenta veterum*, facile persuasisse, cognouerant: & mox senserant, eosdem nouatores academias quoque tentasse, famamque sibi comparare iam cœpisse (r).

Quan-

(r) Dresserus c. 1. & Caselius in epist. ad Io. Reccium, A. 3: & in Laudat. Io. Alberti, D. Megapol. D. 3. conf. Francisci, Regis Galliæ, de *Libris Petri Ramus*

Quantopere in imperiis, ecclesiis, scholis, & studiis a superiorum temporum felicitate omnia tum discreparint, *Caspar Hofmanus*, in Siluula orationis de *Barbarie imminente* (s) luculenter ante oculos proposuit; monstrans, eo ætate sua rem rediisse, vt contempta iam tum iacerent & frigerent bonarum artium studia, & disciplinæ Reip. vtilis, velut ex alto, despicerentur, ita, vt apud summos pariter, & imos, *eruditi nomen* propemodum

G g 4 in-

Decretum publicum, deque iisdem iudicium a iudicibus, quos tum Rex, tum partes elegerunt, factum anno MDCLXIV. vtrumque post centum annos integros ex bibliotheca H. I. S. editum, Helmest. an. 1644, 4.

- (s) Francoford. ad Oderam an. 1578, 8. vbi Philosophiæ ac Medicæ artis doctoris munere summa cum laude est perfunctus, Electoralis Brandenburg Archiatri honoribus deinceps conspicuus. de quo vid. Io. Molleri Homonymoscop. p. 684. Leoberga Silesius natione fuerat, *Valent. Trocedorsii* discipulus; cui præceptoris suo quantum debuerit Hofmanus, his verbis satis declarauit: *Trocedorsius s. bole Goltbergensis moderator, optimus instituende pueritiæ artifex, præceptor meus eruditissimus, grata memoria semper celebrandus.* Ad ipsam Hofmani orationis Siluulam quod attinet, eruditissima ea est, optimis de feliciter instituendis studiis præceptis referta, & dignissima, quæ a bonarum litterarum studiosis diligenter legatur, & quæ idcirco prelo subiiciatur denovo. me certe libelli lectione mirifice delectatum esse, fatear, necesse est.

inuifum, & *ſcholaſtica dignitatis* virtute partum *teſtimonium* apud eos, quibus Panico cornuum ſono nihil fuerat antiquius; tantum non contumelioſum eſſe cœpiſſet. Mirum maxime videri potuiſſe, exiſtimauit Hofmannus, ab iſtis quoque neglecta, & in odio apud eos fuiſſe tum ſtudia atque ſcholas, qui ob hoc ipſum, quod didicerant, & ſcire aliquid putabantur, in honore & exiſtimatione fuerant(f): quos in primis decuerat, auctoritate ſua apud reges honeſtos cœtus tueri & ornare, ſtudia promouere, & diſcentes beneficentia ſua pro viribus iuuare. Poſtquam perſpicue porro monſtrauit, *docendi rationem degeneraſſe, ingeniorumque culturam neglectiorem fuiſſe* ſuo tempore; coniecturam fecit, quam plana ea re ad barbariem ſterne-  
retur via: præſertim quum *diſcordia* ſenſim intercederet inter doctos, atque *ſimultates*. Nam quum ſuperioribus temporibus docti in Germania humaniter inter ſe verſati erant, & dulcis exſtiterat profeſſorum, velut inter  
fra-

(f) id ſequens narratio, quæ in Io. Manlii Locor. commun. collectan. legitur p. 544, quam maxime confirma: *Quidam Comes breui commendatione doctri-  
ne ad magnam adminiſtrationem apud Imperatorem  
Carolũ V propter eruditionem peruenit. nullus ex  
ipſius liberis diſcit litteras & artes liberales, neque  
ipſe adhibet eos ad illas diſcendas, neque etiam vult  
eos diſcere.*



fratres vnanimēs, concordia, & amica omnium ordinum coniunctio; vt nullum ornatius spectaculum apud homines iudicio aliquo præditos esse putaretur, quam honorabiles cœtus eruditorum candore, & ingenuitate aliis prælucentium; & quum studiorum labores in hunc finem direxerant eruditi, vt vna cum pietatis studio *apposite* quisque & *eleganter dicendi facultatem*, *recteque de rebus iudicandi scientiam* sibi compararet; & præclarum hunc ingenii cultum & eruditionis adparatum ad publica commoda verteret, siue de religione docendi essent homines, siue Reipubl. opera danda, siue valetudini consulendum, siue formanda iuuentutis ingenia: quum denique in eruditionis ædificatione, ordine instituenda, *sermonis studium*, velut fundamentorum locum ita obtinuerat olim, vt ab hoc discendi initium fieri oportere, crederent; & vt existimarent, quamuis *sollicitudo de vocabulis res esset fastidii plena*, & in tenui labor esse videretur; tamen absque his in speciem minutis, nec aditum nec adscensum ad maiora patere. Hofmanus ætate sua aliter omnia facta esse, testatur; quandoquidem tantam in plerisque locis *ingeniorum morositatem, animorumque asperitatem* fuisse, confirmat, vt publica quodammodo querimonia esset, eos, qui ar-

tes humanitatis profiteantur, humanitatem ipsam non præstare, ac reperiri multos, qui præter auctoritatem, quam ex professionis titulo usurpent, nihil vitæ exemplis a reliqua turba differant. Fastuosos præterea homines bene dicendi artes, tamquam minutias, & exilis pretii curas, aspernatos esse, queritur. Videas, inquit, natu iam grandes, & qui scire aliquid videri volunt, quum sua rebus tribuenda sunt nomina, vel turpiter obmutescere, vel res alias pro aliis puerorum more usurpare, alios verba de vernaculo sermone mutuari, alios per ambages multa perplexitate circumscribere conari, quod significatum volunt, aliquos etiam non sine dedecore suo animi sensum digitis notare. Eos vero, qui sine discrimine, temere quibuslibet verbis utuntur, neque quicquam pensi habent, quid bene Latine vel recte *ῥησιμῶς* dicatur, aut quid artificibus, in sua cuique arte proprium aut permissum sit, aut qua vocum singularium & coniunctarum sit conditio, eos, inquam, videas, dictiones & phrasas omnis generis in orationem suam comportare, easque in usum suum pertrahere inuitas ac repugnantes, effundere verba sine sensu, vana specie turgida, vnde necesse est, exire orationem confusam, intricatam, obscuram, scatentem verbis malis, ad res minime quadrantibus, ineptis, otiosis, adfectatis, tumidis,

*midis, tragicum & barbarum quid sonantibus, aut rursus nimis exilibus, & puerilibus.* Complures *pulcre* Latinos visos sibi esse, addit, si iuxta præcepta & analogiam locuti, nullam artis regulam violarint, si barbarismis non fœdarint suam orationem, denique si vitarent solœcismos manifestos. Iuuentutem enim de sermonis studio otioso animo fuisse, nec de stilo sollicitam, nec in bonis auctoribus cognoscendis diligentem, nec in cognitione vetustatis aliarumque rerum scitu dignarum occupatam amplius, moderate coarguit (sf). Quid verò tandem futurum esset, reputare iussit Germanos, si iuventus  
negle-

(sf) Quam difficulter iuuentus ad *stili usum* compellitur potuerit, quam ægre adolescentes animum peregrinantem ad intentionem aliquam reuocarint, & manus ad scribendum admouerint, rectoribus iuuenilium studiorum notius fuisse, scribit, quam voluerint; vtpote quibus cum eiusmodi cessatoribus perpetuo rixandum fuerit. Si omnino impetratum sit, ut scriberent aliquid, oscitanter eos hoc fecisse, adfirmat, *tumultuariam* effundentes verborum congeriem, sine delectu, sine ordine, sine cura, ut interdum nulla esset verborum & sensus congruentia. *Refrixit enim, ait, in animis discendi ardor, successit pigritia, impatientia cura & laboris, crescit indies negligentia, ut plurimis nunc degustatio saltem studiorum tumultuaria & ieiuna allubescat, eaque non ex bonis auctoribus comparata, sed ex summariis, collectaneis, rhapsodiis, indicibus & cationibus decerpta & mendicitate collecta.*

neglecto elegantis & culti sermonis studio, abiecta omni inuentionis cura, omissa diligentia inquirendi res vetustatis, actum agere perrexerit. ne similis negligentia ad cetera studia vitæque officia adferretur, veritus est; res saltem, quarum explicatio expectata fuerit, *barbaro & inculto sermone* obscuratum iri, collegit, quum barbara omnia obscura ac incerta iam esse, cœpissent.

Ex his satis, vt opinor, apparet, quam facile Germanos Romanæ, siue puræ atque ornatæ, linguæ fastidium ceperit; & quam longe ii breui admodum intervallo ab Agricola, Reuchlini, Buschii, Goclenii, Melanchthonis, Camerarii, & ceterorum optimorum popularium vestigiis discesserint. Longius, credo, ab his discessissent; & omnis forsitan eiusdem linguæ cultus periisset inter Germanos, nisi extremo sæculo Duumuiro, omni omnium laude maiores, irruenti barbariei sese obiecissent; impetum huius strenue sustinentes: alter in superiore Germania, in inferiore alter: quorum vtriusque grauisssimis toties hætenus vsus sum testimoniis. *Io. Sturmium*, &, qui ei ætate quidem, sed minime eruditione, inferior fuit, *Io. Caselium*, a me intelligi, facile coniici poterit. De quorum excellentissimorum virorum præclaris in bonas litteras, & Latinum præsertim sermonem

sar-

fartum tectumque præstandum meritis integri libri confcripti i, & elogiorum, quibus non eruditissimi folum ciues, fed cordatiffimi etiam exteri vtrumque decorauerunt, grandes adferri poffent cumuli. Satis in præfenti habeo, fi pauca de laudatiffimo Sturnio attulero; & lectorem, quod ad Cafelium attinet, ad Commentarium, quem ego de ipfius *in litteras meritis* confcriptum edidi (t), remifero. Ambo ampliffimum, ac Latini fermonis, omnisque humanitatis vindicem his noftris temporibus in Germania fummum, Io. Philippum Sleuogtium, dignum eximiorum fuorum meritorum prædicatorem nafti funt. cuius elegantiffima verba, multorum inftar elogiorum adfcripturus fum (tt): *Ex qua tempeftate littera meliores in Germaniam quoque renafci cœpere, illud certamine quodam strenue egerunt principes ac respublica, vt ad omne liberalium artium genus, non ex lacunis turbidis, fed ex ipsis Græcæ ac Romanæ fapientia fontibus hauriendum; in primisque ad eloquentiam & rerum, geftarum cognitionem erecta ingenia ducerentur.* Ac fingulari

(t) Wolfenb. an. 1727. 4. qui non ita pridem, vtinam correctior, Roftochii in *Memoriis Philofophor. a Reinh. Henr. Rollio collectis*, Dec. 1, p. 218, feqq. eft recufus.

(tt) ex programme, in funere clariffimi viri Georg. Schubarti an. 1701. fcripto.

*lari fato exoriebantur, post communem illum Germaniae praeceptorem, Philippum Melancthonem, duo maximi viri, sapientia, eruditione, omnique animi cultu cum optimis veterum comparandi, Ioannes Sturmius, & Ioannes Caselius: quorum alter in Argentoratensi athenaeo, alter Rostochii primum, deinde in inclita Iulia, tam enixam, tamque felicem in scholis, ad scopum, quem laudauimus, conuenienter constituendis, operam posuere; tam salutaribus consiliis, tam indefesso labore praeuere litterariae publi, ut & principes summos accenderent ad pctendum ex studiis humanioribus decus, & vicinas remotasque regiones hominibus solide doctis implerent: in hunc diem, quamuis iamdiu exempti rebus humanis, non parum iuuantes patriam; quodque aliquibi adhuc locorum inceditur recto itinere, & ingruenti barbariei, quantum potest, aditus praecluduntur, ut id sibi, tamquam auctoribus adscribatur, promeriti.*

Luculentissima haec verba, si instituti ratio id concederet, aliorum eruditorum hominum de IO. STVRMIO iudiciis facile a me possent confirmari. Illorum tantum, qui optimi viri incredibile Latinam linguam & eloquentiam subleuandi exornandique studium praedicarunt, quosdam citabo. Qui primo loco ex horum numero nominandus mihi

vide-

videtur, ipse Caselius est, qui in plurimis excellentis ingenii sui monumentis honorificentissimam Sturmii fecit mentionem, confirmans (u) neminem in Germania in eloquentiæ studium incubuisse visum tum esse, qui Sturmium non audiuerit: recte idcirco *dicendi magistrum in Germania principem* dici eum ab se posse, existimauit (v); qui eloquentiæ semina, nec illa inania Argentinæ sparserit, quum multiplicis doctrinæ magnique iudicii vir fuerit, & qui *Tullium* atque *Demosthenem* ita coluerit, vt nemo multis sæculis, si quis id omnino fecerit, tanto, quanto Sturmius, studio coluisse visus sit: qui denique haud infeliciter id fecisse sit iudicatus, quum veteres dicendi magistros didicisset, & hos auditoribus suis accurate quotidie explicasset. Inter auditores eius principes subinde erant, comites, barones, nobilissimique iuuenes quam plurimi, ex longinquis sæpius terris

(u) de Magistro dicendi, cap. 8, pag. 59, edit. Helmst. Melanchthon. Crif. p. 123 hoc iudicium de Sturmio legitur: *Qua sit nominis celebritate, qua eruditione, auctoritate apud doctissimos quosque Ioannes Sturmius Germaniæ lumen, vel pueris prima litterarum elementa in scholis nostris meditantibus notum est. Hic vir publicis monumentis profitetur aperte, quicquid in stilo suo aliqua dignum laude videri possit, id omne ex frequenti & assidua librorum de Oratore lectione a se haustum.*

(v) in orat. funebr. I. G. a Leisten hab. B. a.

terris Argentinam a parentibus missi, vt *Sturmianam eloquentiam* coram admirari, & sub tanto magistro, quem *Germanorum Aristotelem* atque *Ciceronem*, sæculique sui *Varronem* recte putari, sciebant, proficere possent (x). Non enim Germani modo, sed Galli etiam, Angli atque Itali virum sunt admirati, quorum quidam fateri non dubitarunt, *nullum inter recentiores ad illam veterem Latinitatis puritatem propius accessisse*, *Sturmio*. Cuius doctrina, prudentia, fide atque industria singulari effectum est, vt exterae nationes, semente in Argentinensi solo facta, vberem admodum messeri atque lætissimam vindemiam domum potuerint referre (y). Cuius

por-

(x) vid. M. Crusii Annal. Suevic. P. III, lib. XI, c. 21, pag. 664. & lib. XII, c. 36, p. 828. vbi Crusius præceptoris huius sui hanc quasi effigiem dedit: *Fuit mediocriter procerus, facie fusca & virida, barba nigra: in ætate tunc canus: in religione cum Caluino sentiens*. Quantopere *Argentinensis academia* Sturmio rectore floruerit, eximia huius ipsius præfatio, Theophil. Golii Onomastico præmissa, edocere nos potest, qua adfirmavit, an. 1578, quo præfationem conscripsit, *academiam suam tres principes habuisse, viginti quatuor comites & barones, nobiles prope ducentos*, ex diuersis Gallia & Germaniæ partibus eo missos.

(y) Melch. Iunius in oratione de vita Sturmii B. 8, b. quæ in libello reperitur, hac insignito inscriptione i titulo: *Manes Sturmiani: suæ Epicedia, cripta in obitum summi viri D. Ioann. Sturmii: una cum*



porro *docendi rationem* in plurimis scholis constituendis cynosuram quasi obseruarunt Germani; quam vt perpetuo secuti essent, dudum exoptarunt eruditi (z): quum nemo sanius quidpiam rectiusque eo in genere docere posse videatur, quam Sturmius docuerit: vtpote quo nemo diligentius ad *summum eloquentiæ* adhortatus est adolescentes *fastigium*; vt fastidium simul, quod ex difficultate nasci videbatur ætatis suæ hominibus, de scholis depellere sit conatus (a). Licet vero de Latina lingua recte addiscenda, dicendique ratione recuperanda, veterum vestigia secutus, nobilia præcepta litteris consignata cum posteritate communicauerit, a doctis atque intelligentibus existimatoribus maximi, vt par est, æstimata: vt tamen de

Hh

Latine

*Parentaliis, eidem memoria & gratitudinis ergo factis, a diuersis amicis atque discipulis Argentorati M D. XC, 8. non Effigies modo optimi viti, quæ in pluribus eius lucubrationibus compareret, adiecta est libello, sed Cenotaphium quoque, adfabre æri incisum, calci huius subiunctum cernitur.*

(z) Morhof. Polyh. litter. lib. II, c. 2, § 22.

(a) quod vt plerisque, quibus posteritatem beavit, ingenii monumentis præstare studuit: ita in libris II de *Amiffa dicendi ratione, & quomodo ea recuperanda sit*, semel iterumque editis, & illo, quem de *Exercitationibus rhetoricis* ad Philippum Comittem Lippianum an. 1577 scripsit, curæ id sibi habuit quam maximæ.

*Latine loquendi ac scribendi ratione* libris, quos inchoauerat, vltimam manum adhibere potuisset, complures vehementissime expectierunt (b). Enimuero postquam Romani sermonis euehendi cupidissimus vir animaduertit (c), sæculi sui hominibus nihil tam fastidiosum esse cœpisse denuo, quam *stili exercitationem, declamandique consuetudinem*; & hæc duo esse, quæ plerosque ab eloquentiæ studio detertere viderentur adolescentes: rem initio miratus est, præsertim quum ingens isto tempore *Lexicorum* existerit *copia*, Græcæ & Latinæ linguæ thesauri (d); & quum eadem præterea ætas *Ciceronem per ordinem alphabeticum prope digestum, Laurentii Valle Elegantias, Linacrum, Hadrianum Cardinalem*, & multos commentatores habuerit alios: donec *fastidii ac contemptiōis* istius *causam* hanc reperit, quod Latinæ linguæ studiosi non solum *vocabulorum copia*, verum etiam *puritate* destituerentur. inde porro factum, credidit, vt illi ipsi, qui tum eruditi vel fuerint, vel sibi visi sint, ab *immunditie* *Latinæ linguæ* vindicare se haud potuerint

(b) vid. M. Iunius in cit. orat. de Vita Sturmi C. 2, b.

(c) Linguæ Latinæ resoluendæ Rat. cap. I.

(d) cuiusmodi subsidia ipso puero diu multumque desiderata fuerant, ita, vt ad ea comparanda principes quosdam viros non exigua præmia proposuisse, scribat, præfat. Lexico trilingui præm.

rint (c). quandoquidem illa, quæ ad istud usque tempus edita erant hac in re, imperfecta existimauit, iusto etiam ordine destituta. Quare diu in hac cogitatione versatum se esse, fatetur, qua ratione incommodum hoc de Germaniæ scholis tolli posset: quumque demum persuasisset sibi, *verborum*, quamuis infinitam, *materiam*, non minus, quam rerum copiam, in *orbem* & ad *disciplinam* redigi posse; tale Lexicon vt quis perficeret, exoptauit, in quo alius, ac litterarum, institueretur ordo; vt vna cum verborum cognitione humano animo per rerum contemplationem commeari liceret. Opus videlicet secundum *naturæ ordinem* ita distribuendum iudicaret, vt *integram Latinæ linguæ suppellectilem* accumulatam & artificiose dispositam atque instructam haberent eloquentiæ Romanæ studiosi; *rerum diuinarum, naturalium, stirpium & plantarum, animantium & belluarum*,  
H h 2

(c) in lib. de Exercitationib. rhetor. C. 8, 2, adfirmat, *impuritatem* in plerasque scholas & gymnasia prope omnia, multos iam annos inuictam tum fuisse; quæ neque a diligentibus quidem magistris potuerit eruncari: & vsque adeo radices eam egisse, querebatur, vt plerisque fere probari videretur. *Non loquor*, pergit, *hic de verbis plane barbaris: quibus scatebat superior ætas; sed de illis & vocabulis, & modis loquenti, & adagiis, & poetarum flosculis: quæ specie elegantia etiam mediocriter magnos viros in scribendo deceperunt.*

*rum, artium atque doctrinarum, hominis etiam atque humanitatis, nominibus & verbis & vocabulis, omnibusque sententiarum formulis digestam; iis omnibus, quæ a Romanis usurpata, a scriptoribus relicta sunt. Quod si opus ita distributum fuerit, fore tum, censuit, ut aliquis mediocri ingenio præditus, postquam grammaticos audiuerit, quod animo complexus esset, idem posset Latine pronuntiare, pure, varie, copiose, ornate, ut ipsa res requirere videretur; idque ipsum invenire non aliquo litterarum ordine, sed in rerum compage: ut, quæ rerum inter se necessitudinem coerceret, eadem ratio verba quoque ac sententiarum formulas, quæ ex verbis conficiuntur, naturali & perpetua quadam consecutione colligata teneret. Opus eiusmodi quum meditari se declarasset Sturmius, avidissime id expectare coepit Germania (f): dum eo iam perductum hoc ab se esse, confir-*

(f) Mich. Neander in præfat. in Erotemata Gr. Linguae p. 119, postquam grammaticos, aut varii generis scriptores, ex quibus vocum ac phraseon interpretationes sumptæ sunt, & veteres & recentiores, recensuit, addit: *Sturmius quoque vel similem, vel hoc præstantiorem linguæ Latinæ thesaurum adornare dicitur: adiuvantibus eum laborem, quem hactenus longo tempore frustra expectamus, magnis impensis ac sumptibus, nobilibus doctrina ac virtute & eloquentia præstantibus, Wolfgango, Philippo & Antonio a Werter.*

firmauerat, vt omnia fere huius generis domi suæ digesta haberet; Principibus viris, tantum fiebat etiamnum apud Germanos Latinæ linguæ studium! contra Sturmii excusationes de laboribus & de sumptibus assidue pugnantibus. At quum stupendæ plane industriæ vir considerasset, quam *difficile* suscepisset *opus*, & expertus esset, quam *arduum* id postero tempore foret, non vnus hominis hoc esse, sensit, etiamsi auctoritate præditi; sed requirere id *iudicium*, *litteratissimorumque hominum consensum*, quorum auctoritati docti etiam viri refragari haud vererentur. Enimuero istiusmodi rationem primum inuenire difficile putabat: deinde etiamsi inuenta esset, dubium ei videbatur, an satis multa rerum exstarent indicia, quum *plures exsisterent res, quam verborum notæ*. postremo arduum iudicabat opus, propterea quod multa pro Latinis barbara tradita essent, & multa sordida & fœda, puris & elegantibus permixta, & multa vetusta, vñtatis meliora. *Immoderato igitur huic modo modum difficulter præscribi posse*, colligebat. Sed tamen confici opus posse, non desperasse plane Sturmium, declarauit, quando *omnia digesta sese habere*, publice spondit, quotidianis cogitationibus vniuersam operis formam, eiusque singulas partes, complexus: quamquam

ab aliis anteuerti se in eo cupiebat; veritus, vt, a morte ipse præuentus, operi colophonem imponere posset : rationem ideo ac consilium suum passim exposuit (ff), vt studiosi coniungerent operas laboremque dissiparent, quo facilius, si fieri posset, aliquid hac in re absolueretur. Neque vero temere quid veritus est præclarus doctor: nam imperfectum reliquit vtilissimum opus, magna diligentia curaque ab se inchoatum. statim quoque vsu tum venit, quod eruditi metuebant (g), ne, quod Veneri ἀναδυομένη accidisse scribunt, vt inchoata ab Apelle, sed propter obitum eius minime absoluta relinqueretur, quum nemo pictorum inueniretur, qui manus operi admouere auderet; ita nullus esset, qui summe necessario Sturmii instituto satisfacere, & inchoatum ab ipso opus absolueret valeret.

Quum

(ff) in linguæ Latinæ resoluendæ Ratione; Præfatione in *Theoph. Golii* Onomasticon, & illis Præfationibus, quibus *Ant. Schori* Ihesaurum, siue Apparatum verborum linguæ Latinæ Ciceronianum, ac *Steph. Doleti* Phrases & Formulas linguæ Latinæ elegantiores adornauit; alibi: veluti in Libris de amissa dicendi ratione, & quomodo ea recuperanda sit, & in Libro de Exercitationibus rhetoricis, supra allegatis.

(g) Melch. Iunius in vita Sturmii C. 3, 2.

Quum tamen eius discipuli re ipsa compertum habebant, ad pure, eleganter, atque copiose dicendum scribendumue, nullam facile expeditiorem viam inueniri posse, quam quæ a summo isto in hoc rerum genere artifice ostensa esset; eam sibi habuerunt commendatissimam, velut longe pulcerrimam methodum, qua aurea quasi catena inter se contexta, confertaque omnia hærent, & qua, *natura duce*, *certisque locis* vberissima rerum, verborum & probatorum loquendi modorum copia ad facilem delectum sese exhiberet. Talem in primis eam esse credidit IOANNES BENTZIVS, *Bruxellensis*, siue *Bruchsalienfis*, genuinus Sturmii nostri discipulus: qui optimi huius præceptoris sui, uti in reliquis, ita in hac etiam re, vestigiis insistent, præter *Oratorie Elocutionis Thesaurum Græco Latinum*, in LXXVI locos secundum naturæ ordinem distinctum (h), duo *Puræ Latinitatis Thesauri* compendia edidit: quorum priore simplicia vocabula per gradus aliquot distributa continentur: in altero simplicibus verbis modi quoque loquendi Ciceroniani adiunguntur, breuiter, & rerum actionumque naturali ordine comprehensum (i).

Hh 4

Quan-

(h) Basil. an. 1581 in fol.

(i) Argent. an. 1596, 8. antea iam, an. 1578 *Theoph.*

Quantopere *florentissima Sturmii schola*, cuius ordinem atque instituta *Classica & Academica Epistola*, ab ipso Sturmio emissæ, exhibent, in illo studiorum genere, quod Latine orationis puritatem atque ornatum sequitur, elaborarit, præter hos ipsos Bentzii, & reliquos, quos viri industria nobis dedit, libros, & *Trilingue* istud a Sturmii discipulis collectum & cum luculenta huius præfatione editum *Lexicon* (k), ceterosque complures Sturmiani ingenii foetus (l), affatim testari possunt *Ant. Schori* (m) & *Steph. Dole-*  
*ti*

*Goliuz* Onomasticon suum ad Argent. scholæ rationem a Sturmio præscriptam accommodatum ediderat. vid. Morhof, Polyhist. litterar. III, c. 2. § 14, seqq ubi Sturmii institutum vehementer probatur laudaturque.

(k) Argent. an. 1586, & 1609, fol.

(l) huc præter commemoratos paullo ante, pertinent imprimis eius de *Imitatione oratoria* lib. III, Arg. an. 1576, 8. de *Vniuersa Ratione Elocutionis Rhetor.* lib. IV, eodem tempore, loco, eademque forma ed. item de *Periodis* liber, Angliæ Reginae Elisabethæ inscriptus an. 1550. quem *Valent. Erythraeus* scholis explicatum an. 1567 emisit.

(m) *Apparatus verborum lingue Latine Ciceronianus*, primum Argentoratian. 1551, 4, editus: quam editionem plures deinceps in 8 form. secutæ sunt, *Thejauri* titulo insignitæ, auctorisque nomen præ se ferentes; utpote qui in priore ista editione nominari se noluerat. ibidem sæpius etiam impressi sunt eiusdem Schori de *Ratione discenda docenda*



ri (n) libri, cum eruditissimis eiusdem *Stur-*  
*mii præfationibus* paucorum admodum lu-  
 strorum spatio *ter quaterue* Riheliorum typis  
 exscripti; hodie paucis oppido cogniti. Li-  
 cet enim nemo ex solis lexicis eloquens fieri  
 queat, aut doctrinæ alicuius opinionem vul-  
 go sibi conciliare; *memoriam* tamen subsi-  
 diis huiusmodi *iuuandam*, censuit pruden-  
 tissimus Sturmius. nec minus hoc librorum  
 genus hominem dialecticis atque rhetoricis  
 præceptis exercitatum adiuuare posse, arbi-  
 tratus est, quam Romæ olim forensis scriba  
 ciuem aliquem ex Vmbria aut ex Brutiis, si in  
 illis locis, aut ex Græco rhetore aut suæ lin-  
 guæ homine eloquentiæ præcepta didicisset,  
 ipse parum Latinus. Istiusmodi igitur li-  
 bris commode iuuentutem omnesque Lati-  
 nitatis studiosos uti posse, dum, aliis destituti,  
 perfectiora expectauerint, auctor iis fuit  
 Sturmius. nam *etiamsi formularum siue*  
*phrasium indices* puerilem aliquam speciem  
 haberent, hanc tamen ad puritatem & lo-  
 quendi ac scribendi commoditatem necessari-  
 am esse, ostendit. Quamobrem Iulio Cæsari

H h 5

Sca-

*que lingue Latine & Græce* lib. II, alibi quoque, &  
 in Germania & Batauis, excusi.

(n) *Phrases & Formula lingue Latine elegantiores;*  
*Hub. Sussanai Connubio Aduerbiorum* adiuncto:  
 prima Argentoratensis editio prodiit, si recte memi-  
 ni, an. 1576, 8.

Scaligero *ineptire* visi sunt (o), qui ex probatis auctoribus, Cicerone cum primis, *observationum formulas* ætate sua *irriserunt*: quales iis, quorum memoria infirmior paullo est, *thesauri loco* putandas, adfirmavit.

Plura de egregiis Sturmii in Latinam linguam meritis proferre nihil attinet: multæ æque exquisitissimæ ipsius lucubrationes satis de illis testantur. de singulari tantum fortuna pauca addam, qua in eo usus est, quod non solum viuis eruditissimos habuerit *collegas*, sed excellentissimum etiam nactus sit *successorem*; voti sui compos factus, quo expetierat, ut ne deessent, qui decedente se, in locum suum possent succedere. Inter præclaros collegas, qui ex Classicis & Academicis Epistolis cognosci possunt, primo loco qui nominetur, dignissimus videtur VALENTINVS ERYTHRAEVS, *Lindaviensis*. præter quem & Sturmium Germaniam nullos *rhetores* habuisse, Andr. Schottus olim existimavit (p). Vtrum æquum hac in re iudicem sese præbuerit Schottus, alii diiudicent: nemo certe, si utriusque viri merita consideraverit, laudi huic inuidebit, spero. Erythræi merita Caselius tanti quoque æstimavit,

(o) orat. I pro M. T. Cicerone contra Erasmum p. m. 29.

(p) ap. Mohof. in Polyhist. litterar. lib. VI, c. 1, § 5.

mauit, vt cum *secundum a Sturmio* prædica-  
rit; ita tamen, vt is ex hoc creuerit, magistro  
pen: par (q). Successor Sturmii fuit MEL-  
CHIOR IUNIVS, *Wittebergensis*; cui,  
velut idoneo successori, claram quasi facem  
de manu in manum tradidisse optimum vi-  
rum, idem Caselius gauisus est (r). nam etsi  
is orationis facultate Sturmio inferior videri  
potuit: *præceptis tamen & artificio dicendi*  
minime postponendum ipsum esse, arbitran-  
tur eruditi (s). Singulorum in academia  
Argentinenſi, tum, quum Sturmius decesſit,  
& docentium & discentium, in præstantissi-  
mum ac fidelem hunc suum magistrum ani-  
mum, & bene de litteris demerendi volunta-  
tem, diserte admodum ipse hic Iunius ex-  
presſit; ita eos allocutus (t). *Non, relictis*  
*fontibus limpidis, lacunas turbidas ſeſtemur:*  
*non de ædificii inducendo tecto ante cogitemus,*  
*quam probe iacta fundamenta fuerint: non*  
*aut ordinis inuerſione, aut præteritione impor-*  
*tuna, aut feſtinatione præpropere ad erudi-*  
*tionis conſcendere culmen atque faſtigium co-*  
*nemur. Ita, ita ſummi illius viri diſcipuli*  
*vere grati erimus: ſimul quoque & Deo, qui*  
*boc*

(q) in vita Valent. Mylſi B. I, 2.

(r) de Magiſtro dicendi cap. 8. p. 59, edit. Helmſt. 8.

(s) Morhof. Polyh. litterar. lib. VI, c. 1, §. 14.

(t) extrema oratione de vita Sturmii.

*hoc nos in vite genere viuere voluit, & præceptoribus, quorum labores & industriam videmus quotidie, & amplissimis dominis Scholar-  
chis, totique Senatui inclyta huius Reipublicæ placebimus.*

Quamquam de IO. CASELII in meliores litteras meritis prolaturum me quicquam negaui, Lectorem ad meam de ipso hoc argumento lucubratiunculam delegans : non possum tamen, quin pauca, quæ ad excellentissimi viri in *Romanum sermonem* merita spectant, inde repetam. Caselius enim, magni Scaligeri iudicio (sf), cum paucis de aureo illo sæculo, quo Italia, Gallia & Germania honestis artibus floruerunt, reliquus, in illis, quos melior natura formauerat, familiam ætate sua sic duxit, vt *sermonis elegantia* atque *doctrina* omnes valuerit prouocare : equidem orationis eius pura casta atque Romana indoles tam luculenta eidem Scaligero visa est, vt eum, qui *Ciceroniani sæculi genium in Caseliana oratione non cognosceret, quid sit Latine scribere ignorare*, duceret. Quum suarum partium esse crediderat præclare de patria merendi cupidissimus vir, vt & docendo & scribendo viam discentibus monstraret, & declinantes in rectam reuocaret viam; nihil plane, quod ad languescendam popularium  
suo-

(sf) ep. 270, p. 561 : & ep. 272, p. 566, edit. Elzevir.

suorum industriam excitandam pertinere putauerat, reliqui fecit. Quamobrem, quum ætatis suæ negligentiam doleret, & sedulo cogitare cœpisset, vnde ista esset, & numne aliquibus, vt plus in linguis addiscendis studii ponerent, persuaderi posset, *trium* istarum *linguarum*, quibus diuinæ humanæque leges ac disciplinæ consignatæ sunt, *vsu* diligenter in quam plurimis suis eruditissimis lucubrationibus (t), commendauit; & præter elegantem istam *ad Latinæ linguæ studiosos adolescentes præfationem*, quæ *Aldi Manutii Phrasibus* præfixa est (tt); atque eam, quam

Gram-

(t) id præsertim fecit in eximio de *Ludo litterario recte aperiendo* libro, & in *Rhetore*, siue de *Magistro dicendi*: nec non in lucubratione, quæ *Νέος καὶ Προδιδάσκalos* inscribitur.

(tt) in mea de Caselii meritis lucubrationcula, modo citata, confirmaui, me præter Aldi Manutii *Phrasium* editionem *Coloniensem* an. 1593, & *Parisiensem* an. 1594, quibus solis cl. Crenius elegantissimam istam Caselianam præfationem præmissam putauerat, (in *Animaduert. philol. & histor.* P. I, p. 4, seq.) *Lipsiensem* editionem an. 1613, vidisse, cui præfatio ista addita reperiatur. Jam vero adfirmare quco, plures *Lipsienses* exstare editiones, quibus eandem præfationem præmissam esse, posthac cognouerim: prima earum, quas adhuc conspexi, Lipsiæ impressa est an. 1571, 8. cuius titulus adseuerat, tum primum Manutii *Phrases* in Germania prodiiisse: inter hanc & illam, quæ an. 1613 ibidem lucem adspexit, dum, ni fallor, editiones intercessere, quas Case-

*Grammaticae Latinae*, cuius auctor non nominatur, ad *Grammaticodidascalos* præmisit (u), & præter nouum de *Pronuntiatione Latini sermonis* libellum; perdoctam ad *Latinum sermonem accuratius discendum* *Cobortationem* conscripsit (v): qua pluribus verbis grauisissimisque argumentis demonstrat, *Latinum sermonem fastidire & negligere, non solum extrema negligentia, sed dementiae quoque esse*: quò videlicet in vniuerso Christiano orbe nihil vtilius sit, nihil magis necessarium; id quod neminem inficiari posse, censet, nisi qui omnem vitæ humanæ nesciret vsum. ea re in illos, qui in bonos scriptores debacchari veriti tum non sunt, ne vel ipsi discere necesse haberent, vel vt discentes deterrent, vel

liana præfatio comitatur: vna istarum prodiit an. 1603. Integram præfationem allegatus modo Crenius Variorum Auctorum Consiliis & Studiorum Methodis an. 1692, Roterodami in 4. editis, adiecit, p. 150, seqq.

(u) Helmeft. an. 1609; hoc anno præfatio est scripta: ipsa grammatica an. 1610 præscriptum habet, quartum tum emissæ. & hanc præfationem idem Crenius notis, quas variior. Auctor. Consiliis addidit, particulatim inseruit. vide contentorum in volumine feriem, quæ in fronte libri compareret.

(v) Adr. Turnebi libello de *Vino*, an. 1605 Helmeft. ab se edito, eam præfixit: an. 1617. cum aliis Casclii scriptis Christoph. Heidmanus Goslarie eandem imprimendam curauit in 4. separatim non ita pridem eam in 8 edidit cl. Iustus a Dransfeld.

vel bene consulentium honori obtreſtarent, inuectus eſt; declarando, ſi eorum opinio- nibus cederent ætatis ſuæ adoleſcentes, fore, vt paulatim in vitam barbaries irreperet, bo- ni mores, virtutis cultus, præclara facta, & erga patriam merita iacerent. Pluribus de- nique, iisque haud obſcuris, rationibus alla- tis adoleſcentum & ludorum puerilium ma- giſtros magnopere cohortatus eſt, vt discipli- næ ſuæ alumnos ſecundum informationem ad elegantes eodemque bonos mores in *in- telligendo* potiſſimum *Romano ſermone* ſatis diu tenerent, & quantum quiſque poſſet ca- pere, confirmaret. Tales adhortationes commemorata ad ſtudioſos adoleſcentes præfatio, viginti amplius annis ante conſcri- pta, etiam continet: qua nimirum ſermonis huius diſcendi *rationem* oſtendit, ampliſſimo eius *uſu* ſummaque *neceſſitate* common- ſtrata. Operæ enim pretium eſſe, exiſtima- rat ſummo iudicio præditus vir, eos, qui in ſtudiis viuerent, recte fideliterque moneri, vt, quum *Latinam linguam magni faciendam, amandam* atque *recte diſcendam* intellexi- ſent, in ea deinceps addiſcenda multum ope- ræ, idque non infelicis, ponerent: quamvis ſibi perſuaſerat, fore, vt monita iſta ſua vel non legerentur, vel oſcitanter percurreren- tur, vel fore, vt nemo ea ſequenda ſibi exiſti- maret,

maret, vel, si quis omnino eiusmodi sibi regulam sequendam putauerit, is ab aliis viua retraheretur voce, aliamque regulam, quam vel retrahentes secuti essent, vel excogitassent, nullis fundatam rationibus, sequi iuberetur. Tanta de recta via deflectendi ferebantur Germani cupiditate!

Paucis, quos Scaliger Caselii ætate ex aureo sæculo reliquos fuisse iudicauit, merito suo adnumerandus videtur GREGOR. BERSMANVS, *Annabergensis*. Is certe fuit, qui sedulo elaborauerat, vt barbaries & morum & verborum, magno impetu Germaniam inuadens, ac potius plerisque in locis oppressam iam tenens, profligaretur (x). quandoquidem hominum vita ea esse cœperat, vt, quemadmodum quisque aliquid culpabat, aut desiderabat in alterius moribus atque studiis, ita hoc vel illo cognomento insigniretur; & parum aberat, quin vtriusque linguæ auctores euoluere, & iis legendis otium terere, criminis siue hæreseos loco haberetur denuo. Qualem temporum suorum faciem quum considerasset *Andr. Ellinger*, haud obscuri nominis in Ienenſi academia

tum

(x) id testimonium Hieron. Wolfius Bersmano impertiuit in epistola, quæ inter multas alias claror. virorum ad hunc epistolas reperitur, P. I Poematum ipsius, p. 350.



tum professor, Bersmano amicissimus, ad hunc scripsit (y): *Barbaries tantum non limen pulsat adium, quas Musa incolunt: imminentem vereor ut arcere possit Apollo & Mercurius.* Si quis de reliquo de Bersmani eruditione ac meritis numquam inaudiuisset, ipsum per se facile de iis coniecturum tum, puto, quum cognouerit, dignum eum habitum esse, qui optimo præceptori suo *Camerario* in Lipsiensi academia *succederet*; postquam singulari cum laude in Wittebergenſi academia iam docuerat, & Portensem ſcholaſam prudentiſſime adminiſtrauerat. Quanta eruditionis vir fuerit, & quantia præceptoribus ſuis, *Georg. Fabricio*, atque *Hiobo Magdeburgo*, *Camerario* porro, *Wolfio*, *Langueto*, *Sturmio*, *Cafelio*, & plurimis aliis grauiſſimis inter Germanos humanitatis propugnatoribus, ſit æſtimatus Bersmanus, epiſtolæ, quas ſinguli hi ad ipſum ſcripſerunt, & quæ typis exſcriptæ exſtant (z), abunde declarant. ex quibus ſimul apparet, virum ea fortuna, qua eruditio eius digna fuerat, uſum non eſſe. *Io. Poſthius*, præclarus eiſdem ætatis poeta, Bersmanum noſtrum *omnium in Germania tum uiuentium poetarum ſuauiſſimum cenſuit.*

Ii

atque

(y) ead. Poematum P. p. 342.

(z) Duabus ipſius Bersmani *Poematum Partibus* Lipſ. an. 1592, 8, ed. ſubiunctæ.

*atque doctissimum.* Caselius vehementer lætatus est, quum eundem expectationi, quam de ipso conceperat, non tantum satisfecisse, sed eam superasse perspexerat: quippe quem doctissimum iuuenem cognouerat (a), qui ea, quæ in patria didicerat, in Italiam profectus, in omnibus confirmauerit, ac mire ea auxerit. ubi *inuisitata* quadam *dicendi facultate* de obscuris dilucide, de confusis ac perturbatis ordinatim ac dispositè, de dubiis euidenter differentem admirati sunt *Itali* (b). Quamuis vero indigna satis ceteroquin *Berlinianus* in Lipsiensi academia usus est fortuna; vnde inuidia in *Seruestanum* gymnasium ipsum abegit: minus tamen infelix hac in re is exstitisse videtur, quod non indignum in academia hac sortitus sit successorem, MATTH. DRESSERV, *Erfordiensē*, rhetorem atque oratorem celeberrimum, nec vulgarem historicum, magnum Romani sermonis asserendi patronum, supra eo nomine a me laudatum.

Talem eidem sermoni patronum isto tempore sese præstitit REINERVUS REINECCIVS, *Steinhemiensis*, non minus iam a me laudatus *Glandorpii* discipulus. Nam etsi is de  
*histe-*

(a) in Νέῃ καὶ πρῶτῃ δυνάμει. E.

(b) vid. vita *Berliniani* in M. Adami vitis *Philosophæ*.  
 P. 503.

*historia* excolenda illustrandaque tam diligenter cogitavit, quam qui maxime: sermonem tamen Latinum ut amare & usum eius commendare cessarit unquam, tantum abfuit, ut *putida atque insulsa oratione* fœdius nihil in rerum explicatione statuerit: *verba* enim rerum notas esse, & orationem iisdem lumen adferre debere, Germaniæ iuventuti sedulo inculcavit (c). quam ideo tum ad eloquentiæ studia, tum ad principis & magistri illorum *Ciceronis* scripta, atque in his rursus vel in primis ad *epistolarum* lectionem diligentissime ætate sua alliciendam duxit:

I i 2                    quan-

(c) in elegantibus præfationibus, Io. Glandorpii Annotationibus in *Ciceronis* epistolas ad familiares adiectis, & extremo capite V a me pluribus collaudatis. tertia earum, pag. 510, scholarum, quæ, adolescente ipso, *stili exercitia de epistolarum Ciceronis imitatione* auspiciari ferme solebant, receptum morem prædicat; postquam secunda præfatione p. 360, docuit, quam necessaria sit eloquentiæ & elegantiorum litterarum studiosis, ut reliquorum *Ciceronis scriptorum*, ita, & *epistolarum lectio*, & quanta inter *Erasum* & *Longolium* de *recta Ciceronis imitatione* fuerit contentio: subiungens: *Interea hoc nos de Cicerone teneamus, quicquid Latina lingua ornamentorum ac diuitiarum, quicquid nervorum habet, ea tamquam de Tantali, aut Pelopis talentis, opulentissimæque gaza, peti ac decerpi e scriptis illius posse: & quæ de admirabili atque inexhausta Ciceronis dicendi vi, qua omnes facile superarit, sequuntur.*

quando nimirum earum artium studiis, quæ ab humanitate nomen tulere, passim denuo ruentibus, hoc ferme omnes satagere, cognouit, vt, posteaquam modice initia horum degustarant, ac ne quidem plane degustarant, mox ceu illotis manibus ac pedibus in grandiorum illarum disciplinarum tractationem inuolarent: licet experientia magistra satis quemque edocere potuerit, *absque artium & linguarum presidio talem conatum felicem numquam esse solere.* Quapropter grauiter doluit, quum partim *indiligentiam*, partim *petulantiam*, nouas rursus tenebras intentare iam tum animaduernerat: postquam proximæ ætati e benignissimo cœlestis numinis respectu, peculiaris quasi felicitas, peneque diuina, obtigerat, Reineccii sententia, vt eruditæ antiquitatis studia e superiorum temporum fœda barbarie egregie eruta, atque in lucem sint reuocata.

Priusquam ad sequens XVII sæculum progredior, duorum eximiorum Germaniæ poetarum mentionem faciendam arbitror, extremo sæculo XVI florentium, quorum alter funestissimum vitæ exitum habuit, alter magnorum principum ad vitæ vsque finem beneuolentia ob præclaras dotes suas vsus est. NICODEM. FRISCHLINVM intelligo, & NATHAN. CHYTHRAE

THRAEVM (d), exquisitissimæ eruditionis homines. *Bellum istud grammaticale*, quod inter *Frischlinum* hunc & *Mart. Crusium* conflatum est, indicio forsitan esse potest, *Concordiam* aureo isto Melanchthoniano sæculo tantopere inter eruditos adamatam; &

Ii 3

quam

(d) Chytræi laudes Caselius passim in scriptis suis est persecutus: in Laudat. Io. Alberti D. Megap. D. 1, b, scribit: *Qui ad incrementum academiae (Rostochiensis) præ aliis aliquid & eximia eruditione, & singulari opera contulerint, sunt fratres Chytræi, maior theologus, alter poeta, uterque vir doctissimus, verati plurimum in scriptis veterum, ille quoque præ omnibus in omni historia: quibusdam adiectis, pergit: habui proximum collegam Nathanem, qui e tenebris protraheret artem poetarum, & poetas diuinitus interpretaretur, non ad oblectationem, sed ad usum civilem.* Conf. Io. Petri Lotichii Bibliothecæ Poeticæ Part. III, pag. 140 seqq. & Ol. Borrichii dissertat. de Poetis Latinis IV, § 148, seqq. vnde plures elegantissimos Germaniæ Poetas, Frischlini atque Chytræi æquales, cognoscere potes, per se quidem celebres satis; inter quos *Io. Schafferus, Paul. Melissus Schedius*, clara utique nomina, & digna, quæ in felicissimorum Poetarum referantur numero *Bermani* quoque atque *Posthii*, paullo ante commemoratorum a me, merita, & laudes Poetica arte acquisitas recenset Lotichius: de *Frischlino* agit pag. 152 seqq. cuius vitam conscripsit *Georg Pflügerus*, quæ orationibus insignioribus Frischlini, coniunctim Argent. an. 1618, 8, editis. adiecta est, separatim antea vna cum R. Agricolæ, Io. Reuchlini, & D. Erasmi vitis ex Melanchthonis Declamationibus depromptis, emissa.

quam meliores litteras in Germania propagandas mirum in modum adiuuissse, supra vidimus, vergente sæculo cœli sensim desissse, *maleuolentia, inuidia* atque *obtreclatione* locum paulatim occupantibus, penitus enim vnoque impetu concordiam profligatam esse, nemo dixerit: id quod conciliationem, qua ipsi isti doctissimi viri coniuncti sunt iterum paullo post, comprobare quodammodo posse, arbitror. Notatu omnino digna mihi videntur, quæ ipse Crusius de *reconciliatione* hac memorauit (e): *Anno cId Id LXXXVIII Bello Grammaticali finis contigit: scribente, ex nundinis Francofordianis Nicodemo Frischlino, præter longas etiam litteras, in libello, quem dono mittebat, bis etiam verbis: D. Mart. Crusio suo Præceptori, indignus discipulus, in signum futura reconciliationis. Placidam*

(e) Annal. Suevic. P. III, lib. XII, c. 34, p. 810. p. 796 scripserat Crusius: *Hoc tempore [an. 1586] usque in an. 1588 bellum grammaticale in M. Crusium & Nic. Frischlinum exsulantem flagrabat. Quanta cum acerbitate id geitum sit a Frischlino, Dau. Chytræus nos docet, vbi p. 603 epist. ad Pancrat. Crugerium scripsit: Grammaticum bellum inter Frischlinum & Crusium geri sinamus, quorum ille tanto animi impetu in aduersarium fertur, ut Græcis non magis curæ fuerit Troiâ capere, quam ipsi aduersarium omnibus probris deformatum conculcare: Indigna profecto ingenii Frischlini excellentia est, quæ in tali argumento tempus & operam perdat.*

eidam vicissim manum dedisse Crusium, facile ex his verbis (f) colligi potest : *Anno cL l<sup>o</sup> XC, Nouemb. XXIX, nocte ante diem S. Andrea proxima Nic. Frischlinus, conans ex Hobenauracensi captiuitate effugere; a perfido fune, quem ex pannis confecerat, desertus, de celso muro (heu heu) in aliam atque aliam petram subiectam precipitauit: partibusque corporis miserabiliter confractis interiit. quem utinam brachio extento excipere potuissem.* *Quæ enim laus maior conseruatione istius mihi contigisset? Misertus vero sit anima eius clementissimus pater cælestis.*

Verumenimvero tantam *animorum* ad litterarum decus tuendum *conspirationem* atque *concordiam* non exstitisse amplius eo tempore inter Germanos, quantam aurea ista *superiori ætate* cultam esse, cognouimus, vel sola hæc Caselii verba edocere nos posse mihi videntur (ff): *Quum, prob pudor, contra humanitatis leges inimicitias exerceri, & officium violari, iniuste dicam, an impie? a certo hominum genere tum indoctis tum insanis scriptionibus hodie videamus; quid dubitemus, beneficio litterarum amicitiam pulcre*

Ii 4

coli,

(f) Annal. Sueu. Cruf. p. 834.

(ff) in epistola quadam ad G. Bersmanum, quæ inter illas eruditor. viror. ad Bersmanum epistolas reperitur, quæ P. I huius Poematum subiectæ sunt, pag. 355, seqq.

*coli, & multa, quae officii sunt, praestari? Nos igitur siue eam ipsam, siue eius umbram non negligemus, & magnum esse decus arbitramur in hominum eruditorum concordia, quam qui non tuerentur, & litteratos tamen se haberi vellent, optavi saepe, ut tam honesto nomine carerent, quod illis nulla ratione debetur, ne essent ordini nostro dedecori: sed idcirco scilicet contendunt, ut tyrannide honestissimum locum occupent, atque doctrinae & virtutis veluti arcam vi teneant. Ipse hic Caselius etiam si concordiae pacisque fuit studiosissimus, in magno tamen invidiae pelago postmodum grauius est iactatus (g). Acerbissimam etiam fortunam bonum Stürmium, quum senectute prope iam confectus erat, expertum esse, nemo ignorat. Eorum scilicet, qui Melanchthonis (h), Erasmi, Camerarii, primorum*

(g) vid. mea de Caselii meritis commentat. p. 60.

(h) grauius in primis Casp. Hofmanus cit. orat. filii de Barbarie imminente D. 7, a, conquestus est de furiosi saeculi barbarica prorsus ingratitudine, aduersus tanti nominis virum, optime de studiis & studiosis meritum; cui omnem humanitatem, omnemque Germanorum ingeniorum cultum acceptum referre debeamus. intolerabilem plane, flagrisque dignam audaciam putauit Hofmanus, adulescentulos vix tenui eruditionis umbra tinctos, & Latine adhuc balbutientes, beatos tanti praceptoris manes illoto sermone allatrare ausos esse; & in eum,



rum Getmāniæ nostræ signiferorum, *memoriam damnatam velle* videbantur, eam fuisse impudentiam, non nemo conquestus est (i), ut optimo Sturmio molestissimi existerent, maximos principes in caput eius concitantes (k). Quorum scriptis nisi docti, coita societate, certatim sese obiiicerent, verendum iis esse, idem iste eruditus vir existimabat, ne capitis velut causa ipsis aliquando dicenda esset, qui omnis eruditionis parentes & principes deseruerint. Et *Sturmius*, qui Germa-

Ii 5

no-

cui studiorum fuorum fundamenta & profectum debebant, ingratas acuisse linguas,

(i) Georg. Obrechtus, uti videtur, epistola ad Bersmanum, P. I Poematum huius p. 348. *Non minimum confusionis doctrine & barbariei in studiis secutura indicium* Hofmanus cit. l. censuit, quod summos istos rei litterariæ duces in scholis loco mouere, & de gradu deturbare conati sint, homines, qui viuentibus in conspectum prodire, eius sententia, non sustinissent, aut certe confusi, ut tanæ Seriphia, obmutuissent.

(k) Memoratu digna sunt verba, quibus Landgravius Hasia (Wilhelmus IV, nō fallor, Sapiens cognominatus) postquam ex Hochfeldero de Sturmio diligenter inquisiuerat, iniqua huius fata doluit: O Gott, o Gott, wie ist man mit dem Mann umgangen! Monumentor. Pietatis & litterarū P. II, p. 99. Remedia, quæ Sturmius doloribus suis adhibuit, ipse in epistola ad Bersmanum scripta, P. II Poematum huius, p. 279, indicauit, scribens: *His me consolor elementis, religionis, conscientia & innocentia.*

norum, de quibus egregia ingenii, doctrinae,  
 virtutis, sapientiae *pietatisque* fuerat existi-  
 matio, princeps antea habitus erat (l): &  
*Caselius*, de quo nihil tam magnificum præ-  
 dicari posse, visum fuerat exteris (ll), quod  
 summæ eius virtutes non exsuperarint; quum  
 vir fuerit *probitate* & eruditione insignis,  
 candore Germanus, stilo Romanus. optimi,  
 inquam, hi duumviri *hereseos crimine* viui ac-  
 cusabantur: controuersia huic a nonnullis  
 mota, an *bonæ litteræ atque philosophia*, quas  
 aureo Melanchthonis æuo *firmare* Christi-  
 anæ *presidia* esse, crediderant eruditi, *ecclesiæ*  
*atque sacrarum litterarum cultoribus orna-*  
*mento sint; vtiles, nec non necessaria*: quod  
 isti negare videbantur (m). Quæ omnia de  
*mira humani iudicii varietate* abunde testan-  
 tur; qua ea, quæ priori sæculo probauit, &  
 auide maxime arripuit, altero damnet atque  
 respuat (n). Quod si Erasmi ætas in tale so-  
 lidæ eruditioni inimicum satis tempus inci-  
 disset,

(l) Camerarius in vita Melanchthonis, p. 146.

(ll) Ios. Scaliger Confutat. fabul. Burdon. p. 410, seq.  
 edit. Elzeuir. an. 1617, 12.

(m) Comment. mea de Caselii meritis p. 60.

(n) id dilucide demonstrat cel. Perizonius in orat: su-  
 periorib. capitib. cit. de *Doctrinae Studiis*, nuper post  
*depulsam Barbariem diligentissime denuo cultis & de-*  
*sideratis, nunc vero rursus neglectis fere & contem-*  
*ptis*. Lugd. Batav. an. 1708, 4.

disset, minus forsitan mirandum fuisset, si tum scripsisset: *Vbi Lutheranismus, ibi litterarum est interitus: per Lutheranos languent, frigent, iacent, intereunt bonæ litteræ.*

Accedit, quod in tanto studiorum contemptu, *Mæcenatibus* non, vt ante, se offerentibus, & ingenia honore ac munificentia, exstimulantibus, eruditorum animi *deiecti* ac torpidi esse cœperint. In qua ipsa *Mæcenatum paucitate* Casp. Hofmanus non leuem imminētis *Barbariei causam* reperisse sibi visus est. Pauci videlicet tum in Germania numerabantur amplius *Friderici*, Saxonix Electoris, similes Principes: paullo etiam ante, quam Hofmanus querimoniam istam suam instituit, *Io. Albertus*, Dux Megapol. summus Musarum Patronus, diem suum obierat. *Pflugii* porro sensim desiderabantur atque *Carolouicii*. Eo ætate sua rem perductam fuisse, ostendit Hofmanus, vt, quum plerique, quos in primis decebat auctoritate sua apud principes honestos cœtus tueri & ornare, studia promouere, & discentes beneficentia sua pro viribus iuuare, aut exiguum, aut nullum studiorum habebant vsum, locum suum tueri se posse diffiderent, si adhiberentur ad negotia *peritiores & exercitati*. Eos igitur maluisse, addit, *pauciores esse eruditos, &*  
suis

suis tantum consiliis stare Rempubl. seque  
 primos esse apud reges, *deiectis de gradu sa-*  
*pientibus.* atque ob hoc ipsum & studiis & lit-  
*teratis* fuisse eos *iniquiores.* Hinc accidisse,  
 concludit, ut *eruditi,* quum tenuitatem suam  
 docendo utcunque sustentare vellent, *se in-*  
*alias ignobiliores curas mergere sint coacti;*  
*operariis* diurna mercede conductis similes  
 reddit, qui penso absoluto, ad nullam ultra  
 numerum operam adigi queant, quod *super-*  
*vacaneam esse defatigationem* putent, *qua o-*  
*pera pretio careat.* Atque ita, *desidia inuale-*  
*scente,* pensum numeris exigi coepisse, adfir-  
 mat, postquam *diligentia premium* constitui  
 desierit. tum enim, quum hoc fieri consue-  
 uerit, alacriter ad operas subeundas procur-  
 risse homines eruditos, probat, ad *palma ho-*  
*nores* contendentes, decore atque laude ex-  
 citatos. Eodem tempore homines, doctri-  
 nae felicitatem auditorumque commodum  
 magis in eo verti, existimasse, comprobatur  
 porro, si quisque sua *estimaretur virtute;* &  
*exponderetur profitendi peritia & dexteritas;*  
 magnae eruditionis hominibus, *frequens au-*  
*ditorium & doctrine avidum pro calcaribus*  
*esse,* ratos. Proinde non minimam *schola-*  
*rum ætatis suæ infelicitatem* in eo residere,  
 persuasit sibi eruditissimus Hofmanus, quod  
 non

*non omnia suo aestimata sint pretio, nec cuique locus, quem merebatur, tributus.*

Commemorata haftenus magnopere confirmant: honorem alere artes, omnesque incendi ad studia, gloria; & iacere ea semper, quæ apud quosque improbentur. Improbaturum autem fere esse Romani sermonis, ac universæ humanitatis studium apud Germanos, exeunte sæculo XVI, Sturmii testimonio insuper comprobabo, verboso fati's vehementique; quo illis, quæ capite hoc a me prolata sunt, ponderis aliquid addatur; in extremum caput ideo a me reservato (o). Si umquam alias, nunc opus habemus eruditis hominibus, quorum raritas & iam magna est, & maior impendere videtur in hac neglectione vel potius contemptu: nulla laus, nulla præmia digna tantis laboribus sunt constituta. quos enim patronos habent? & ut sua tuentur patrociniæ? nemo est, qui non medicus, & iureperitus esse malit, quam hoc genus studiorum sequi, quod nos colimus; liberum quidem, nullisque alligatum rerum legibus, tamen laboribus ingens, immensum, infinitum: aut illud

Theo-

(o) ex eius & gymnasii Argentorat. Luctu ad Ioach. Camerarium E. 6, seq. B. 6, b conquestus etiam erat: *Hiscæ nostris temporibus formidabilis est caritas doctorum virorum, & corruptissimi mores sunt, & spes nulla est melioris discipline, nisi ad eam grauioribus calamitatibus attrahamur.*

Theologorum, quod tamen si omnium sanctissimum sit, tamen tum demum perfectum deprauatis hominibus, qui ubique nimis multi sunt, esse videtur, quum contemptui est, quum eget, quum mendicat. Magistris litterarum & diaconis non centum aurei dantur, & quum dantur nimium esse putant, liberis plena domus est, artem nullam exercent, ut ne a suis scilicet auocentur, interea dum æs alienum eos cruciat, dum vxorum & liberorum egestatem metuunt, dum in creditorum conspectum venire erubescunt, dum circumeunt per plateas, ut in eam non veniant, in qua creditor habitat: o honestatem! o dispensationem bonorum! o conscientiam! non dedecus, non disperditio facultatum, non Dei iudicium neque commouet, neque commonet eos, quorum in potestate res versantur. adolescentulos pauperes excludimus, mendicitatem & impudentiam metuimus, nec cogitamus, aut admittere hos esse aut alendos ex arario, aut magna pecunia comparandos aliunde, qui sint eruditi, aut profligationem expectandam esse litterarum & religionis. Sed hanc non metuimus, immo litteras non amamus, religionem negligimus, & in coaceruandis non distribuendis facultatibus officium nostrum positum esse, existimamus. Hoc vitium non in nostra religione natum est, sed e pontificum consuetudine

tudine ad nos defluxit. ubi ad paucos pleraque omnia seuocantur, multo minima pars ad vicarios horum peruenit: & hi ipsi, qui pauci sunt, Ecclesia facultates intercipiunt. Verum tamen etiamsi nihil ex his recuperamus, nihil etiam expectaremus, tamen providendum esset, ut hi ne aliquando deessent, quorum industria nobis esset necessaria & salutaris.

## CAP. VII.

Quibus fatis Latina lingua in Germania saeculo XVII usa, & qua ratione inuentus in scholis ibi instituta sit, singularum artium disciplinis eruditissimorum virorum testimoniis declaratur: & quemadmodum Germanorum linguam istam addiscendi ardor magis magisque deferbuerit, ostenditur; stili formis, siue characteribus aliquot, velut Philippico, Lipsiano, commonstratis, atque Iesuitarum Latinae linguae studio, non minus sensim diminuto, memorato. Eorum, qui ipsum hoc studium inter Germanos conseruatum voluerint, popularibus laudabili praeuntes exemplo, numero, primo loco nominatur Gerh. Io. Vosius, & Gasp. Scioppius: quorum huius praecleara in Romanorum sermonem merita pluribus predicantur verbis, & illorum, qui apud Germanos operam nauarunt, ut optimis Latinis auctoribus

*ribus meliusculè esset, nec non Oratorum, Poetarum, Rhetorum, atque Grammaticorum nonnulli nominantur. Neque Mæcenates proximo seculo penitus defuerunt Germaniæ.*

*Qualia demum per hoc ipsum seculum, quo vivimus, fata Latinæ linguae imminere videantur, præstantissimorum virorum iudiciis ostenditur; & pauca de eius dignitate, a quibusdam acriter satis hodie impugnata, adduntur.*

**A**D proximum seculum vsque progressus; quibus fatis eo incunte Latina lingua in Germania vsa sit, Caselii iterum verbis eloqui constitui: vtpote cuius extremum vitæ tempus initium sæculi attigit; & cuius testimonia eo libentius me adducere, professus sum, quo exquisitiorem ipsius eruditionem existisse, & quo maiore prudentia, vsu, atque exercitatione præditum eum fuisse, cognouimus, de elegantiori litteraturâ optime meritum. Hic quidem, vt ludorum magistri disciplinæ suæ alumnos in *intelligendo* potissimum *Romano sermone* satis diu tenerent, confirmarentque, magnopere exoptauerat, & vt facerent id, prudenter admodum data occasione, qualem sæpissime, prout rei scholasticæ apud Germanos recte constituendæ



dæ cupidissimus fuit, captauit, admonuerat. At secus a plerisque per totam suam, eamque longam fati, ætatem factum, doluit: siquidem hos fidei ac disciplinæ suæ commissos, & humanæ vitæ, & ceterarum rerum rudes adhuc, statim ad *declamandum & disputandum* inepte prorsus, inutiliter atque perniciose rapuisse confirmavit (a). Hodie, inquit (b) alicubi, *quod merito reprehendendum est, in quibusdam ludis puerilibus* (c) *Latina & Græ-*  
Kk cæ

(a) ad linguam Lat. accuratius discendam Cohortat. extr.

(b) an. 1612, in orat. funebr. Ioanni Niuinio script. B. 4. b. circa idem tempus, in orat. funebr. Andr. Mylio scr. D. 2, a ita locutus est: *De educatione prima in litteris exstare aliquid plenius hodie non abs re esse videatur, quod scholas inferiores ex eo tempore (quo Georg. Fabricius Misenensi scholæ præesse desierat) non pauci magis corrumpere, hi præsertim, qui eas instar academiarum esse valuerint.*

(c) in orat. funebr. Wilhel. ab Heimbürg ab se scr. D. 2, a mentem suam de istis ita explicauit: *Nec adfirmare dubito, præceptores de prima ætate non rectius mereri, quam si utriusque lingue scriptores ita interpretentur, ut faciebant veteres, qui nobis præuerunt ad intelligenda scripta Græcorum & Latinorum: quos secuti fuere, & æquauere nostra ætate multi, in quibus prælucent, Scaliger, Manutius, Lambinus, Turnebus, similes. Hunc etiam terminum statuo ludorum puerilium, nec multo ulterius promouendum. Hæc vberius in eleganti suo de Ludo litterario recte aperiendo libro exposuit: cuius di-*

*calittere; & quædam artium principia accom-  
modatarum pueritiæ & adolescentiæ geniis,  
contemnuntur, petulantia nouatorum, & ma-  
gna ex parte negliguntur, & philosophantur,  
vt aiunt, qui præter sapientiæ nomen nihil au-  
ribus acceperunt, opinionem, baud scio qua-  
rum, cultores, & loquacitatis magistri inso-  
lentes admodum. Alibi eorundem tempo-  
rum hanc instituit descriptionem (d): Lin-  
guas, in quibus omnes ingenue disciplinæ & o-  
mnes partes sapientiæ, siue philosophiæ, tam-  
quam in scriniis continentur, ita negligimus,  
vt Græcam pauci discant, pauciores intelli-  
gant: altera ita quoque iacet, vt pleræque  
academiæ Latinæ vix balbutiant: nec ad rem  
facit, etiamsi quotannis tota plaustra nouo-  
rum librorum prodeunt, non boni nulli, ferendi  
aliqui, plerique male feriat, ubi chartæ plu-  
ris sunt, quam quæ iis labore multo & graui  
sumptu impressa sunt. Non acervos, sed  
montes, ante pedes extructos videre licet,  
Θέσσω, de quibus absque rebus passim litiga-  
tur: sunt orationes, infantiumne dicam, an-  
intelligentium, nihil supra remiges: poeta-  
rum volumina, quæ saburræ fateant: hinc  
nouæ acrostichistæ, eteostichistæ, anagramma-  
tistæ:*

uersas editiones in meo de Caselii meritis Commen-  
tario recensui p. 48, seq.

(d) in Νέγ ηγῆ Παιδείας. E. 2, 2.

*Vistæ: inane studium, quoniam de sexcentis unum vix micam in se salis habet: comici item sine lingua, sine arte, sine mente: historici, sine vita, sine consiliis: quidam in nugis, & fabulis anilibus occupantur: alii millies scriptarecoquunt: ἐωλονρασιὰς dicas, nisi quod plerisque nemo frui potest, ut besterni epuli reliquiis: non dicam de iis, qui vel se inter se vel innocentes conuiciorum luto conspergunt: denique vicus non est, quin scriptorem habeat. Igitur in plerisque merum rus, inscitia & barbaria. Quanti erat, prius doceri? eos praesertim, qui uno nutu & graui supercilio omnis vetustatis scripta iugulant: nec tamen vel ridiculum musculum, sed mera monstra pariunt. Non equidem ex hac iusta & necessaria reprehensione voluptatem ipse capio: res ipsa magnum mihi dolorem inurit. Adscit namque me iactura veritatis, & oppressio siue diminutio salutis publicæ, quam inde consequi video. Nec vero quemquam his sagittis peto, nisi inscitiam & malitiam. Quid utraque effecerit demum, his verbis (c) edocere etiam voluisse, videtur publicæ salutis studiosissimus vir: Videas huius prauæ opinionis eos, qui sibi omnia prima tribui volunt: magistros linguarum, quibus abolitis omnes litteræ concidant,*

Kk 2

in-

(c) in Laudatione Io. Alberti D. Megap. G. 2, b.

*interpretes veterum, quos cognosse in vita hominum primum opera pretium est, professores philosophiae, qua exacta barbaries omnia occupat necesse est, tenuiter, & vix aliquo loco esse habendos.*

Quando vero disputando declamandoque, bene, vt sibi quidem videbantur, exercitatos adolescentes, at falsa simul eruditio-  
nis opinione inflatos, & multarum, earumque sublimium, si diis placet, rerum scientia onustos quasi, in academias a philosophantibus suis magistris missos esse, cognoscimus: quid, quæso, mirum, si euenerit inde, quod Frid. Taubmanus eodem ferme tempore, quo Caselius de praua ista institutione conquestus est, accidisse, adfirmavit? cuius ipsa verba ex eleganti eius de *Lingua Latina* dissertatione (f) proferam; quum temporum istorum facies, & Romani sermonis contemptio ita aperte iis declarentur, vt nihil possit supra. Eo enim in Germania rem iterum perductam tum fuisse, monstrat Taubmanus, vt si quis elegantiae ac proprietati sermonis paullo accuratius studuerat, non modo a iuuentute, sed interdum

(f) p. 116, iteratae editionis, an. 1632, 8. quantopere eruditus placuerit libellus, inde conicere possumus, quod prior eius editio XIV dierum spatium est diuendita.

dum ab iis ipsis, qui iuventutem erudiebant, per contemptum *Philologus* nuncuparetur, *Criticus*, *Grammaticus*, atque vno verbo *Verbalis*; ipsi vero nouo nomine *Reales* sese appellarent, quasi ipsi quidem meras res tractauissent, ceteri, in sermonis cultu tantum occupati, rerum cognitionem non perinde curassent. Quid, quod de sartore aliquo aut cerdone honestius loqui tum cœpisse homines, quam de *Poeta*, adfirmat porro Taubmanus: quum *Laurus*, quam Germani Cæsares non aliqua vicaria, sed sua manu, Celtæ, Hutteno atque Melisso, id honoris ingenii virtute consecutis, imposuerant, non vulgo tantum *ludibrium* esset, sed & *pretio* aut *versu* aliquo *scabioso* venatis. Illa autem Taubmani verba, quibus languidius in academiis commorantium iuuenum Romanam linguam excolendi studium describit, sunt sequentia: *Creduntur hodie in hac Witteberga versari studiorum gratia ex omni fere gente orbis Europæ, quasi mille, quingenti, vel, quod nonnulli vero propius existimant, bis mille: eorumque partem bene magnam me iam dicentem audire arbitror. Si tamen in concione ista densissima reperitur, qui spondere mihi ausit, se tempore hoc non ita longinquo posse discipulum erudire, ut Orationem faciat bene Latinam, quæque non,*

ut oves Aegontis Virgiliani, vix osibus hæreat, sed quæ, ut illa Chærea Terentiani Pamphila succi plena sit: ei ego me omnium primus ex hac hora, & ut primum ex hac cathedra descendero, discipulum tradam cum, cera & stilo, cum auribus & lingua, atque adeo cum omnibus intestinis. Et quamvis nunc quidem morbo Poetarum vernaculo, hoc est inopia argentaria, laboro: tam bona tamen magistro pro singulis horis, (quos Capnio Romæ olim pro addiscenda Hebræa lingua Iudeo dedisse scribitur) singulos aureos didax-  
 γον siue minerval clara voce, & tamquam stipulatu, ultro spondeo. Spero enim me posse adhuc, si curiosius arcular meas excutiam, centum aureos pro tam pretiosa merce alicunde euoluere; vel certe ab amico in hunc usum mutuari.

Plura quin ex eadem perdocta lectuque iucunda Taubmani dissertatione proferam, temperare mihi vix queo. Sed satis habeo in præsentî, me eam citasse, dignissimam sane, quæ ab omnibus Latinæ linguæ, cuius amantissimum sese præbuit Taubmanus, studiosis diligenter versetur: & quum ea nostro etiam sæculo scripta videatur, neminem semel iterumque eam legisse, poenitebit, spero. *Lasciuientium* quorundam ætatis suæ ingeniorum temeritatem, potissimum castigant-

stigandam ea decreuit clarissimus vir: quæ videlicet, quum vberissimam selectissimarum vocum ac phrasum copiam habere potuissent, exoletis tamen & ab usu remotis verbis vndique conquisitis, *febriculosam* quamdam & *vix Sibyllæ intelligendam orationem* conspectabantur, eruditionis famam ex eo adfectantes, vt quædam soli scire viderentur. Opportuna admodum sic oblata occasione, plurimis argumentis *Latine lingue studium necessarium* omnino esse, demonstravit Taubmanus, clarissime simul ostendit, *accuratam* quidem eius requiri *cognitionem*. Aliquot porro *stili formas*, siue *characteres*, & *auctorum quasi sectas* recensuit, quæ iuventutem maxime tum exercuerint. Primum miratus est (ff), exstitisse suæ ætate, qui *Phil. Melanchthonem* vt *ducem* & *antesignanum ad eloquentiam* eligere sibi, ac orationem eius pro *Latine orationis exemplo* citare haud dubitarint, quos ipsum Melanchthonem, si reuixisset, miraturum fuisse, credidit: quum is iuventutem & voce & calamo ad vetus istud Romanum exemplum vnice duxerit. Omnium vero minime illorum audaciam æuo suo tolerandam putauit, qui, si per imperitiam vel supinam etiam negligentiam *plebeio ac sordido ser-*

Kk 4 mone,

(ff) dissert. cit. p. 34.

mone, qui vix grammaticus visus, nedum Latinus haberi potuerit, vñ sunt, illo se tue-  
 ri haud erubuerunt, quasi orci galea, se ge-  
*nus dicendi Philippicum* amare, simplex quasi  
 & popolare. Quod si meminerimus (g),  
 viuo Melanchthone repertos fuisse, qui cum  
*alterum humerum in incedendo nonnihil de-*  
*torquentem*, & *balbam* ipsius *vocem gestus-*  
 que imitari studuerint; non adeo mirabi-  
 mur, puto, tales etiam exstitisse, qui dictio-  
 nem eius Latinam imitandam sibi propo-  
 fuerint. Plerisque enim curæ tum fuisse,  
 dignissimus eiusdem discipulus adfirma-  
 uit (h), non quomodo communem præce-  
 ptorem imitarentur, & doctissimi optimi-  
 que euaderent, sed quomodo ex eo quæ-  
 dam acciperent, quibus instructi facilius se  
 ad honores emerfuros, & diuitias compara-  
 turos, considerent: quum tamen ipse neque  
 his de rebus docuerit, neque, quæ quotidie  
 docuerat, ad illos fines referre quemquam  
 passus sit. Iis, qui Melanchthonis dicendi  
 genus imitando exprimere videri voluerunt,  
 aliam subiungit Taubmanus ætatis suæ imi-  
 tatorum speciem: eorum scilicet, qui *Lipfi-*  
*anam dicendi formam* sequi gestiuerunt. in  
 qua defendenda atque laudanda multus  
 est

(g) Camerarius in Vita Melanchth. p. 69.

(h) Caselius Secund. Lubiad. C. 1, a.



est (i); demonstraturus, Lipsii stilum viuum aliquid habere, alacre, eruditum, & quod sæpius repetitum placeat. quem alii ex aduerso per se minus laudabilem putarunt (k), ineptissimis succensentes mortalibus qui eum imitandum sibi existimarint; idque tam præpostere, vt vitia eius expresserint plerumque, virtutes haud adsecuti. Inde labem istam, quam exteri in *Belgiæ* improbarunt, Lipsio magna ex parte adscribendam esse, crediderunt eruditi (l); persuasissimumque sibi habuerunt, nisi magnus Scaliger iuuentuti pessum eunti salubrioribus succurrisset mōnitis, futurum fuisse, vt

Kk 5                      tan-

(i) dissert, p. 42, seq.

(k) vid. Morhof. Polyhist. litterar. lib. I, c. 24, § 65.

& Henr. Stephani librum hoc titulo insignitum:  
*De Lipsii Latinitate* [vt ipsimet antiquarii antiquarum Lipsii stilum indignant *Palæstra I*, Henr. Stephani, *Parisiensis*: nec *Lipsiomimi*, nec *Lipsiomomi*, nec *Lipsiocolacis*; multoque minus *Lipsiomastigis*,

Libertas volo sit Latinitati,

Sed licentia nolo detur illi.

*Hic multa non vulgaria vulgi litteratorum linguis  
de Latinitate illa antiquaria tantum non digladiantibus  
opponantur.*

Molestia huius litis est sermonibus

Implicita multis, auferunt qui tædium,

Et laticulas tibi ad alias qui conferunt.

*Francofordii an. 1595. 8.*

(l) Nic. Heinſius ap. Morhof. c. l.

tantam excellentissimorum ingeniorum  
 messem inter Belgas haud inuenissent exteri,  
 quantam merito deinceps sint admirati.  
 Nec vero labes ista solos Belgas atque *Ger-*  
*manos*, sed *Gallos* quoque, infecisse iisdem  
 eruditis viris visa est : quamvis eam non  
 tam ipsi Lipsio imputarunt, quam *peruersis*  
*eius imitatoribus* : quos ipse Lipsius non  
 modo ridere consuevit, verum etiam, quum  
*verba & abstrusiores aliquot phrasas emendi-*  
*care* eos conspiceret, iram in ipsos vix te-  
 nuit.

Vt pauca etiam de favore, quo *Iesuitæ* La-  
 tinam linguam sunt prosecuti, subiiciam. &  
 hic quoque non perpetuus fuisse videtur.  
 Nam quum Matth. Dresserus sub sæculi XVI  
 exitum scripserat (ll) : *Quotusquisque*  
*Iesuitarum est, qui non studio magno nitorem*  
*& elegantiam Latini sermonis sectetur? Quo-*  
*tusquisque eorum est, qui obsoletum, squali-*  
*dum horridumque genus dicendi non respuat*  
*& oderit?* Casp. Scioppius insequentis sæ-  
 culi XXXVI anno ita de iisdem locutus  
 est (m) : *Quum Iesuitæ glorientur, se in*  
*Europa circiter ducenta discipulorum millia*  
*habere*

(ll) in orat. de Libris, quos legere, & de Orationis ge-  
 nere, quod imitari studiosos decet. C. 2, b.

(m) Consultat. de Scholarum & Studiorum ratione p.  
 74, seq. edit. Amstelod.

habere, ex tanto numero quotus tandem quisque continuis septennii laboribus apud eos exhaustis plebi se exemit, ac virorum Latinarum litterarum laude clarorum cœtui inseruit? Nimirum in ipsa quoque Societate non, temere decem Patres inuenerint, quibus opere in scholis aliud fuerit pretium, nisi ut Grammaticæ scriberent, & barbarismis ac solæcismis potius dictio eorum vacaret, quam ullam Elegantiæ commendationem adferre deberet. Famianus certe Strada, cui suffragiis suis Iesuitæ in Latine scribendo primas sine controuersia deferunt, nihilque nisi mellitos verborum globulos & omnia dicta sesamo ac papauere, vel potius cœlitum nectare & ambrosia in scriptis eius sparsa & imbuta inueniri contendunt, nondum fœdas barbarismi & solæcismi notas sibi impressas eluit; ac fortasse non de nihilo veretur, ne mox Historiæ suæ idem ipsum usu veniat, quod nuper Maffeo: cuius stilum vitiiis ne in linguæ quidem tirone ferendis scatere, in Scioppii Rhetoricæ fragmento Mediolani edito demonstratum vidit. Equidem facile ego, quod complures comprobauerunt, concedo, Scioppium odio ductum, & in vniuersum ordinem, & in Stradam, acerbe nimis, non his solum verbis, sed aliis etiam scriptis suis, inuectum videri. nam nemo forsitan præter

ter Scioppium temere negauerit, Societatem hanc XVII sæculo præclaros viros, optime de humanioribus litteris, Romana in primis eloquentia, promeritos, in singulis Europæ regionibus habuisse. Cui enim *Andr. Schotti*; *Ludou. Cresollii*, *Nic. Causini*, *Wolfg. Schænslederi*, *Robusl. Balbini*, *Iac. Masenii*, *Martini du Cygne*, *Franc. Vauassoris*, *Ren. Rapini*; & *Petr. Io. Perpiniani*, *Horat. Tursellini*, XVI sæculo florentium, aliorumque, merita incognita sunt? Sed tamen de maxima Iesuitarum parte non iniuria statui posse, quod Steph. Doletus de vniuersis Germanis olim iudicauit, ego mihi persua-deo: vbi Germanis *nimiam* illam *Latine loquendi cupiditatem*, & quotidianum vsum, hoc attulisse vitium, censuit, vt *multo doctius ac elegantius loquerentur, quam scriberent*. accedere eo, quod inter grauitatem, quæ scriptis ac lucubrationibus inesse debeat, & familiare colloquium nullum facerent discrimen (n). Neque vero etiam intelli-

(n) dialog. de Imitat. Ciceron. p. 95, edit. Lugd. an. 1535, 4. Quantum mali ex quotidiano Latini sermonis vfu cum iis, quibus studia litterarum non maturuerunt, proueniat, G. I. Vosius fuse in doctissima sua præfatione in lib. de Vitiis Sermonis monstrauit. Nam *assidue*, inquit, *tales audiendo, simili aduescimus sermoni: ipsi, perperam loquentes, perperam discimus scribere. Vt mihi prope-*

telligentes isti veterum monumentorum existimatores auctoritate sua prohibere valuerunt, quo minus Societas ingentem superiori sæculo *novatorum*, vetera fere improbantium, habuerit prouentum (o).

Qualis scholarum in Germania nostra in eunte sæculo status fuit, talis progrediente eo etiam existit: tantum enim abest, vt Germanorum in Latina lingua accuratius addiscenda industriam postero tempore ad auctam confirmet nobis æui istius monumenta, vt rem in deterius datam esse, adscuerent. Et quemadmodum rerum intelligentes præcipuam inclinantis, labescentis, & magis magisque ad interitum vergentis apud Germanos eruditionis causam superiori sæculo existimauerunt, quod *tenera ætas in scholis triuialibus minus recte sit instituta*; ita Georg. Calixtus, magnus Ecclesiæ nostræ theologus, centum circiter abhinc annis vehementer doluit (p), pueros illo ætatis tem-

pore,

*modum causam suam probent, qui arbitrantur, Latine loquendi morem, qualis quidem obtinet vulgo, non minus officere linguae castimonie, quam prodesse. quantum incommodi mos iste sibi attulerit pluribus verbis commemorat simul, \* \* 4, b.*

(o) vid. Morhof. Polyh. litter. I. VI, c. 1, § 17, 18. conf. Melch. Inchofer lib. VI histor. f. Latinit. c. 8, de *Societatis Iesu circa linguam Latinam instituto.*

(p) de Solidæ eruditionis indies apud Germanos de-

pore, quo solidæ eruditionis fundamenta in scholis ponere debuissent, ex genuinis auctoribus Latinam linguam ita addiscentes, ut optimorum scriptorum mentem adsequi; suamque sententiam commode ac perspicue exponere sensim valuissent; præpostero plane ordine, iisque, sine quibus successum frustra quis sperauerit, præteritis, ad sublimiores disciplinas transilire coactos esse a magistris; qui sibi perquam docti, Calixto id de iis testante, visi erant, quando ea docuerant, quæ ipsi numquam didicerant, & quæ discipuli nec ceperant, nec capere per ætatem potuerant. huiusmodi enim ætatis suæ pædagogos illorum auctorum, qui ab omni retro antiquitate politioris litteraturæ & sermonis magistri habiti erant, scripta ex manibus iuuentutis excussisse, & sua commenta, tamquam maiora & præclara magis, iis substituisse, idem Calixtus coarguit: cuius iudicio is, *qui citra solacismos & barbarismos, citra sordes, & dictionis inquinamenta Latine loquendi ac scribendi facultatem sibi haud compararit, immerito inter eruditos nomen suum proficitur* (q).

Medio

crescentis causis Orat. pag. 137. orat. an. 1660 coniunctim Helmeft. editar 4.

(q) de Recta iuuentutis informatione & præceptorum officio, orat. p. 41.

Medio circiter sæculo res eo in Germania, quod ad litteras attinet, perducta erat, vt Bœclerus scribere haud vereretur (r), *ne in academiis quidem*, quas Deus & respublica non huius, aut illius, sed omnis doctrinæ, custodes & magistras esse voluerit, *varia eruditioni aut politioribus Musis impune operari tum licuisse*; & bonos auctores, apud eos, qui studiorum titulos prætulerint, ne vocabulo quidem notos fuisse, quereretur; immo Ciceronem cum omni eloquentia ad pueriles nœnias damnari, Cæsares, Liuios amare in probro haberi cœpisse: vnde factum esse, addit, vt *altiora omnia intelligendo nihil satis intellexerint homines*. Viginti annis post, quam Bœclerus ita conquestus fuerat, Germanos non levis focordia, & incitæ dignæ notari optimus Bœcleri discipulus Io. Ludou. Praschius quam disertissimis his infimulauit verbis (s): *Illud dicam, si vlla gens habeat caussas poliendi stilum Latinum, Germanos utique habere, qui & Romani imperii dignitate fulgeant, nec vernaculæ linguæ cura distringantur. Semper equidem cum imperio illo & lingua Latialis viguit: eandemque, ac non illatinam, iuxta Teutonicam exigunt leges nostra*

(r) in præfat. de Rebus sæc. IX & X Commentar.

(s) initio Roseti s. Præceptor, stili Latini.

*stra* (\*). Interim, quam rarus hodie per terrarum orbem hic cultus sit, vix ausim dicere, vix persuadere valeam. Exsulat enim non ab aulis modo, & cancellis publicis, quibus etiam sordere solet, ut scholasticus : sed a scholis quoque cessit, a virorum doctissimorum, & alia omnia pra se ferentium, scriptis. Nec mirum: pendent enim scholae ab imperantium cura atque exemplo: a quibus vident auctorari, nescio quod, scribendi genus barbarum, vide, verbum ac molestum, quum quidem ibi regnare debeat stili breuitas & elegantia, aut magnificentia ac splendor. In hoc parando nulli sumptui parcendum esset. Vergente saeculo de Romani sermonis in Germania neglectione Val. Henr. Voglerus grauiter etiam questus est, quando de studiorum aetatis suae corruptelis prudenter admodum commentans, scripsit (†): *Latina lingua longe infra multorum officium, longaque secius, quam decet, ac par est, & ad eruditionem promouendam siue commoditas siue necessitas exposcit. Ita quippe puritas & elegantia sermonis eius passim negligitur, ut*

(\*) Conf. Melch. Inchofer. hist. S. Latinit. lib. IV. c.2, de lingua Latina *Lingua Imperii*.

(†) dissert. V, de Naturali in bonarum doctrinarum studia Propensione, Delectu ingeniorum, Studiorum corruptelis earumque causis, Holmest. an. 1672, 4, pag. 36.



*propria quoque vocum significatio a quam plurimis ignoretur. Et quidem hac fiunt etiam ab illis, quorum ductum alii tamquam caprum grex sequuntur, quorumque loquendi scribendique rationem proinde velut in exemplum sibi propositam non dumtaxat imitantur & exprimunt, sed etiam, quantum in sese est, augent atque in maius promouent. Non parum quoque linguae eius studio derogatum est, posteaquam quae antebac illa describi solebant, hinc inde vernacula multorum tradi ceperunt.*

In tanto domesticorum testium consensu nemini de languidiori Germanorum Latinae linguae proximo saeculo colendae studio dubitationis quicquam superesse posse, arbitrator. Plura quidem eadem de re non minus firma testimonia in promptu fuerant. at quum magnae aetate sua auctoritatis theologum, grauisimum iureconsultum, haud obscuri nominis medicum, & celeberrimos philologos ex diuersis latissime patentis Germaniae regionibus testes adduxerim, omnibus reliquis testimoniis facile supersedere posse, ego mihi videor; praesertim quum res ipsa suapte luce perspiciatur, & relicta nobis ingeniorum monimenta id, quod demonstratum volo, quam maxime simul testentur. Non possum tamen; quin de Lati-

nitare & vniuersa elegantiore litteratura  
 impense meriti Cellarii iudicium, auctarii  
 quasi loco, adiiciam; conditionem, qua  
 Romanus sermo extremo sæculo in patria  
 fuit, summi philologi verbis descripturus,  
 qui grauisissimi meliorum litterarum vindicis  
 verbis elocutus sum, qua idem sermo ine-  
 unte sæculo vsa ibi sit fortuna. ipsum opti-  
 mi Cellarii, præceptoris mei post fata etiam  
 diligentissime colendi, iudicium est (sf):  
*Laborat sæculum illorum multitudine, qui ex  
 doctrina nomen ferunt; sed, queso, fac pe-  
 riculum, & excute diligentius, quotusquisque  
 ex tanto numero sit pura Latinitatis conscius;  
 quotus par epistola eleganter scribenda?*  
 Quorum paucitatis causam alibi hanc tra-  
 didit idem excellentis doctrinæ laude præ-  
 stantissimus vir (t): *Non desunt, qui epi-  
 stola scribenda artem, aut compingenda ora-  
 tionis a nobis expetant: quibus si proponun-  
 tur, quæ opus sunt comparanda facultati;  
 aut recusant laborem illum subire, aut si agre  
 subeunt; tamquam canis ex Nilo bibens ocus  
 opinione recurrunt. Labore opus est, & le-  
 ctione multa, & excerptis variis ac crebra-*  
 imi-

(sf) in programme elegantior. litterat. collegio ape-  
 riendo adf.

(t) orat. de meliorib. litteris restituendis B. 2, a. quam  
 an. 1697, sub initium Collegii elegantioris litteratu-  
 ræ, in academia Fridericana constituti, habuit.

*imitatione.* Laborem hunc reformidasse litterarum studiosorum nomine appellatos iuvenes, sæculi initio Taubmanus pluribus verbis declaravit (tt); eandem tædii istius causam iisdem ferme verbis prodens, quibus Cellarius eam centum annis post exposuit: *Reperiuntur quidem in iuventute, qui videntur intelligere, quantum in viro sapiente ornamentum sit oratio elegans: ad-  
eunt interdum etiam publicum professorem, petuntque viam ac rationem sibi tradi, qui illud, quod in aliis admirantur, ipsi etiam consequi valeant. Paret magister; & viam, quam insistant, quamque decurrant, præceptis novitiorum iuxta ac veterum dicendi magistrorum, alba (quod dici consuevit) linea, signat. docet quotidie aliquid in clasfico auctore cum cura legendum; aliquid prudenter seligendum: quotidie aliquid scribendum, & in ista scriptione accurate ad exemplum perfecti illius sæculi respiciendum: omnesque ingenii ac iudicii nervos intendendos: nec facile remittendum, etiamsi annus in hac cura iam abeat, vel etiam alter, immo in duriori ingenio vel tertius. quippe pulcra quæ sunt, eadem & difficilia. neque ipsa rerum natura quicquam voluit magnum effici cito, sed præposuit pulcerrimo cuique operi difficultatem.* At hæc

Ll 2

quum

(tt) dissert. de lingua Lat. p. 114, seq.

*quum candidatis istis Latinae lingua precipiuntur ; nempe legendum quam diligentissime , scribendum quam diligentissime , legendum item quam plurimum , scribendum quam plurimum : illi tantum , tamque pertinacem , laborem pertasi resiliunt , & mirantur , aut etiam indignantur , aliquem e priuatis istis doctores , si singulos dies binis dumtaxat horis occupet , posse trimestri spatio , hoc est , horis centenis , & quod excurrit , hanc illamque partem philosophiae ita explicare , ut auditor non valde negligens doctrinam illam satis intelligat : quum nostrum aliquis tantum & temporis & studii requirat , ut oratio saltem probabilis scribatur .*

Verumenimvero inter Germanos non de-  
fuisse proximo saeculo , qui Latinae linguae  
studiosi , bonas litteras sartas tueri , & iu-  
uentutis industriam excitare contenderint ,  
ex ipsis istis eruditorum virorum querelis  
quodammodo patet . Nam quemadmo-  
dum , eloquentia Ciceronis tempore obmu-  
tescente , exstiterunt , quos *non tam dicendi  
fructus & gloria , quam ipsum studium exer-  
citatioque* delectauit (u) : ita humanitatis  
studiis ex Germania nostra aufugientibus ,  
nonnulli subinde prouenerunt , qui *non qua-*  
*stu*

(u) Cicero in Brut. cap. 6.

*flu & lucro, sed ipsorum studiorum, vti par erat, iucunditate usuque adducti, egregio popularibus præire perseverarunt exemplo; vt extrusas ab ingratis quibusdam hominibus litteras remoratum irent; Sturmii atque Caselii vestigia potissimum secuti. Et bono quidem fato potius, quam consilio, industriaque hominum, omni fere ætate exsistere, idem hic Caselius persuasum sibi habuit, qui sapientiam omnibus rebus posthabitis colendam propagandamque sibi putent: eodem fato heroum indole adolescentes exoriri subinde, credidit, qui quum, quæ alii tractent, nec ipsi negligant; attamen diuinitate ingenii ad altiora & prima illa studia adspirent (v). • Illorum, qui in melioribus litteris propagandis proximo sæculo elaborarunt, numerus, licet ingens primo videri queat: si quis tamen hunc cum eorum, qui XVI sæculo iisdem litteris operati sunt, numero comparauerit, exiguus sine dubio videbitur: qui infinitus exsistere omnino potuisset, si magnis firmisque subsidiis, quæ indefessum maiorum studium comparauerat, recte vti voluissent posterii. Hos idcirco summus Vossius non iniuria inertiae desidiaeque condemnauit, vbi verissime scripsit (x):*

Ll 3

*Solum*

(v) in orat. funebr. Andr. Mylio scr. C. 4, 2.

(x) præfat. in libros de Vitiis Sermonis \*\* 4, 2.

*Solum iuventutem moneo, ne una orationis parte sic studeat ornatui, ut alia contrahat sordes. atque hoc eo iustius facio, quia si iam sesquisaculo, & ultra, necdum satis sit profectum salubribus & praeceptis, & exemplis: difficile sit videre, quid, sine multorum monitu, deinceps sit sperandum, succedentibus aliis temporibus, quae sensum non tam ad sermonis applicent castimoniam, quam inanes argutias, ac mox etiam ad veterem barbariem paratura esse viam videantur. Usque adeo sordere capit omnis litteraturae honos. Spem quidem, quod ad Latinitatis studium pertinet, Ol. Borrichius suo etiamnum tempore fouisse videtur, eamque haud obscuram: quam his verbis exposuit (y): Quamquam diu post Petrarcham barbarum illud dictionis abominata cacoethes linguis & calamis perfunctorie doctorum infederit, nobiliores tamen animi ea constantia, & alacritate ubique, ingerenti sese stribiligni opposuere, ut magnis nunc passibus ad metam, ad rediuium Augusti & Vespasianorum seculum contendatur. Quicquid autem haecenus desiderari visum est, si vatum praesagio locus, temporum succedentium felicitas supplebit. Et praeludere iam pridem, praeter ingenia alia clarissima, duo fulgentissima litterarum humaniorum*

(y) de Variis linguae Latinae aetatib. p. m. 24.

*rum lumina*, Caspar Scioppius, & Ger. Io. Vosius, quibus immortales gratias debet eruditus orbis ob nauatam propagandis litteris operam, ob vigilatas in omnium emolumentum noctes, ob seruatos ciues Latinos. Vtrum triginta septem annorum interualli, quod interiectum est inter Borrichii præfagium & nostram ætatem, tanta fuerit iam felicitas, vt id, quod desideratum est, suppleuerit, est, quod valde dubito: vtrum vero posteritas tantæ spei satisfactura sit, alii vaticinentur. Ipsius quidem Borrichii, quam conceperat hac in re, expectationem septem circiter annis post extenuatam iam quodammodo fuisse, vel ex his eius verbis (z) coniicere quis forsitan posset: *Quo plures hodie videmus scriptorum Latinorum, recentium genio suo obsequi, hoc est, barbariem infelicium temporum castæ Latinitati permixtam saculo obtrudere, adeoque cum Mezentio corpora viua iungere mortuis, hoc illi merito laudatiorcs nobis æstimandi sunt, qui oculos aduersus inficetum illud genus attollunt, & pro virili sordes dictionis e stilo inquinate scribentium laborant abstergere.*

Quomodocunque se res habeat, elegantissima ista Borrichii verba, quibus iniectam

Ll 4

sibi

(z) Analector. ad Cogitationes de lingua Lat. pag. 1.

sibi spem explanavit, eo libentius adscripti, quo ampliore *Germanis* tribuere ea videntur laudem, multo pluris faciendam, quod ab extero est profecta. GERH. IO. VOS-SIO (a) laudem istam nemo inuidebit, spero, quum tanta eius in litteras, Latinam cum primis linguam, existant merita, vt a nemine satis laudari posse videatur incomparabilis plane vir; præclarum consummata in isto genere eruditionis, & stupendæ industriæ exemplar, merito a celeb. Perizonio appellatus (b). quo neminem post Aristotelem orandi artem vberius & accuratius tradidisse, censent eruditi. At GASP. SCIOPIVM nonnulli laude ista indignum forsitan iudicabunt: quamquam inuidenda magis viri elogia exstare, scio. Cuiusmodi plurimi illud etiam habebunt, quod Octau. Ferrarius ei impertiuit (c): qui Scioppium virum in omni litterarum genere *eminentissimum*, sed in sacrarum interpretatione sine æmulo natum

(a) ipse ego talia scripta vidi, in quibus *Heidelbergensem* natione sese nuncupavit: hoc fecit in oratione, quam an. 1597 Lugduni Batauor. de *Felici expeditione Belgici exercitus ductu D. Mauriti*, vicesimo circiter ætatis suæ anno, habuit, in cuius fine nomen eius apparet, altero prænomine omisso: *Gerardus Vosius Heydelbergensis*.

(b) in præfatione Sanctii Mineruæ præm.

(c) Prolus. XII, p. 113, edit. Patau. in 4.



tum nuncupauit, qui non urbem modo Antenoris, sed *saeculum illustrarit*; cuius incredibile studium atque inauditam animi contentionem vix credere potuerint, qui oculis non vsurparint. alibi solum Scioppium *irruentem barbariem profligare valuisse*, censuit Ferrarius (d). Equidem quum in re bona mali auctoris, Seneca dudum ita iudicante, pudere nos non debeat, ac in ingeniorum monumentis non tam considerandum esse videatur, quis scribat, sed quid scribatur: æqui iudices Scioppium ob *summa in Romanum sermonem merita* debita laudē haud priuandum censebunt. quæ si patria considerata, talis ciuis memoriam minus abominabitur; de quo prudentissimi viri iudicarint, non facile alium a multorum annorum memoria tantam rationem intelligentiamque antiquæ & urbanæ Latinitatis habuisse; & neminem inter omnes, qui linguæ tradendæ operam profiteantur, inueniri, quem in Latinis studiis Scioppio antepondere queamus (e). Dum hæc scribo, Campani minus honorificorum de Germanis iudiciorum de nouo recordor, solius Scioppii, in Bauariæ,

Ll 5                      Campa-

(d) Proluf. XIII, p. 126: vbi Ferrarius Scioppii laudes aliquot paginis persequitur.

(e) illustr. Marq. Gudius in præfat. Scioppii Grammat. philosoph.

Campano tantopere detestatae, confiniis nati, exemplum sapientissimam Thom. Bartholini adfirmationem (f) comprobare potest: *Nulli nationi nouercam naturam esse, si ingeniorum diligentia acuat, si Latitantes igniculi bonarum rerum assidua ventilatione suscitentur.* Tantopere suscitauit Scioppius igniculos, ut ipsi Itali miram atque exactam eius in aliorum scriptis aestimandis, & ad Latinae orationis censuram exigendis iudicii vim non satis suspicere potuerint (ff). siquidem eam reconditae eruditionis partem, quae Latini sermonis aut causam exigit, aut munditiam obseruat, omnium perfectissime explicasse iudicatur (g); *Francisci Sanctii, Brocensis*, vestigia secutus. Huius *Minervae*, siue de *lingua Latinae causis* libro, omnem accuratiorem suam eiusdem linguae cognitionem ultro debuit Scioppius. Nam postquam in puerili sua aetate nullam grammaticam Latinam didicerat, sed octo iam annos natus post nominum verborumque declinationes memoriae mandatas ex quotidiana Latinae loquentes audiendi, loquendique consuetudine tantum profecerat, ut quicquid aetatis illius usus posceret, Latina lingua enuntiare

(f) dissert. II de Libris legendis p. m. 35.

(ff) Oët. Ferrarius Prolus. XIII, p. 127.

(g) ill. Gudius cit. l.

tiare posset; & postquam adultior factus assidua optimorum auctorum lectione eam Latini sermonis intelligentiam consecutus sibi visus erat, vt, cur cognoscendis grammaticorum præceptis quicquam operæ consumeret, rationem nullam esse, putaret: in Sanctii demum Mineruam, quum in Hispania commoraretur, incidisse se, scribit (h); qua eo adactum se fatetur, vt per otium *veterum*, compluriumque *recentiorum grammaticorum* libros euoluerit, diligenter exploraturus, quo iure isti Sanctio vapulassent: in cuius videlicet libro *aliquot errorum millia*, grammaticis istis impingi, acriterque exagitari, compererat. Quum iure a Sanctio tot exagitatos cognouisset errores, eius grammaticam tanti fecit, vt hanc ex Salmanticensi academia Romam ab se allatam esse, mirifice semper sit gloriatus (i): quippe quam tantam facilitatem, & tam certam regularum rationem habere, censuit, vt *rem prodigii similem* omnibus videri necesse esset. Sanctii  
huius

(h) in præfat. grammat. philosoph. de *veteris & noue Grammaticæ Latine origine*.

(i) cel. Perizonius in præfat. in Sanctii Mineruam refert, ipsam hanc Mineruam ab Duce *Alcaleo*, Hispanici Regis legato, Romam deportatam, in Scioppii peruenisse manus, qui eam multis ornatam laudibus, notulisque suis auctam Patruino iterum prelo subiecerit.

huius, qui ob immensam operam molestiamque, in purgandis grammaticorum doctrinis, ceu sordidissimo Augiæ stabulo, deuoratam, *alter Hispaniæ suæ Hercules* nominandus quibusdam videtur (k): Huius, inquam, Sanctii vestigiis inhærens Scioppius, quum ea, quæ acceperat, passim in *grammatica* sua *philosophica*, aliisque acerrimi ingenii sui monumentis, illuminasset, multa præterea monstra confecisset, multa grammaticorum somnia explosisset, inueteratam plurimorum verborum peregrinitatem exterminasset, ac plures alias veterum frustrationes, & varia commenta, quæ ne Sanctius quidem olfacere potuerat, ostendisset, in *grammaticis nugari tandem desisse passim homines*, prudentes arbitrati sunt. Summi certe viri viuo Scioppio gratiam habere numquam cessarunt, quod ipsos opera ista a timore vindicasset, quo manum prius, quoties Latine scribere aggressi essent, contremiscere sibi sensissent (l). Maiores, & immortales plane gratias habuissent Scioppio Latini sermonis studiosi, si *Thesauro* suo, siue *Romane eloquentiæ Promptuario*, cuius summam cunctæ Europæ excitauerat expectationem, eos beasset. at

The-

(k) ill. Gudius in præfat. Scioppii *grammaticæ philosoph. præf.*

(l) vid. cit. Scioppii præfat. in *grammat. philosoph.*

Thesauri huius expectationem æque inanem fuisse, ac illius, quem Sturmius promiserat, dolendum sane (II). Ex sua de reliquo communicata grammatica arte tanto gaudio Italorum quosdam elatos esse, ipse Scioppius adfirmavit, ut eam vulgatam propemodum nollent, qui se non alia magis re, quam *causarum lingue Latine tot seculis ignoratarum, scientia*, a litteratorum turba fecerni, longeque ceteris anteire, sibi persuaserant.

Vtinam vero Sanctii atque Scioppi præclara in Latinam linguam merita tali existissent

(II) in Indice librorum Gasp. Scioppii, quos de Latine linguae, & litterarum præsertim humaniorum studio conscripsit, Grammaticæ eius philosophicæ præmissis, hæc de Thesauris istis leguntur: *Thesaurus Scioppianus, sive Romane eloquentiæ Promptuarium. Auctores quibus in hoc promptuario Sciopp. perpetuo usus est, M. Tullius Cicero, M. Accius Plautus, P. Terentius. Quibus frequenter usus est, T. Lucretius Carus, Cornelius Nepos, Titus Livius. Quibus varius usus est, omnes Philosophi, Medici, Oratores, Iurisconsulti, Historici & Poeta Latini: ex his enim nomina & omnium fere rerum appellationes excerptæ heic leguntur. Cuius operis quia summa est omnium litteratorum hominum expectatio, ne nimis facili spe ducantur, monere visum est, hætenus nihil certo promitti posse, sed expectari & quotidianis votis expeti ab humanitate celeberrimi viri Io. Michaelis Pierrucci antiquum ius Patavii magna cum laude publice docentis.*

tissent sæculo, quale, quod ad flagrantem discendi cupiditatem attinet, illud in Germania nostra fuit, in quod Reuchlini atque Melancthonis ætas cecidit. Hanc firmioribus istiusmodi destitutam subsidiis eo per incredibile studium adscendisse, quo ætatis nostræ, quæ talibus omnino adfluit, paucissimi peruenisse se, gloriari queant, omnem posteritatem miraturam, puto. Quo minus vero Germani tot subsidiis instructi eo perueniant superiori sæculo huius prohibuit genius; quo nempe *boni homines*, amplissimi Gudii testimonio, iterum *vapulabant*, & *nomen Grammaticus malum* denuo *putabatur*: quæ labe dum complures alii mox inficiebantur, *omnis adolescentiæ virtus* eidem amplissimo viro *sensim extincta* visa est. Sæculi sui genium ipse Scioppius nobis adumbravit(m), quo merito ambigi potuisse, credit, *an tanti esset, multum temporis ac laboris in Latine linguæ studio impendere*: neque vero illi, cui res angusta domi fuerat, ad id faciendum hortator & auctor exstitit Scioppius: nisi illorum haberi is voluerit numero, qui *gloriam ac nominis claritatem* lucro potiore ducant. causam vero, cur politiores litteras interius docti cum rei familiaris angustis

(m) Consultat. de Scholarum & studiorum ratione p. 44, edit. Amstel.

gustiis luctati sint suo tempore, hanc tradidit (n): *Principes nullum litterarum gustum habent, neque quicquam cuiquam temere largiuntur, nisi quo vel voluptatis sua, vel utilitatis administro uti queant.* Palam tum fuisse, audacter porro pronuntiavit Scioppius, maiorem eorum partem, qui vel maximis in ecclesia dignitatibus præfuerint, & vñctissimis episcopatibus atque sacerdotiis vñi sint, quantulacunque iuris ac legum notitia tincti, ad amplissimos honores opesque peruenisse: ceterum Hebraice, Græce, ac Latine indoctissimos, tum sacrarum litterarum non magis, quam Scythici, aut Iaponici sermonis intelligentes eos fuisse. In *Italorum* cum primis ætatis suæ mores sic forsitan inuectus est Scioppius. apud quos *satis doctum* isto tempore iudicatum esse, Ferrarius commemoravit (o), *qui longa atraque tunica indutus, sacris destinatus, vel initiatus fuerit*: nam licet vix litteris tirocinium quispiam posuerit, nec canones grammaticos cognitos satis habuerit, *magistrum* tamen eum visum esse, & quidem *venerabilem maxime.* An vero Germani graui iniuria adfectos se conqueri potu-

(n) ibid. Se igitur exploratum habuisse, adfirmat, *quomodo bonæ mentis soror sit paupertas*, quod senex ille apud Arbitrum scire se, negauerit.

(o) Prolus, VIII, p. m. 77.

potuissent, valde dubito, si Scioppius de ipsis nominatim intellectum voluisset, quod de sæculo suo generatim scripsit. *Plerorumque omnium iudicio opes cumulare, hoc demum est scire litteras, & quemadmodum est apud Platonem: Multi in hoc consentiunt, sapientem in primis sibi ipsi sapere oportere: huius autem hac summa est, ut argenti quam plurimum acquiratur.*

Quando tamen Scioppius Germaniam eruditae civibus non plane ætate sua orbatam, probos quosdam & eximie doctos iureconsultos habuisse, confirmavit, *Ob. Gifanium* atque *Conr. Rittershusium* in primis intelligi ab eo, autumo, viros de Romana lingua, veteres auctores emendando eruditisque observationibus illustrando, optime meritos; tum quidem, quum Scioppius illud adfirmavit, iam defunctos: vtpote quos extremo XVI sæculo, & ineunte XVII floruisse, novimus. Vestigia eorum secutus est *Georg. Richter*, alii *Gifanius Belga* quidem natione fuit, at in diversis Germaniæ academiis bene multos annos docuit. cuius in *Lucretium Carum Collectaneis* se primum ad *studium criticum* ita perductum esse, professus est Scioppius, ut, quicquid in hoc deinceps viderit, isti potissimum Indici acceptum referre necesse habuerit



rit(p). Germaniam præter duumuiros istos, & ipsum *Scioppium*, atque laudatum supra *Taubmanum*, ingentem plane numerum, si sæculi XVII conditionem, bonarumque litterarum contemptionem intuemur, hominum, qui eo studiorum genere industriam suam exercuerunt, habuisse, negandum non est. quæ antecedente sæculo *Ian. Guilielmum* in ætatis flore amiserat; cuius ingenium exterius etiam suspexerant: siquidem hoc præclarius & elegantius quodquam ævo suo existisse, negavit *Scioppius* (q). Neque de

M m

Va

(p) de Arte Critica p. m. 11. de *Gifanii Observationibus singularibus in linguam Latinam*, an. 1624, 8, editis, consule Phil. Parei binas ad D. Tossanum epistolas an. 1643 scriptas, Monumentor. Pietatis & Litterar. P. II, p. 458, seqq. unde ego multa de integro *Gifanii de lingua Latina Commentario* didici, antea mihi incognita: quem *Scioppium* cum *Ingolstadii Gifanii* domesticus fuerat, summâ industria compilasse, eoque nomine varie a viris doctis plagii arcessitum esse, ostendit *Pareus*, & quem miro quodam fato ad manus suas peruenisse, scribit: *incomparabile opus*, ut ipsum *Commentarium* vocat, in lucem editurus: se enim tantum thesaurum apud se solum defodi passurum non esse, spondebat; quem tum, quum observationes emitteret, exflare nesciuerat, omnia *Gifaniana* se protulisse tum ratus. quid prohibuerit, quo minus promissis suis steterit hac in re *Pareus*, & ubi thesaurus absconditus denuo lateat, ignoro.

(q) de Arte Crit. p. 17.

*Valente Acidalio* in eodem litterarum genere parvam conceperat tum Germania expectationem; *Frid. Sylburgii* industriam atque iudicii vim magnopere admirata. Illis, qui eodem sæculo, de quo sermo mihi est, diligenter inter Germanos navarunt operam, ut optimis Latinis auctoribus meliuscule esset, sequentes adnumerandi sunt, viri varia sua eruditione magnam nōminis consecuti celebritatem: *Marq. Freherus, Io. Wowerius, Ian. Gebhardus, Matth. Berneggerus, Io. Weitzius, Christ. Ad. Rupertus, Thom. Reinesius, Casp. Barthius, Io. Freinsheimius, Io. Henr. Bæclerius, Christian. Daumius, Io. Andr. Bosius*, atque præclare de huius scriptis, & bonis simul litteris, meritis *Georg. Schubartus*, elegantissimi ingenii ac stili vir; & si qui fuerunt inter Germanos alii eruditione haud inferiores homines: omnes enim enumerare in animo mihi non est. Iis, qui merito suo addatur, longe dignissimus unicuique videbitur *Christoph. Cellarius*, paullo ante laudatus: quem *Ol. Borrichius* dudum in eorum retulit numero, qui oculos aduersus inficetum hominum, barbariem infeliciū temporum castæ Latinitati permixtam sæculo obtrudere conantium, genus sustulerunt, & pro virili dictionis sordes e stilo inquinatē scribentium abstergere elaborarunt. Latinitatis certe

suble-

subleuandæ tam cupidus fuit optimus vir,  
quam qui inter Germanos maxime.

Criticum horum virorum studium licet  
cum exquisitissima ac stupenda *Scaligerorum*,  
*Turnebi*, *Salmafii*, *Heinsiorum*, *Grotii*, *Gruteri*  
& huiusmodi summorum ingeniorum eru-  
ditione comparandum forsitan non videatur.  
non tamen ignoro, complures inter exteros  
fuisse, & etiamnum esse, qui, quum *paucæ*  
*oppido*, quibus bonis ingeniis subueniri solet,  
considerarunt in Germania nostra *subsidia*,  
mirifice mirati sint, inter huius ciues tot mi-  
nus contemnendæ in isto litterarum genere  
eruditionis exstitisse nihilominus adhuc vi-  
ros; qui satis exemplo declararint suo, ne-  
que *ingenio*, neque *industria* destitui Germa-  
nos: quum alioquin, *vbi malos premia se-*  
*quantur, haud facile quisquam gratuito bo-*  
*nus sit*: & quum

*Haud facile emergant, quorum virtutibus*  
*obstat*

*Res angusta domi.*

*Germani* etiam *genere*, qui *in terras*, necessa-  
riis istis subsidiis abundantes, *translati* sunt,  
*vbi* fecundi sui ingenii vires, tamquam no-  
biliiores plantæ alieno solo insitæ, adaugere  
potuerint, popularium gloriam contra inui-  
dos vindicare, atque magnopere amplificare  
posse videntur. Id quod *Vossii* abunde præ-

stiterunt, *Gronovii*, *Graevii*, insignia inter *Batauos*, qui *Perizonios* etiam Germaniæ nostræ debent, lumina: idem præstitit *Lucas Holstenius* clarissimum *Italiae* fidus ex *Germania* ortum. De ipsorum *Batauorum* eximiis in Latinitatē, omnemque elegantiorē litteraturam, *meritis* ingens confici posset liber: solis eorum, qui humanitati proximo sæculo ibi quam diligentissime operati sunt, nominibus totæ paginæ impleri possent. Quod vero superioribus capitibus & *Batauorum* & *Belgarum* inter *Germanos* mentionem fecerim, causas habere mihi visus sum non ita leues. primum enim *Agricola*, *Erasmus*, ceterique gloriam instauratis litteris expectandam libentissime cum *Germanis* communicatam voluisse videntur: deinde omne *Belgium* iisdem tum *Dominis* paruisse nouimus, quibus *Germania* paruerit.

In patriam hanc meam ut redeam: hæc proximo sæculo præter *Freinshemium*, *Bæclerum*, & alios, *disertos* nonnullos coluit oratores, in quorum numero habendi, *Theod. Adam*, *Siberus*, *Aug. Buchnerus*, *Christoph. Schraderus*, *Dan. Georg. Morhøsius*, *Conr. Sam. Schurzfleischius*, viri eleganti variaque eruditione excellentissimi, polyhistores insignes, quorum gloriæ exteri inuidere visi sunt. *Postremi duo* una cum *Buchnero* præter reliquas libe-

liberalis doctrinæ atque humanitatis studia *Poetica laude* floruerunt qualis etiam *Frid. Taubmano, Henr. Meibomio, Vincent. Fabricio, Frid. Rappolio, Ioach. Fellerio, Io. Ludou. Præschio* debetur. Quorum hic eorum, qui Germaniæ iuventuti ad *stilum exercitandum* auctores exstiterunt, ipsi rei necessariæ quam peritissimi, adscribendus est numero; quem *Buchnerus* atque *Io. Schefferus* præclaris meritis suis auxerunt: magnum quoque academix Iuliæ ornamentum *Christoph. Schraderus*, in disertissimorum Germaniæ oratorum numerum paullo ante a me relatus, singularem plane laudem eodem merito sibi vindicare potest utpote quo neminem diligentius in Aristotelis de Rhetorica Arte libros III commentatū esse, nouimus. Inter eos vero, qui *grammaticorum* Sanctii atque Scioppii præceptorum usum edocti, Germaniæ iuventuti viam ad ea rectius cognoscenda monstrarunt, haud postremi sunt *Io. Ern. Bythnerus, & Georg. Henr. Vrsinus*; quorum hic Observationum Philologicarum libro dudum edito diligentis ac periti *Philologi* nomen promeruit. Quamadmodum de reliquo cl. Morhofius fieri posse, negauit (r), ut quis omnes Poetas, aut multo magis Poetarum umbras, in ordinem cogat; & citius Iouis imbres ad numerum vocari

M m 3 . . . . . posse,

(r) Polyh. litter. lib. VII, c. 3, § 18.

posse, credidit, quam innumerabilem Poetarum copiam, quæ litteratum orbem intempestivis suis scriptis vexarit : ita ægre quis *seculi XVII grammaticorum, rhetorum atque oratorum* numerum iniuerit. quorum singulorum *ingens* eodem sæculo *in Germania* fuit *proventus* ; tantum enim abest, ut omnes nominarim hætenus, ut vix decimam eorum partem nominasse egomet ipse mihi videar. Equidem de eorum, quos prætermisi, fama atque gloria nihil plane detractum volo : neque illi, qui forsitan existimauerit, me ciues præteriisse, quos commemoratis ipse anteponat, vehementer repugnaturum me, spondeo. accuratum sæculi eruditorum indicem dare non constitui, nedum cuiusque merita digne persequi instituti mei esse, persuaferim mihi : neque is sum, qui præstare id posse sibi videatur. Accedit, quod, quum plerorumque memoria recens etiamnum sit, eam renouandam, & laudes ac merita nominatorum pluribus testimoniis iudiciisque, quemadmodum in superioribus a me factum est, prædicanda haud putauerim. namque scripta eorum in omnium versantur hodie manibus : notiora saltem sunt, quam Agricola, Melancthonis, Camerarii, Fabricii, Sturmii, Erythraei, Iunii, atque Caselii, præclara atque pulcherrima monimenta : quorum nomina

magis

magis magisque obscura fiunt Germanis ; eo diligentius ab obliuione vindicanda ; & pluribus idcirco verbis a me supra commendata. Tantum addam, me vereri, ne Germania tam ingenti ac innumerabili fere scriptorum numero XVII sæculo scioles quosdam & pseudocriticos habuerit, de quibus vere dici queat, quod magnus Rittershusius de nonnullis xui sui Aristarchis pronuntiauit (s) : *Quum ingenii sui acumen in alienis operibus recensendis ostentare vellent, saepe adnotarunt, quid melius ab auctore dici potuisse videretur : quum fortasse ὁμόλογα ἀντὶ χερσέων substituerent, ea certe in auctores intruserunt, quae numquam ipsis in mentem venerunt. quo in genere sunt ludorum magistri, verbum verbo permutantes in interpretatione ad discipulos, & pedagogici iudicii homines : in quos saepe grauisime, sed & meritisime, inuehitur princeps litterarum Iosephus Scaliger.*

Casellii adfirmationis, supra a me prolatae, veritatem demonstrasse hætenus mihi videor : omni fere ætate homines prouenire, qui sapientiam ac litterarum studia omnibus posthabitis rebus colenda ac propaganda sibi putent ; siue bono quodam fato, siue consilio atque industria mortalium, id accidere,

Mm 4 ita-

(s) in Commentario in Oppianum ap. C. Sciopium de Arte Critica p. 88.

statuerimus. *Heroum indote adolescenter* eodem fato exoriri etiam subinde solere, qui, quum ea, quæ alii tractent, nec ipsi negligent, attamen *ingenii diuinitate ad altiora ac prima illa studia adspirent*, (quod idem Caselius exploratum habuit,) ipsum XVII sæculum non minus comprobatur: quo Musæ non solum magnos in summorum *Principum aulis patronos* habuerunt atque *Macenates*; inter quos *Frisii, Seckendorffii, Pufendorffii*, illustres maxime viri, primas facile tenebant; sed in nonnullorum etiam *Principum* singulari triumpharunt clementia. Quanta benignitate LEOPOLDVS, *Imperator Pius, Felix* verèque *Augustus*, litteras, harumque cultores fouerit, & quanti Romani sermonis, quo Legatis scite litteratissimeque respondere consuevit, cultum fecerit, pluribus testimoniis confirmare nihil attinet, quum tot vbique reperiantur testes, qui optimi Imperatoris eloquentiam coram admirati sunt, eius in litteratos fauorem vehementer venerati. CAROLVM LVDOVICVM, *Electorem, Comitem Palatinum*, sæculum velut *Musarum Herculem* coluit, & aulam eius grauisimorum Senatorum prudentissimorumque Consiliariorum ludum merito suspexit. Serenissima *Comitum Palatinorum Domus* Carolo Ludouico æqualem fere, at triginta circiter annos

su-



superstitem habuit CHRISTIANVM AVGVSTVM, optimum Patriæ meæ Patrem, Germaniæque Nestorem, litteratissimum multarumque, orientalium adeo, linguarum peritissimum Principem; in quo Germania quam plurima præter singularem eruditionem admirata est. Magnopere lætor, & magnum stimulum sentit animus meus, quoties optimi Principis sermones reputo, quos de bonarum litterarum studiis mecum habuit, quum ad eundi eius copia mihi facta esset, in academiam tum cogitanti. Nam postquam ex me sciscitatus, quod studiorum genus in primis excolendum decrevissem, me in humaniores potissimum litteras incumbere constituisse, cognouerat; consilium hoc meum admodum probavit, & hortatorem se mihi pro incredibili suo in subiectos clementia præbuit, ut in eo manerem, adfirmans, fore, ut consilii huiusmodi me olim haud poeniteret. litterarum enim ab humanitate nomen habentium, Latinæ præsertim linguæ, utilitates summas esse, tot verbis demonstravit, ut ferreus fuisset, si litteras istas colere adhuc non perseverassem, a tanto ac tam sapiente Principe collaudatas. Alium præterea AVGVSTVM Germania medio sæculo veneratæ est, Brunsuicensium & Luneburgensium Ducem, rarissimi exempli, & diuinæ plane ac incredi-

bilis virtutis Principem. cuius adolescentis mirificum in litteris proficiendi ardorem quum complures Germaniæ academiæ coram antea cognouissent, stupuerunt: & cuius dotes summo Principe dignissimas omnis posteritas, quam celebratissima ab se condita *Bibliotheca* in perpetuum sibi deuinxit, mirabitur: nam nihil ferme de magno quodam Principe prædicari potest, quod Augusti virtutes non longe exsuperasse videantur: qui amplissimis monumentis acerrimi ingenii sui memoriam ipse consecrauit: in eo quoque felicissimus, quod *heroica indolis Filios* reliquerit, qui Paternas virtutes iuxta atque summam in Musas beneuolentiam imitati sint, & quorum alter præclare eas imitari adhuc perseueret. Quis vero de ERNESTI, *Saxonie Ducis*, singulari cura, quam in scholis, quibus vna cum vera pietate litteræ fideliter traderentur iuuentuti, constituendis suscepit, non inaudiuit?

Ipse hic fauor, quo summi eiusmodi Germaniæ Principes, serenissimorum maiorum vestigia laudabili exemplo secuti, Musas complecti perrexerunt, fuisse videtur, qui has Germania excedentes retardarit; efficiens, vt non omnis litteris ademptus sit honor, & pretii aliquid iis sit relictum. Nam actum forsitan fuisset de litteris, si omnes Principes tales

tales exstitissent, quales Scioppius & Ianus Gruterus ætate sua fuisse, adfirmarunt (f),  
qui

(f) vbi Scioppius hoc adfirmarit, supra indicaui: Gruterus id fecit in Trochaico in Casp. Hofmanni Galenum, nondum editum, an. 1627 scripto; quod reperitur in Mantissa II Epistolar. selectior. G. Richteri epistolis adiect. pag. 534, seqq. & cuius initium est:

*Qualis heu, morum sinistra temporumque tristitas!*

*Quisque laurum Apollinarem, quisque oliuam Pallados*

*Censet esse laude dignam splendidoque encomio.*

*Plebs, Eques, Senatus omnis, litteratorum gregem*

*Innocentem honorat ore, fronte, voto, plausibus:*

*Ordinum sed ecquis horum est, qui teruncio iuuet*

*Vel Camænarum clientes, vel Minerue antistites?*

*Languet eruditio omnis, friget omnis dignitas*

*Artium bonarum; optime nuncupate Inertia,*

*Tamquam habenas ciuitatum temperare nescia,*

*Nec rei tractare digne munus ullum publica.*

*Premia interim omnia horum transeunt ad simias.*

& quæ sequuntur: p. 536 pergit Gruterus:

*Regium est quidem, esse largum consulenti publicis*

*Commodis, nedum orbi utrique seruienti perpetuum.*

*Sed quid? est mos huius eui, nil ad usus nobiles*

*Erogare. Heic arca clausa, clausa cunctis dextera est.*

*Pauperem se quisque iurat, largiendum vbi pro-*  
*bis.*

*Sin benignus esse forsitan vnus aut alter velit;*

*Munera eius in merentes non cadunt, sed in malos:*

*Moriones ac Tbrajones, scorta denique ac fera*

*Sortiuntur largitates debitas sleritie.*

qui nullum litterarum habuerint gustum, nihil cuiquam temere largientes, nisi quo vel voluptatis suæ, vel vtilitatum administro vti potuerint. Priusquam XVII sæculo exeam, Germaniæ *Musarum*, de quibus tantopere lætatae sunt, *delicias* silentio præterire non queo: *Marquard. Gudium* intelligo atque *Ezech. Spanhemium*, illustres viros, qui meliorum litterarum causam Frisiorum atque Seckendorffiorum exemplo apud Principes summa sua, qua pollebant, auctoritate egregie defenderunt, studiose operam dantes, ut studiis decus suum atque debita laus conseruaretur. Quod *Frid. Benedictus Carpzovius*, maximum Saxoniae suæ, immo cunctæ Germaniæ ornamentum, curæ etiam sibi habuit cordique: honorum quidem titulis prioribus inferior, eruditione autem ac in liberalis doctrinæ studia amore nemini prorsus Germanorum concedens.

Commentariis vsque ad *sæculi XVII exitum* perductis; ipsos cum hoc commode finire possem: quæ enim fata nostris temporibus in Germania sint Latinæ linguæ, cognitum quis-  
que

*Talis haud fuit priorum Principum ignorantia*

*Talis haud fuit priorum Sæculorum sceuitas,*

*Eruditos eruditi subleuabant, qui bono*

*Publico sese applicabant: & talentis pluribus*

*Munerabantur reperta vel rei vilissima.*

que habet atque perspectum, habere saltem potest; sic, ut res longa narratione ac demonstratione haud indigeat. Quando porro nonnullos litteratos ac elegantioribus studiis deditos sæculi eius viros dumtaxat nominavi, quum plerorumque memoria ita recens mihi videretur, ut hanc pluribus verbis renouare necesse habere me, haud crederem: multo minus eorum, qui vita etiamnum fruuntur, commemorationem quis a me expectauerit: adulationis notam, si istam instituerem, facile subire possem: qualem in omni vita mea diligenter adhuc euitare studui. Tantum, ut narrationem a capite ad calcem quasi continuasse videri queam, pro instituti ratione clarissimi viri verbis, *quanam fata Romano sermoni per sæculum, quo viuimus, impendere* videantur, exponam (sf): quod non ita multorum annorum spatio celeberrimos viros, summo rei litterariæ malo e viuis sublato iam doluit: quorum numero, *Georg. Schubartus, Christoph. Cellarius, Conr. Sam. Schurzfleischius*, grauisissimi Latinæ linguæ, omnisque humanitatis, assertores: quum Germania nostra, proximo sæculo exeunte, *Henr. Meibomium etiam, Casp. Gæberum*, clarissimos (sf) *Gunth. Christoph. Schelhameri*, quæ leguntur in orat. de *Augmentis & Decrementis Scientiarum*, superiori præsentique sæculo, an. 1708 Kilon. hab. pag. 30 seqq.

rissimos itidem viros, & summas suas delicias  
 ac singulare ornamentum, *Frider. Bened. Carpzouium*, paullo ante laudatum, luxerat.  
 Ipsum nostrum sæculum funera præterea,  
*Georg. Henr. Vrsino, Io. Christoph. Wagenseil-  
 lio, Ottoni Menckenio, Wilhelm. Ernesto Ten-  
 tzelio, Magn. Dan. Omeisio*, viris clarissimis,  
 ab exteris etiam ob eruditionem adamatis,  
 ducta, conspexit. Ipsa autem clarissimi viri  
 istius, quibus expositurum me dixi, quænam  
 fata Romano sermoni per sæculum hoc im-  
 pendere videantur, sunt: *Germani Latini  
 sermonis nitorem insuper habent, in inuidiam  
 friuolis ratiunculis adducunt, si quis paullo di-  
 ligentius eum colat, nouo conuicio Pædanti-  
 smum vocant, & qui sectatur, atramenti caca-  
 torem. Hic enim mos est quorundam, ut quod  
 ex veris causis impugnare non possint, scom-  
 matis & cauillis peruertere tentent, & apud  
 imperitos calumniose traducant, barbariei,  
 quæ iis auctoribus ingruit, sub noua eruditionis  
 ad sæculi gustum adornata palliolo latibula  
 quærentes. Quæ ut facilius inueniant, nihil  
 antiquius habent, quam antiqua omnia, tam-  
 quam obsoleta, & veteris cui deliramenta re-  
 icere, hodiernos contra supra illos longe extol-  
 lere, tamquam nouam cæli progeniem, nouis in-  
 genii viribus instructam. Testimoniis aliquot  
 allatis, pergit: Et tolerari quidem hæc talia*

ut cum

utcumque in imperitiis possent, nisi ipsi quoque, quæ aliis prælucere, & ad scientias artesque viam præire cupiunt, passimque iubentur, quos utique hæc ornamenta conseruare par erat, & ex quorum ore nihil nisi mella fluere debebant, & sesamo ac papauere conspersa oratio, non modo ignorarent ea, verum & tumido fastu superciliose contemnerent, ac traducerent palam: non esse opus in his tempus consumere, iuuentuti ogganiæntes, nec opera pretium, de verbis sollicitos esse: res ipsas sectandas! Tam incondito sermoni exemplum addunt, & vel scabra aspera que dicendi, scribendique ratione utuntur, vel patrio sermone potius audire disciplinas adsuæ faciunt auditores, quo, ut illi quidam putant, solo licet solæcismos & barbarismos facere. Ecquis enim puro Germanico idiomate artes a Græcis & Latinis inuentas in tanto patria lingua neglectu profiteri & propagare queat? Itaque, dum neutram rite linguam didicere, utramque corrumpunt. Hinc, quales doctores, tales habemus discipulos, qui hæc indulgentissima licentia eo procedunt temeritatis, ut si quid Latina oratione proferatur, auersentur veros doctores, e conspectu subducant sese, ac dilabantur. O Professores! quis infaustus genius ita vos exagitat, ut relicto Pieridum Choro, ad siluestres Musas desiciatis, ac veluti mendici cuiusdam lacero pan-

*no obueletis studiorum Maieſtatem? quum præſertim manifeſtum ſit, cum ornatu iſto coniunctum eſſe, quod vnicum eſt omnis eruditionis fundamentum.*

Quum clariffimus *Medicus* ſit, qui hæc adfirmarit, eo minus, non dicam falſitatis, ſed *queruli doloris*; nomine ſuſpecta eſſe poſſe, arbitror: non enim ignoro, eſſe his temporibus, qui *Grammaticos, Criticos, Philologos*, contemptim ita ab iſtis vocatos, *querulos homines* nuncupent, qui quum artes ſuas deſpicatui haberi videant, omnia *queribundis vocibus* impleant. Verum igitur, ſi non omnibus, plerisque tamen videbitur iſtud eruditiffimi viri pronuntiatum: cuiusmodi plura in promptu fuerant: ſed prolatum inſtar omnium eſto. *Temporum noſtrorum eruditionem* ſcite etiam nuper admodum adumbravit celeberrimus in academia Iulia Profeſſor (t): luculenter ſatis declarans, quid euenerit, ex quo veteres auctores ex academiarum cathedris explicari deſiti ſint, & bonæ litteræ, Romanus cum primis fermo, & in ſcholis inferioribus, & academiis, contemni cœperint; atque

(t) Herman. von der Harde in epiſtola ad illuſtrem virum an. 1712 ſcr. cuius inſcriptio, ſ. titulus: *Privati præceptores unde?* Nobilium ſcil. iuuentum præceptorem expoposcerat illuſtris vir, cui epiſtola iſta cel. von der Harde reſpondit, nomen quidem ſuum reticens.



atque ludorum magistri discipulos suos sine  
pennis volare voluerint. / Neque igitur mi-  
rum est, celeberrimum Perizonium, de Ger-  
maniae nostrae scholarum academiæque  
conditione cogitantem, in spem non venisse,  
bonas litteras hoc sæculo præstanti admodum  
florentique apud nos vsuras esse fortuna: quo  
ineunte ad clarissimum Cellarium scripsit(tt):  
*In angustum oppido coguntur dudum magis  
magisque communia nobis litterarum sacra, ut  
adeo pauci iam supersint casti eorum sacerdo-  
tes, & hi ipsi, ut sæculum est, utque in eo vile-  
scunt ubiuis bonæ artes, etiam pauciores nume-  
ro breui videantur futuri: nam quis facile la-  
boriosum prorsus, sed sibi ferme inutile ac spre-  
tum publice, tentavit deinceps studium? inve-  
stra tam latum patente Germania quis iam  
nunc per omnes pene Academiæ, ubi abs te &  
paucissimis aliis discedimus, existit amplius,  
qui sedulo & bona fide humaniores illas tuea-  
tur litteras, & fugientes inde Musas morari  
studeat, ac pristinam retinere antiqua domus  
gloriam? Floruit illa, quum Agricolas haberet,  
Rhenanos, Bæcleros, Reinesios, & plures id ge-  
nus, qui nihil publice profuturum negligebant,  
siue ex vetustis id auctoribus, quos diligenter*

N n *lege-*

(tt) epistola, qua ei de Dictye Cretensi & eius Inter-  
prete disputationem, Dictyos editioni Amstel. an.  
1702 præfixam, inscripsit.

legebant ipsi, & aliis magis explanatos dabant, repetendum, siue ex rerum natura & usu quotidiano nunc demum eruendum foret. At o quam dispares illa nunc passim seu Dominos habet, seu inquilinos, qui ab antiquitatis studiis, per quæ sola, superioribus sæculis iterum exorta, certissimum est ex caligine densissima omnes etiam sacras profanasque disciplinas emerfisse continuo in serenissimam lucem, reuocant tamen academicam pubem ad vnum illud & recentissimum Germania ius publicum, hoc est ad meram barbariem, si solum academici incubet, nec scire quicquam aliud, nisi suas & sui temporis res desideret, quod barbariei proprium est; & semper fuit.

Cum horum quidem clarissimorum virorum querimoniis parum profecto conueniunt verba, quibus nonnemo biennio abhinc in scripti cuiusdam, patrio sermone confecti, præfatione acerrime in linguæ Latinæ cultores inuectus est; perinde ac si ætas nostra in sæculum incidisset, quo Bembus, Sadoletus, Longolius, Agricola, Sturmius, Caselius, Romani sermonis rudes plane videri queant. In Germaniæ certe academiis complures hodie historia ac iuris publici professores inueniri statuit, qui Latinam linguam, ceu idolum, adorent, & ne verbum quidem admittant, nisi quod Cicero, & alii eiusmodi mucidi causi fidi-

ei, vt loquitur, semel atque iterum in monumentis suis vsurparint: quum ex aduerso tales scientiarum istarum requirerentur doctores, qui parum curarent, an aureæ, argentæ, ferreæ atque plumbeæ ætatis vocabula loquendo scribendoque proferrent, de rebus modo solliciti: vt videlicet vere *Reales* viderentur. siquidem *bene atque ornatè dicendū artificium*, siue elocutio, idoneorum verborum & sententiarum ad inuentionem accommodatio, leuissimorum Pædagogorum, siue *Padantium*, sit inuentum; qui multo malent, *consecrata* suæ *Latinitatis*, vt loquitur porro censor, *martyres* esse, quam pati, vnicam inferioris ætatis voculam ex ore suo exire. & si dicendum, quod res sit, *Latina lingue usum Papatus reliquias*, easque non minimas, vere dici posse, idem censor arbitratur, ita, vt *amorem*, quem Germani *erga Latinam linguam* per tot sæcula præ se tulerint, *ridiculum* ac *ineptum* prorsus sibi videri, confiteri haud erubuerit. Multis hanc in rem adiectis, quibus adfirmationem suam comprobari posse, sibi persuasit, iudicii acerbitatem quasi mitigaturus; veritus scilicet, ne illud censorium nimis quibusdam videretur, tandem addidit: se de Romani sermonis dignitate nihil detractum velle, se tantum eum *condimenti instar* habendum iudicare; cuius

modicum vsum nec cuiquam nocere, nec cibum perdere, at immoderatum nihil nisi nauseam excitare, ac exitium parere, sciamus. Vtrum tales sese præbeant hodie in academiis historiae ac iuris publici professores, quales censori nostro visi sint: an hic Germanos nimiae in excolenda Latina lingua diligentiae eodem iure, quo Otfridus olim, insimularit, disputare nolo. Censuram certe hanc eiusmodi esse, iudico, ut id, quod celeb. Perizonius adfirmavit, satis comprobare posse videatur: illos videlicet, qui academicam iuventutem ad *unum* illud, & *recentissimum Germaniae ius publicum*, inuitent, ad meram illam reuocare *barbariem*.

Equidem, si omnes Germaniae eruditi idem de Latina lingua statuerent, quod censorem persuadere aliis ausum, esse, cognouimus, nulla plane spes mihi relinqueretur, meum Commentarios hosce edendi consilium cuiquam probatum iri. At grauib. acerrimo iudicio præditorum virorum de eiusdem linguae, & purioris quidem atque copiosae, in vita communi vsu sententiis, quarum nonnullae superioribus capitibus a me sunt insertae, facilius concedendum puto. Si vero *Agricola, Reuchlini, Erasmi, Melanchthonis, Camerarii, Dresseri, Sturmii, Caselii, Scioppii*, plurimorumque aliorum eruditorum iudicia  
 tanti

tanti non fuerint censori, & iis, qui in eadem sunt opinione, velut *Padantium*, vt honorifico titulo utar, quem isti litteratis hominibus, humaniorumque litterarum vindicibus impertiri consueuerunt: *Peutingeri, Pirckheimeri, Hutteni, Zasii, Heresbachii, Carolouicii, Langueti, Peiferi, Mylii, Gudii, & similium illustrium maxime virorum, grauisimorum iureconsultorum, iudicia, paullo pluris facient, spero: quibus Auentini, Sleidani, Reineccii, excellentissimorum historicorum, Bæcleri, Praschii, iuris publici peritisimorum, hominum, iudicia addant velim. quod si præterea patrii sermonis, cuius eximio amore solus fortasse flagrantissimus sibi visus est censor; quem vero tantum abest, vt laudati viri, Latinæ linguæ cupidi, contempserint, vt neglectum eum doluerint: huius, inquam, sermonis studiosissimi cuiusdam viri, eiusque celeberrimi, iudicium si desiderauerit censor, tale quoque ei subministrabo; nempe *Christiani Hoffmanni ab Hoffmannswaldau*, magni sane inter Germanos nominis viri, & summi poetæ (u): *Ad sermonem Latinum, ait, quod attinet, me nihil hic monente, istum non tam in scholis, quam ubique apud nos negligi, sed sera tandem pœnitentia hanc negligentiam sequi-**

N n 3

147.

(u) ex Commentatione eius epistolica ad generosum iuuenem de *Curriculo Studiorum vitæ civili profuturorum*, Gorl. an. 1700, 8.

*tur.* Sin autem neque horum auctoritate admodum mouebuntur; tot *Imperatorum, Electorum, Principum, Comitum, generosis simorumque virorum*, quos Latinam linguam ac bonas artes summo suo patrocinio dignas diiudicasse, commonstrauit, *iudicia* leuia, falsa atque corrupta existimare, & *amorem*, quo Romanum sermonem prosecuti sunt, ridiculum & ineptum appellare, non iniquum solum, sed nefarium plane duco atque impium.

Nec vero solis auctoritatibus, sed argumentis quoque, si liberet, ac rationibus, disceptare possem: sed actum agerem, si id tentarem: firmisimis argumentis contra praestantissimae linguae inimicos dudum praeter complures alios disceptarunt *Peiferus, Hofmanus, Taubmanus*, dissertationibus nominatim supra a me citatis: & inter Italos *Romulus Amaseus, Vbert. Foliet, Quint. Marius Corradus*, viri eloquentissimi, non minus in praefatione iam a me laudati. Quos singulos euoluisse, bonos ac discendi cupidos adolescentes, qui mentem falsis & insitis penitus opinionibus nondum deprauatam senserint, haud poenitebit: omnem dubitationem, si qua ipsis fuerit; an *Latina lingua digna sit, in qua addiscenda, multum temporis collocetur*, eruditissimos viros euidentibus suis probationibus sublato-ros, spondeo: quarum nonnullas transcribere

re nihil attinet; etiamsi me non fugit, lucubrations eorum in paucorum esse manibus. Puram & elegantem Latinitatem minori opera, æque facile saltem, perdisci, ac impuram & barbaram, IV & V capite, allatis ea de re eruditorum testimoniis, a me iam demonstratum, breuiterque simul ostensum est, *permag-  
ni omnino interesse reipubl. Romanam lin-  
guam sartam & tectam conseruari*; idque in transeursu tantummodo a me monstratum est: instituto enim meo alienum videbatur, Latini sermonis laudes celebrare, atque contra impugnatores eum defendere. ipse quam optime sese defendit; dum contemptores eius incitiae suæ poenas subinde dant graues fati, nec iniustas; haud exiguo certe habentur interdum ludibrio (v). Nam licet non statuamus, *beatos in cælo Latine locuturos*; & licet difficulter quis probauerit, *Christum Latine interdum locutum esse*: quod vtrumque Melchiori Inchofer probabile visum est (u):

am-

(v) id omnino fieri, Oët. Ferrarius aliquot, iisque perspicuis maxime exemplis in prolusionibus suis, præsertim Prol. VIII, de *Causis pereuntium litterarum*, docet: qualia multa quotidianus vsus nobis subministrat.

(u) cap. 2, & 4, lib. V, *historie S. Latinitatis*: quam in VI libros distribuit: quorum I agit de *Origine*, & vario *Progressu Latinitatis*. II de *Causis declinantis Latinitatis*. III de *Cultu lingue vulgaris*. IV de *Maiestate lingue Latine*. V de *Sacritate lingue*


amplissimæ tamen laudes aliæ supersunt, quæ Latinæ linguæ ab eodem, & reliquis, quos citavi, verissimè tribuuntur: insigni ac illustri linguæ vsu demonstrato. de quo si cui nondum certum fuerit, Inchoferum præter ceteros enoluat: addere ei poterit *Guil. Mechouii Antiphilam, de Natiua ac genuina Latinitate in scholis retinenda* (x): ne, testimoniis rei-que veritate conuictus quasi, de linguæ innocentissimæ decore detrahentibus aures præbeat; sed conuicia, ac minus firma, & falsa plane atque corrupta iudicia flocci pendat. Quod prudens consilium Melanchthon olim dedit, ad nostra tempora non minus aptum: quo discipulos suos nihil curare iussit, quod omnis eruditionis irrisores, si quem artibus operam dare viderent, irridentes dicerent: *Hec est Platonica facundia*: nullius enim irrisiones huiusmodi momenti putandas esse, confirmavit. Erasmus quoque artes extenuantibus, & dicentibus, *non opus esse facundia*, prudentissime respondit: *Nec opus est solæcismis & barbarismis.*


*Latine.* & VI denique de *Variis variorum Institutiis circa linguam Latinam.* prodiit libellus Monachii an. 1638, 8. a Morhofio, Polyh. litterar. lib. IV, cap. 9, § 3, valde laudatus. optimus ibi vocatur liber, quo eruditissima multa proponantur, & scitu maxime digna. (x) Cellis an. 1677, 8.

F I N I S.

*Lipsia, LITTERIS IMMANVELIS TITII.*







43 1309

116

a.

115.

